

رواية قلب الرفاعي كاملة



بقلم لميس عبدالواحد

لتحميل المزيد من الروايات زوروا موقعنا

ايجي فور تريندس

او يمكنكم زيارة الموقع مباشرة من خلال

الروابط التالية

www.egy4trends.com

ومن الحب ما قتل..عندما يتحول الحب

لإعصار مدمر لا يبقى ولا يذر..ونعتصر بغبائنا

قلوب احبابنا لوعة وألم ..عندها لا يفيد أعتى

جبال الندم

فنتجرع بقهر كأس الفراق المرير وتضيع

حياتنا سدى

دقة وأخرى وانطلق جرس المنبه يعلو
ويعلو ليلتفت له أدهم ويوقفه بعنف يكاد
يحطمه بيده فقد ذكره بأشع لحظات حياته
لكنه نفضها من مخيلته ورجع لأمام مرآته
ليواصل هندمة ملابسه ولكن انعكاس عيناه
في مرآته لم يتركه ليأخذه سريعا لآخر لقاء
بها حين كادت تلفظ أنفاسها الأخيرة بين
يديهزفر بضيق وهو يبتعد عن المرأة
ليبحث عن هاتفه ومفاتيحه فيدور في رأسه
جملتها " حبيبي أريد هاتف كهاتفك أحدث
موديل "....

.وضع كلا يديه على أذنيه وهو يضغط

عليهما بشدة محاورا نفسه:

_ امتى هخلص منها ... امتى هنسى ... يااارب

لا مش هقدر أتحمل اكثر لازم أبعد عن هنا

..... لازم أسافر

وعقد العزم على السفر والبعد عله يستطيع

نسيان أبشع وأشرس موقف تعرض له قلبه

المسكين

على الجانب الآخر في الغرفة المجاورة كان

يقبع أحمد شقيقه الأكبر والأكثر حكمة

وهدوء من يراه يظنه يعيش حياته بكل

سعادة وهناء ولا أحد يعرف أنه يعاني كما

يعاني شقيقه بل وأسوء من شقيقه بمراحل

فعلى الأقل أدهم سيسافر ويتعد عن

موضع ذكرياته ولكن ماذا يفعل احمد غير

الضغط على أعصابه ليظهر بمظهر الإنسان
العاقل الخالي صاحب الحكمة واللامبالاة
نظر لنفسه في مرآته واضعا برفانه المميز
واتجه لهاتفه ليمارس طقوسه اليومية في
فتح صورتها والحديث إليها هامسا :

_وحشتيني قوي يا حبيبتي ..امتى الظروف
تسمح وأشوفك تاني ولا اتحكم على
قلبي بالبعد والعذاب عمري كله لوحدى
يارب انت العالم بحاليمعرفش مشكلتنا
هتخلص ازاي ..او ليها حل او لالكني واثق
يارب في قدرتك تجمعني بيها عن
قريب..ياارب

وأثناء انشغاله بهمسه لحبيبته سمع لوالدته
تنادي عليه فأغلق الهاتف وغير ملامحه
للهدوء عكس ما يشتعل بقلبه من لوعة

وغادر غرفته متجها لوالده ووالدته على

مائدة الفطور

اقترب أحمد من والده الذي يجلس على

المائدة ويقرأ بهدوء في الجريدة

أحمد بابتسامة هادئة :

_ صباح الخير يا بابا

إبراهيم واضعا الجريدة على المنضدة

وملتفتا لولده بابتسامة مماثلة:

_ صباح الخير يا حبيبي اقعد عشان تفطر

معايا

أحمد بتعجل :

_ معلش يا بابا متأخر على المستشفى

هبقى افطر هناك و....

ابراهيم بعبوس مقاطعا اياه :

_ اقعد يا أحمد عشان تساعدني أمك عاملة
أزمة بسبب سفر أخوك و انت فاهم أنا ما
صدقت انه بدأ يخرج من حالته اللي كان
فيها

أحمد بتفكير :

_ صحيح يا بابا أرجوك اتكلم معاها أدهم
فعلا محتاج يسافر عشان على الأقل يغير
جو وينسى

وهنا ظهرت رقية والدة أحمد والتي جاءت
وجلست بجانبهم بغضب واضح على
ملاحها دون أن تتكلم

أحمد محاولا تلطيف الأجواء فقام إليها
وانحنى ليطلع قبلة على يديها :_ صباح الورد
والياسمين لست الكل والدنيا كلها
فردت عليه بعبوس وضيق :_ صباح الخير

فنظر إبراهيم والدهم إلى ابنه نظرة مفادها
ألم أقل لك وحاول هو الآخر تجاذب
أطراف الحديث معها فتحدث بابتسامة
هادئة: _صباح الخير يارقية أومال فين
ياسمين وأدهم؟

رقية بضيق واضح ومعالم متجهمة :_ صباح
الخير.. ياسمين نايمة، معندهاش محاضرات
النهاردة، فقلت اسيبها تنام براحتها
إبراهيم بجديه :_ انت على فكرة مدلعة
ياسمين أكثر من اللازم يا رقية
رقية بغضب وضيق بالغ: _أنا بنتي مش
مدلعة ..هي وحيدتي والصغيرة فمن حقها
تعيش زي باقي البنات اللي في سنها ...
وبعدين انت عجبك يعني ولادك دول اللي
مش بيعملوا لينا احترام ولا خاطر...

قاطع باقي حديثها دخول ادهم للحجرة بوجه
متعب تعلوه علامات التعب والإرهاق
الشديد لقلته نومه وإجهاده المستمر في عمله
كطبيب جراح

ادهم بابتسامة باهتة:

_ صباح الخير يا جماعة... مالك يا ماما
زعلانة مننا ليه بس

رقية بعصبية :

_ يعني مش عارف عملت ايه ؟

إبراهيم بغضب هو الآخر:

_ قفلي على السيرة دي دلوقتي يارقية مش
وقته

رقية بغضب أعمى:

لاوقته ..ازاي يعني عايزني أقبل إن ابني
يسيبني ويسافر بعيد عني؟!

احمد بهدوء وروية:

_يا ماما اهدي من فضلك ده شغل وجوة
مصر مش في دولة تانية يعني

رقية بضيق :

_أنا ماليش دعوة بالكلام ده أنا قلت مفيش
سفر يعني مفيش سفر

أدهم بتعب واضح:

_يا ماما عشان خاطري سبيني أعيد ترتيب
حياتي ...سبيني أحاول أقف على رجلي من
تاني وأحقق أحلامي

رقية بعصبية مفرطة :

_وانت ناقصك إيه هنا أبوك فتحلك عيادة
كبيرة ليك ولآخوك غير المستشفى الكبيرة
الليبتشتغلوا فيها...عايز إيه تاني؟!!!

إبراهيم بغضب :

_وبعدين بقى مش هنخلص من الموال
ده؟!!!

ادهم بضيق وقهر:

_أنا اتاخرت عن إذنكم

وتركهم ادهم وخرج من الفيلا وهو يشعر
باختناق شديد وكره لكل ما حوله
...وبداخله رغبة جامحة في الهرب من تلك
الحياة بأكملها

بمجرد خروج أدهم حتى اندفع إبراهيم
بغضب:

_أحمد الحق اخوك روح وراه يابني وخفف

عنه... بسرعة يا بني

فأوماً أحمد برأسه موافقا واندفع خلف أدهم

ليلحقه

في الوقت الذي صرخ إبراهيم بزوجته بغضب:

_أنا نفسي أفهم انت عايزة إيه؟؟ عايزة

توصلي لإيه؟؟

ده بدل ماتقولي الحمد لله إن ربنا نجاه

بتضغطي عليه تاني...عايزة تموتيه يارقية؟؟

رقية بدموع:

_ألف بعد الشر عليه..حرام عليك يا إبراهيم

أنا عايزة ابني ميبعدش عني كفرت

عشانعايزة مصلحته؟

إبراهيم بغضب أقوى:

_تاني عايزة مصلحته ...انت نسيتي إن
مصلحته من وجهه نظرك كانت هتضيعه
قبل كدة تحبياًفكرك وصلتيه لفين قبل
كدة؟؟؟

رقية بانهيأر وبكاء :

_مكنش قصدي ...مكنتش أعرف إنها....

إبراهيم مقاطعا بحزم وجدية :

_تسرعك اللي وقعنا في المصيبة دي
...وبردوا متعلمتيش بردوا بتفرضي رأيك
عليه...اسمعي أدهم مش بيحب حد يفرض
عليه حاجة لكنه كل مرة بيسمعلك عشان
بيحبك وانتبتستغلي النقطة دي ...بس
خلاص كفاية تسلط بقى هي كلمة ومش
هعيدها تاني زي ما هوعايز أنا هوافقه عايز

يسافر هنسيبه يسافر ويغير جو ويجرب
يخرج من قوقته دي

رقية بخوف من غضبه وبصوت هامس:

_أنا بس كنت عايزة ...

إبراهيم مقاطعا بغضب:

_خلصنا وقت ما يجي ويقول أنا مسافر
هتضحكي في وشه وهتقولي وماله ... انت
سامعة؟؟

أومات برأسها دون كلام فتركها إبراهيم وخرج
ليذهب لشركته وفي داخله دعاء صامت
أنتستمع له زوجته وإلا تزيد من ضغطها
على ادهم حتى لا يفقده نهائيا
وأما ادهم واحمد ...

يا ترى ادهم هيسافر فعلا؟

ورقية هتقتنع بكلام ابراهيم؟

ومين حبيبة احمد؟

كل ده هنعرفه في الحلقات القادمة بإذن الله

رايكم يهمني

لميس عبد الوهاب

ونعود لأدهم الذي اندفع خارجا من الفيلا

وعلى وجهه امارات الغضب ولكنه توقف

عن الصعود لسيارته عندما صدح صوت

احمد هاتفا باسمه لاكثر من مرة

أحمد بلهات :

_أدهم...استنى يا بني

أدهم بحنق :

_نعم عايز ايه يا أحمد؟

أحمد محاولا المرح مع أخيه :

_ايه يابني مش سامعني كل ده ومجريني

وراك الناس تقول عليا ايه اتعديت من

المجانين اللي بعالجهم

أدهم:.....

أحمد متحدثا بجدية :

_ادهم من فضلك اهدى ...انت عارف من

الاول ان ماما رافضة سفرك ورد فعلها ده

احنا كنا متوقعينه صح ولا لاء؟!!

أدهم بغضب وهو يغلق باب سيارته بعنف :

_وبعدين ...اخرتها ايه هفضل على كدة

لامتى ...انا تعبت ...تعبت انا عايش ميت

....حسوا بيا بقى

أحمد محاولا امتصاص غضبه:

_ اهدى طيب والله كل اللي انت عايزه
هيحصل بابا وعدني انه هيتكلم معاها وهو
موافق على سفرك صدقني

أدهم زافرا بضيق :

_ ياريت اسافر النهاردة واخلص بقى

أحمد سائلا بحذر:

_ ادهم ..هو انت يعني ...قصدي يعني
علاجك...

رفع أدهم راسه بغضب لينظر لاخيه بضيق
واضح:

_ أحمدبطل تعاملني كواحد من المجانين
اللي بتعالجهم

أحمد محاولا تلطيف الاجواء :

_ يابني مش قصدي أنا بس

قاطعهم خروج والدهم اليهم الذي اقترب
من ادهم رابتا على كتفه ومتحدثا بهدؤ:

_ انت عارف يابني ان بعادك على عيني
...لكن انا هنفذلك رغبتك شوف عايز تسافر
امتى وانا موافق ومتشيلش هم امك انا
كلمتها وهي موافقة

أدهم بفرحة اول مرة تزور عيناه من شهور
طويلة:

_ بجد يابابا !؟

فأوما ابراهيم براسه صعودا وهبوطا ليندفع
أدهم منكبا على يد والده ليقبلها بفرحة
عارمة وما كان من ابراهيم الا ان تلقفه في
حضنه رابتا على ظهره وهو يحمد الله في
سره على ظهور بوادر تلك الفرحة الضائعة
منذ شهور

أحمد هاتفا بمرح :

_الله..الله يعني بتحبوا في بعض قدامي
كدة عادي..مفيش اعتبار لوجودي بينكم

فقهة ابراهيم بملء صوته بينما اکتفی
ادهم بالابتسامة واندفع كل منهم لسيارته
ليذهب الى عمله

في احدى المستشفيات الخاصة الكبرى في
البلد والتي يمتلك بها ابراهيم الرفاعي اسهم
تعادل النصف فكانت من حق ابنائه العمل
بها فالكبير طبيب امراض نفسية وعصبية
اما الاخر فهو طبيب جراح ولكنه لم يكتفي
بتلك الشهادة بل سعى لنيل الماجستير
وقد تحقق هدفه وناله من احدى الدول
العربية والتي ساعده على نيلها وتطبيق

ابحائه صديقه الدكتور طارق الفيومي والذي
سنطرق له لاحقا.

دلف الدكتور رؤوف الى مكتبه وخلفه
مساعدته تخبره بجدول عملياته اليوم واخر
تطورات الحالات التي يتابعها في المستشفى

رؤوف بعملية :

_ ايات ...شوفيلي الدكتور ادهم الرفاعي حالا
..وجهزيلي اوراق نقله عشان امضيها

ايات بجديه:

_الدكتور ادهم في العمليات يا فندم واوراقه
انا كنت جهزتها لحضرتك على المكتب

رؤوف :

_ طيب تمام اول مايخرج من العمليات
يجيلي

آيات :

_ حاضر يافندم ..تؤمر بحاجة تانية ؟

رؤوف :

_ لا متشكر اتفضلي انت

خرجت ايات من المكتب وعاد رؤوف بظهره
ليستند الى ظهر الكرسي وهو يتذكر مكالمة
ابراهيم له قبل خروجه من منزله يحثه على
تنفيذ طلب ادهم ونقله لفرع المستشفى
في احدى المحافظات القريبة ليطمئن عليه
من حين لآخر

رؤوف محدثا نفسه:

_ياترى هتوافق يا ابراهيم على سفر ابنك

ل....

قاطع افكاره طرق على باب المكتب اعقبه
دخول ادهم بملامح هادئة متعبة:

_ صباح الخير يا دكتور رؤوف .. حضرتك كنت
عايزني؟!

رؤوف بنبرة ودودة :

_ صباح الخير يا ادهم تعالى اقعد

جلس ادهم بهدوء دون كلام فاسترسل
رؤوف:

_ انا كان بلغني انك عايز تتنقل .. وانا وافقت
بس ..

وصمت قليلا فنظر اليه ادهم بخوف وقلق
من فكرة انه يمكن لغى قرار نقله فواصل
رؤوف كلامه موضحا:

_ شوف يا ادهم انت زي ابني وربنا عالم انا
كنت اتمنى احقق رغبتك في السفر لمكان
قريب لكن للاسف ظروف فرعنا في المنيا
محتاج دكاترة جراحين فا انا ...

زفر ادهم براحة وقاطع كلامه بابتسامة هائلة:

_ معلش اعذرني اني ب قاطع حضرتك
يادكتور رؤوف لكن انا فعلا محتاج السفر
للمنيا وانا موافق جدا ومرحب كمان

اعتلى وجه رؤوف الفرحة لترحيب ادهم
بالسفر وقام واقفا مصافحا اياه بنبرة ابويه :

_ خلاص تمام ربنا يوفقك يا بني انا مضيت
قرار سفرك وان شاء الله تقدر تستلم
شغلك من بكرة لو تحب ..ولو احتاجت أي
حاجة كلمني على طول اشوف وشك بخير

فصافحه ادهم مرددا :

_متشكر قوی یا دكتور رؤوف ..بعد اذن

حضرتك

وخرج ادهم وهو سعيد بسفره والذي قرر انه

سيقوم به الان لن ينتظر اكثر يشعر وكأنها

رحلة العمر

لحظات صمت رهيب قطعها صوت نحيب

أخذ يقترب ويقترب

رقية ببكاء وشهقات متتاليه :

_انت مبسوط كدة يا ابراهيم بسفر ابنك

لاخر الدنيا

ابراهيم بضيق :

_احنا قولنا ايه ؟مش قلنا نسيبه براحته

أحمد وقد رق قلبه لحالها:

_ يا ماما اهدي بالله عليكي ..انت مفكرة
المنيا دي ايه ؟!!!...دي متطورة اكر من هنا

رقيه بيكاء:

_ انا ماليش دعوة... انا مش عايزة ابني يبعد
عني

فعاد الصمت يخيم على الجميع مرة اخرى
لا يقطعه الا نحيب رقية المتواصل حتى جاء
ادهم حاملا حقيبة سفره فوقف الجميع
لوداعه

ابراهيم بألم :

_ خلاص يا بني مسافر

تقدم اليه ادهم وانحنى ليقبل يد والده
وراسه ثم استقر في حضن والده والذي ضمه
هو الاخر بقوة:

_ايوة يا بابا ..متقلقش عليا خلي بالك انت

بس من صحتك

ابراهيم :

_ربنا معاك يا بني ابقى كلمني كل شوية

عشان اطمن عليك

ادهم بهدوء:

_حاضر يا بابا متقلقش

ثم اتجه لأحمد الذي داعبه بلطف :

_اخيرا هخلص منك وابقى براحتي

لكزه ادهم في كتفه مازحا:

_ولا تقدر تخلص مني نص ساعة و اكون

فوق راسك

فجذبه احمد في عناق حار دام ثواني تخلله

كلمات ادهم الهامسة لاخته:

_ خلى بالك من بابا وماما وكلمني طمني

عليهم باستمرار يا احمد

أحمد متاثرا بكلمات اخيه:

_ ايه يا ادهم هو انت مهاجر ولا ايه ؟

وتابع مازحا:

_ دي المنيا يدوب فركة كعب تكون هنا

ادهم مبتسما :

_ على رايك في الشارع اللي ورانا

فضحكا الاثنين قليلا ثم توقفوا عندما استدار

ادهم ليسلم على والدته والتي اخذ منها

البكاء ماخذه فـ انحنى عليها بطوله الفارع

ليقبل راسها ويدها ثم اخذها في حضنه بقوة

:

_ خلاص يا ماما.. بالله عليك اهدي.. عشان

خاطري

رقية بيبكاء:

_ مش قادرة اتخيل البيت من غيرك يا

حبيبي

أدهم بهدوء :

_ معلىش كلها كام شهر وارجع ان شاء الله..يا

لا اضحكي عشان خاطري

فا ابتسمت بدموع له فقال مودعا :

_ استودعكم الله

الجميع بألم :

_ مع السلامة...في حفظ الله

وخرج ادهم من الفيلا وتحرك بسيارته في

اتجاه المستقبل المجهول الذي يريد ان

يلحق به ليهرب من اوجاع قلبه الذي تهاوى

على يد من لا تستحق

لم يكن ادهم يعلم أي شيء عن المكان
الذي سيذهب اليه ولكنه لايهم... أي مكان
سيكون افضل من موضع ذكرياته الاليمة

بعد عدة ساعات وصل اليها لمحافظة المنيا

والذي انبهر بجمالها ولكن ما لفت نظره
حقولها الخضراء وهو المنظر الوحيد على
الارض المحبب لنفسه فهو يعشق اللون
الاخضر والذي يسخر منه دوما احمد قائلا له
انه مايعشق الاخضر الا لانه يشبه لو عينيه ...
فشعر براحة نفسية من تلك المنظر الخلابة
لم تزوره من شهور وما كاد يصدق حينما
وصل الى مكان عمله وعرف مكان اقامته
الذي دبره له والده والذي يجعله يمر على

تلك الحقول يوميا ذهابا وايابا فزاد حبه
للمكان وزاد يقينه بصواب قرار السفر

ونعود سريعا لمدللة العائلة نعم ياسمين
الشقيقة الصغرى لادهم والتي مازالت
تدرس ادارة اعمال في الجامعة الامريكية
ولكن بجانب ذلك فهي مدللة الجميع
وبالخص رقية التي زادت من تدليلها لدرجة
انها سحبتها بكل مايخص حياتها بعيدا عن
والدها والذي اصبح مايعرف عنها أي شيء
وكلما حاول التدخل ولو بالسؤال تقابله
عاصفة عنيفة من اللوم من زوجته والتي
كانت تقف له بالمرصاد على اعتبار انه رفع
يدها عن ادهم فرفعت يده عن ياسمين على
اعتبار واحدة بواحدة والبادي اظلم

ياسمين بابتسامة:

_ صباح الخير يا ماما يا حبيبتي

رقيه بابتسامة مماثلة:

_ صباح الفل يا قلب ماما ها ..عاملة ايه في

الجامعة

ياسمين بتنهيده :

_ الحمد لله يا ماما كله تمام ..بس فيه شوية

ملازم وكدة محتاجهم ومحتاجة فلوس

يعني

ابراهيم مقاطعا عندما وصل وسمع لكلامهم

:

_ فلوس ايه با ياسمين انت مش لسة واخدة

اول امبارح 500 جنيه

ياسمين بجديه:

_ صباح الخير يا بابا ..اه اصل انا كنت
اشتريت كتب ومراجع وكدة انت عارف يا بابا
معتش حاجة على الامتحانات

رقيه بابتسامة :

_ وماله يا بنتي اللي انت عايزاه ...عايزة كام ؟

ياسمين:

_ 500 جنيه يا ماما

رقيه :

_ خدي يابنتي ..ربنا يوفقك وينجحك يارب

ياسمين بتعجل :

_ ربنا يخليكي ليا يا ماما يارب ...يالا عن

اذنكم بقى لحسن اتاخرت ...سلام

ابراهيم بضيق :

_ مينفعش كدة يارقية.. انت كدة غلط

رقيه بلا مبالاة:

_ بقولك ايه يا ابراهيم مش هنعيدده تاني انت

اتحكمت في موضوع ادهم ومش سمعتلي

يبقى خلاص ملكش دعوة بياسمين

ابراهيم :

_ بس دلحك ده غلط البنت كدة ممكن

تضيع

رقيه هاتفة :

_ لالالا محدش يقدر يقول نص كلمة على

بنتي انا بنتي متربية احسن تربية وبكرة

تشوف

ابراهيم هامسا لنفسه:

_ياريت منخدش القلم في الاخر وتيجي على
دماغنا ياارب استر

طرقات على باب مكتب ادهم في
المستشفى أعقبها دخول عاصف لأحد
الأطباء ومعه طبيبة أخرى والاثنين احتم
الخلاف بينهما في حين تطلع لهما ادهم
بذهول محاولا فهم ما يراه أمامه ثم هدر بهما

.....

من الطبيبان ؟

وما علاقتهما بادهم؟

وما حكاية ياسمين ؟

توقعاتكم تهمني

لميس عبد الوهاب

الحلقة الثالثة

طرقات على باب مكتب ادهم في
المستشفى أعقبها دخول عاصف لأحد
الأطباء ومعه طبيبة أخرى والاثنين احتدم
الخلاف بينهما في حين تطلع لهما ادهم
بذهول محاولا فهم ما يراه أمامه ثم هدر بهما

.....

أدهم هادرا بصوت عالي :

_بس.. في إيه ؟

نجلاء بعد أن استطاعت أن تنجو من برائن
مدحت الذي كان يحاول جاهدا الوصول لما
معه من فطائر دون جدوى:

_أدهم..السندوتشات دي ليك من ماما وهو

عايز يفترسها لوحده

مدحت وهو يجلس على احد المقاعد مدعيا
الحزن:

_ كدة يا نجلاء بتستخسري فيا كام سندوتش
..أمال بعد ما نتجوز هتعملي إيه؟

نجلاء ببراءة زائفة:

_ هعمل محشي

فانطلقت ضحكات ادهم ترح المكتب وهو
يجلس خلف مكتبه :

_ ههههههه...والله أنا حاسس إني في روضة
مش مستشفى أبدا

نجلاء بجدية :

_ طب اسمع بقى يا فالح ماما بتقولك إنها
زعلانة منك جدا عشان من يوم ما انتقلت

هنا مش زرتها ولا مرة ودي عيبة في حق
الحاجة فاطمة و ...

مدحت مقاطعا :

_ لا لا لا ...كله إلا زعل ماما فاطمة اسمعي
يا نوجا قوليلها إنني وادهم معزومين
النهاردة عندكم على الغدا

ادهم باحراج:

_ مالوش لزوم يا مدحت غدا... ممكن نزورها
بعد الشغل ...يعني زيارة تعارف و.. ..

نجلء مقاطعة بغضب مصطنع :

_ حلو اوي كدة وادي غلطة تانية اما الحق
ابلغها بكم الغلطات دي

مدحت سريعا :

_يابنتي اهدي ..انت ما بتصدقي توقعي الدنيا
في بعضها... وبعدين يا عم ادهم زيارة ايه
اللي تعارف بص انا هفهمك ماما فاطمة
دي ياسيدي امنا كلنا هنا كل اللي متغربين
زي حالتي وحالتك كدة هي بتعتبر نفسها أم
لينا يعني عشان منحسش بالوحدة في بعد
اهالينا بجد يا ادهم ست قلبها ماس أنا
متأكد انك هتحبها زينا واكثر كمان

ادهم بهدوء :

_طيب خلاص زي ماتحبوا خليها غدا

نجلء واقفة :

_خلاص تمام اتفقنا هروح أنا بقى اكلمها
وبعدين ادخل العمليات يا لا سلامبالحق
ادهم كل السندوتشات دي ليك لوحك

واندفعت خارجة من الغرفة قبل ان يطالها
مدحت والذي اندفع خلفها ولكنها
استطاعت الهرب فعاود الجلوس لمقعده
شاردا:

_اه... بحبك يا مجنونة

فارتسمت ابتسامة هادئة على ثغر ادهم
وهو يرى أمامه حب من نوع آخر ليس
مكاسب مادية ولا تجارة وهمية ولا نفاق
ومشاعر كاذبة ولكن قاطع شروده مدحت
هامسا بضيق:

_هموت وأتجوز يا ادهم بقالي خاطبها سنتين
ومش عارف احل المعضلة
ادهم منتبها :

_طب احكي لي يمكن اقدر أساعدك لو مش
يضايقك يعني

مدحت بصدق :

_متقولش كدة والله أنا حبيتك كأني أعرفك
من زمان هقولك بص يا سيدي أنا خطبت
نجلاء اول ما اتنقلت جديد هنا وأمها وعمها
وافقوا بشرط إني أتجوز هنا بعدها بقى
ياسيدي أبويا مات فا معدش ينفع إني أتجوز
هنا واسيب أمي وأخواتي لوحدهم لازم ارجع
هناك ولان هناك مفيش شغل كويس زي
هنا عم نجلاء الحاج عبد العزيز رفض السفر
وطلب ان امي واخواتي يجوا هنا وطبعا امي
واخواتي رفضوا وقصاد الصراع ده الرفض من
هنا ومن هنا حياتي انا ونجلاء وقفت كدة
ومش لاقى ليها أي حل

ادهم بجدية :

_طب والحاجة فاطمة والدة نجلاء ايه رايتها؟

مدحت بخيبة واضحة :

_ قالتلي مقدرش اتكلم في وجود عمها
...الراي رايه لوحده هو كبير العيلة وكلمته
تمشي على الكل..

أدهم بتفكير :

_ مشكلة فعلا بس اكيد ليها حل

مدحت برجاء :

_ الحقني بيه ابوس ايدك

أدهم بشرود :

_ متقلقش ان شاء الله خير هفكر واقولك

وكالعادة يجلس الى منضدة الطعام وهو يقرا
في الجريدة اخر الاخبار الاقتصادية التي تهمة
كرجل من اكبر رجال الأعمال في البلاد فوجد

من يجذب المقعد المجاور له جالسا عليه
وهو يردد:

_ صباح الخير يا بابا

ابراهيم بابتسامة هادئة:

_ صباح الفل يا ابو حميد... اخبارك ايه يا بني
؟

احمد بهدوء وهو يتناول فطوره:

_ تمام يا بابا الحمد لله .. لسة كنت مع ادهم
على الفون بيقول انه كويس واعصابه
ارتاحت كتير الحمد لله

ابراهيم براحة :

_ الحمد لله يارب ...عقبال ما اطمن على
اختك كمان

فانتبه احمد لابيه وساله بقلق :

_ليه يا بابا مالها ياسمين هي تعبانة ولا ايه

؟

ابراهيم بصوت هامس :

_لا يا بني ياسمين كويسة بس بصراحة انا

قلقان عليها حاسس انها مخبية علينا حاجة

فا مش مطمئن

احمد بتفكير :

_حاجة؟ حاجة زي أي مش فاهم؟!

ابراهيم :

_مش عارف بس كل اما احاول اتكلم معاها

احس انها بتهرب من الكلام وامك عاملة

عليها حصار ممنوع الاقتراب علشان ترد لي

وقفتي مع ادهم في سفره

احمد بهدوء :

_ خلاص متقلش يا بابا النهاردة ان شاء الله
هحاول اروح ليها الجامعة واتكلم معاها
هناك بعيد عن البيت

ابراهيم براحة :

_ ربنا يبارك فيك يا بني ..انا عارف انني
مخلف راجل اقدر اطمئن على العيلة كلها
معاها يوم ما الحق ياخذ حقه

احمد سريعا :

_ متقلش كدة يا بابا ..ربنا يخليك لينا وما
يحرمناش منك ابدًا ...طب انا هقوم علشان
عندي شغل بدري النهاردة

ابراهيم :

_ مش هتكمل اكلك يا بني

احمد غامزا لوالده:

لا يا بابا معلش عندي شغل كتير محتاج
اخلصه علشان ورايا مشوار مهم بعده
رقية والتي جاءت واستمعت لآخر جملة :

_مشوار فين يا احمد؟

احمد بهدوء:

_لا مفيش يا ماما انا بس رايح مع واحد
صحبي بيجهز بيته اصله هيتجوز قريب
رقية برجاء :

_عقبالك يا حبيبي...ايه مش ناوي تفرحنا
بيك يا احمد انت بقى عندك 35 سنة
هتستنى لامتى ؟

احمد هاربا منها :

_ربنا يسهل يا ماما...عن اذنكم

واندفع خارجا وهو يفكر نعم هو الكبير وقد
تجاوز35 سنة لكنه أبدا لن يستطيع الزواج
بغير حبيبته والتي امتلكت قلبه منذ
طفولتها على يديه... صغيرته مها ابنه عمه
الوحيد شريف والتي تقيم مع والدها في
محافظة المنصورة والتي يعلم تمام العلم
ان ارتباطه بها يعد من رابع المستحيلات بعد
مشاجرة ابيه وعمه على الميراث والتي
انتهت بقطع الروابط والصلات بين الاخوين
الى حد المقاطعة هذا فضلا عن ما خلفته من
عداوة وبغض في النفوس كنفس أمه التي
أصبحت تطيق العمى ولا تطيق شريف
وابنته

طرقات متتالية على الباب لتفتحه سيدة في
منتصف عقدها الخامس يظهر على وجهها

ملامح الأم المصرية الحنون بكل ما تحمله

الكلمة من معنى

مدحت بابتسامة محببة:

_ مساء الورد على اجدع أم في الدنيا

فاطمة بضحكة :

_ اه يا بكاش ..كل بعقلي حلاوة يا واد

مدحت بضحك :

_ هههه انا بردو يا ماما ...طب دا انا بحبك

اكثر من البت نجلاء دي

نجلاء التي دخلت بعده وبرفعة حاجب

وواضعة يديها على خصرها :

_ نعم يا سي مدحت بتقول ايه حضرتك؟

مدحت بخوف مصطنع:

_ لا ابدا يا روحي بقول ربنا يخليكي ليا يا

عمري

نجلاء بغرور :

_ اه ..بحسب

فاطمة ضاحكة :

_ ههههههه مش هتعقلوا ابدا هتفضلوا كدة

على طول !!؟؟

ثم توقفت عن ضحكها عندما لاحظت ادهم

الذي كان مازال واقفا خارج الشقة باحراج

وراسة لاسفل...فوجهت كلامها اليه :

_ اتفضل يا دكتور نورت والله

ادهم بحرج :

_ متشكر اوي حضرتك

فاطمة بغضب مصطنع :

_ايه حضرتك دي ؟..انا ماما فاهم ولا لاء

مدحت ضاحكا:

_ميعرفش يا ماما والله انك امنا كلنا
..خلاص سماح المرة دي .. ما تدخل ياعم
ادهم وبوس ايد ماما كمان

دخل ادهم وتحدثا محرجا من عطف تلك
المرأة:

_اسف يا

فقاطعته فاطمة بجدية زائفة:

_ها قول ..آسف يا ايه؟؟

ادهم مبتسما :

_آسف يا ماما

فاطمة وهي تمد يدها له :

_ايوة كدة ..تعالى بقى ادخل ولا هتقعد على

السلم

فدخل ادهم وهو يفكر وعقله يدور في دوائر
مغلقة هذه الشقة متواضعة جدا بجانب
فيلتهم العملاقة ولكن مع ذلك وجد بداخلها
نفوس صافية وسعادة طاغية تفتقدهم
فيلتهم بمراحل

وقد لاحظت فاطمة شروده فجذبتة من يده
باتجاه طاولة ليجلس على المقعد المجاور
لها على يمينها واما يسارها فجلس عليه
مدحت وبجانبه نجلاء وشرعوا في تناول
طعامهم في جو جميل مرح حتى انتهوا من
الاكل وذهبت فاطمة مع ادهم لغرفة
الصالون في حين توجه مدحت لغسل يديه
ومعه نجلاء

ادهم بابتسامة امتنان :

_والله يا ماما فاطمة انا مش قادر اعبر لك
عن فرحتي باني اتعرفت عليكم

فاطمة بهدوء :

_حاسة بيك يا بني وشايفة في عنيك نظرة
حزن...مش هسألك مالك ؟ فيك إيه
؟علشان متطفلش عليك انا بس هقولك ان
بيتي مفتوح لك في أي وقت...وقت ماتحس
انك عايز تتكلم وتفضفض مع حد تعالى

ادهم بامتنان :

_ربنا يخليكي يا ماما فاطمة والله انا سعيد
جدا بالكلام ده

وهنا قاطعهم دخول مدحت ونجلاء بمرحهم
المعتاد ليتحدثوا كثيرا في امور شتى وبعدها
انصرفا الاثنين كل الى بيته

جلس قليلا في مكتبه ورجع بظهره للخلف
ليغمض عيناه وهو يشعر بالارهاق يتمكن
منه فالיום كان متعب بحق كم يحتاج الان
لعدد ساعات من النوم تجدد نشاطه ولكنه
لابد ان يذهب اليها الان كما وعد والده حتى
يطمئن قلبه وبالفعل نهض واخذ هاتفه
ومفاتيحه وانطلق لخارج المشفى ومنها الى
سيارته ومنها الى الجامعة ليرى ياسمين
ويتحدث اليها

وشرد تفكيره قليلا بادهم متمنيا ان يكون
هنا فهو الاقرب لها بل نستطيع ان نقول انه
حافظ كل اسرارها ولكن لا باس فليتقدم هو
تلك الخطوات منها علها تفتح له قلبها
ويعلم ما بها

واخيرا وصل وترجل من سيارته ليدخل
للجامعة ويبحث بعينه عنها حتى وجدها

امامه وعندما هم بالاقتراب منها صعق مما
راى والجمته الصدمة بل شلت حركته تماما
حيث وجد شابا يتحدث اليها بعصبية مفرطة
وغضب اعمى حتى انه جذبها من ذراعها
بقوة ولكنهنا خرج الطبيب الهادئ عن
طوره ليندفع اليه بغضب اقوى فقطع
المسافة بينهما في خطوات قليلة واسعة
وجذبها بعنف من يده وهو يصيح به

احمد بغضب وقوة :

_ ايه يا حيوان انت ..انت ازاي تمد ايدك
عليها كدة انت اتجننت !؟

يوسف بغضب وعنف :

_ حلو اوي كدة ..والباشا يطلع مين بقى يا
هانم ؟؟

فوجئ للمرة الثانية بيوسف في وجهه

يعترض تحركه بجسده

يوسف بحدة :

_انت واخذها ورايح فين ؟

احمد بغضب :

_ابعد من وشي لازم الحقها بسرعة

وبالفعل انطلق احمد لسيارته ووضعا
بالمقعد الخلفي وعندما استقل سيارته
فوجئ بمن يجلس بجانبه فنظر له احمد
بغضب وكاد يفتك به ولكنه تفاجئ بمنظر
اوقف عقله عن العمل لثواني

ماذا راي احمد صدمه هكذا؟

هل ياسمين انحرفت عن طريقها بعد سفر

اخيها الاقرب لقلبها؟

ما مصير ادهم مع فاطمة ؟

وما مصير مدحت وكيف سيحل معضلته؟

ونكمل الحلقة القادمة

الحلقة الرابعة

جلس احمد على احد المقاعد المقابلة
لغرفة الطوارئ وهو يضع راسه بين يديه
وهو يتذكر الدقائق الماضية ذلك المنظر
الذي اذهله ...حيث وجد يوسف يجلس
بجانبه داعم العينين وهو يتوسله ان يسرع
حتى ينقذها فما كان منه الا ان اسرع
بالسيارة للمستشفى التي يعمل بها
وادخلها لغرفة الطوارئ وانتظر بالخارج حتى
خرج له الطبيب وهو الصديق المقرب له
ولادهم فهب واقفا مندفعاً اليه

احمد بقلق:

_ مروان طمني الله يخليك هي عاملة ايه
دلوقتي ؟

مروان بهدوء:

_ اطمن يا احمد دا بس ضغطها نزل شوية
والحمد لله بقت احسن دلوقتي ..اطمن كلها
شوية وتخرج معاك مفيش حاجة مقلقة
احمد بزفرة ارتياح :

_ الحمد لله ...متشكر قوي يا مروان

مروان بابتسامة :

_ انت بتقول ايه يا ابني ...انت عارف انت

وادهم اخواني ..يا لا سلام

احمد وهويلتفت لذلك الواقف خلفه والذي

لم تتوقف دموعه لدقيقة

يوسف بصوت هامس :

_الحمد لله...الحمد لله

احمد بضيق :

_ممکن اعرف بقى انت مين بالطبط ؟!

يوسف بهدوء :

_انت الدكتور احمد الرفاعي اخوها صح ؟؟

احمد بسخرية :

_والله كويس دا انت عارف العيلة كلها بقى

يوسف بجدية :

_بص يادكتور احمد انا مش هقدر اقولك

حاجة غير لما اطمن عليها وبعدها لو

سمحتلي يعني ممكن اخذ من وقتك دقائق

بس افهمك كل حاجة ..ارجوك

احمد بنفاذ صبر :

_ ماشي تعالى ودخلوا سويا لغرفة ياسمين
التي بمجرد ان رات اخيها حتى بكت بشدة
وعندما وجدت يوسف خلفه نظرت اليه
بشوق لاحظه احمد ولم يتحمله فغضب وثار
عليها :

_ مين الاستاذ يا هانم يا محترمة يا متربية
ياسمين بضعف وصوت هامس :

_ احمد قبل ما تقول أي شئ ادهم عارف
بكل حاجة واتكلم مع يوسف قبل ما يسافر
احمد بذهول:

_ ادهم عارف !!!!

يوسف متدخلا في الحوار :

_ ايوه يا دكتور احمد انا اتكلمت مع الدكتور
ادهم قبل سفره واتفقنا اننا بمجرد ما

الامتحانات النهائية لياسمين ماتخلص ها
تقدم ليها رسمي وهو عارف ومرحب بده
كمان

احمد :

_ ادهم !!طب وانا يا ياسمين ليه مش
قولتيلي ... هو انا مش اخوكي بردو ؟!

ياسمين ببكاء :

_ والله كنت هقولك يا احمد بس بعد
الامتحانات علشان مكنتش عايزة أي حاجة
تشغلني عن المذاكرة

احمد بسخرية :

_ والله ... والمنظر اللي انا شوفته النهاردة ده
مش هيشغلك عن المذاكرة

يوسف :

_يا دكتور احمد ارجوك اسمعني ...كل
الموضوع ان ...

قاطعته احمد بضيق :

_مش عايز اسمع حاجةولو سمحت
اتفضل من هناومن دلوقتي لحد ما
تفضل تتقدم لاختي زي الناس المحترمين
اولاد الاصول مش عايزك لا تشوفها ولا
تكلمها مفهوم؟؟

ياسمين برجاء :

_احمد ارجوك انا

احمد مقاطعا بغضب ناري :

_انت تخرسي خالص ومش عايز اسمع
صوتك انت فاهمة.... اتفضل يا استاذ من

هنا

فنظر اليها يوسف بحزن شديد ثم خرج من
الغرفة ومن المستشفى كلها وهو حزين
على حاله الذي ليس له دخل فيه وقلبه
يعتصره الالم على حبيبته المريضة

وهنا انهارت ياسمين في البكاء فانخفض
ضغط دمها اكثر ففقدت وعيها فاسرع احمد
لمروان والذي مجرد ان ابلغه احمد بحالتها
حتى اندفع اليها محقنا اياها بعد من
الجرعات العلاجية ليرتفع الضغط لمستواه
الطبيعي

وبعد ان اطمأن احمد ومروان لحالتها خرجوا
من الغرفة ليتركوها ترتاح في الوقت الذي
نظر فيه مروان لاحمد بعتاب

مروان معاتبا بلين :

_ احمد انت عارف انك صاحبي واخويا لكن
اللي انا شايفه انك منفعل زيادة عن اللزوم
وده مش من مصلحة ياسمين نهائي ارجوك
اهدى مهما كانت المشكلة اكيد ليها حل

احمد وقد وصله مغزى كلامه :

_ متشكر يا مروان .. خلاص متقلقش انا
هتصرف

فاوما مروان براسه وتركه وانصرف بهدوء في
حينابتعد احمد عن الغرفة واخرج هاتفه
وضغط على عدد من الارقام واستمع قليلا
للرنين حتى اتاه الصوت من الطرف الاخر

ادهم باشتياق :

_ احمد ... وحشتني قوي اخبارك ايه ياكبير ؟

احمد بضيق :

_مش كويس ابدا يا ادهم

ادهم بقلق :

_فيه ايه يا احمد ماما وبابا كويسين؟ ارجوك

طمني !

احمد بزفرة :

_كويسين يا ادهم متقلقش بس ...بس

ياسمين

ادهم بانفعال :

_مالها ياسمين ...يا احمد اتكلم على طول

متقلقنيش

احمد :

_اهدى يا بني انا بس شوفت واحد النهاردة

بيتكلم معاها واتقابلت معاها

زفر ادهم بارتياح :

_يا شيخ حرام عليك خضتني اكيد تقصد
يوسف الجنيدي صح ؟

احمد بغضب :

_والله...يعني انت فعلا كنت عارف ان
اخطك على علاقة بواحد!!!!يابرودك يا اخي

ادهم بهدوء :

_اهدى يا احمد من فضلك من غير انفعال
والله انت لو اتعرفت على يوسف هتجبه
قوي .. دا انسان محترم جدا...يعني تقدر
تقول راجل بجد بس كل الحكاية انه بيمر
بشوية مشاكل كدة واخطك كمان مجنناه
بدلها وعندها ما انت عارفها وهو بيحبها
قوي

احمد بغضب وانفعال :

_ انا مش فاهم انت ازاي بتقول كدة عادي
..يعني ايه بتحبه دي ...انت اتجننت يا ادهم

؟؟

ادهم بروية :

_ ايه يا احمد هو الحب عيب ولا حرام؟؟

احمد بانفعال :

_ عيب يا محترم ..المفروض لما تعرف عن
اختك كدة كنت قطمت رقبتها مش تروح
تقابله وقاعد تقولي فيه شعر

ادهم بغضب :

_ والله ..ولما الحب عيب وميصحش
حضرتك بتحب مها بنت عمنا ليه يا عاقل

؟؟؟

احمد بتلعثم :

_اد...ادهم ...ان ..انت بتقول ايه ؟

ادهم محاولا تمالك اعصابه :

_بقول اللي مخبيه في قلبك من سنين وآن
الاولان انه يخرج للنورالحب مش عيب ابدا
يا احمد طالما في اطار شرعي واختك متربية
كويس هي اه مدلعة شوية بس عارفة
حدودها ويوسف بردو راجل يبقى فين
المشكلة ..اهدى عشان خاطري وخذ
ياسمين في حضنك يمكن لو عملت كدة
هتفتحك قلبها وتحكيك على كل حاجة
زي ماعملت معاياهي دلوقتي محتاجة
ليك اكثر من الاول

احمد :

_ماشي يا ادهم سلام دلوقتي عشان عندي
شغل وهبقى اكلمك تاني سلام

ادهم :

_سلام ياكبير

بمجرد ان اغلق هاتفه ودار في عقله حوار
مع اخيه قرر انه لابد ان يتقرب اكثر من
ياسمين ويستمع لها عملا بنصيحه اخيه
فتوجه الي غرفتها ودلف اليها وجدها مازالت
تبكي وبمجرد ان راته حتى نظرت لاتجاه اخر
متحاشية النظر اليه ليحن قلبه لها سريرا
فمهما حدث هي مدلته الصغيرة

احمد بهدوء :

_انا اسف اني جرحتك كدة ..بس انا مكنتش
في وعيي لما شوفته بيتعصب عليكي كدة دا
احنا اخواتك الكبار عمرنا ما عملناها

ياسمين ببكاء :

_هو كان متعصب علشان خرجت النهدة
اجيب ملخصات وملازم علشان الامتحانات
قربت وهو كان قايلي انه هو هيجيبهم
وبلاش اخرج انا عشان اذاكر ومش اضيع
وقتي بس انا خفت اعطله عن شغله
فخرجت انا عشان كدة اتعصب عليا

احمد وقد اعجبه موقف يوسف وشعر ان
ادهم لديه الحق في اعجابه به فاراد ان يمرح
معها ليخرجها من حزنها هذا :

_تصدقي عنده حق انه يتعصب كدة
...بصراحة انا لو مكانه كنت ضربتك

فنظرت له ياسمين بدهشة:

_نعم ؟!!!

احمد بمرح :

_ايوة اصل انت بصراحة مدلعة قوي يا
ياسمين وعندية جدا فا ربنا يكون بعونه بقى
على ما بلاه

وعندما استوعبت ياسمين مغزى كلام اخيها
وموافقته المستترة حتى قامت اليه مسرعة
لتلقي بنفسها في حضنه شاعرة ان الفراغ
الذي تركه ادهم في حياتها قد يعوضه احمد
ويشعرها بامانها المفقود بسفر ادهم
بينما شعر احمد باخته وتحدث لنفسه :

كيف احرمك من الحب وانا اعاني منه ؟...لازم
اقف جنبك عشان متبقيش زي لازم يا
ياسمين

فقبل راسها بحنو واخذها بعد ان ظبطت
حجابها ليعودوا لمنزلهم

جلس الى مكتبه بعد ان انهى المكالمة مع
اخيه يفكر وهو ينظر للفراغ (ما هو الحب ؟
كيف يشعر احمد وياسمين ؟ هل ساشعر
يوما مثلهم ؟ لا لا لا لا فوووق يا ادهم انت
جربت وانجرت مفيش واحدة تستاهل انك
تحبها او تسلم ليها قلبك .. خلاص قلبي
اصبح منطقة محظورة على كل بنات حواء
لن يقترب منه احد مهما كان ومهما حدث
(....)

قاطع شروده دخول عاصف لمدحت وهو
يجلس بغضب على مقعد مكتبه :
_ خلاص تعبت مش قادر اتحمل ..

ادهم متعجبا :

_ مالك يا بني في ايه ؟

مدحت بضيق :

_امي تعبت النهاردة واخواتي ودوها للدكتور
وقال ان السكر كان عالي وطبعا انا هنا
هتجنن ومش عارف اتصرف طب افرض
جرالها حاجة وانا بعيد كدة هتصرف ازاي
ادهم بهدوء :

_الف سلامة عليها ..اهدى بس وانا هتصرف
مدحت بتعب :

_هتعمل ايه فهمني ؟
ادهم بجديه :

_هروح النهاردة لاماما فاطمة واتكلم معاها
مدحت بخيبة :

_متتعيش نفسك هتقولك كلم عمها وعمها
مستحيل الكلام معاها
ادهم بتفكير :

_ خلاص اسكت وسبني اتصرف

وجذب هاتفه ضاغطا على عدة ارقام وانتظر
الرد

ادهم بمرح :

_ مارو حبيب قلبي وحشني

مروان بضيق مصطنع :

_ والله... لسة فاكر يا ندل انك تتصل بقالك
اكتر من شهر مسافر متتصلش ولا مرة يا
واطي

ادهم بضحك :

_ خلاص بقى ياعم حقاك عليا والله وحشني
يامروان ووحشتني غلاستك

مروان بمرح :

_غلاستي !!! بقى كدة؟ طب امشي يا ض من

هنا

ادهم ساخرا :

_بقى ده اسلوب دكتور محترم ..والله ظلمك

اللي خلاك دكتور

مروان :

_اهو هو ده اسلوبي وان كان عاجبك ..ها

قلت ايه ؟

ادهم ضاحكا :

_هههههه خلاص ياعم عاجبني ونص كمان

حد يقدر يتكلم

مروان بغرور :

_ايوة كدة اتعدل

ادهم بجدية :

_ بقولك يامروان هو حد اتعين عندكم مكاني

؟

مروان :

_ لا يا سيدي مفيش انت مشيت والدنيا
وقفت وبقى عندنا عجز كمان عشان تتبسط

ادهم :

_ طب كويس قوي كدة ..اسمع عايزك تروح
لدكتور رؤوف وتقوله ان فيه دكتور من طرفي
كويس جدا وانا اللي مرشحه انه يتعين
عندكم مكاني

مروان بتعجب :

_مكانك؟! هو انت مش هترجع تاني؟؟

ادهم :

_ لاارجع فين خلاص بقى انا هستقر هنا
وهبقى انزل كل فترة اجازة عشان اشوفكم
وبس..المهم اعمل اللي قلتلك عليه حالا
وطمني انا في انتظارك

مروان :

_ خلاص ماشي اديني عشر دقائق وارد
عليك

واغلق ادهم الهاتف والتفت الى مدحت الذي
نظر اليه ببلايه :

_ مفهمتش حاجة .

قام ادهم واقفا جاذا مدحت معه :

_ قوم معايا كدة وفي الطريق هفهمك
هنعمل ايه ؟

خرجا الاثنان الى الحاجة فاطمة

هل سيوافق رؤوف على مدحت ؟

هل ستوافق فاطمة على سفر نجلاء بعيدا

عنها ؟

والاهم ماذا سيكون رد فعل عم نجلاء

صاحب الجبروت والقوة؟

كل ده هنعرفه في الحلقة القادمة

رايكم يهمني

لميس عبد الوهاب

الحلقة الخامسة

جلست فاطمة بين ادهم ومدحت هادئة ثم

تحدثت بعد برهة :

_انا بردو مش فاهمة حاجة يابني

ادهم بهدوء :

_يا ماما ما انا بقولك اهو مستقبل مدحت
ونجلاء مش هنا مستقبلهم هناك في القاهرة
..مدحت معروض عليه شغل كويس جدا في
فرع المستشفى الرئيسي هناك

فاطمة بحزن :

_وبنتي تبعد عني ...واعيش لوحدي يا ادهم
!؟

ادهم باقناع :

_لا يا ماما مش لوحدك انا معاكي مش
هسيبك ابدأوبعدين يعني احنا نكره ان
نجلاء ومدحت يكونوا مستقبلهم صح
بوظيفة زي دي هتديحهم ،ولا انت مش
عيزاهم يرتاحوا !؟

فاطمة بدموع :

_انا يابني !!!دا انا بتمنى اليوم ايلي اشوف
فيه نجلاء في بيت جوزها سعيدة وفرحانة
ومتهنية

ادهم وهو يقبل يدها وراسها تأثرا بدموعها :

_والله عارف يا ماما وعشان كدة قلت
لمدحت هي ماما فاطمة اللي هتقف جمبك
فاطمة وهي تمسح دموعها :

_خلاص يا بني انا هتكلم مع عمها وهشوف
هيقول ايه .

مدحت وقد ظهر بريق الامل في عينيه :

_ربنا يخليكي لينا يا ماما وميحرمنيش منك
ابدا يا احسن ام في الدنيا

فاطمة بابتسامة :

_ربنا يهنكوا يا بني ويسعدكم ويهدي

سرکم

**

جلست بتعب وهي تتنهد بارهاق

ياسمين بتعب :

اخيرا خلصت الامتحانات

رقية بحب :

_عملت ايه يا ياسمينه ؟

ياسمين بابتسامة ثقة:

_الحمد لله يا ماما ان شاء الله امتياز زي

كل سنة

ابراهيم :

_ ارتاحي بقى يا بنتي انت تعبت قوي الفترة

اللي فاتت

احمد وهو يغمز لها خلسة :

_ صحيح اول مرة اشوفك بالهمة والنشاط

ده يا ياسمين ؟

ارتبكت ياسمين وتلون وجهها بحمرة الخجل

وردت متلعثمة :

_ ما..

ما هو ...عش ...عشان اخر سنة وكدة يا احمد

احمد ضاحكا :

_ خلاص يا بنتي اهدي وارتاحي بقى

يا سمين بجدية :

_ بابا بعد اذنك ان عايزة ارواح النادي مع

اصحابي النهاردة هنقضي اليوم كله هناك

احمد وتغير وجهه :

_ليه يا ياسمين مش قلنا هنرتاح النهاردة

ياسمين وقد فهمت مايرمي اليه اخيها :

_اطمن يا احمد كلنا بنات مع بعض ومش

هنتاخر صدقني

احمد وقد صدق عينيها :

_ماشي يا ياسمين بس من غير تاخير

ابراهيم مبتسما :

_خلاص يابنتي روعي بس متتاخريش

ياسمين وهو تقفز في مرح طفولي لتطبع

قبلة على وجنة ابراهيم ثم رقية :

_وااو ربنا يخليك ليا يا بابا وانت يا ماما

احمد بضيق مصطنع :

_ يا سلام وانا ايه ان شاء الله خيال ماتة

ياسمين بمرح وهي تحتضنه :

_ لا لا لا دا انت الخير والبركة يا ابو حميد

مقدرش على زعلك ابدأ

وهنا تيقن ابراهيم من مدى قرب ياسمين
من احمد وشعر ان مسئولية ياسمين الان
صارت في عنق احمد وعلى عاتقه وهو جدير
بها فارتاح واطمان قلبه

جلس منكمشا على نفسه يقضم اظافره

خوفا وتوترا

مدحت بقلق :

_ انا خايف قوي يا ادهم

ادهم بهدوء :

_متخفش يابني ان شاء خير

مدحت بتوتر :

_انا متوتر قوي حاسس ان العزيمة دي

وراها حاجة

ادهم بهدوء :

_متقلقش بقى وبعدين هي اول مرة نتعزم

عند ماما فاطمة

مدحت :

_لا بس دي اول مرة يكون عم نجلاء الحاج

عبد العزيز موجود ويكون هو اللي طالبنا

كمان

ادهم مقاطعا :

_طب اسكت لحسن ماما جاية علينا

فاطمة بابتسامة :

الحاج عبد العزيز دا هيفيدك كتير يا بني دا

من اكابر البلد

ادهم بحرج :

_بس يا ماما الموضوع عائلي وانا

فاطمة مقاطعة :

_وانت اخوهم يا بني انت ناسي ان شغل

مدحت ونجلاء كان بترتيبك ولا ايهوبعدين

لازم تقعد لحسن انا حاسة ان مدحت كمان

شوية هيعيط

فضحك مدحت بتوتر :

_انتي بتقولي فيها يا ماما والله على وشك

اعملها

فقهة ادهم حتى ادمعت عيناه وما عاد

استطاع التوقف

مدحت بغيظ :

_ انت بتضحك على ايه؟!...طبعا ما انت
متعرفش الحاج عبد العزيز...دلوقتي تشوفه
يا اخويا وابقى وريني هتضحك كدة لحد
امتى

وهنا دق جرس الباب لينتفض مدحت من
مكانه بينما اسرعت الحاجة فاطمة لتفتح
الباب وترحب بالحاج عبد العزيز

(رجل كبير في اواخر العقد السادس من
عمره ضخم البنية واضح عليه الوقار والقوة
ذات صوت جهوري حاد وعيون صقر جارح
تنفذ لروح من يقابلها لتسبر اغواره بسهولة
ويسر له من الهيبة مايزلزل قلوب اعنى
الرجال)

عندما نظر اليه ادهم والحاجة فاطمة
تعرفهما ببعض اخفق قلبه بين ضلوعه بل
وعذر مدحت على توتره من ذلك الرجل
الضخم متجههم الملامح

فاطمة بابتسامة :

_اتفضل يا حاج عبد العزيز البيت نور والله

عبد العزيز بهدوء :

_منور باهله يا حاجة فاطمة ازيك يا دكتور

مدحت عامل ايه يابني ؟

مدحت وقد جف حلقه :

_الحمد لله ياعمي ازي صحة حضرتك

...يارب تكون بخير

عبد العزيز :

_ بخير يا بني الحمد لله ... ازيك يا دكتور ادهم
؟ يارب تكون بلدنا عجبك... وارتاحت فيها
الشهور اللي فاتت ، وتكون شقتك كمان
مريحة

ادهم بتعجب :

_ هو حضرتك عارف عنواني؟؟

فجلس الحاج عبد العزيز بوقار ليملاً المقعد
الضخم الذي يجلس عليه :

_ اه طبعا اعرفك واعرف عنوانك انت الدكتور
ادهم الرفاعي جراح منقول عندنا من كام
شهر بس ساكن في (...). الدور الثاني شقة
4 اعرف عنك كل حاجة ...مفيش حاجة
بتحصل في البلد دي الا وعندي بيها خبر
ادهم باعجاب :

_ جميل جدا ... اتمنى ان اللي حضرتك
عرفتوا عني يجعلني عند حسن ظنك

عبد العزيز ضاحكا بسخرية :

_ طبعا انا لو كنت عرفت عنك حاجة
معجبتيش مكنتش لسة واقف قدامي
دلوقتي ولا ايه

فاطمة بتوتر محاولة تلطيف الاجواء :

_ والله انا سعيدة جدا باللمة دي ... يالا
ياجماعة اتفضلوا السفرة جاهزة اتفضل
ياحاج يالا يا ادهم انت ومدحت

فتوجه الجميع الى طاولة الطعام وكل منهم
يفكر بما يخصه فاطمة بدات تتوتر من
تصاعد الحديث بين ادهم وعبد العزيز بينما
مدحت ونجلاء بدا يساورهم هاجس برفض
عمها لاقتراح ادهم وترتيبه اما ادهم فقد

شغله شخصية عبد العزيز فهو لا يستطيع
انكار اعجابه الشديد به وبقوته اما عبد
العزيز فقد كان يوزع نظراته بينهم بهدوء
ولكنه كان يركز النظر لادهم عله يستطيع ان
يسبر اغواره وهذا حينما لعبت براسه فكره
ما جعلته يحلق في الفضاء ولكن مهلا حتما
سينفذها ولكن رويدا رويدا والايام بينا يا
ادهم هكذا حدث نفسه وهو يتراأس طاولة
الطعام وفي مقابله كانت فاطمة والتي بدأت
تتوجس خيفه من هدوءه وصمته وعلى
يمينه كان ادهم الذي يلعب الاكل دون ادنى
شهيه بسبب توتره وعلى يساره كان مدحت
وبجانبه نجلاء واللذان كانا يتبادلان النظرات
القلقة فيما بينهم

وبعد انتهاء الطعام الكارثي والذي كان يخيم
عليه الصمت التام تنحنح مدحت ليجلي
صوته متحدثا بتلعثم :

_احم احم ..بعد اذنك يا عمي ..انا كنت عايز
...ااااا..اوضح لحضرتك ...ان ان ..يعني

عبد العزيز مقاطعا بشبه ابتسامة :

_انا موافق يا بني

مدحت بلهفة وتعجب :

_نعم؟! حضرتك قلت ايه؟؟

عبد العزيز :

_اهدى كدة واسمعني ... انا مكنتش عارف
انك بتحب نجلاء بنت اخويا كدة بس لما
اتاكدت من كل شيء حتى من شغلوكوا انتو
الاتنين في فرع المستشفى في القاهرة

اطمنت انك اد المسئولية ...بس خلى بالك
اوعى في يوم تزعلها عشان ساعتها هزعل
منك وانت عارف انا زعلي وحش

مدحت بابتسامة :

_ لا لا لا متقلقش حضرتك يا عمي والله
نجلاء هتكون في عيني وقلبي

فاطمة :

_ خلاص يا ولاد على بركة الله الف مبروك
يابنتي

نجلاء وهي تلقي بنفسها في حضان امها :

_الله يبارك فيكي يا ماما

فوقف ادهم وسارع باحتضان مدحت مربتنا
على ظهره :

_الف مبروك يا مدحت ربنا يتمم بخير
...مبروك يادكتورة

مدحت بامتنان :

_ربنا يبارك فيك يا ادهم ..بجد مش عارف
من غيرك كنت عملت ايه ..

ادهم بحب :

_ايه الكلام ده يا مدحت ..احنا اخوات يابني
ولا ايه يا ماما

فاطمة بدعاء :

_اه طبعا ربنا يخليكوا لبعض ي بني

نجلاء وهي تنحني لتقبل يد عمها :

_ربنا ما يحرمني منك يا عمي

عبد العزيز وهو يربت على راسها :

_ انت بنتي يا نجلاء زيك زي سلمى وربنا
اللي عالم انا بحبك اد ايه ياريحة الغالي
.....ربنا يوفقك يا حبيبتني ويسعدك

ثم واصل منها الحديث :

_ ان شاء الله الفرحة الجمعة الجاية في بيتي

مدحت :

_ ربنا يخليك يا عمي انا متشكر لحضرتك

جدا

عبد العزيز :

_ انت ابني يا مدحت ...وطبعاً هتحضري يا

دكتور ادهم

ادهم :

_ اكد ان شاء الله

وتمت المهمة بنجاح وتم زفاف نجلاء
ومدحت وسافرا معا لشق طريقهم في
القاهرة في الفرع الرئيسي تحت ادارة الدكتور
رؤوف

وهنا ظهرت رجولة ادهم ووفائه بوعدده فلم
يترك فاطمة وحدها بحجة انه يشعر بالوحدة
ويحتاجها ولكنها كانت تعلم في داخلها انه
مايفعل ذلك الا ليهون عليها ابتعاد نجلاء
عنها وهذا ماجعل حبه يزيد بقلبيها حتى
وصل لمكانة الابن الذي لم تنجبه فاغدقت
عليه الحب والمشاعر التي كانت سببا في
تطيب خاطره وجرح قلبه كما انسته امه
وتسلطها عليه

يجلس على مقعد امام فراشها يعتلي
معالمه الضيق والتجهم حتى اندفع غاضبا :

_يعني ايه اختفى ؟ هو لعب عيال

ياسمين بيبكاء وقهر :

_مش عارفة يا احمد من يوم ما كان معنا
في المستشفى وانت طلبت منه ميكلمنيش
تاني وهو متصلش ... حاولت اتصل بيه انا
تليفونه مغلق

احمد بغضب :

_يبقى انا كنت صح .. كان بيتسلى بيكي
ياهانم

ياسمين بنفي وشهقات متواصلة :

_لا لا لا متقولش كدة يا احمد عشان خاطري
...يوسف بيحبني... انا متاكدة ان فيه حاجة

منعاه ...ارجوك يا احمد اسال عليه انا هديك

عنوان شركته

احمد مقاطعا بغضب اعمى :

_ انت اتجننتي عايزاني اروح اترجاه عشان

يجي يخطبكايه يا ياسمين مالك

?!مايغور في ستين داهية خلصنا بقى ...ودي

تعلمك متديش الثقة لحد تاني

وتركها وانصرف غاضبا من ذلك اليوسف

الذي لعب بمشاعر اخته واقسم لنفسه انه

ان راه سيوسعه ضربا ويجعله طريح

الفراش ليفكر بعد ذلك الف مرة قبل اللعب

على مشاعر أي بنت اخرى

ولكن مالا يحسب احمد حسابه ان ياسمين

تدمرت مشاعرها وانجرح قلبها البريء بشدة

فانهارت قواها وانعزلت عن الجميع

وتدهورت حالاتها النفسية والتي حزن لاجلها
ادهم كثيرا وحاول التواصل معها لكنها
رفضت وابتعدت عن الجميع حتى صارت
كالاشباح

ادهم لنفسه مفكرا :

_ازاي يوسف يختفي كدة ...انا عارفه كويس
استحالة يكون بيتسلى زي ما احمد يقول
...اكيد حاجة حصلت وانا لازم اعرفها
.....امممم ايوة هو ده الحل الوحيد

وصارع ادهم لهاتفه ضاغطا عدد من الارقام
ومنتظرا حتى جاءه الرد

اين اختفى يوسف ؟

ما مصير ياسمين ؟

كيف ستتغلب فاطمة على ابتعاد نجلاء ؟

ما افكار وتخطيط عبد العزيز ؟

كل ده هنعرفه في الحلقة القادمة باذن الله

الحلقة السادسة

رن الهاتف حتى اتي الرد سريعا

ادهم بابتسامه :

_ السلام عليكم ...ايه ياعم هو خلاص ؟...

مكنش عيش وكباب يعني عشان تنسانا

كدة

فضحك مدحت :

_ ادهم !!!؟؟؟ وحشتني قوي والله ...اخبارك ايه

؟ طمني عنك .

ادهم :

_ الحمد لله تمام ..انت اخبارك ايه انت

ونجلاء ...مرتاحين في الشغل الجديد ؟؟

مدحت بامتنان :

_ الحمد لله يا ادهم بجد مش هنسى

جميلك ده ابدًا يا خويا

ادهم :

_ عيب تقول كدة يا مدحت احنا اخوات

يابني

وبعد برهة :

_ انا كنت قاصدك في خدمة يا مدحت لو

تعرف تساعدني اكون شاكر ليك جدا

مدحت بجدية :

_ أوامر يا ادهم انا تحت امرك

ادهم :

_ الامر لله وحده ...بص فيه شخص يهمني
محتاج اعرف عنه كل حاجة بس في اقرب
وقت يا مدحت

مدحت :

_ من عنيا اعتبره حصل اديني بياناته

ادهم :

_ اسمه يوسف عبد الرحمن الجندي له
شركة للاستيراد والتصدير اسمها زيزينيا
عنوانها (.....)الشخص ده اختفى فجأة
وعاوزك تعرفلي هو فين او سبب اختفاؤه
..بس بسرعة يا مدحت الله يكرمك

مدحت :

_ حاضر متقلقش انا ليا معارف في المباحث
اديني يومين بالكثير وهتكون عندك كل
المعلومات ان شاء الله

طرق ادهم الباب كثيرا ولم يأتيه أي رد حاول
الاتصال بها ولكن ايضا لم يتم الرد ولكن ما
أثار توجسه انه كان يسمع صوت رنين
الهاتف من داخل الشقة دون مجيب
..فانقبض قلبه وسارع بالطرق اقوى واقوى
ولا مجيب

فقرر ان يكسر الباب ولكنه تردد في تلك
الخطوة فمهما حدث هو غريب عنها صحيح
تعامله كأمه ولكن مع ذلك هو غريب حاول
الطرق مجددا ولا سبيل للرد فغلبه قلقه
وقرر كسر الباب ولكن في وجود الاقارب ولان
نجلاء مسافرة ليس أمامه سوى الحاج عبد
العزیز

فاتصل عليه والقلق ينهش قلبه بقوة

ادهم بقلق :

_ السلام عليكم .. ازيك يا حاج

عبد العزيز :

_ وعليكم السلام ورحمة الله ... الحمد لله

يادكتور ازيك انت ؟

ادهم باقتضاب :

_ الحمد لله ... انا بس كنت عاوز اخذ رأي

حضرتك في موضوع

عبد العزيز بتوجس :

_ خير يا بني ؟ صوتك قلقني

ادهم :

_ الصراحة انا جيت اطمئن على ماما فاطمة

كالعادة بس بدق على الباب ومحدثش بيرد

حاولت اتصل بيها مش بترد وانا سامع
صوت جرس التليفون من جوة ...

فا انا بستأذن حضرتك اكسر الباب... انا
قلقان عليها جدا

عبد العزيز وقد تسرب اليه القلق لكنه
صعيدي ولن يتركه بمفرده معها مهما كان
يثق به :

_5دقائق وهكون عندك يا بني استناني ..

واغلق الهاتف وفعلا لم يتأخر في خلال
5دقائق كان يقف معه جنب الى جنب
وتعاوننا الاثنين في كسر الباب والذي لم
يتحمل فكسر لنصفين من قوتهما

ليندفع ادهم للمنزل باحثا عنها فوجدها
ملقاة على ارضية المطبخ فاقدة للوعي
فاسرع اليها ومع بعض الكشوفات الاولية

سارع باخراج هاتفه والاتصال بالاسعاف

الخاص بالمستشفى التي يعمل بها

ولانها استثماري ومن اجرى الاتصال احد

الاطباء المساهمين بها كان الاسعاف قد

وصل في خلال 10دقائق ناقلا فاطمة

للمستشفى ومنها الى العناية المركزة

وفي خارج العناية كان يقف عبد العزيز

متوترا قلقا يدعو الله ان ينجيها

وما هي الا دقائق حتى خرج اليه ادهم بوجه

بشوش ليطمئنه :

_اطمن يا حاج عبد العزيز...الحمد لله قدرنا

نظبط الضغط...يعني مفيش حاجة مقلقة

الحمد لله

عبد العزيز بزفرة ارتياح :

_ الحمد لله قدر ولطف ...والله يا بني مش
عارف من غيرك كان جرالها ايه ...ربنا يبارك
فيك ويجازيك كل خير

ادهم بهدوء :

_ متقولش كدة يا حاج عبد العزيز ..صدقني
انا باعتبارها أُمي فعلا

عبد العزيز وهو يربت على كتفه :

_ عارف يا بني عارف ...بس اللي شاغلني
دلوقتي ازاي هسيبها لوحدها تاني وانا بنتي
مسافرة فا مينفعش تقعد عندي في بيتي

ادهم بجدية :

_ متقلقش حضرتك انا فكرت وحليت
المشكلة دياتكلمت مع ممرضة من هنا
هتقعد معاها مدة عشان مواعيد علاجها
وكدة واتكلمت مع زميل ليا هنا اتصرف

واتفق مع ست كبيرة هتقعد معاها تشوف
طلباتها وتخدمها وتونسها في نفس الوقت

عبد العزيز باعجاب :

_ ربنا يبارك فيك يا بني والله لو ابنها ما
هيفكر في كل ده ..عموما يا بني شوف
حساب الممرضة والست الثانية وانا جاهز
من جنية لميت الف

ادهم بضيق :

_ عيب يا حاج عبد العزيز الكلام ده ...هو
حضرتك مستقل بيا ولا ايه؟...يقول
لحضرتك أمي ...تفتكر هاخذ فلوس من
حضرتك عشانها؟..انت شايفها حلوة بحقي
؟؟

عبد العزيز وقد لمعت عيناه بنظرة خاطفة
اربكت ادهم :

_عندك حق يا بني ..صحيح معرفة الرجال
كنوز ..وانت كنز يا بني وانا مش ناوي افرط
فيك

فنظر له ادهم بدهشة فلم يفهم منه شيء
ولكنه اضطر للمغادرة لمتابعة حالاته
...وطبعاً ما حدث لم تعلم به نجلاء او مدحت
حتى لا يقلقوا عليها وهذا كان بتنبيه شديد
الصرامة منها والذي استغله ادهم ليجبرها
على الموافقة على ملازمة السيدتين لها هذا
بالاضافة لمتابعة ادهم المستمرة لها يومياً
للاطمئنان على حالتها الصحية

شهور قليلة كانت كفيلة بقلب حياة عائلة
الرفاعي رأساً على عقب فلقد تعافت
ياسمين من أزمته النفسية واضحت اقوى

واشد عنفا وشراسة ودعت بقلب مجروح
ياسمين الفتاة المدللة التي كانت عليها
وصار قلبها كحجر صوان وانطلقت في مجال
الاعمال لتسبق والدها وتدير الشركة مع
والدها بقبضة من حديد

ذلك التغيير الذي ادهش ابراهيم كثيرا
وحاول التفكير بمبررات تلك الانطفاء التي
تعرضت لها شمعته الوحيدة وبرعم بستان
حياته حاول الحديث مع رقية واحمد وادهم
ولم يصل لشيء فلجأ للدعاء بقلب اب قلق
على وردته ان يحميها الله ويزيل عنها
قشرتها الصامدة تلك لتعود زهرته لسابق
عهدا

وفي صباح احد الايام انطلق رنين الهاتف
مزعجا الجميع ليهرولوا من نومهم جزعين
خائفين على الابن البعيد وسارع ابراهيم للرد

ابراهيم بقلق :

_ السلام عليكم مين معايا ؟

اتاه صوت بكاء وحشرجة من الطرف الاخر لم

يفهم منها شيء فانفعل على محدثه :

_ انت مين يا بنتي ؟ وطالبانا الميعاد ده ليه ؟

الفتاة باكيه :

_ انا مها ياعمي ...

فانقبض قلبه وتحدث فزعا :

_ مها؟!.. في ايه مالك بتعيطي ليه ؟ ابوكي

فين ؟ هو كويس ؟ ردي عليا يا بنتي قلبي

هيقف

ولكن ليس قلب ابراهيم فقط من كاد

يتوقف فهناك عاشق على بعد انشات منه

تصارعت نبضات قلبه لمجرد ذكر اسمها

وتوقف به الزمان وهو ينطق اسمها متلذذا
به بين شفتيه ولكنه عاد من شروده على
انفعال والده وصراخه على حبيته فاراد
تناول سماعة الهاتف من والده ولكن ابراهيم
اوقفه بنظرة صارمة(قلب الرفاعي بقلم
لميس عبد الوهاب) جمدته فاعاد يديه
لجانبه بينما حاول ابراهيم تهدئة نفسه
ليستطيع فهمها فالصراخ لن يزيد لها سوى
بكاء

مها بشهقات باكية :

_بابا تعبان ياعمي احنا في المستشفى من
امبارح ومش عارفة اتصرف لوحدي

فصرخ بها منفعلا :

_ومتصلتيش بيا ليه من امبارح؟؟؟ عموما
ادينى العنوان ومسافة السكة وهكون
عندك متخافيش

اغلق الهاتف وفي قلبه دعاء صامت ان يكون
اخيه الوحيد شريف بخير...لا لیس اخيه بل
ابنه البكري ولكنه افاق من شروده على يد
احمد تربت على كتفه هاتفا :

_بابا مالك بقالي مدة بكلمك وانت مش
معايا خالص في ايه؟ عمي شريف ماله ؟
ابراهيم بعد ان استعاد جزء من رشده :

_عمك تعبان وفي المستشفى من امبارح...
بسرعة يا بني غير هدومك عشان نلحق
نروح لهم...يا لا يا رقية
رقية بلا مبالة :

_ لا معلش انا مش جاية معاكم ...البيت
اللي اتهانت واطردت منه مش هرجعه تاني

ابراهيم بغضب :

_ مش وقته الكلام ده اخويا تعبان ولازم كلنا
نكون جنبه ده اخويا الوحيد يا رقية

رقية بهدوء :

_ولو... بردوا مش هروح

وقبل ان ينفعل عليها غاضبا تحدثت
ياسمين بهدوء هي الاخرى :

_ولا انا يا بابا ينفع اجي معاكم ..فيه
صفقات المفروض هنمضيها الاسبوع ده
غير باقي الشغل هيتعطل

فنظر اليها ذاهلا اتلك صغيرته الرقيقة
صارت كقطعة من القطب الشمالي ولكنه

تنبه لاحمد الذي كان قد غادرهم وابدل
ملابسه سريعا وهو يستحثه على الاسراع
هاتفيا :

_بابا سيب ياسمين تتابع الشركة واهي ماما
معاها هنا ولو احتاجت حاجة في الشغل
تبقى تكلمك وخلينا احنا نلحق طريقنا
فلم يكن له من اختيار فاوما براسه واسرع
لغرفته ليبدل ملابسه هو الاخر ويلحق بابنه
الذي اسرع ليخرج سيارته من جراج الفيلا
وهو يتمتم مع نفسه هامسا :

_والله يا ماما احسن حاجة عملتها انك
مش هتيجي ...مها اكيد نفسيتها تعبانة
ومش حمل كلامك

ولكنه عاد من شروده على ركوب والده
بجانبه وانطلقا الاثنان الى محافظة المنصورة

**

جالس على احد المقاعد امام غرفة العناية
المركزة ولكن نظره وعقله لم يكن بمن يرقد
خلف باب تلك الغرفة وانما بمن تجلس
بجواره وهي تبكي بحرقه وقد تحولت
ملامحها للذبول والشحوب الشديد فانخلع
قلبه عليها فليست تلك هي مها تلك
الشقية التي كانت تفقده عقله بضحكاتها
الرنانة ولا مزاحها اللطيف معه

مايراها امامه الان مجرد صورة باهتة لفاتنة
قلبه اخفض بصره عنها يتلاعب باصابعه
وهو يتذكر لحظة وصولهم اليها واندفاعها
لتلقي بنفسها بين يدي والده وهو يضمها
بحنو مربتا على ظهرها ليبيت بها الامان وهي
تحكي عن حالة والدها الحرجة واحتياجه

الشديد لجراحة عاجلة في القلب ولكنه
يرفض اجرائها الا بعد التحدث الى اخيه
الكبير ابراهيم لذلك سارعت بالاتصال بعمها
عله يستطيع اقناعه

زفر احمد بضيق وهو يتذكر لحظة رؤيتها
وكيف هوى قلبه اليها ولكن سرعان ما
تبدلت مشاعره للغضب الاسود ووالده
يحتضنها فكاد يفقد عقله وينتزعها من بين
يدي والده ليسجنها بين ضلوعه فهذا مكانها
الوحيد وليس لها مكان غيره ولكنه لملم
شئات نفسه وحاول اغماض عينيه ثواني
قليلة مع العد لعشرة في عقله ليستعيد
هدوءه ولا مبالاته المعروف بها

وها هو يقبع بجانبها لاكثر من نصف ساعة
ولم تنبس بحرف وهو ايضا يبدو كمن فقد
النطق كلما حاول اخراج أي حرف خالفته

الحروف ليتلعثم فيسارع بغلق شفثيه

مجبرا وزافرا بضيق

اما ابراهيم فقد اسرع لغرفة اخيه مندفاعا
اليه ضامما له بين يديه برغم الاجهزة الموصلة
بجسده والتي تصدر صوتا مزعجا رتيبا قبض
قلبه

ابراهيم بشوق :

_ شريف ...شريف مالك يا اخويا ؟ طمني
عليك ..

فتح شريف عينيه بضعف ليجد نفسه بين
يدي أخيه فرفع يديه ببطء ليربت على ظهر
أخيه محاولا طمأنته وضمه بضعف

شريف بابتسامة متعبة وصوت هامس:

_إبراهيم.....سامحني يا إبراهيم سامحني يا

اخويا

إبراهيم بلهفة :

_متتعيش نفسك في الكلام يا شريف

وانسى كل حاجةالمهم صحتك وبس

شريف بضعف :

_سامحتني يا إبراهيم

إبراهيم بحب وشوق :

_مسامحك من زمانياعبيط دا انت ابني

يا شريف مش اخويا انا اللي مربيك على

ايدي

شريف باكيا :

_مها أمانة في رقبتك... جوزها احمد يا
إبراهيم، هما يحبوا بعض من زمان وأنا اللي
وقفت في طريقهم بغبائي

إبراهيم دامع العينين :

_قوم يا شريف بالسلامة واعمل العملية
وان شاء الله هنجوزهم احنا الاتنين مع
بعض

شريف بأمل :

_يعني انت موافق ؟

إبراهيم بابتسامة باهتة :

_طبعاً...مها بنتي قبل ما تكون بنتك

شريف بلهفة مجهدة :

_هات المأذون يا إبراهيم عاوز أتوكل لمها

قبل ما امو.....

إبراهيم مقاطعا :

_بعد الشر عليك متقولش كدة ...حاضر

ساعة زمن ويكون كل شيء جاهز..بس

اوعدني انك تعمل العملية

فأوما شريف برأسه فقد أجهده الكلام كثيرا

،فخرج إبراهيم من الغرفة لتندفع إليه

مهابلهفة :

_أقنعتة يا عمي انه يعمل العملية

إبراهيم بهدوء :

_اسمعي يا بنتي ..انت عارفة ابوكي عندي

وراسه ناشفة ازاي ..هو وافق بس بشرط

مها بأمل :

_أي حاجة هو عاوزها نعملها المهم انه يقوم

بالسلامة

إبراهيم بقلق :

_ هو يقول عاوز يبقى وكيلك قبل ما يعمل

العملية

مها بعدم فهم وهو تمسح دموعها :

_ مش فاهمة يا عمي ..يعني ايه ؟

إبراهيم بتوتر خوفا من رفضها :

_ بصراحة يا بنتي هو عاوز يكتب كتابك

دلوقتي على احمد ابني

وهنا نظرت له مها بذهول وتلعثمت في

الكلام فلم تستطيع أن تنطق بحرف من

المفاجأة محدثة نفسها (معقول ...حلم

عمري المستحيل يتحقق بالبساطة دي

..... طب أنا المفروض افرح وأوافق وبابا تعبان

كدة ...ولا ارفض ...ولو رفضت بابا هيوافق

على رفضي؟...واحمد (...)وعند ذكره التفتت

اليه لتجده يتلعثم في الكلام هو الآخر مع
والده

احمد بتوتر :

_بابا ..انت بتقول ايه ازاي نكتب كتابنا في
الظروف دي ؟

إبراهيم بتعب :

_علشان خاطري يا احمد وافق ده طلب
عمك ...حقق له رغبته ...أنا عارف انك بتحب
مهامن زمان وبتتمنى ترتبط بيها ...كل
أمنييتي انك توافق عمك على طلبه وتنزل
تشوف مأذونحالا

نظر اليه احمد بتعجب أكان والده يعلم بحبه
؟!!!ولكن مهلا أيترجاه أما يعلم انهيكاد يفقد
عقله من شدة فرحته التي يحاول السيطرة
عليها بكل قوة

احمد بلهفة :

_حالا يا بابا هيكون كل شيء جاهز

وانطلق احمد ينفذ رغبة عمه ووالده وحلم
عمره الذي كان يظنه مستحيل ولكن قدرة
اللهفوق كل البشر فكان يلهث بالحمد
والثناء لله لتحقيق أمنيته الوحيدة...في
الوقتالذي كانت فيه مها مشتتة أمعقول انه
مازال يحبها لقد ظنت انه نسيها وتابع
حياتها فحمدت الله في سرها على عطائه
ونعمه ولهت هي الأخرى بالدعاء أن يكمل
الله نعمهعليها بشفاء والدها

داخل الغرفة كانت مها تجلس بجانب أبيها
مقبلة يديه فا ابتسم لها هامسا :

_ خلاص يا مها ...هتجوزي وتروحي
لعريسك وتسبيني

مها بدموع :

_ عمري يا بابا ما هسيبك ...انا واحمد
هنعيش معاك زي ما انت عاوز ...مش
هسيبك ابدا

شريف بشبه ابتسامة :

_ ماشي يا لمضة يعني مش هعرف اخلص
منك ابدا

لتضحك مها دامعة :

_ لا يا سي بابا مش هتعرف تخلص مني ابدا
ولم يمر سوى عدة ساعات قليلة حتى كان
المأذون يجلس بجانب شريف الذي اخذ
التعب منهبلغه وعلى الجانب الآخر كان

يجلس احمد واضعا يده بيد عمه لتنتهي

الجلسة بدعاء الشيخ لهما

(اللهم بارك لكما وبارك عليكما وجمع

بينكما في خير)

لتصبح مها زوجة احمد ويطير قلب احمد

بين ضلوعه مرفرفا ليبتسم له شريف

مشيرا إليها لاقترب

شريف هامسا بتعب :

_ احمد ...مها أمانة في رقبتك ...والله هي

بتحبك بس أنا اللي وقفت في طريقكم يا

بنياً عارف انك راجل واد المسئولية أوعدني

تحافظ على الأمانة

احمد بابتسامة :

_متتعيش نفسك ياعمي ..ومتخفش على

مها دي جوا قلبي وعيني والله

شريف برضا وارتياح :

_عارف يا بني عارف ..ربنا يبارك لك ...أنا كدة
ارتحت واقدر اعمل العملية وأنا مطمئن

ومر ذلك اليوم المرهق للجميع وفي صباح
اليوم الثاني دخل شريف غرفة العمليات
وانتظرالجميع بقلق وتوتر النتيجة ومع مرور
الوقت فوجئ الجميع بشخص يدخل بلهفة
عليهميسألهم عن حال شريف وهذا ما لم
يكن في الحسبان ...

ما مصير شريف ؟

وما مصير مها مع احمد ؟

ومن الشخص المجهول ؟

كل ده هنعرفه الحلقة القادمة باذن الله

الحلقة السابعة

فوجئ الجميع بدخول أدهم عليهم راكضا
فاتجه إليه والده ليهدئ من روعه ويضمه إلى
صدره وكذلك فعل أحمد

أحمد مستفسرا :

_ مين اللي قالك يا أدهم ؟

أدهم لاهئا :

_ اتصلت أسأل عليكم ياسمين حكّلي اللي
حصل طمنوني أخبار عمي إيه دلوقتي ؟

أحمد :

_ لسة في العمليات

إبراهيم :

_ مكنش فيه داعي إنك تيجي يا بني

وتسيب شغلك

أدهم بجدية:

_ أنت بتقول إيه يا بابا ..دا عمي شريف
..إزاي أسيبه في الحالة دي؟!!!

مها بحزن وآثار بكاء :

_ حمد الله على السلامة يا أدهم

أدهم بابتسامة :

_الله يسلمك يا مها ..متقلقيش إن شاء الله
خير ..خلي إيمانك بربنا كبير

مها بهمس :

_ونعم بالله ياارب

وتمر الساعات بطيئة كأنها دهور متعاقبة
ظل خلالها شريف بغرفة العمليات ما
يتعدى 3 ساعات ليخرج بعدها الطبيب إليهم
متجهم الوجه فتجري إليه مها بلهفة :

_ طمني يا دكتور بابا عامل إيه؟

الطبيب بحزن هو يخفض رأسه :

_والله يا بنتي مش عارف أقولك إيه ..أنا

أسف البقاء لله

إبراهيم بصراخ :

_ انت بتقول إيه؟؟شربيبيبيبيف

وسقط إبراهيم فاقدًا للوعي فيجري إليه
أدهم وأحمد والطبيب محاولين إفاقته ولكن
بلا فائدة فاستدعى الطبيب طاقم التمريض
وعدد من الأطباء وتم التعامل مع الحالة
بمهارة وسرعة ونقل إلى العناية المركزة
ليكون تحت الملاحظة الكاملة بعد إصابته
بهبوط حاد في الدورة الدموية

أما مها فلم تنطق بحرف أو تذرف أي دموع
كانت تشبه الأموات تجلس صامتة تنظر

للفراغ أمامها بقلب مكلوم وعقل غائب عن
الإدراك

وهنا وقع على عائق الأخوين أحمد وأدهم
القيام بكل إجراءات الدفن والعزاء وحتى
الاهتمام بإبراهيم الراقد بعالم آخر وحتى مها
التي أصبحت بين ليلة وضحاها جسد بلا
روح

ذلك بالطبع مع عدم حضور رقية أو ياسمين
فالأولى تعلت برفضها الرجوع لتلك
المحافظة ثانية والثانية تعلت بالعمل
ومتطلباته(قلب الرفاعي بقلمي لميس عبد
الوهاب) فأدهم أصر على أحمد ألا يبلغهم
بتعب والدهم حتى لا يقلقوا وكانت النتيجة
إهمال الاثنتين لواجباتهما الأولى تجاه زوجها
وهو يمر بتلك الكارثة التي شقت قلبه

لنصفين والثانية تجاه والدها وابنة عمها مها

التي كانت الأقرب إليها في احد الأيام

ومرت الثلاث أيام الأولى للعزاء وهنا وجب

على الأخوين سرعة التصرف لإنقاذ إبراهيم

ومها من رقدتهم تلك فبادر ادهم كالعادة

بإيجاد الحل

أحمد بتعب :

_وبعدين يا أدهم هنفضل كده لامتى

أدهم بإرهاق :

_مش عارف يا أحمد...بابا صحيح فاق لكنه

تعبان قوي وأنا خايف عليه

أحمد بحزن :

_ومها كمان الصدمة مآثرة عليها جدا..أنا

خايف عليها قوي

فكر أدهم مليا ثم تحدث بجدية :

_بص أنا عندي حل ..دلوقتي لو رجعنا بيهم
على القاهرة أنت عارف ماما هتعمل إيه في
مها وبابا والاثنين مش مستحلمين أصلا

احمد زافرا بضيق :

_عارف ..ما هو ده اللي قلقني هي مش
بتحب مها ومش هتسكت على جوازي منها

أدهم بجدية :

_خلاص اسمع أنا هرجع على المنيا و....

فقاطععه أحمد بانفعال وغضب :

_انت إيه يا أخي عاوز ترجع لحياتك وتسبنا
في الظروف دي انت

أدهم مقاطعا بهدوء :

_يا بني اسمع أنا مش هرجع لوحدي انت
وبابا ومها هتيجوا معايا ...لازم الاتنين يبعدوا
عن أي توتر وفي نفس الوقت يبعدوا عن هنا
إيه رأيك ؟

احمد بتفكير :

_تصدق صح ...عندك حق ..طيب تمام أنا
هخلص أوراق خروج بابا وهجيبة هو ومها
على المنيا

أدهم واقفا :

_وأنا هسبقكم على هناك عشان أجهز كل
حاجة وأجدد أجازتي ..سلام

وبالفعل بعد عدة ساعات كان أدهم قد
وصل المنيا ليجهز شقته لاستقبال أحمد
ومها وإبراهيم فأعلن هاتفه عن اتصال فنظر
له وأجاب مرحبا :

_ السلام عليكم ازيك يا حاج عبد العزيز

عبد العزيز :

_وعليكم السلام...الحمد لله ..البقاء لله يا

بني أنا لسة عارف دلوقتي

ادهم بحزن :

_الدوام لله وحده متشكر يا حاج

عبد العزيز :

_مش محتاج حاجة يا بني ..أنا زي والدك

أدهم بامتنان :

_ربنا يخليك يا حاج متشكر جدا بس ...هي

ماما فاطمة أخبارها إيه ؟

عبد العزيز :

_بخير يا بني مبطلتش سؤال عنك .بس أنا
مرضتش أقولها عشان متصممش تسافر
لك ما انت عارف

ادهم :

_أحسن بردو هي صحتها تعبانة ومكنتش
هتستحمل السفر

عبد العزيز :

_مالك يا بني؟انت تعبان ولا حاجة ؟

ادهم بإرهاق :

_مفيش يا حاج كتر خيرك أنا كويس الحمد
لله

عبد العزيز :

_طب هترجع شغلك إمتى ؟

ادهم :

_ لا مش هينفع أنزل دلوقتي ..بابا تعبان
شوية وهيجي يقعد معايا فا مش هينفع
أسيبه يعني

عبد العزيز بلهفة :

_والدك جاي؟! جاي امتي؟؟

أدهم :

_هو على وصول إن شاء الله هو واخويا
ومراته بنت عمي الله يرحمه

عبد العزيز :

_الله يرحمه يا بني ..يجوا بالسلامة ان شاء
الله ...طب هسيبك تظبط أمورك بس أمانة
عليك لو احتجت لشيء تكلمني ..انت زي
ابني يا أدهم

أدهم وقد شعر بمشاعر غريبة في صوته :

_متشكر يا حاج عبد العزيز ربنا يخليك

وبعد عدة ساعات وصلوا إلى محافظة المنيا
ليحاول أدهم بمساعدة احمد بالتخفيف عن
الاثنين والذي استطاع عبد العزيز هو الآخر
التقرب من إبراهيم وإخراجه من حالته وربط
أواصر الصداقة بينها

صحيح أن الأخ لا يعوض بكنوز الدنيا ولكن
شعر إبراهيم أن الله كان رحيم بحاله فأرسل
إليه عبد العزيز ليأخذ بيده ويحاول يبدد
حزنه فوجد عنده الصديق الحق والأخ وهذا
ما ساعد إبراهيم كثيرا على تمالك نفسه
كما انه فكر بحال مها والتي أصبحت لا
تملك غيره بديل لوالدها ويجب أن يقوى
ليستطيع مساندتها والوقوف بظهرها ليكون
على قدر الأمانة التي صارت بعنقه وهو أبدا
لن يفطر بالأمانة

أما مها فكانت تتحرك معهم بألية كما الآلات
لا تشعر لا تنتبه لهم غارقة هي في عالمها
الخاص بل نستطيع القول أن عقلها الباطن
فرض عليها غيبوبة ذهنية أطاحت بإدراكها
لما يحدث حولها وقد حاول معها أحمد كثيرا
ليخرجها من حالتها تلك وبرغم انه طبيب
نفسى بارع إلا انه فشل معها فكانت لا تأكل
واضطر لتكريب عدد من المحاليل المغذية
لها فقط لتظل على قيد الحياة فذبلت أكثر
وتحطم قلبه عليها وهو يراها أمام عينيه
تذبل وتوشك على النهاية وعند هذا خاطر
جن جنونه وصرخ بها هادرا

أحمد منفعلا :

_يا مها حرام عليكى اللي بتعمليه فيا ده انا
تعبت

اندفع أدهم للغرفة محاولا تهدئة أخيه :

_ احمد أهدي مش كده

أحمد زافرا بضيق وغضب :

_ أهدي إيه يا أدهم بقالنا على الحالة دي 1Q
أيام ومفيش جديد لا بتاكل ولا بتشرب أيديها
ورمت من المحاليل .. خلاص أنا عاوز افهم
هي عاوزه إيه بالضبط ؟

وأكمل موجهها إليها الكلام :

_ عاوزه إيه يا مها قولي عاوزه إيه بالضبط
...عاوزه تموتي وتسبيني بعد ما قلت خلاص
ربنا استجاب لدعواتي انك تكوني ليا ...إيه يا
مها عمي الله يرحمه لو كان عايش دلوقتي
كان هيعجبه اللي بتعمله ده ...ردي عليا
؟؟؟؟

انفعال أحمد كان يمر أمام مها كالطيف لم
تستطع أن تحدد معنى أكثر كلماته لذلك

كانت تنظر له نظرة خاوية فارغة لا تعي أي
شيء حتى أتى على ذكر والدها توافدت على
عقلها الكثير من الصور أحدها من طفولتها
وهي تركز خلف والدها في الأراضي
الخضراء الواسعة التي يمتلكها وأخرى وهي
تبكي على صدره معترفة له بحبها لابن عمها
ومحاولته تهدئتها وإقناعها أن ما فعله كان
الصواب ولصالحها فهي أبدا لن ترتاح مع
زوجة أخيه رقية التي تكرهها بشدة وصورة
أخرى وهو يقع مغشيا عليه وأخرى للطبيب
يبلغهم بوفاته

انطلقت الصور كإعصار مدمر أزاح بقوة
الغيبوبة التي فرضها عقلها فراحت تصرخ
بقوة وهستيريا منادية على والدها وقامت
من سريرها راكضة أبعدت المحاليل من
يدها بعنف وراحت تركز تبغي الخروج من

الغرفة لتذهب لوالدها فاندفع أدهم ليسد
بجسده عليها الطريق في حين التفت إليها
احمد وجذبها بشدة إليه وأطبق عليها بيديه
محاوفا تهدئتها والتحدث إليها ولكنها لم تكن
تسمع ظلت تصرخ وتنادي على والدها وهي
تضرب صدر أحمد بقوة رافضة الخضوع أو
الاستسلام

فأشار أحمد لأخيه الذي فهم إشارته واندفع
خارج الغرفة في حين توقف أحمد عن الكلام
لكنه كان ينظر لعينيها عليها تسترشد طريقها
بعينه ولم تمر سوى دقيقة كان أدهم قد
عاد وبيده محقن ممتلئ بمادة مهدئة
ووصلت نظرة أحمد لبغيتها تلاقى عيونهما
معا فتاهت مها في بنيتيه شعرت أنها تحلق
بعالم آخر ولم يمر سوى ثواني حتى جذب
أدهم بحرص يدها وساعده على ذلك تكبيل

أحمد لحركتها حتى لا تؤذي نفسها وبمجرد
سريان الدواء بعروقها حتى غابت مها عن
الوعي واستسلمت ليد احمد وسقطت على
صدره فحملها بروية مقربها لصدره ضامها
إليه وكأنه يبغى إدخالها وسجنها بين ضلوعه
ثم أرقدها على الفراش ودثرها جيدا وخرج
مع أخيه للخارج

في ذلك الوقت تحديدا كان إبراهيم في زيارته
اليومية للحاج عبد العزيز بناء على دعوة
الأخير اليومية له لتوطيد العلاقات بينهما
وقد وجد إبراهيم في دعوة عبد العزيز نوع
من السلوى التي كان يحتاجها في محنته أما
عبد العزيز فلم تكن نيته خالصة للحب
والصداقة وإنما كان يتقرب من إبراهيم بغية
مساعدته في تحقيق هدفه الذي يخطط له
ولكن بعد التعرف إلى إبراهيم أعجب به كثيرا

وقدر العمل على ربط تلك الصداقة والأخوة
بقوة حتى وان لم ينجح مخططه الذي
يسعى إليه

ونعود لأحمد الذي بمجرد أن خرج من
الغرفة حتى ألقى بنفسه على الأريكة
مغمضا عينيه بتعب وإجهاد أخذ منه مأخذه
ثم انحنى ليضع رأسه بين يديه ضاغطا
عليها بقوة عل ألم رأسه يهدأ قليلا وهنا لم
يستطع أدهم الصمت أكثر وهو يراقب أخيه
بهذه الحالة

فربت أدهم على كتف أخيه مواسيا :

_ معلى يا أحمد الصدمة مش قليلة عليها
أتحمل شوية

رفع أحمد رأسه زافرا بتعب :

_ انت بتقول إيه يا أدهم ؟ أنا عارف كل ده
...أنا بس كنت بحاول أضغط عليها عشان
تخرج من حالة الصمت دي لازم تخرج كل
اللي جواها

أدهم بإشفاق :

_ ربنا يعينك على اللي جاي يا احمد

أحمد بهدوء :

_ متقلقش يا أدهم أنا كويس بس نفسي
تفوق بقى من الحالة دي ...نفسى ترجع مها
اللي حبيتها وتمنيتها سنين طويلة بس
هقول إيه ...قدر الله وما شاء فعل

أدهم بجدية :

_ طب انت شايف ايه الوضع دلوقتي

أحمد بعملية :

_ لازم تتكلم وتخرج كل اللي جواها لازم تبكي

لازم تخرج من الجمود ده

فكر أدهم قليلا ثم انتفض واقفا :

_ لقيتها...أنا عندي الحل

فوقف أحمد هو الآخر بأمل :

_ألحقني بيه أبوس أيديك

أدهم :

....._

ياترى ما الحل الذي فكر فيه أدهم ؟

وهل سيوافق عليه أحمد ؟

وما مصيرها وكيف ستتغلب على حزنها؟

كل ده هنعرفه الحلقة الجاية باذن الله

الحلقة الثامنة

ادهم بابتسامه :

_ انا عرفت مين اللي ممكن يخرج مها من
أزمتها دي ويخليها تتكلم

أحمد بسخرية :

_ هتجيب مين إن شاء الله؟ أمك اللي لو
عرفت إني اتجوزت مها مش بعيد تقتلها ولا
ياسمين أختك اللي بقت جزء من القطب
الشمالي بسبب سي يوسف الزفت؟!

أدهم بغضب :

_ أولا أنا لا هجيب أمك ولا ياسمين ..

ثانيا متتكلمش كدة عن يوسف انت مش
عارف ظروفه

ثالثا بقى والأهم خليك جنب مراتك على ما

جي

وخرج أدهم سريعا من المنزل دون انتظار رد
أحمد عليه ومر ما يقارب النصف ساعة
ليعود بعدها أدهم ومعه سيدة تستند عليه

أحمد بتعجب :

_ مين الحاجة يا أدهم ؟

أدهم بابتسامة :

_ أحب أقدم لك أمي (ماما فاطمة)

أحمد فاغرا فاه :

_ ها ؟ مين ؟!!!

أدهم بهدوء :

_ متقلقش يا أحمد هي اللي هتخرج مها من
حالتها دي ..

ودا بقى أخويا الدكتور أحمد دكتور نفساني

يا ماما

فاطمة مبتسمة وهي تمد يدها لتصافح
أحمد :

_ازيك يا دكتور...البقاء لله يا بني ربنا
يصبركم والله ما كنت أعرف الواد أدهم خبي
عليا بس حسابه معاية بعدين
أدهم بابتسامه :

_خلاص بقى يا ماما والله كنت خايف
عليكي

فاطمة بتصنع الضيق :

_خلاص سماح المرة دى...بس متكرررش
تاني سامع ومعنتش تخبي عليا حاجة
أدهم :

_حاضر والله ماهخبي عنك حاجة تاني

كل هذا وذلك الصنم المسمى أحمد في حالة
من الذهول جعلته كالتماثيل الحجرية فاغرا
فاه بذهول دون أدنى رد أو تفاعل معهم فمن
تلك السيدة التي يطلق عليها أخيه أمي
؟؟أيكون والده متزوج من أخرى دون علمهم
؟لكن كيف ووالده لم يسافر للمنيا من قبل
؟

أخرجه من أفكاره أدهم رابتا على كتفه هاتفا
بقلق :

_أحمد !!انت كويس؟؟ مالك يا بني

أحمد :

_ها في إيه يا أدهم؟

أدهم :

_في إيه انت بكلمك من بدري انت فين؟

بقولك أدخل شوف مها صحيت ولا لسة

عشان ماما تدخل تتكلم معاها

فأوماً أحمد برأسه دون كلام واندفع لغرفة
مها والتي كانت بدأت تهذي بعنف فا أدهم
عندما حقنها بالمهدئ عمداً إلى جعل الجرعة
خفيفة وذلك نظراً لضعف جسدها

مها بانفعال وهي تهذي في غفوتها :

_ها ... أنا ... لا ... بابا وحشتني قوي .. خدني
معاك ... بابا ... بابا انت بتبعد ليه ... لا لا ... بابا

بابا

لتهب فزعة من نومها منتفضة بقوة فاقترب
منها أحمد سريعاً يحاول إفاقتها ولكنها
كانت مشوشة الفكر والرؤية ما كانت تشعر
الإ بابتعاد والدها فحاولت جاهدة الوصول
إليه دون الإلتفات للهمهمات التي تسمعها

ولا تعي منها شيء (قلب الرفاعي بقلمى
لميس عبد الوهاب) ذلك في الوقت الذي
حاول أحمد جاهدا السيطرة عليها ولكنه
فشل فشل ذريع فما كان منه إلا أن صفعها
بقوة صفعه أعادت إليها وعيها لتعي أخيرا
أنها في مواجهة ذلك الغاضب القابع أمامها
وليست في حضرة والدها المتوفي .

هرول أدهم ساجبا أخيه بقوة بعيدا عنها
مؤنبا إياه بشدة ولكن المفاجأة كانت من مها
حينما أخفت وجهها وراء كلتا يديها وبكت
بكاء حار كأول رد فعل لها منذ وفاة والدها
وهذا ماجعل أحمد أخيرا يتنهد بارتياح
ويشعر بالرضا برغم ضيق قلبه إلا إنه اضطر
لذلك ليعيد إليها رشدها .

وهذا ما طمأن أدهم أن أخيه لم يفقد
أعصابه ولكنه عمد إلى ذلك لتهدئتها

اتجهت فاطمة لتجلس بجانبها على الفراش
هاتفه :

_ اطلع برة يا أدهم انت وأخوك

نظر اليها أحمد بدهشة ولكن قبل أن يرد
عليها ويعنفها كان أدهم يجذبه معه لخارج
الغرفة واغلق الباب خلفه

أحمد بضيق وانفعال :

_ أنا عايز أفهم مين الست دي؟ وليه بتقولها
يا ماما؟ فهمني

أدهم بهدوء وهو يجلس :

_ لأن دي اللي حسستني إنها أم بجد

أحمد بانفعال :

_ انت اتجننت؟ انت عارف لو ماما عرفت

هتعمل ايه؟!

أدهم بغضب :

_يا أحمد حس بيا أنا جيت من القاهرة مش
شايف قدامي ..جاي ارمي بحياتي
ومستقبلي وعمري في المجهول عشان
أهرب ...مش من الموضوع اياه لا ...لكن كنت
محتاج اهرب من تحكيمات وأوامر دمرتني
قبل كدة ولو كنت استنيت كانت هتدمرني
تاني

أحمد محاولا تمالك أعصابه :

_طيب اهدى ..كل ده أنا عارفه ...لكن بردوا
مين الست دي ؟

أدهم بشرود :

_دي الست اللي حسستني بطيبة الأم
وحنيتها في الوقت اللي كانت فيه الست
الوالدة بتدور بردو على عروسة ليا تاني

بنفس المواصفات المركز والفلوس
والمستوى ونعيد نفس الحكاية تاني عشان
تقضي عليا رسمي.....

أحمد احنا كلنا معقدين أنا وانت وياسمين
حتى بابا مسلمش...ماما كل هدفها في
الحياة اننا نسمع كلامها ونقول حاضر وطيب
دون النظر لأهدافنا وطموحتنا وأحلامنا مش
مهم كل دول

أحمد :

_ خلاص يا أدهم اهدى عموما هي باين
عليها ست طيبة

أدهم بحماس :

_ جدا يا أحمد بصراحة أنا متفائل جدا من
قعدتها دلوقتي مع مها ..اطمن إن شاء الله
خير

وبعد ما يقارب الساعة انتفض أحمد وافقا

بغضب :

_ أنا عاوز أفهم هما بيعملوا إيه كل ده احنا

بقالنا ساعة قاعدين ومش عارفين حاجة

أدهم :

_ يابني اهدى بس ..لوكان حصل حاجة كنا

عرفنا

أحمد باندفاع :

_ لا أنا مش هستنى أكثر من كدة ...أنا مش

مطمئن ...أنا هدخل

أدهم محاولا منعه :

_ استنى بس يا أحمد

ولكن أحمد اندفع ليفتح باب الغرفة ليدخل

ويتفاجئ بفاطمة جالسة على السرير ظهرها

له ومها نائمة بوداعة وهدوء اخذة وضعية
الجنين في حضنها وفاطمة تداعب شعرها
برقة وهي ترتل بصوت عذب رخيم بعض
الآيات القرآنية

اندهش أحمد قليلا من الوقت لكنه سرعان
ما أدرك الموقف أمامه فانسحب من الغرفة
دون إحداث أي صوت حتى لا يوقظ حبيبته
الغافية .

في الوقت الذي استطاع عبد العزيز توطيد
علاقته مع ابراهيم بمهارة ومكر شديدين فلم
يكذ يمر يوما دون لقاء يجمعهما ليتحدثا في
كل أمور حياتهما سواء على الصعيد
الإقتصادي ومدى نجاح أعمالهما أو على
الصعيد العائلي وحياة أبنائهما كذلك ولكن
مع هذا لم يتطرق إبراهيم لذكر مأساة أدهم

كما لم يتطرق عبد العزيز كذلك لمأساة

ابنته الوحيدة سلمى

تلك اللقاءات كانت لها من الآثار اللطيفة
الشافية لوجع إبراهيم بسبب فقدته لأخيه أما
عبد العزيز فكانت أثارها تتلخص في تشبته
بأفكاره ومخططاته أكثر وأكثر

فتح الباب وخرجت فاطمة من الغرفة
فاتتفض أحمد وأدهم واقفين وأسرعوا نحوها

أدهم بقلق :

_خير يا ماما طمئيني

فاطمة بهدوء :

_خير يا بني اطمئن متقلقش إن شاء الله

هتكون بخير

أحمد بامتنان :

_أنا مش عارف أشكر حضرتك إزاي

فاطمة بضيق مصطنع :

_إيه حضرتك دي؟ أنا ماما فاطمة ولا انت ...

أدهم مقاطعا :

_لا يا ماما أحمد زي بالظبط ..ولا إيه يا أحمد

أحمد بابتسامة :

_طبعا ..طبعا أكيد يا ...

فاطمة :

_ها يا إيه ؟

أحمد بامتنان :

_يا ماما

فاطمة بارتياح :

_أيوة كدة ..دلوقتي أقدر أكلمك ..اسمع يا
أحمد زي ما انت دلوقتي ابني مها كمان
بنتي وعلى حسب مافهمت ما عدلهاش حد
غيرك ...فا اتحملها وخدها بالراحة دي غلبانة
قوي والله

أدهم بتعجب :

_ماما انت عرفتي الكلام ده منين ؟

فاطمة بصدق :

_من مها يا حبيبتي فتحتلي قلبها وشكتلي

همها وحكتلي على كل حاجة

أحمد ناظرا لأدهم بذهول :

_مها؟! مها اتكلمت؟!!!!

فاطمة :

_ اه والله ..هي بس واخدة على خاطرها منك

عشان مديت ايدك عليها

أحمد :

_مها؟!!!!

أدهم :

_ايه يا أحمد انت علقنت فوووق بقى معانا

...عموما يا ماما هو كان قصده

فاطمة مقاطعة :

_عارفة ..كان عاوز يفوقها وأنا فهمتها كدة ...يا

لا يا بني ادخل لمراتك واتكلم معاها واعمل

حسابك هي دلوقتي ليها أم لو زعلتها أنا

اللي هقف لك ..فاهم

أحمد بابتسامة تملأ وجهه لأول مرة منذ وفاة

عمه :

_ عمري .. عمري ما هزعلها دي

فاطمة مقاطعة :

_ عارفة هي حكيتلي عشان كدة بقولك يالا

أدخل لها يالا .. ربنا يهدي سرکم يا ولاد

فا اندفع أحمد الى الغرفة ولكن قبل أن

يفتح بابها عاد سريعا لفاطمة لينحني على

يدها ليقبلها قائلا بامتنان :

_ متشكر قوي يا ماما ربنا يخليكي لينا

يارب

ثم اندفع الى غرفته في حين ابتسم أدهم

شاعرا أن أخيه قد وجد ضالته هو الآخر عند

ماما فاطمة ففرح بذلك كثيرا ثم توجه

بالحديث لفاطمة :

_ طمني يا ماما على صحتك ؟

فاطمة :

_بخير يا بني الحمد لله ...بس قلقانة على
نجلاء قوي

أدهم بقلق :

_ليه مالها نجلاء؟ في حاجة ولا ايه ؟

فاطمة بابتسامة مهدئة اياه :

_لا يا بني متقلقش ...انا قلقانة بس عشانها
حامل وخايفة عليها مش أكثر

أدهم بفرحة :

_بجد!!!! يعني مدحت هيبقى أب

واسرع باخراج الهاتف من جيبه ليضغط
على عدد من الارقام وينتظر حتى جاءه الرد

ادهم بفرحة :

_ السلام عليكم ازيك يا أبو زغلول

مدحت بفرحة مماثلة :

_وعليكم السلام... ازيك يا أدهم البقاء لله

...والله كنت عاوز اجيلك بس مش

عارفاسيب نجلاء

أدهم :

_ ولا يهمك يا مدحت المهم طمني أخبارها

إيه؟؟ أنا فرحت قوي عشانكم ربنا

يقومها بالسلامة وتجيلك زغلول أو زغلولة

ان شاء الله

مدحت ضاحكا :

_ تعرف لو نجلاء سمعتك بتقول كدة...مش

بعيد تطلع لك من التليفون

وتخنقك باديها...آل زغلول آل

فضحك أدهم وكذلك مدحت بشدة وأنهى
أدهم المكالمة والتفت لفاطمة التي كانت
تتابعهموفي قلبها دعاء صامت الا يتفرق
أبنائها وبالأخص الغالي أدهموأخذها
أدهمليعيدها لمنزلها .

دخل أحمد بهدوء شديد للغرفة وجد مها
غارقة في النوم الهادئ والذي يفسره
ملامحها الهادئة فجلس بجانبها وهويتطلع الى
ملامحها التي تشبه الملائكة في براءتها
بوجهها الصغير الأبيض وملامحها الطفولية
الجميلةظل يتطلع اليها بنشوة جعلته
شاردا فيها ولكنه أفاق من تطلعه على
انتفاضتها أثناء غفوتها فسارع بإيقاظها من
هذا الكابوس لتفتح عينيها تطالع عينيه

فتوجس خيفة من رد فعلها وتأهبت حواسه

لأي رد فعل منها

ودون سابق إنذار أو توقع منه اندفعت مها
لتلقي بنفسها بين يديه متشبثة بقميصه
وهيتبكي بحرقة... ذهل أحمد من فعلتها
ولكنه سرعان ما تدارك نفسه وضمها
لصدره محكما يديه حولها وكأنه يريد زرعها
بقلبه وكلما زاد تشبثها برابط أمانها الوحيد
في الدنيا بعد وفاة والدها كلما بثها الأمان
بضمه لها أكثر وأكثر حتى هدأت نوبات بكائها
شيئا فشيئا وهنا بدأ أحمد كلامه معها بهدوء
وروية :

_مها... مها ردي عليا... أنا بحبك والله... أنا

اضطريت إني أضربك عشان ...

قاطعته مها من بين شهقاتها :

أحمد مقاطعا :

شششششش اسكتي يا مجنونة ...ازاي يعني
اسيبك هو فيه حد يقدر يعيش من غير
قلبه وروحه...انت قلبي وروحي وحياتي كلها
يا مها ...مقدرش اعيش من غيرك ...تعرفي
أنا حاسسدلوقتي إني مكنتش عايش قبل
كدة ...حاسس إنني اتولدت يوم ما بقيتي
مراي وعلى اسمي

مها ناظرة له بهيام :

_بحبك

أحمد هائما هو الاخر :

_بموت فيكي يا اغلى وأحلى حاجة في

حياتي كلها

ثم أخرجها من حضنه وهو يسمح بابهامه

بقايا دموعها هاتفا بمرح :

_ها قوليلي بقى هتاكلي معايا

مها بتعجل :

_لا ماليش نفس... بلاش أكل يا أحمد عشان

خاطري

أحمد بضيق مصطنع :

_طيب أنا كمان مش هاكل وأنا بقالي أيام

من غير أكل عشان أمو...

مها مقاطعة بسرعة وهو تضع يدها على

شفتيه مانعة إياه من تكلمة كلامه :

_لا يا أحمد عشان خاطري متقلش كدة تاني

بعد الشر عليك

فقبل أحمد يدها بحب هاتفا :

_خايفة عليا ؟

مها ناظرة إليه بحب :

_مفيش في قلبي حد غيرك أخاف عليه

أحمد هو يقبل باطن يدها :

_هناكل مع بعض لأول مرة وانت مراتي

فأومأت برأسها بالإيجاب ليندفع أحمد الى
المطبخ محضرا الأكل الذي أحضره أدهم
منأحد المطاعم على صينية ودخل به لمها
ليجلس أمامها على الفراش ويبدأ يطعمها
بيدهوهو يأكل معها

لحظات ودخل عليهم إبراهيم الذي فوجئ
بهذا المنظر فقد خرج من الشقة صباحا
ومها على حالها حتى إنه كان يشعر أنه
سيفقدها كما فقد أخيه ولكنه الان يراها
أمامه مثل سابقعهدها صحيح علامات
الارهاق والشحوب مازالت تعتلي ملامحها

ولكن يكفي أنها بدأت تشعر بمن حولها بل

وأخيرا بدأت تأكل

إبراهيم بسعادة :

_ حمد الله على سلامتكم يا بنتي

مها بابتسامة خفيفة :

_ الله يسلمك يا عمي

أحمد :

_ كنت فين يا بابا من الصبح

إبراهيم بحماس :

_ كنت عند الحاج عبد العزيز ... بجد يا أحمد

الراجل ده انسان رائع راجل بصحيح

وابنأصول ... أنا دلوقتي اطمنت على أدهم

هنا

أحمد بجدية :

_بس إحنا طولنا هنا قوي لازم نرجع على

القاهرة بقى

مها بفزع :

_لالالالا انا هرجع على المنصورة مش هروح

القاهرة

أحمد بحزم :

_مها انت مراتي لازم تبقي معايا فين ما كنت

وانا شغلي في القاهرة

مها دامعة :

_مش هقدر يا احمد عشان خاطري

متضغطش عليا أرجوك

ابراهيم بتعاطف :

_ خلاص يا أحمد هنستنى هنا يومين كمان
لحد ما مها أعصابها تهدى وتقدر تقف
علىرجليها

مها بامتنان :

_ شكرا ياعمي ربنا يخليك لينا ياارب

أحمد غامزا لها :

_ يا سلام شكرا ياعمي وابن عمك الواقف ده
مالوش أي حاجة كدة

فنظرت له مها بعتاب وتوردت وجنتاها خجلا
وأحنت رأسها لأسفل دون رد فضحك
إبراهيموهو يضرب ابنه على كتفه بمرح :

_ عيب ياولد احترم وجودي

أحمد بابتسامة فرحة لعودة حبه وقلبه له
من جديد :

_اسف يا بابا

فدلف إبراهيم لغرفته تاركا لهما المساحة
ليبدأ حياتهما التي توقفت لعدد منالسنوات
ولكن آن الاوان لإجتمع الأُحبة وتعويض
سنوات الحرمان

مامصير مها مع أحمد؟ هل انتهت معاناتها
؟أم القدر مازال يخفي لها في جعبته الكثير
ما رد فعل رقية على استمرار بعد الثلاثة
عنها؟

وما رد فعل ياسمين مع مفاجأة من العيار
الثقيل ستعصف بها قريبا؟

تابعوني في الحلقة القادمة

الحلقة التاسعة

ونعود لرقية التي كانت ترغي وتزبد كزبد
البحر الهائج بغضب بالغ عندما أخبرها
إبراهيم انهم سيظلون لدى مها لعدة أيام
أخرى ولم يبلغها أحد للآن بزواج أحمد ولا
بسفرهم جميعا لأدهم

إبراهيم بهدوء محاولا تهدئتها :

_معلش يارقية البنت حالتها صعبة ومش
هينفع أسيبها وارجع

رقية بغضب وانفعال :

_والشركة يا إبراهيم وشغل أحمد ؟!!!

إبراهيم بمهاودة :

_متقلقيش أنا متابع مع ياسمين خطوة
بخطوة وأحمد اتصل بالمستشفى وجدد
الأجازة

رقية بضيق :

_وأنا....هفضل لوحدى كدة كتير...أنا خلاص

زهقت

ابراهيم بخبث :

_طب تعالى ..طالما لوحدك تعالى

رقية بغضب :

_آجى فىن ؟...أنا لا يمكن أدخل البيت ده تانى

..انسى

إبراهيم بارتياح :

_خلاص اصبرى بقى شوية كمان

رقية بضيق وانفعال :

_براحتك يا إبراهيم اعمل اللي انت عاوزه

بس حط فى اعتبارك أن أحمد مش هيتجوز

غير هايدي بنت اللواء جمال الرشيدى

إبراهيم بغيط :

_ ده كلام سابق لأوانه ...لما نرجع يبقى ربنا
يحلها ...مع السلامة

وأغلق إبراهيم الهاتف وهو في قمة غضبه من
زوجته المتسلطة التي تحكم على الجميع
بما تريد وعلى الجميع السمع والطاعة

أدهم بقلق :

_مالك يا بابا في إيه ؟

إبراهيم بتعب وضيق :

_مشكلة يا أدهم مش عارفها حل ربنا يستر

أدهم بقلق :

_طب قولي عليها ونفكر فيها سوى

فحكى له إبراهيم عن نية رقية وترتيبها لزوج

أحمد

فغضب أدهم وانفعل :

_وبعدين بقى مش كفاية أنا لسة عاوزة
تدمر حياة أحمد زي

إبراهيم بضيق :

_مش عارف يا بني هتعمل إيه لما تعرف أنا
خايف قوي على مها..مش هتستحمل وهي
في الحالة دي

أدهم بانفعال :

_الحل في ايد أحمد يقف ويواجه ويتمسك
بمراته ويحميها

إبراهيم :

_يا بني المواجهة صعبة دي أمه ودي مراته
هيعمل إيه بس ؟

وهنا رد عليه أحمد الذي كان يستمع

لحاورهم من بعيد :

_ أنا اقولك يا بابا أنا هعمل إيه

تفاجئ أدهم وإبراهيم بسماع أحمد بحديثهم

في حين استطرد أحمد :

_ أنا هسافر مع مها المنصورة وهنقل شغلي

هناك وهنعيش هناك في بيت عمي الله

يرحمه بعيد عن أي ضغوط أو مشاكل

إبراهيم بحزن :

_ هتسافر انت كمان وتسبني يا أحمد مش

كفاية أدهم وبعده عني؟!!!!

أدهم :

_ اهدى يا بابا ...وانت يا أحمد اصبر شوية

...ليه نقدر البلاء قبل وقوعه

إبراهيم باهتمام :

_قصدك ايه يا أدهم فهمني

أدهم بجدية :

_يا بابا احنا عارفين ان ماما مش حابة مها
بس ما يمكن لما تلاقي أحمد متعلق بيها جدا
وممكن انه يسيب كل شئ علشانها تغير
تفكيرها وتعيد نظر في قرارها دهوسواء
كدة أو كدة نبقى عملنا اللي علينا

إبراهيم :

_معاك حق يا أدهم ..إيه رايك يا أحمد ؟

وخلي بالك انك بسفرك بتبعد عني زي
أخوك وأنا في السن ده

أحمد وقد رق قلبه لوالده :

_ لا يا بابا نسيبك ازاي بس احنا معاك في كل
مكان مجرد تليفون صغير هتلاقينا احنا
الاتنين قدامك

أدهم :

_ يعني موافق ؟

أحمد مضطرا رغم تأكده من فشل المحاولة
:

_ ماشي نجرب بس ننتظر شوية ..مش عاوز
ارجع ومها ضعيفة كدة ...هنستنى شوية لما
صحتها تتحسن وبعدين نساfer

إبراهيم بارتياح :

_ تمام يا بني ربنا يباركلي فيكم ..صحيح انا
خلفت رجالة تقدر تتحمل المسئولية

فاحتضنه أحمد وأدهم والثلاثة في داخلهم
يعلمون جيدا أن كل محاولاتهم ستعود
بالفشل ولكنهم يحاولون لمجرد المحاولة

ومرت الايام الواحد تلو الاخر وكل منهم
يحاول تأجيل السفر بدافع مختلف عن الاخر
فا إبراهيم قد جذبه الحاج عبد العزيز بعقله
وقوته وحلاوة صحبته فما عاد يريد الابتعاد
عنه

أما أحمد فكان يعلم تمام العلم كمية
المشاكل والصدام الذي سينشب بمجرد
رجوعه لوالدته لتعلم بخبر زواجه وهو يريد
ان يعيش السعادة بهدوء مع حبيبته الذي
طال شوقه وانتظاره لها

وأما مها فكانت تعلم هي الاخرى مدى كره
رقية لها وتعلم انها ستعاني منها الامرين
ولذلك كانت تهرب وتحاول تأجيل المحتوم

طرقات كعب عالية ومنتظمة جذبت انتباه
العاملين ليقفوا جميعا لتحية تلك الصغيرة
...عذرا لم تعد صغيرة او مدللة ولم تعد
حياتها بين الرحلات واخر صيحات الموضة
كسابق عهدها بل صارت الان(قلب الرفاعي
بقلمي لميس عبد الوهاب) اقوى واشرس
سيده اعمال في مصر استطاعت في فترة
وجيزة حفر اسمها بقوة في ذاكرة اغلب رجال
الاعمال المصريين بل والاجانب ايضا بقوة
شخصيتها وتحكمها بزمم الامور بقوة
وذكائها الخارق نعم يا سادة انها ياسمين
هانم الرفاعي

لا أحد كان يعلم سر هذا التغيير الناقض
لكل عاداتها القديمة الا أدهم وأحمد فقط
من يعلمان سر تحولها ولم يكن سوى

صدمتها في الشخص الوحيد الذي استطاع
اختراق حصون قلبها ليتوج ملكا على عرشه
ثم اختفى هكذا ودون سابق انذار اختفى
لتختفي معه كل مشاعرها وحبها ويتحول
قلبها لصخرة صماء لا تخضع لبشر

دلفت ياسمين لغرفة مكتبها تتبعها مديرة
اعمالها ريهام

ياسمين بجدية :

_ريهام هاتيلي ملف صفقة روديس

ريهام بطاعة :

_حاضر يا فندم

غابت قليلا لتعود بعدها ومعه الملف :

_اتفضلي حضرتك

ياسمين :

_ تمام اتفضلي انت ومش عاوزه أي ازعاج
وأجلي كل مواعيدي لبعء الظهر عاوزه اراجع
الملف قبل المقابلة النهائية

فطاعت ريهام أمرها وتركتها وخرجت ولم
يمر سوى دقائق وكان يعلو في المكتب رني
الهاتف

ياسمين بضيق :

_ في إيه يا ريهام مش قلت مش عاوزه ازعاج
؟

ريهام :

_ انا اسفة يافندم بس فيه واحد على
التليفون مصر يكلم حضرتك وبيقول
موضوع حياة او موت

ياسمين باهتمام :

_ مين الشخص ده ؟ وايه هو الموضوع ؟

ريهام :

_ مقالش اسمه يافندم بس قال ان عنده

معلومات مهمة عن صفقة روديس

ياسمين :

_ طيب حولي ليا المكالمة

ياسمين بهدوء :

_ السلام عليكم ورحمة الله خير حضرتك

اتفضل

الشخص المتصل :

_ وعليكم السلام ورحمة الله

ازيك يا ياسمين وحشتيني

توقف الزمن والعالم بأسره اختفى من
حولها وجف حلقها شعرت بنبضات قلبها
زادت وهددت بالتوقف ان اسكتتها ثانية

ياسمين بتلعثم :

_ي...يو...يوسف

يوسف باشتياق :

_ايوة أنا يوسف يا ياسمين ... عاملة ايه يا
حبيبتى وحشتيني قوي ..أنا ...

قاطعته ياسمين بغضب وانفعال سيطر كليا
عليها :

_بس مش عاوزة اسمع منك حاجة انت
ليك عين تتصل بيا تاني ..يا بجاحتك يا اخي

يوسف برجاء :

_ياسمين ارجوكي اسمعيني أنا كنت ...

ياسمين هادرة بغضب :

_خلص الكلام يا يوسف وياريت متتصلش
هنا تاني

واغلقت الهاتف وهي مازالت مصدومة من
عودته فجأة وعودة نبضات قلبها مرة اخرى
وانسابت دموعها تغرق وجنتيها محدثة
نفسها :

_ (ااااه يا يوسف ليه رجعت تاني ؟ليه ؟...كنت
خلاص قفلت على قلبي بمليون قفل ...ليه
رجعتني لمشاعر غالية بس مش هقدر
احسها واعيشها تاني ...وجعت قلبي يا يوسف
وجرحتني)

انهارت ياسمين في أحزانها وتركت الشركة
سريعا وذهبت بسيارتها وهي تكاد لا ترى
من دموعها وجدت نفسها أمام أكثر مكان

يهواه قلبها (كورنيش النيل) أول مكان

جمعها بيوسف عندما

flash back

إيه يا جميل ...مترد علينا يا قمر

هكذا هتف أحد الشباب وهو يتفحصها

بنظرات شهوانية قذرة

ياسمين بضيق وتأفف:

_ لو سمحت عيب كدة

الشاب :

_ ليه بس يا قمر دا انا حتى نيتي سليمة

تعالى بس هنتكلم شوية

واتبع كلماته بامساكها من يدها ليجذبها نحوه

فصرخت ياسمين وهي تحاول التخلص من

قبضة يده على معصمها مستنجدة بأي

شخص ولكن للاسف المنطقة جديدة فشبه
خالية من السكان ومع هذا الوقت المتأخر
من الليل لم تجد من ينقذها من براثن هذا
الذئب البشري

وبالفعل استطاع هذا الحقيير جذبها لسيارته
ضد ارادتها لانه كان أضعاف حجمها شعرت
ياسمين انها النهاية حاولت التملص منه لم
تستطع حتى اوصلها لسيارته وفتحها وحاول
ادخالها عنوة وهنا ظهر شخص اخر ركن
سيارته سريعا وخرج منها دافعا ذلك الشاب
بعيدا عنها ومفسحا لها المجال لتبتعد عنه
في حين واجهه هو بعدد لأأس به امن
اللكمات والركلات كان لها بالغ الاثر على
ملامح وجهه المتورمة

أما ياسمين فلم تبتعد بل كانت تبكي بحرقه
وعقلها عاجز عن الاستيعاب فظلت في

مكانها متكورة على نفسها بلا أي مقاومة

تذكر

في حين شعر ذلك الشاب الحقيير بدنو نهايته

ان وقف دقيقة أخرى فتحامل على نفسه

رغم ألم جسده وركب سيارته مبتعدا بها

باقصى سرعة وهنا التفت يوسف لياسمين

هادرا بعنف وغضب :

_ انت ازاى تقفي في الشارع كدة لوحذك في

وقت زي ده ؟؟؟

ياسمين بتلعثم وبكاء وانهيأر :

_ والله العظيم ...انا ...أنا

يوسف بغضب :

_ انت ايه انطقي ؟

منة (صديقة ياسمين المقربة) بخوف :

_ياسمين ...مالك في إيه؟؟

لم تستطع ياسمين التحمل أكثر فرحب
عقلها بظلمة دامسة سحبتة داخلها لتسقط
فاقدة للوعي ليتلقفها يوسف بين يديه وهو
يلعن بصوت هامس الصدفة التي احضرته
لذلك المكان في ذلك الوقت تحديدا

فصرخت به منة :

_ياسميين ...انت عملت فيها إيه؟؟انطق

!!!

يوسف بتوتر :

_معملتش حاجة ...تعالى معاها خيلنا

نلحقها في اقرب مستشفى

واتبع كلماته بان حملها بين يديه ووضعها
بسيارته في المقعد الخلفي فلم تجد منة بد
من الصود معها فهي لن تتركها بمفردها

معہ ... فانطلق يوسف للمستشفى التي
حددتها له منة تحديدا وتم ادخالها في قسم
الطوارئ في حين التفت يوسف لمنة مؤنبا
اياها :

_أنا بس عاوز افهم انتم برة بيوتكم في الوقت
ده ليه

منة بكاء :

_كنت راجعة بيتي عشان أجيب شوية
حاجات لبابا واجي تاني له هنا وهي اصرت
تيجي معايا عشان توصلني ومركبش
تاكسي في الوقت ده لوحدي

يوسف بتعجب :

_هنا!!!!انت والدك هنا ؟

منة وهي تمسح دموعها :

ليـ ايوة حتى لو مش مصدقني تعالى معايا
في الدور الثاني كان السكر نزل عنده جدا
فجبته هنا والدكتور اصر انه يفضل هنا
يومين تحت الملاحظة

وهنا خرج الطبيب من غرفة ياسمين فاسرع
اليه يوسف :

_خير يا دكتور؟؟ ارجوك طمني عليها
الطبيب :

_حضرتك تبقى ليها ايه ؟
يوسف بتردد :

_أنا...أنا...خطيبها
الدكتور مبتسما :

_متقلقش كدة هي كويسة والله هو بس
ضغطها نزل شوية وعلى بكرة الصبح
هتبقى كويسة ان شاء الله

يوسف بارتياح :

_الحمد لله ...الحمد لله

متشكر...متشكر جدا يادكتور

طب بعد اذنك ممكن اشوفها

الطبيب :

_اه طبعا اتفضل

فاتجه اليها يوسف وطرق الباب عدة طرقات
حتى سمع صوتها الضعيف تسمح للطارق
بالدخول

يوسف مبتسما عندما دخل :

_حمد الله على السلامة

ياسمين بدموع :

_والله أنا ...

يوسف مقاطعا وهو يجلس على مقعد

قريب من السرير :

_خلاص خلاص ...اهدي...والله عرفت اني

قليل الذوق

ياسمين بدهشة :

_نعم !!!!!!!

يوسف بجدية :

_ايوة طبعا انفعلت عليكى وانت ملاك

ياسمين بخجل :

_متشكرة ..انا بس كنت عاوزه اشكر

حضرتك على وقفك معايا

يوسف مبتسما :

_ لا شكر على واجب ...انا سعيد جدا
بمعرفتك أنا يوسف الجندي

ياسمين متوردة الوجنتين :

_ انا أسعد ..أنا ياسمين الرفاعي

منة التي دخلت الغرفة على غفلة منهما
بعدما اطمأنت على والدها وعادت :

_ وانا منة الشيخ

فاتنبا الاثنان لها بتوتر وارتباك

منة :

_ حمد الله على سلامتكم يا سمسمة أنا
كلمت مامتك وقلت وقتلتها انك هتباتي

معايا هنا

ياسمين :

_ خير ما عملت يا منة ..انا لازم أقوم

: منة :

_ لا استني ...الدكتور قال بكرا هتخرجي

: ياسمين بعند :

_ لا أنا كويسة ...لازم أخرج دلوقتي

: فوقف يوسف أمامها :

_ لازم تسمعي كلام الدكتور ...استني لبكرا

حتى نطمئن عليك

: ياسمين بعند :

_ لا معلش ...انا الحمد لله كويسة وأقدر أقوم

واتبعت كلامها بوقوفها من السرير فشعرت

بالدوار وترنحت بجسدها ليسرع اليها يوسف

وتسقط بين يديه لتغيب في غسل عينيه

الصافي لحظات ثم أغلقت عينها ليحملها

يوسف ليرجعها لفراشها وفي داخله نبضة

من نبضات قلبه هاربة تهتف باسمها

كيف سيتصرف يوسف مع عنيدته ؟

وكيف سيحملها على سماعه ؟

وماموقف إبراهيم وأحمد منه عندما يقابلهم

؟

تابعوني في الحلقات القادمة باذن الله

الحلقة العاشرة

أسرع يوسف للطبيب مرة أخرى من أجل

الإطمئنان على عنيدته الجميلة ...لحظة أ

أصبحت عنيدته ؟كيف حدث هذا ؟ومتى

تعلق قلبه بها ؟

أخرجه من شروده خروج الطبيب من غرفتها

هاتفا بانفعال :

_ يا جماعة أنا قلت ضغطها نزل جدا

ومحتاجة تستنى معانا هنا لبكرا

يوسف بضيق :

_ كانت مصممة تخرج يا دكتور ولما وقفت

داخت ووقعت كده

الطبيب بهدوء :

_ طيب اهدى متقلقش ان شاء الله تخلص

المحلول وهتكون كويسة

وانتظر يوسف على أحر من الجمر وفي داخله

شعور جارف نحوها يريد صفعها بقوة

لتستمع اليه ثم يحتضنها داخل جنبات

صدره ويصالحها

مر ما يقارب الساعة حتى استيقظت

ياسمين من غفوتها فوجدت الطبيب بجانبها

:

_ آه...إيه اللي حصل؟؟

الطبيب بابتسامه عابثة :

_ولا حاجة بس خوفتي خطيبك عليكي

ياسمين بدهشة :

_مين؟؟؟ خطيبي مين؟ أنا.....

يوسف مقاطعا :

_ خلاص يا ياسمين اهدي...كلها ساعتين

ثلاثة وتخرجي...اصبري شوية بقى

الطبيب :

_بالظبط كده ان شاء الله بكرة الصبح هعدي

عليكي نقيس الضغط ونشوف...الف سلامة

واتبع الطبيب كلامه بمغادرته للغرفة تاركا

ياسمين في حالة من التعجب ومنة في توتر

وقلق ويوسف متوجسا من ردة فعلها على

كذبتة

ياسمين ببلاهة :

_ مين خطيبي؟...أنا مش فاهمة حاجة

يوسف بتوجس :

_ معلش أنا أسف..أنا اضطريت أقول اني

خطيبك عشان أطمئن عليك

ياسمين بصدمة :

_ نعم؟!!!!!!انت بتقول إيه ؟

منة :

_ معلش يا ياسمين حصل خير

ياسمين بغضب :

_ حصل خير... حصل خير ازاي ..اتفضل يا

أستاذ لو سمحت وعيب قوي كدة

يوسف :

_ أنا بس كنت ...

ياسمين بانفعال مقاطعة اياه :

_ لو سمحت اتفضل وكتر خيرك قوي لحد

كدة

فشعر يوسف بالإحراج فخرج من الغرفة

سريعا في حين نظرت منة اليها معاتبة :

_ ليه كده يا ياسمين ...اخرجتیه

ياسمين بضيق :

_ هو ايه اللي ليه كدة؟؟ ده بيقول خطيبي يا

منة ...افرضي أدهم لا أحمد عرفوا هتبقى

مصيبة

منة بهدوء :

_ هو مكنش يقصد والله أي حاجة وحشة دا
من قلقه عليكي بس

ياسمين بتعب :

_ خلاص بقى انسيه...قوليلي أخبار عمو إيه
؟

منة :

_ الحمد لله الضغط بدأ يظبط الدكتور طمني
عليه... أنا هبات معاكي هنا وبكرا ان شاء
الله هطلع له

فوافقتها ياسمين الرأي ثم غاصت في
أحلامها من إرهاقها اللامحدود لتستيقظ
على صوت يدغدغ أحلامها بقوله العظيم
(الصلاة خير من النوم) فاقت ياسمين
وانتفضت جالسة لدقائق حتى تستوعب

أين هي وما أتى بها إلى هنا حتى تذكرت

فنادت على منة حتى أيقظتها

منة بقلق :

_مالك يا ياسمين؟ أنت تعبانة

ياسمين بهدوء :

_لا الحمد لله بخير متقلقيش...أنا أسفة اني

صحيتك كده...بس سمعت صوت الفجر

وكنت عاوزه أصلي

منة :

_طيب قومي اتوضي على ما اروح اطمئن

على بابا وارجع اصلي معاكي

ياسمين :

_طيب روعي اطمني على عمو..وانا
هتوضى وهسأل حد عن اتجاه القبلة على ما
تيجي

فوافقتها منة وخرجت لوالدها بهدوء بينما
توضأت ياسمين وخرجت لتسأل عن اتجاه
القبلة ولكنها أثناء خروجها تعثرت
واصطدمت بالباب مما أحدث صوت عالي
أفزعت على أثره ذلك المتفوق على أحد
المقاعد أمام غرفتها فهب واقفا من غفوته
القليلة مندفاعا اليها

يوسف بلهفة :

_في إيه مالك؟انت تعبانة؟...طيب أنادي
للدكتور؟

ياسمين ذاهلة لا تصدق أنه مازال هنا حتى
بعد أسلوبها الجامد معه بالأمس فلم ترد
بحرف تنظر له بدهشة فقط

يوسف :

_اتكلمي أرجوكي ... طب أدخلي ارتاحي وانا
هجيب الدكتور وأجي بسرعة

وبالفعل اسرع يوسف لغرفة الطبيب بينما
عادت ياسمين لغرفتها وجلست على
فراشها تفكر

ليه استنى ؟حتى بعد ما أخرجته امبارح
لسه بردوا قاعد؟؟؟ياترى عاوز مني إيه
يايوسف ؟

طرقات على الباب اخرجتها من شرودها
فسمحت لهم ليدخل الطبيب ومعه يوسف
قلقا متلهفا للإطمئنان عليها

الطبيب بعملية :

_خير يا آنسة... في إيه

واتبع حديثه بجذب يدها ليقيس لها النبض

ثم شرع في قياس الضغط

ياسمين :

_أنا ...

يوسف مقاطعا :

_مالها يا دكتور.. أرجوك طمني

ياسمين بهدوء :

_أنا كويسة مفيش حاجة... انا بس ...

يوسف مقاطعا :

_انت تسكتي دلوقتي... اتكلم يادكتور من

فضلك

الطبيب بعد ان انهى فحصه :

_ واضح جدا يا آنسة ان خطيبك يبحبك
قوي... اطمن يا أستاذ والله هي كويسة جدا
وممكن كمان تخرج دلوقتي الحمد لله
النبض تمام والضغط مضبوط

يوسف بارتياح :

_ الحمد لله .. الحمد لله ...متشكر قوي
يادكتور...اتفضل حضرتك

وخرج الطبيب من غرفتها تاركا الاثنين في
مواجهة حامية

ياسمين بضيق :

_ بجد انت انسان مش طبيعي

يوسف بابتسامة :

_ متشكر جدا دا بس من ذوقك

ياسمين بغضب :

_لا ومستفز كمان

يوسف :

_كثر خيرك والله

ياسمين بانفعال :

_انت ...انت

يوسف بهدوء :

_خلاص اهدي لتتعبني تاني واضطر انام على

الكرسي ...بصراحة حاسس بظهري مقسوم

نصين من النوم دي

ياسمين :

_ومين طلب منك تنام هنا

يوسف بجدية :

_مكنش ينفع اروح واسيبك ...قصدي
اسيبكم انت وصاحبتك لوحدكم كدا

ياسمين بانفعال :

_اوعى تكون مفكر نفسك خطيبي بجد ...

يوسف بضيق :

_عارف والله انك حلم بعيد عن اني أحلم بيه
...بس كنت خايف عليكي ...على العموم
خلاص الدكتور قال ممكن تخرجي خلينا
نخرج وبعدين نتكلم

ياسمين بانفعال :

_وبعدين بقى هو انا مش هخلص منك

يعني

يوسف بابتسامة :

_ اكد لا ..لازم اروحك واطمن انك في بيتك
..وبعدين تخلصي مني

ياسمين :

_والله ده

يوسف بابتسامه :

_عارف شيء لا يحتمل صح ؟

ياسمين وقد قاربت على ضربه لتخلصه من
ابتسامته الباردة تلك التي تفقدها اعصابها :

_انت ازاي كده ..يا بني ادم انت أنا بقول

يوسف بنفس الابتسامه :

_بصي اشتمي من هنا لبكرا بردو مش

هسيبك الا في بيتك ..لان انت مسؤوليتي من

دلوقتي لحد ما تروحي فقدامك حلين

إما تسكتي واروحك من سكات يا إما اعلمي
اللي انت عاوزاه وبردو هنفذ اللي انا عاوزو

ياسمين :

_ لا حول ولا قوة الا بالله

يوسف :

_ خلاص طالما موافقة...اتفضلي قدامي يالا

ياسمين بابتسامة :

_ بجد انسان مش طبيعي..مجنون

يوسف ضاحكا :

_ بعض مما عندكم

فضحكت ياسمين وانتظرت منة حتى عادت

ومعها والدها وأوصلهم يوسف جميعا كل

الى بيته

ومر يومان كان خلالهما يوسف بطل أحلام
ياسمين شغل عقلها وتفكيرها فصارت
شاردة معظم اوقاتها حتى ذلك اليوم في
الصباح عندما(قلب الرفاعي بقلمي لميس
عبد الوهاب) وجدته أمامها في الجامعة
فأرادت ان تتعد عنه لكنه سد عليها الطريق
محاولا الحديث معها لكنها نهرتة بشدة
وابتعدت على الفور

نهرها قلبها بشده واراد العودة اليه ولكنها
قاومت رغبتها واصرت على فعل الصواب
حتى وان كان ليس على هوا قلبها

مر يومان اخران وهي على حالها من الشرود
الدائم حتى قاطع شرودها ذلك الصوت
المحبيب لقلبها هاتفها بها بمرح :

_ صباح الخير يا سمسمتي

انتفضت فزعة وهي تلتفت اليه /:

_أدهم؟؟ في ايه؟ ايه جابك الجامعة؟

أدهم:

_اهدي بس شوية مفيش حاجة حبيت اقعد

شوية مع اختي حبيبتني اللي مش بشوفها

خالص في البيت

ياسمين بارتياح:

_الحمد لله معلش يا ادهم انت عارف

الكورسات والمذاكرة وكدة بس تعرف أحلى

مفاجأة والله

أدهم بخبث:

_لا لا المفاجأة اللي بجد وجود الاخ اللي

وراكي

فالتفتت ياسمين لتنظر ورائها لتجد يوسف
فتنتفض وترجع للخلف ليسندها أدهم :

_ ايه مالك يا ياسمين انت كويسة ؟

ياسمين بارتباك :

_ اه الحمد لله ..بس ...

يوسف :

_ متقلقيش يا ياسمين انا اتكلمت مع

الدكتور أدهم في كل حاجة

ياسمين بغضب :

_ اتكلمت معاه في ايه ؟ انت عاوز مني ايه

بالظبط :

_ أدهم بجدية :

_ طب اهدي عشان ضغطك مينزلش وتعالى

نتكلم في الكافتيريا

وأخذها أدهم للكافتيريا ومعهم يوسف

يوسف :

_اسمجلي يا دكتور أدهم اتكلم أنا الاول

بصي يا ياسمين أنا يوسف الجندي عندي
25 سنة بحاول الأسس شغل خاص بيا هنا
في القاهرة أنا والذي رجل أعمال كبير بس في
أمريكا وأنا كنت هناك بس حبيت اشتغل
هنا عشان كدة سبته ورجعت وطبعاً هو
رفض الخطوة دي فحرمني من فلوسه ..بس
أنا قدرت اني افتح شركة باسمي هنا من
فلوسي من ميراثي من والدتي الله يرحمها
والحمد لله الشغل ماشي كويس

ياسمين :

_وانا مالي بكل ده ؟

أدهم بجدية :

_يوسف كلمني في رغبته انه عاوز يرتبط
بيكي يا ياسمين وطبعاً بابا لو عرف أكيد
هيرفض عشان تعليمك عشان كدة أنا
حببت اتدخل شوفي لو فيه قبول من
ناحيتك انا هفضل معاكم لحد ماتخلصي
دراستك وانا اللي هفاتح بابا...لكن لو انت
رافضة يبقى تقولي من دلوقتي ليوسف

فنظر لها يوسف بتلهف وقلق بينما نظر لها
أدهم بلامح مطمئنة نظرت لكليهما بتردد
ولكنها حسمت أمرها في اخر المطاف بقولها
هصلي استخارة وارد عليكم وكانت تلك
نقطة انطلاق فرحة يوسف الذي تهلتت
أساريه وهو يتابع التعليمات التي فرضها
عليه أدهم في معاملة ياسمين حتى يتخذوا
الخطوة الرسمية في علاقتهم

ومنذ ذلك اليوم وصار يوسف هو حياتها
وهي نبض قلبه ولكن لقاتهما كانت دوما
في حضور أدهم المرح معهما حتى تعرض
أدهم لمأساته التي جعلته انعزل عن
الجميع حتى يوسف وياسمين وهذا ما قدره
جدا يوسف واستمر على تتبع تعليماته
حتى في عدم وجوده معهم

back

وتعود ياسمين من ذكرياتها المؤلمة :

_أد إيه كنت راجل محترم وملتزم بكلامك يا
يوسف ...بس بعد كدة ظهرت على حقيقتك
ولعبت بيا وبمشاعري واختفيت ...بس انا
مش هسمحلك انك تكمل لعبتك دي ...ولو
على قلبي انا هعرف ازاي أدفنه بالحيا

مرت ثلاثة أيام دون جديد حتى ذلك اليوم
عندما دلفت ريهام غرفة المكتب هاتفة
بعملية :

_آنسة ياسمين ..فيه واحد برة عاوز يقابل
حضرتك بخصوص صفقة روديس
ياسمين :

_واحد من شركتهم يعني
ريهام :

_مش عارفة يا فندم هو قالي كدة بس
ياسمين :

_طيب دخليه

خرجت ريهام وعادت ياسمين لمراجعة
بعض الاوراق حتى توقفت عن القراءة
والكلام بل والتنفس ايضا عندما ...

يوسف :

_وحشتيني يا ياسمين

فتركت الاوراق ورفعت نظرها اليه لتجد
حبيبها وأول شخص دق أبواب قلبها لتفتح
له على مصراعيها ليسكن بداخله ويتربع
على عرشه ...انه هو ...يوسف

ياسمين بنبرة مهزوزة :

_ي..يو ...يوسف

يوسف بابتسامة وحب صافي يكاد يضيء
عينيه الصافيتين :

_آه يا ياسمين أنا رجعت النهاردة وحشتيني
قوي يا حبيبتي ازيك يا قلبي ???

ياسمين ببرود ظاهري :

_أنا كويسة جدا على فكرة ..بقيت سيدة
أعمال قوية وليا شغلي ..يعني حياتي
موقفنش ولا حاجة لو عاوز تظمن عليا ..

يوسف باحراج :

_أنا ...أنا عارف انك زعلانة مني ..بس والله
العظيم لو تعرفي إيه اللي حصل هتعذريني
وتسامحيني كمان

فقاطعته ياسمين بضحكة عالية مجلجلة :

_ههههههههه ايه يا يوسف انت لسة جاي
تكمل تمثيل ..ما خلاص يابنيالمسرحية
خلصت والستاير نزلت ...امممم بس
تصدق الجمهور ما صقفش عارف ليه
؟؟؟اصل معجبتوش الرواية أصلها قصة
خيانة ودي اتكررت كتييير قوي قبل كدة
يوسف بانفعال :

_ انت بتقولي ايه؟ انت اتجننتي يا ياسمين؟

ياسمين بغضب وهي تطرق بقوة على

مكتبها :

_ صوتك ميعلاش في مكتبي ... انت في مكتب

ياسمين هانم الرفاعي المدير العام لشركات

الرفاعي .. فاهم ولا لاء

يوسف محاولا كبت غضبه :

_ ماشي ممكن يا سيادة المدير العام

تتكلم شوية مع بعض

فعادت ياسمين لبرودها وهي تجلس خلف

مكتبها واضعة قدم فوق الاخرى :

_ والله انا معنديش وقت للمهاترات دي .. انا

مشغولة جدا .. ممكن تبقى تعدي على

السكرتارية وتاخذ منهم ميعاد ... شرفت

فنظر لها يوسف بذهول قبل ان يتحرك
ناحيتها ليجذبها من زراعها لتقف امامه :
_ انت بتقوليلي انا الكلام ده يا ياسمين ؟

ياسمين بغضب :

_سيب ايدي ..اول واخر مرة تحط ايديك عليا
فاهم ولا لاء ...واه انا بكلم سيادتك كده لو
مش عاجبك اتفضل بره ومتورنيش وشك
تاني

يوسف بقهر :

_بغض النظر عن قلة ذوقك ووقاحتك
وظلمك بس انا هعمل حساب للدكتور أدهم
وهقولك متمضييش صفقة روديس دي
أصحابها نصايين ..انت داخلة فخ ه.....

ياسمين مقاطعة بغضب :

_ لعبة جديدة دي يا يوسف بس معلش بقى
مش هتدخل عليا اصل انا خلاص عرفتك
على حقيقتك ..فا متتعيش نفسك وياريت
تخليك في حالك...الزيارة انتهت مع السلامة
فنظر لها يوسف شزرا تمنى لو استطاع ان
يصفعها بقوة لتفوق من هذا الوهم
المسيطر على عقلها لكنه تمالك نفسه
واتجه لباب الغرفة ولكن قبل خروجه التفت
اليها هامسا :

_ بكرا تندمي يا ياسمين

فتعالت ضحكات ياسمين تهكما وسخرية
منه فخرج مندفعاً من المكان وقلبه يعتصره
الالم اما ياسمين فتحولت ضحكاتهما بعد
خروجه لسلسلة من الالهات وكثير من البكاء
المريز على حب ضاع وانتهى

هل فعلا انتهى حب ياسمين ويوسف ؟

مالذي سيفعله يوسف ويكاد يصيب

ياسمين بجلطة من غيظها منه ؟

ماحكاية صفقة روديس ؟

تابعوني في الحلقات القادمة باذن الله

الحلقة الحادية عشر

لقد طفح الكيل...حقا لقد طفح الكيل

هكذا فكرت رقية وهي تستمع لمبررات

إبراهيم في عدم رجوعهم كل تلك الفترة

لتهتف بعدها صارخة بغضب :

_يعني وبعدين بقى...انت هتستقر عندك

يا إبراهيم؟مينقعش كدة بقى

إبراهيم بهدوء :

_ ما قلتك يارقية مها كانت تعبانه ومكنش
ينفع نسيبها لوحدها

رقية بغضب :

_ وأخرتها ايه بقى أنا حاسة انك مخبي عليا
حاجة

إبراهيم بتوتر :

_ وهخبي عليك ايه بس ...هي الظروف
اللي حكمانا كلنا بس

رقية زافرة بضيق :

_ خلاص ماشي قدامك لآخر الاسبوع ده ..لان
بصراحة عملاك مفاجأة يوم الجمعة الجاية
ولازم تكون موجود انت وأحمد

إبراهيم بقلق :

_ خير يا رقية مفاجأة ايه دي ؟

رقية بسعادة :

_مفاجأة انا عارفة هتفرحك قوي بس انت
حاول تيجي في الميعاد اوعي تتأخر..يالا مع
السلامة دلوقتي

فأنهي إبراهيم الاتصال والتفت لأبنائه
الجالسون حوله وهو يبدو عليه التوتر والقلق

أدهم بقلق :

_مالك يا بابا في إيه ؟

إبراهيم بقلق هو الآخر :

_مش مطمئن يا بني حاسس ان امك بتدبر
لمصيبة جديدة

أحمد باهتمام وقلق هو الآخر :

_ليه يا بابا بتقول كدة؟هي قالتلك ايه ؟

إبراهيم :

_بتقول محضرة لينا مفاجأة أنا وانت يوم

الجمعة ..وعايزانا هناك في الميعاد

فانتفض أدهم واقفا ليهدر بانفعال :

_لا كدة كتير ..والله حرام بقى أنا زهقت

أحمد محاولا تهدئته :

_اهدى يا أدهم في إيه مالك ؟ ايه اللي

حصل

أدهم بغضب :

_انت مش سامع بابا قال ايه ؟

إبراهيم :

_اهدي يا بني واقعد وفهمني في ايه ...انا

مش فاهم منك حاجة

أدهم محاولا تمالك اعصابه :

_يا بابا ماما محضرة عروسة لأحمد
..والمفاجأة هتروحوا هتلاقوا العروسة وأهلها
معزومين عندنا زي ما عملت معايا وبدل
أدهم وزيزي هيبقى أحمد ومش عارف مين
أحمد بشحوب :

_تصدق صح ..أنا كدة فهمت ماما
مستعجلة على رجوعنا ليه
إبراهيم واقفا بذعر :

_دي تبقى مصيبة وبعدين ...هنحلها ازاى
دي ..دبروني يا ولاد ...امكم بجانانها وتسرعها
هتوقعنا في كارثةدي كانت قايلة انها عاوزة
تجوزك بنت اللواء جمال الرشيدى
أدهم بجديّة :

_يبقى مفيش غير حل واحد

أحمد بلهفة :

_الحقني بيه يا أدهم ..اتكلم

كاد أدهم يتحدث لكن قاطعه هاتفه الذي
واصل الرنين فأخذه وفتح الخط مجيبا :

_السلام عليكم ورحمة الله

الشخص الاخر :

_وعليكم السلام ورحمة الله

ازيك يا دكتور أدهم

أدهم بفرحة :

_مش معقول ...انت !!انت رجعت امتى من

السفر

الشخص :

_ رجعت النهاردة بس انا محتاجك في حاجة
مهمة جدا .. في مصيبة هتقع لو متدخلتش
ولحقتها بسرعة

أدهم بخوف :

_ يا ساتر يا ارب مصيبة ايه دي ؟؟؟ اتكلم

الشخص :

_ مش هينفع في التليفون لازم اشوفك
ضروري

أدهم بتوتر :

_ بس انا مش في القاهرة انا

الشخص مقاطعا :

_ عارف انك في المنيا وانا قدام بيتك افتحلي

الباب

فأغلق أدهم هاتفه واسرع ليفتح الباب
بتعجب ليدخل منه ذلك الشخص والذي ما
ان راه أدهم حتى أسرع بعناقه :

_ ازيك يا يوسف وحشني والله

يوسف وهو يضمه هو الاخر :

_ الحمد لله يا دكتور وانت كمان وحشتني

قوياخبارك ايه ؟

ادهم بسعادة :

_ الحمد لله تمام ..اتفضل ادخل والله وليك

وحشة يا راجل

يوسف مبتسما :

_ القلوب عند بعضها وانا

وما كاد يوسف يظهر مع أدهم لمن في

الداخل حتى اندفع اليه أحمد ليوجه له لكمة

قوية في وجهه اسقطته ارضا وحاول ان يجهز

عليه ليقتله وهو يهتف بغضب :

_وليك عين تيجي لحد هنا يا حيوان

أدهم وهو يحول بينهما بجسده محاولا دفع

أخيه بعيدا عن يوسف :

_استنى يا أحمد...يوسف مظلوم والله...أنا

عارف كل حاجة...استنى يا اخي انا هفهمك

ليظهر إبراهيم هاتفا بغضب وقوة :

_ايه اللي بيحصل هنا ده؟...انت مين؟

يوسف وهو يحاول مسح دماء أنفه :

_حضرتك أنا جاي امنع مصيبة هتنتهي على

شركتك..أرجوك اسمعني الاول وبعد كدة

أعمل فيا اللي انت عاوزه

أدهم جاذبا اياه :

_ ادخل يا يوسف ..انا اسف والله معلش

حقك عليا انا

يوسف بهدوء :

_ حصل خير يا دكتور ..حصل خير

وجلسوا جميعا إبراهيم المتوجس مما
سيسمعه خوفا على شركته وأحمد الذي
كان على أهبة الاستعداد للانقضاض على
يوسف وازهاق روحه بين ثانية واخرى وأدهم
المتحفز امام اخيه ليدافع عن يوسف عند
أي بادرة حركة من أحمد

يوسف شارحا كل جوانب الموضوع لإبراهيم

:

_ حضرتك أنا يوسف الجندي ووالدي عبد

الرحمن الجندي صاحي شركة

((aun)) للتوريدات مقرها كان في أمريكا من4

شهور تقريبا اتعرضت على والدي صفقة
روديس وطبعا لأنها صفقة بالملايين
ومضمونة والدي وافق ومضي الصفقة
واتحولت الملايين لدخان بمجرد ما الصفقة
اتمضتواللي عرفناه بعدها ان اصحابها
نصابين عالميين ومطلوبين من الانتربول
وطبعا اخدوا السيولة كلها واتعرضت الشركة
للانهيار واعلن البنك افلاس والدي ...وده
الخبر اللي وصل لوالدي للاسف وهو في
طريقه للشركة(قلب الرفاعي بقلمي لميس
عبد الوهاب) فا اصاب بأزمة قلبية شديدة
لما سمع الخبر وهو سايق فا العربية
اتقلبت بيه وانتهدت الحادثة دي بان اصبح
والدي مقعد على كرسي متحرك ولاني انا
ابنه الوحيد كان لازم اسافر واحاول انقذ ما
يمكن انقاذه وبفضل الله قدرت على اد ما
اقدر اني اقلل حجم الخسائر ...صحيح

صفيت كل حاجة هناك بس الحمد لله قضا
أخف من قضا

المهم حضرتك الصفقة دي اتعرضت على
شركتك والانسة ياسمين على وشك
الموافقة عليها...أرجوك حاول تلحقها
إبراهيم وهو يقف بذهول :

_مستحيل...دا انا أروح فيها...الحقني يا
أحمد

أدهم مهدئا :

_اهدى يا بابا ان شاء الله هنلحق ونوقف
الصفقة دي...ارجوك اهدى

أحمد بغيظ :

_وانت ملحقتش ياسمين ليه وقولتلها يا
يوسف بدل اللفة دي؟؟

يوسف بحزن :

_ حاولت يا دكتور وطردتني من الشركة

إبراهيم ملتفتا اليه بعد ان انهى كوب الماء

الذي اعطاه له أدهم :

_ نعم!!! طردتك ليه ؟ليه عملت كدة ؟ ...حد

يفهمني

أدهم :

_ اهدى يا بابا أرجوك وأنا هفهم حضرتك كل

حاجة ...بس اتصل بيها أول قبل ما تمضي

إبراهيم بضيق :

_ لا مش هينفع خلاص لازم كلنا نرجع

...ودلوقتي حالا

أدهم :

_أحمد خلي مها تجهز وانا كمان هتصل
بالمستشفى واعمل اجازة وهاجي معاكم

يوسف بحرج :

_طب استأذن أنا...بعد اذنكم

أحمد مقاطعا :

_على فين يا يوسف احنا هنرجع كلنا مع
بعض ولا انت لسة زعلان مني...عموما
حقك عليا أنا اسف والله مكنتش اعرف
بظروفك دي سامحني

يوسف بابتسامة باهتة :

_لا ابدأ يا دكتور أحمد...أنا اللي اسف كان
لازم اتصل بس والله كل شيء حصل
بسرعة كبيرة وكنت قلقان قوي على بابا
...ياللا حصل خير

إبراهيم بحيرة :

_أنا مش فاهم حاجة ...حد يفهمني انتوا
تعرفوا الاستاذ يوسف منين ؟

أحمد بعد ان اعلم مها بتجهيز كل حقائبهم
للسفر :

_انا هفهمك يا بابا كل حاجة بس واحنا في
الطريق

في حين اجرى أدهم عدة اتصالات بزملائه
لتجديد اجازته كما اتصل بماما فاطمة
يعلمها بسفره وانه لن يتأخر عليها

وسافروا جميعا واستقل يوسف مع أدهم
سيارته بينما استقل إبراهيم ومها سيارة
أحمد والذي قص على والده كل حكاية
يوسف معهم ورغبته في الارتباط بياسمين
وانه على خلق وكل ما يعرفوه عنه حتى

اختفاؤه والذي كان السبب في تبدل حال
ياسمين واسبابه التي شرحها هو بنفسه لهم

تعالى الزغاريط والفرحة العارمة لدى
البعض كما تعالى الصياح الغاضب لدى
البعض الاخر وانقلبت ساحة المحكمة
لعراك بالالفاظ بين كلا الطرفين بعد اعلان
القاضي حكمه العادل في خلع أحد الأزواج
والذي لم يكن سوى الحاج عبد الله
السيوفي أحد أكابر محافظة اسوان وتخليص
زوجته الشابة وردة من تسلطه وعنفه
الجسدي الذي كان يمارسه عليها بتلذذ دون
مراعاة لحالتها حتى قاربت على الموت بين
يديه في احد ليالي ساديته الى ان منحها الله
الخلاص على يدسلمى عبد العزيز

وردة بامتنان :

_ ربنا يخليكي يا استاذة سلمى ويكرمك وما

يوقعك في ضيقة قادر يا كريم

سلمى بابتسامة انتصار :

_ الحمد لله يا وردة انك خلصتي منه ...كدا

بقى ولا يقدر يعملك حاجة ولو حاول بس

يتعرضلك اتصلي بيا وانا هاجي اربيه من

اول وجديد

مروة محامية مع سلمى وصديقتها :

_ خلاص يا سلمى يا لا بينا بقى من هنا ...انا

تعبت من القضية دي وما صدقت انها

خلصت

عبد الله بغضب جامح :

_ طلقتيها يا أستاذة ...خدتي حقها مني ...طب

والله ماسيبك غير لما ادفعك الثمن غالي

قوي ... ما هو مش الحاج عبد الله السيوفي

اللي تقف قدامه واحدة ست

سلمى بتحدي وقوة :

_ لا ..أنا واقفة قدامك أهو واللي في وسعك

اعمله ..واعلى ما في خيلك اركبه

عبد الله ممسكا بذراعها يكاد يعتصره

بغضب :

_ انت بتتحديني بقى على كدا ؟

سلمى وهي تجذب ذراعها بعنف هاتفة

بغضب جامح :

_ ابعد ايدك عني يا حيوان ...والله ألبسك

قضية دلوقتي حالا تقضي بقية حياتك في

السجن

مروة وهي تجذب سلمى بعيدا :

_ خلاص يا سلمى خلينا نمشي من هنا بقى

وسيبك منه

عبد الله وأحد اصدقائه يجذبه بعيدا عنها :

_ الايام بينا يا استاذة ...وانا بقى هوريكي

مين هو عبد الله السيوفي على حق

وردة بكاء وحسرة :

_ ححك عليا يا استاذة سلمى انا السبب

يقطعني ياريتني ما اتكلمت ولا ...

فقاطعتها سلمى بهدوء :

_ خلاص ياوردة حصل خير ...بس لازم

تتعلمي تبقي قوية ومتخافيش غير من ربنا

بس فاهمة

مروة بنفاذ صبر :

_والله أنا جيت أخري...هتيجي يا سلمى ولا
أمشي أنا ؟

سلمى :

_ خلاص انا جيت يالا بينا

دلفت سلمى ومروة لغرفتهما في أحد فنادق
محافظة أسوان حيث يقيم معهما اثنتين
من المحاميات رشا وسحر

رشا :

_طمنوني عملتوا ايه ؟

مروة بمرح :

_تمام يا فندم خلعنا الراجل وجبنا حق
الست وردة تالت ومثلت

سحر بغناء وهي ترقص بالملعقة كأنها

العصا (رقص صعيدي) :

_والله وعملوها الستات وجابوا الرجالة

الارض

فانفجر الاربعة ضاحكين على سحر وغنائها

مروة بجدية :

_اسمعوا احنا لازم نمشي من هنا الراجل

النهاردة هدد سلمى وبصراحة أنا خايفة منه

سلمى بلا مبالة :

_ لا متقلقيش دي اسمها حلاوة روح من

اللي جراه بيحاول يداري على كرامته اللي

انا بعترتها في المحكمة

رشا بقلق :

_ لا يا سلمى طالما هددك يبقى لازم نعمله
محضر بعدم التعرض

سحر مكمله :

_ ولازم هدى تمشي من هنا ... بصراحة انا
خايفة عليها قوي البنت صغيرة قوي على
البهدلة دي

سلمى بحزن :

_ مش هقدر ابعد عنها

رشا :

_ معلىش يا سلمى بس هنا فيه خطر عليها
لازم ترجع لجدها

مروة :

_ احنا كدا كدا لازم كلنا نرجع احنا خلصنا
القضايا اللي عندنا هنا يبقى لازم كلنا نرجع

سحر :

_والمرة الجاية عندنا فين؟؟

رشا :

_الدور على محافظة اسيوط عندنا هناك
تقريبا 6قضايا ...انا شايفة اننا نرجع كلنا المنيا
نرتاح اسبوع كدة وبعدين نسافر اسيوط ايه
رايكم؟

وافق الجميع على اقتراح رشا وذهبت كل
منهن لتجمع اغراضها

سلمى بحنان لا يظهر الا في حضرة هذا
الملاك البرئ :

_هدهد يا لا حبيبتى اصحي عشان
مسافرين

هدي بنوم وهي تفرك عينيها :

_ماما انا تعبت بقى عاوزه اروح لجدو

سلمى بحزن :

_يعني عاوزه تبعدني عني يا هدى

هدى ببراءة :

_لا يا ماما بس انا زهقت كل يوم بقعد

لوحدني كتير وبيقى خايفة انا عاوزه انا

وانتنقعد مع جدو بقى

سلمى وهي تقبلها على وجنتها :

_خلاص ياقلبي قومي عشان هنسافر لجدو

في المنيا

هدى بفرحة وهي تقفز فرحة على الفراش :

_بجد يا ماما

سلمى وهي تحتضنها :

_بجد ياروح ماما

وسافروا جميعا للمنيا للراحة اسبوع ثم
العودة لجولاتهم

هل سيستطيع إبراهيم النجاة بشركته من
الافلاس ؟

مارد فعل ابراهيم على يوسف وعلاقته
بياسمين ؟

مارد فعل ياسمين على يوسف عند
المواجهة معه امام اخويها ووالدها ؟

هل ستنجو سلمى من بطش عبد الله ؟

وما رد فعل والدها الحاج عبد العزيز؟

وما هي طبيعة جولاتها في المحافظات ؟

تابعوني في الحلقات القادمة باذن الله

الحلقة الثانية عشر

كان الغضب يسيطر كلياً على كل جسد
إبراهيم فجعله كاد يفتك بأحمد وهو في
الطريق عندما علم منه كل حكاية يوسف

إبراهيم بغضب :

_ أنت بتقول ايه يا أحمد؟ ازاي كل ده
يحصل وأنا معرفش ؟!!!

أحمد بتبرير :

_ أنا أسف يا بابا ...بس صدقني أنا وأدهم كنا
معاهم خطوة بخطوة ويوسف انسان محترم
وملتزم جدا

إبراهيم بغیظ :

_ ولما هو كدة ليه محدش فيكم قالي مش
جایز كنت وافقت عليه بدل كل ده مايحصل

أحمد ببلاهة :

_ نعم؟ حضرتك قلت ايه؟! !!

إبراهيم بانفعال :

_ قلت كنت لازم انت واخوك تشيرونى
وتاخدوا رأيي .. أنا لسة عايش مامتش علشان

تتصرفوا من دماغكوا كدة

أحمد بدهشة :

_ يعني حضرتك كان ممكن توافق عليه

وهي لسة بتدرس؟! !!

إبراهيم بضيق :

_ أكيد طبعا واحد بالاخلاق دي والمستوى

ده وأختك بتحبه يبقى كان لازم أوافق بس

هعمل ايه خلاص معدش يجي منه

أحمد :

_يا بابا احنا فيها أنا هقوله ان حضرتك

موافق عليه وهو ما هيصدق

إبراهيم :

_والله ما هيصدق!!!...بعدهما أختك المحترمة

ما طردته برا الشركة وبهدلته

أحمد بتفكير :

_صحيح...ده أكيد ياسمين بهدلته جامد أنا

عارفها في غضبها...طب والعمل يا بابا ???

إبراهيم زافرا بضيق :

_العمل عمل ربنا بقى...لله الامر من قبل

ومن بعد

بين الحين والآخر كان أدهم يسترق النظر
ليوسف لعله يكتشف فيما هو شارد حتى
قطع شروده بكلامه الحاني

أدهم بهدوء :

_ ممكن أسألك سؤال يا يوسف ؟

يوسف بانتباه :

_ طبعاً يا دكتور ..أنا تحت أمرك اتفضل

أدهم بضيق مصطنع :

_أولا بطل كلمة دكتور دي ...أنا بعترك زي
أحمد أخويا فلو سمحت أنا أدهم بس
...ممكن ؟

يوسف بابتسامة :

_ ممكن حاضر ...يا أدهم

أدهم بابتسامة :

_ تمام ...أسألك بقى ...انت ليه نزلت مصر
مخصوص علشان تلحقنا من المصيبة دي
وجيت كمان لحد المنيا ??

يوسف بجدية :

_ أكيد ده واجبي ويعلم ربنا أنا بحبكم
وبحترمك ازاي ...فلازم كنت اتصرف وبسرعة

أدهم وهو ينظر للطريق أمامه بتفكير :

_ امممم رد دبلوماسي سريع ..بس مش
مقنع ...

والتفت اليه مردفا :

_ ايه رايك هتصارحني ولا هتلف وندور على
بعض ؟

يوسف بحزن يملأ قلبه وطفرة بقوة على
ملامحه :

_أنا فهمك يا أدهم وانت كمان فاهمني
...بس أحب أقولك حاجة مهمة ..عمر الحب
ما يعيش بعيد عن الكرامة لأنه ساعتها
هيبقى أي شيء تاني غير انه حب ...فاهمني
أدهم :

_فاهمك يا يوسف ..بس انت كمان حطيتها
في موقف كان بردو حب من غير كرامة ...ولا
نسيت منظرها قدامي وقدام أحمد واحنا
بندور عليك وانت اختفيت
يوسف بألم :

_ظروفي كانت أقوى منيبس أنا لا طردتها
من مكتبي ولا اتهمتها بالخيانة والخداع
أدهم بهدوء :

_عارف انها غلطانة جدا وكان المفروض انها
تسمعك اول بس لو حطيت نفسك مكانها

هتلاقي الموقف نفسه يا يوسف حاول تقدر

موقفها وتفكر بطريقتها

يوسف شاردا بكلام أدهم :

_ربنا يسهل

جلست ياسمين بشموخ وثقة على رأس
طاولة الاجتماعات ومعها مدير الشئون
القانونية ومدير العلاقات العامة ومديرة
مكتبها وفي مقابلهم كان أربعة رجال هم
الموكلون من أصحاب صفقة روديس
لاتمامها مع ياسمين وأثناء نقاشهم عن بنود
العقد انفتح باب الغرفة فجأة بقوة
وعنف(قلب الرفاعي بقلمى لميس عبد
الوهاب) ليدخل منه يوسف بقوة وكبرياء

وملامح غامضة أثارت التوتر والقلق في

قلوب الاربعة رجال

يوسف بجدية بالغة :

_ انا اسف يا جماعة بس احنا مش هنمضي

على الصفقة دي

ياسمين بغضب وهي تقف في مواجهته :

_ نعم؟! وانت دخلك ايه انت ...اتفضل اطلع

برا حالا

يوسف بغضب مماثل :

_ اتعدلي يا ياسمين بدل ما اتصرف معاكي

تصرف مش هيعجبكوانت يا استاذ انت

وهو اتفضلوا برا الشركة حالا

فنظر الاربعة رجال لبعضهم البعض بتوتر

وتعجب فتجراً أحدهم سائلا :

_ممكن نعرف مين حضرتك؟ وبأي صفة
بتتكلم؟؟

يوسف بهدوء :

_انا يوسف عبد الرحمن الجندي المدير
العام لشركات الرفاعي وخطيب الهانم دي

بعد تلك الصاعقة قام الرجال بهدوء
مغادرين الغرفة وتبعهم مدير الشئون
القانونية وكذلك مدير العلاقات العامة حتى
مديرة المكتب خرجت هي الاخرى بنظرة
صارمة من يوسف قبل ان تلتفت له
ياسمين هادرة بعنف :

_انت اتجننت؟؟؟ايه اللي انت بتقوله ده؟؟

يوسف وهو يقترب منها ببطء أثار الريبة
والتوجس في جسدها وجعل قلبها ينبض
بعنف :

_أظن مفيش واحدة محترمة تكلم خطيبها

بالأسلوب ده ولا إيه يا بنت الاصول ؟

ياسمين بغضب وانفعال :

_أنا محترمة غصب عنك وعن ...

إبراهيم مقاطعا بقوة :

_ياسمين ...ازاي تكلمي خطيبك كدة ؟

ياسمين بتلعثم :

_بابا ؟!!!!..بابا أنا

ابراهيم بجدية مقاطعا :

_اعتذري لخطيبك حالا

ياسمين برجاء :

_بابا أرجوك

ابراهيم :

_كلمة واحدة اعتذري حالا

شعر يوسف بالانتصار وهو ينظر لها مبتسما
بغرور نظرة جعلت وجهها يتلون بحمرة
الغضب فتكلمت :

_اسفة

وسريعا ما انطفأت بسمته عندما اردفت :

_أسفة يا بابا أنا مش بعذر لحد لا يمثلني

شيء

وسريعا كانت تخطف حقيبتها من المكتب
واندفعت سريعا لباب الغرفة وعيناها
تغشاها الدموع فلم تلاحظ أدهم فاصطدمت
به فحاوطها بكلا ذراعيه هاتفا :

_معلش يا بابا أنا هخرج مع ياسمين شوية
وهبقى أحصلكم على البيت ...يوسف عاوز
أرجع البيت الاقيك فيه

فأوماً يوسف برأسه دون كلام وقلبه يعتصره
الالم على وجع حبيته لكنه منى نفسه انه
لابد ان تفهم حقيقة ظروفه وعندها
سيعوضها عن كل لحظة الم مرت بها في
بعده

أما أدهم فقد انطلق مع ياسمين لخارج
الشركة خوفاً عليها فهي ستظل دوماً ابنته
التي رباها على يديه

ابراهيم بحرج :

_معلش يا بني حقك عليا

يوسف بهدوء :

_لا ياعمي متقولش كدة أنا مقدر اللي هي
حاسة بيه وعارف انها لما تعرف ظروف
هتسامحني ان شاء الله...وبعدين انا سعيد
جدا ان حضرتك وافقت على ارتباطي بيها

ابراهيم :

_ طيب حيث كده تعالى بقى اما نشوف

الشغل المتعطل هنا ده

فأوما يوسف برأسه موافقا وهو يكاد لا

يصدق مامر به من عدة دقائق

flash back

وصلت السيارتان لداخل جراح الشركة ونزل

منها كل الرجال الا مها والتي ارهقها التفكير

فيما هي مقدمة عليه وخوفها الشديد من

مقابلة رقية لها كل هذا جعلها تغرق طوال

الطريق في نوم عميق سحبها لها عقلها هروبا

من التفكير المدمر لاعصابها

اما الثلاثة الباقين

ابراهيم بجدية :

_ اسمع يا يوسف يا بني ..انت راجل ابن
اصول ومعدنك غالي وانا مش عاوز لبنتي
غير راجل يراعيها ويحميها فلو انت لسة
على رغبتك في الارتباط بيها فا انا موافق
يوسف بسعادة جعلته يتلعثم بالكلام غير
مصدق :

_ بجد!!! بجد يا عمي انا اكيد عاوز ارتبط بيها
انا سعيد جدا ...متشكر يا عمي متشكر جدا
أدهم ضاحكا على حالته :

_ هههههههه...الله!! امال المحاضرة اللي من
شوية على الكرامة دي كانت ايه يا يوسف
يوسف باحراج :

_ خلاص بقى يا أدهم وبعدين أنا اقتنعت
بكلامك يا أخي

ابراهيم :

_ ماشي يا بني على بركة الله ...اعمل
حسابك بقى بعد كدا ان شغلك هنا مش
هتسافر تاني يا حضرة المدير العام

يوسف بتعجب :

_ انا ...مدير ...انا مش فاهم حاجة

ابراهيم بهدوء :

_ دلوقتي يا بني انا معنتش قادر على
الشغل لوحدى واديك شايف ولادى الاتنين
دكاترة وعندهم شغلهم وحياتهم يبقى
مفيش قدامى غير ابني الثالث عشان
يمسك الشغل ويريحني شوية ...ها قلت ايه

؟

أحمد مندفاعا بمرح :

_موافق طبعا يا بابا هو يطول يبقى اخونا

الثالث ولا ايه يا جو

يوسف بتوتر :

_بصراحة مش عارف اقول ايه

أدهم رابتا على كتفه :

_متقلش حاجة تتفضل على فوق تلحق

المصيبة اللي المجنونة اللي فوق دي

هتعملها

فنظر له يوسف نظرة امتنان ثم اندفع الى

الشركة في حين التفت ابراهيم لابنائيه

بتوجس من ردة فعلهم على قراره ذاك

أدهم :

_خير ما عملت يا بابا فعلا يوسف محل ثقة

أحمد :

_وانا كمان شايف كدا

ابراهيم بارتياح :

_الحمد لله يا ولاد انا كنت خايف من رد

فعلكم

أدهم بقلق :

_المهم دلوقتي ياسمين تهدا وتفهم

ابراهيم :

_سيبه معاها شوية وبعدين نطلع ..وانت يا

أحمد خد مها وارجع الفيلا هي اكيد تعبت

من الطريق

أحمد ناظرا للسيارة التي تقبع مها في

مقعدھا الخلفي :

_دي نايمة يا بابا طول الطريق مش عارف

مالها

أدهم رابتا على كتفه :

_روح انت يا أحمد هي شكلها مرهقة وانا
هستنى هنا مع بابا ونحل الموضوع ده
متقلقش

أحمد متجها للسيارة :

_طيب ابقوا طمنوني

فأوماً أدهم براسه وهو يهمس :

_والله احنا اللي محتاجين نطمئن عليكم من
الاعصار اللي انتم داخلين عليه

back

عاد يوسف من شروده وهو يدعو الله من
قلبه ان يرد له ياسمين والا يكون خسرها
للابد

زفر أدهم بضيق بالغ وهو يرتشف من
مشروبه ويراقب تلك الجالسة أمامه
ودموعها ترفض التوقف فتحدث بهدوء :
_ياسمين ممكن تهدي بقى وتسمعييني لو

سمحتي

ياسمين من وسط شهقات بكائها :

_هتتكلم في ايه؟هتشرحلي ازاي بابا

يتعصب عليا كدة وينصره عليا ؟

أدهم بتعجب واعصاب منفلته :

_ينصر ايه؟هي حرب يا بنتي؟؟

ياسمين بغضب :

_اه حرب يا أدهم وحرب شرسة كمان

أدهم مغمضا عينيه ومدلکا أعلى انفه في
محاولة منه ليهدأ حتى يستطيع احتوائها
كعاداته :

_ لا حول ولا قوة الا بالله ...طب اهدي
واسمعيني وبعدين احكمي

ياسمين بدموع وعتاب :

_ اسمع ايه؟ بدل ما تطرده واقف تقوله عاوز
ارجع البيت الاقيك ...ازاي يا أدهم ازاي
ترخصوني كدة؟

أدهم بحزن من كلماتها التي تقطع قلبه كحد
السكين :

_ احنا يا ياسمين بنرخصك دي كلمة تقوليها
بردو

ياسمين :

_امال تسمي اللي حصل ده ايه ...لأول مرة
في حياتي أحس اني لوحدي مفيش معايا
لاظهر ولا سند

أدهم بغضب :

_انت اتجننتي اكيد ...ما هو ده مش كلام
واحدة عاقلة ابدا

ياسمين بتوهان :

_انتم بعثوني لواحد باعني وغدربي ..تصدق
يا أدهم اول مرة أفكر في جملة الموت راحة
قالت جملتها الاخيرة وانسحبت من أمامه
مسرعة لخارج المطعم الذي كانا يجلسان
به فاسرع أدهم باخراج بعض العملات
الورقية من جيبه وتركها على المنضدة
مسرعا خلفها وجملتها الأخيرة تتردد في عقله
وعندما خرج وجد مالم يحسب حسابه....

ماذا رأى أدهم جمده بصدمة في مكانه لثواني

؟

ما توقعاتكم للقاء السحاب بين رقية ومها ؟

الاعصار الاقوى او لنقل الطامة الكبرى في

حياة أدهم كيف ستحدث وكيف سيواجهها

؟؟؟

تابعوني في الحلقات القادمة باذن الله

الحلقة الثالثة عشر

انقبض قلب أدهم داخل صدره وهو يرى
حالة من الهرج والمرج خارج المطعم وتجمع
لعدد من الناس يصرخون بضرورة الاتصال
بالاسعاف ووسط كل هذا اختفت ياسمين
من أمامه صدم لثواني لكن سرعان ما عاد
عقله للعمل واندفع وسط التجمع ليرى
المصاب ويحاول انقاذه فصدم بابنة روحه

وياسمينة قلبه كما كان يلقبها هي الملقاة
في الطريق أمام أحد السيارات والتي كان
يصرخ صاحبها انه لا ذنب له وانه حاول
التوقف قبل ان يصل اليها بكل قوة وسيارته
لم تلمسها حتى ثواني قليلة كان عقل أدهم
يحلل الموقف حتى خرج من جموده واندفع
اليها صارخا باسمها وكأن صرخته تخرج من
أعماق قلبه الملهوف (قلب الرفاعي بقلمي
لميس عبد الوهاب) عليها فلم يصله رد
فنزل سريعا على ركبتيه جانبا وبقليل من
الكشوفات الاولية عرف ان حالتها هي
المستمرة معها دوما عند انفعالها مجرد
الضغط اللعين فسارع بحملها بين يديه
وتوجه بها لسيارته ومنها للمستشفى التي
كان يعمل بها ليتلقفه منها مروان الطبيب
المشرف على حالتها

لم يدخل معها ادهم غرفة الطوارئ فقد كان
استنفذ كل طاقته القى بجسده على أحد
المقاعد في الخارج دافنا رأسه بين يديه
محاو لا الضغط عليها عل هذا الصداع الفتاك
يقل قليلا ويتركه... دقائق وخرج مروان من
الغرفة رابتا على كتف أدهم الذي انتبه اليه
فهب واقفا في مكانه يسأله عن حالتها فرد
مروان مبتسما :

_متقلقش يا أدهم انت عارف ياسمين
ومشكلة الضغط اللي بينزل وقتي مع أي
توتر او قلق زيادة

ان شاء الله عشر دقائق وهتفوق

أدهم بزفرة ارتياح :

_الحمد للهمتشكر يا مروان

مروان بتأثر :

_مفیش شکر بینا ...انت اخویا قبل ما تكون
صاحبی الوحید ...ابقى اتصل بیا یا أدهم
انت بتوحشني قوي

أدهم مبتسما بارهاق وهو یربت على كتفه :

_ربنا یدیم الاخوة بینا ...حاضر یا مروان
...بس ادیک شایف الظروف

فودعه مروان وانطلق أدهم لغرفة یاسمین
وجلس على مقعد قریب من فراشها وهو
یشعر بالتعب والارهاق تملك من جسده
ولم تمر سوى عدة دقائق وبدأت یاسمین
تهذي بكلمات غیر مفهومة دلیل على بداية
تبه عقلها وصحوتها فاقترب أدهم منها
لیفهم کلماته الغیر مترابطة وكما توقع كانت
كلها على من شغلها لشهور حتی وان كانت
تضع قناع البرود أمام الجميع

ياسمين بهمس :

_ليه ...يوسف ...أنا ...لالالالا

أدهم بهمس رابتا على يدها بحنية :

_ياسمين ..اهدي حبييتي ..أنا جنبك آهو

...سمعاني ياسمين

ياسمين بتوهان ونصف وعي :

_أنا فين ؟...ايه اللي حصل ؟

أدهم بمرح :

_ولا حاجة ياستي قلتي شوية كلام أهبل

كدة وبعدين قلتي تشوفي غلاوتك عندي اد

ايه فحبييتي تخضيني عليكى وتوقعي قلبي

في رجليا بالشكل ده

ياسمين بحرج مبتسمة :

_ انا أسفة يا أدهم ...حقك عليا أنا عارفة انك
راجع من السفر تعبان ومرتاحتش ...بس
خلاص انا بقيت كويسة خلينا نروح
واتبعت كلماتها بان حاولت القيام من
الفراش ولكن يد أدهم وحزمه كان الاسبق
اليها :

_ بقولك ايه ...هي كلمة واحدة مش هتقومي
من هنا دلوقتي لحد ما أطمئن ان ضغطك
اتظبط ومش عاوز مناهدة
ياسمين بطاعة :

_ حاضر

أدهم بابتسامة وهدوء :

_ أيوا كدة أحبك وانت مطيعة ..بس أنا عاوز
أقولك حاجة ...يوسف مظلوم

ياسمين وقد تغيرت معالم وجهها للضيقة :

_ممكن منتكلمش في الموضوع ده دلوقتي

أدهم :

_زي ما تحبي ..بس بردو بأكد ان يوسف

مظلوم يا ياسمين ...اسمعيه مش هتخسري

حاجة وحكمي عقلك عشان مترجعيش

تندمي بعد فوات الأوان

وهنا رن هاتف أدهم برقم والده فسارع للرد :

_السلام عليكم ...أيوة يا بابا

إبراهيم :

_وعليكم السلام ورحمة الله...انت فين يا

أدهم ...احنا في البيت من مدة هات ياسمين

وتعالى يالا

أدهم بتوتر :

_حاضر...بس...بس

إبراهيم بقلق :

_بس ايه ياسمين مالها...اتكلم يا أدهم

أدهم بهدوء :

_متقلقش يا بابا..هي بس ضغطها نزل
شوية..ما انت عارف مشكلة الضغط دي
...ان شاء الله ساعة كمان وهجييها واجي

إبراهيم :

_تيجي منين؟...انتم في المستشفى؟

أدهم :

_ايوة يا بابا

يوسف مندفعاً بمجرد سماع كلمة

مستشفى :

_مستشفى ايه ياعمي ؟ارجوك طمني

إبراهيم بقلق :

_أدهم طمني على أختك يا بني

أدهم :

_اطمن يا بابا والله هي كويسة حتى خد

كلمها اهي

التقطت ياسمين الهاتف من يد أدهم وفي
داخلها شعور يجلدھا لكلماتها المتهورة التي
القت بها في وجه شقيقها ونصفها الاخر

ياسمين بمرح :

_بابا حبيبي متخافش عليا أنا كويسة ...طب

هو ينفع اتعب وليا اتنين اخوات دكاترة؟؟؟؟

ده حتى تبقى عيبة في حقهم

أدهم بغضب مصطنع :

_والله تبقى عيبة في حقنا... طب ايه رايك
بقي أنا هروح اكلم مروان يكتبلك علاجك
كله حقن

ياسمين بطفولة محببة لقلبه :

_لالالا قلبك ابيض يادكتور...دا انا ياسو
حبيبتك بردوا

فضحك أدهم وهو يجذب منها الهاتف :

_ايوة كدة اتعدلي

ثم وجه كلامه لوالده :

_متقلقش يا بابا زي ما قلتلك هي ساعة ان
شاء الله وهنكون عندك

إبراهيم بمكر :

_ابعتلك يوسف يا أدهم ؟

أدهم بارتباك ناظرا لياسمين فأجاب

بغموض :

_ياريت يا بابا

إبراهيم متفهما :

_تمام يا بني مع السلامة دلوقتي

اغلق ابراهيم الهاتف والتفت ليوسف الذي

يجلس بجواره وكأنه يجلس على صفيح

ساخن من قلقه قائلا بمكر :

_أدهم محتاجك يا يوسف معاه

فهب يوسف واقفا في حين رد أحمد :

أنا هروح ليه يا بابا ...

فقاطعه يوسف :

_ لا معلىش يا دكتور أأمد أنا اللى هروح
...ياسمين خطىبتى ومسؤلة منى ...عن
اذنكم

وخرج يوسف سرىعا لىذهب راكضا لمن
خطفت قلبه بحبها وستفقد ه عقله بجنونها
فى حىن رد أأمد :

_ طب انا كمان هروح لىهم
إبراهىم بجدىة :

_ لا متروحش ..ياسمين كوىسة انا قصدت
ابعت ه لىهم عشان فهمت ان اخوك بىحاول
ىجمعهم ببعض
أأمد بارتىاح :

_ طىب الأمد لله ان اطمنا علىها
إبراهىم :

_ قوم انت يا أحمد خد مراتك وروح على
اوضتك ارتاحوا من السفر على ما اكلم
الهانم والدتك اشوفها فين

فأوماً احمد براسه وهو يشير لمها الجالسة
في جنب كفأر مزعور فقامت معه خجلة من
وجودها هنا معهم...همهمت بكلمات
بسيطة مستئذنة من عمها ثم ذهبت مع
أحمد الذي اطبق على يدها وكأنها كنزه
التمين الذي يخشى ضياعه منه بعد ان
وجده أخيرا

أحمد ناظرا لعينيها بحب جارف :

_حقك عليا يا مها...ان شاء الله في اقرب
وقت هغير كل حاجة في الاوضة دي عشان
تليق بيكي

مها وهي تحيط وجنتيه بين يديها ناظرة

لعينيه سلامها وبر أمانها :

_ لا يا أحمد متأسفش ...أنا فرحانة جدا اني

هشاركك ذكرياتك في اوضتك ده كان حلم

بعييد قوي بالنسبة ليا ...والحمد لله ربنا

اكرمني بتحقيقه

أحمد وهو يحيطها من خصرها بذراعيه

ليقربها منه أكثر :

_ ياااه يا مها أد كدة بتحبييني ؟!!

مها بحب :

_ لا أكثر والله يا أحمد انت حلم عمري

أحمد بهيام سيطر على كل جسده :

_ وانت حياتي اللي فاتت واللي جاية يا قلب

أحمد وروح أحمد و.....

فضحكت مها محاولة ان تتعد عنه هامة

بخجل :

_ كفاية يا أحمد احسن حد يسمعنا

أحمد بجدية وهو يطبق بذراعيه عليه مانعا

ابتعادها :

_ محدش له حاجة عندي ...واحد ويحب في

مراته حد شريكه ؟!!

مها بهمس :

_ بجد يا أحمد بتحبني أد ما بحبك

أحمد بتأكيد :

_ انا معرفتش طعم الحب غير ليكي يا مها

..انت وبس حبيبتني وروحي ومالكة قلبي

...بقولك صحيح ..

مها بانتباه :

_ خيرا يا أحمد قول

أحمد هامسا :

_كنت عاوزك في موضوع مهم وسري للغاية

مها وقد تلون وجهها بحمرة الخجل التي

تفقدته عقله :

_أحمد...عيب كدة...حد يجي ...

أحمد بجدية :

_مها لازم تفهمي انك مرااتي...ملكي...فاهمة

يعني ايه؟؟

يعني محدش له حاجة عندنا

مها بهمس :

_طيب خلاص اهدى حقك عليا

أحمد بجدية زائفة :

_ايوة كدة...تعالى بقى نتفاهم في موضوعنا
واغلق بابهم ليبدأا حياتهما والتي كان أحمد
يعلم تمام العلم انها لن تكون سهلة ابدا
وهذا ما كانت تعلمه مها علم اليقين دون ان
يواجه احدهما الاخر بطبيعة علمهما داعين
الله ان يخلف ظنهم وتمر ايام حياتهما معا
على خير

ضغط إبراهيم على عدد من الارقام في هاتفه
ثم انتظر الرد بملل وضيق واضح :

_السلام عليكم ورحمة الله

رقية بسعادة :

_وعليكم السلام ورحمة الله وبركاته...ازيك

يا إبراهيم..عامل ايه ؟

إبراهيم بهدوء :

_ الحمد لله كويس انت فين يا رقية ؟

رقية :

_ انا في النادي مع مدام سوسن زوجة اللواء
جمال الرشيدي ...ليه فيه حاجة ولا ايه ؟

إبراهيم بضيق :

_ فيه اني في البيت من الصبح يا ست رقية
وانت ولا هنا

رقية هاتفة بسعادة كانت جليه في صوتها
ووصلت بسرعة البرق لجمود قلبه فحطمته
وأذابت شراينه باندفاع دمه بقوة كادت
توقف قلبه عن النبض :

_ بجد يا إبراهيم ...انت رجعت خلاص ...حالا
هكون عندك ...مع السلامة

فاغلق إبراهيم الهاتف وهو يغمض عينيه
هاتفاً بتضرع لله ان تعود اليه رقيه شريكة
عمره التي عشقها في شبابه وكانت نعم
العون له في مشوار حياته وليست تلك
المسيطرة الآمرة التي ستدمر حياة ابنائها
بتسلطها

زفر أدهم بارتياح وهو ينظر لجهاز الضغط
هاتفاً بارتياح :

_ الحمد لله الضغط اتظبط اخيرا

ياسمين بطفولة :

_ تمام...ممكن بقى نروح ولا لسة حاجة انت

عارف انا بكره المستشفيات ازاي

أدهم ضاحكا :

_ عيب يبقى اخواتك دكاترة وتقولي كدة

...امال الناس العادية تقول ايه ؟

طرقات على الباب قاطعت ردها عليه ليأذن

أدهم بالدخول للطارق فيفتح الباب ليظهر

من ورائه رأس مدحت هاتفها بمرح كالعادة :

_ أنا قلت طالما البرنس أدهم هنا لازم اجي

بنفسي اسلم عليه

أدهم وهو يحتضنه بقوة :

_ ازيك يا مدحت ...وحشتني قوي والله

عامل ايه ؟وازي نجلاء والبيبي ؟

نجلاء هاتفه من خلفه :

_ نجلاء تمام الحمد لله ...بس البيبي بقى

متعب جدا زي ابوه بالطبط

أدهم ضاحكا وهو يسلم عليها :

_أكيد طبعا انت عاوزه ابن مدحت يجي
عادي كدة زي باقي الاطفال

مدحت بمرح وغرور مصطنع وهو يعدل قبة
قميصه :

_يا جماعة نحن نختلف عن الاخرين
فضحكوا جميعا بمرح وحب وأخوة كانت
اقوى الروابط التي زرعتها فيهم ماما فاطمة

...

وعرفهم أدهم على ياسمين التي بدأت
تشاركهم الحديث بمرح هي الاخرى حتى
توقف كل هذا بدخول يوسف عليهم الذي
عرفه أدهم على مدحت ونجلاء على انه
خطيب ياسمين وهذا ما أغضب ياسمين
جدا جعلها تهتف به غاضبة :

_أدهم !!

يوسف بقلق لم يسطع اخفاؤه :

_عاملة ايه يا ياسمين طمنيني عليكي ؟

لم ترد ياسمين واكتفت بنظرة غاضبة لو
كانت تحرق لاحرقته حيا فاستأذن مدحت
ونجلاء وخرجا من الغرفة ومعهم أدهم الذي
أراد ان يتحدث معها يوسف بنفسه ليشرح
لها كل شيء

ياسمين بقلق :

_أدهم انت رايح فين ؟

أدهم:

_متخافيش هروح اشوف مروان واجيبلك

علاجك واجي

ياسمين بلهفة :

_أدهم انا مش عاوزه حاجة خليك معايا انا

بقيت كويسة

أدهم :

_بلاش عند واهدي

وغمز لها ضاحكا وهو يكمل :

_ومتخافيش هجيبلك اقراص بلاش حقن

فاحتقن وجهها غضبا في حين خرج أدهم

ليلتفت لها يوسف هاتفا :

_وحشتيني قوي يا ياسمين...والله العظيم

انا مظلوم..أنا مریت بأسوأ أيام حياتي في

الفترة اللي بعدت عنك فيها وربنا العالم بيا

كانت حياتي عاملة ازاي

ياسمين بضيق :

_مش عاوزه اعرف حاجة ...انا عاوزه امشي

من هنا

واتبعت كلماتها بمحاولتها القيام من الفراش

ليجلسها يوسف بقوة هاتفا بشراسة :

_وبعدين بقى في عندك ده ...اسمعي الكلام

مفيش خروج من هنا غير لما أدهم يجي

وهتقعدي وهتسمعيني غصب عنك ايه

رايك بقى

ياسمين برهبة حاولت مدارتها ولكن رعشة

يدها كشفتها لعينين يوسف الفاحصة لها

فأراد طمأنتها ولكنه علم انها لن تسمعه الا

بتلك الطريقة فتحامل على قلبه الذي

يدفعه دفعا لاحتوائها وواصل في شراسته

ياسمين بتلعثم :

_انت ...

يوسف مقاطعا بقوة :

_هي كلمة...هتسمعييني يعني هتسمعييني

فنظرت له بغیظ وحنق وصمتت لتترك له

المجال ان يحكي مايريده عملا بنصيحة

أدهم لها يريدها أن تسمعه حسنا ستسمع

ولكنها أبدا لن تسامح

مرت لحظات كان خلالها يوسف بدأ يشرح

لها كل ظروفه وما حدث له ولوالده في تلك

الفترة العصبية من حياتهم

لحظات واندفعت دموعها تغرق وجنتيها

وهي تحاول ان تتخيل كم المصائب التي

كان يحاول مواجهتها وحده كانت تتمنى ان

تكون معه تسانده وتقف بجانبه كما كانت

تتمنى دوما

فهمست من بين دموعها :

_وما اتصلت بشيا ليه وحكيتلي كنت وقفت

معاك

يوسف بشرود :

_ملحقتش كل حاجة مرت بسرعة يا

ياسمين متخيلة سرح بالكبر ده مجموعة

شركات عالمية...تعب والدي لمدة 30 سنة

...كله اصبح دخان رماد انهيار انهيار الشركة

وانهيار والدي وانهار اختي واخيرا انهيار

مشاعري...انا كنت عامل زي التايه يا

ياسمين تايه مش لاتي بر ولا عارف اتصرف

صمت قليلا ليعلو صدره ويهبط بانفاس

متلاحقة وهو يكمل :

_واخيرا اضطراري لبيع شركتي حلمي من

وانا طفل...الحلم اللي عشت عمري كله

بجهز له ولما اتنفذ على ارض الواقع

اضطريت بايدي انهيه عشان والدي مش

يتسجن

جلس يوسف على مقعد بالغرفة بعد ان

كان يحكي لها وهو يتحرك في الغرفة

بحركات عصبية وكأن نهاية ظروفه كانت

باستنفاد كل طاقته فما عاد يستطيع حتى

الوقوف فجلس شاردا ولم ينتبه الا على

صوت مالكته :

_أنا اسفة يايوسف ..مكنتش اعرف ان كل

ده حصلك ...حقك عليا

يوسف بابتسامة مجهدة :

_الحمد لله يا ياسمين ان والدي لسة معايا

وبخير وانت كمان

ياسمين بخجل :

_وانا كمان ايه ؟

يوسف بصدق :

_انا بحبك يا ياسمين ...ومش هسيبك تاني
...انا هسافر بكرة الصبح هجيب بابا ونرمين
اختي من امريكا وهنرجع كلنا نستقر هنا

ياسمين بضيق :

_سفر تاني يا يوسف

يوسف :

_اوعدك المرة دي مش هتأخر هجيبهم بس
ونرجع على طول متقلقيش

ياسمين :

_انا خايفة يا يوسف

يوسف مقتربا منها :

_متخافيش يا حبيبتى ...طول ما انا معاكى
متخافيش من أي حاجة

أدهم الذي دخل الغرفة وسمع اخر جملة

بهتف بجدية مصطنعة :

_ لا هتخاف يا يوسف انا عارف ياسمين

كويس

فالتفت له يوسف هاتفا بجدية :

_ لا مش هتخاف .. انا هبقى حمايتها وامانها

أدهم بابتسامة :

_كويس كدة بقى تاخدي الحقنة وانا مطمئن

انك مش هتخافي كالعادة

ياسمين بغضب :

_أدهم انت عارفتي كويس ...مش هيحصل

...انسى

يوسف بعدم فهم :

_ هو فيه ايه انا مش فاهم حاجة

ياسمين بارتباك :

_مفيش حاجة يايوسف تقدر تروح عشان
ترتاح عشان سفر بكرة

أدهم ضاحكا :

_خلاص يايوسف روح انت ..اصلها مش
عاوزاك تشوفها وهي طفلة بتخاف من
الحقن

ياسمين بغضب :

_وبعدين يا أدهم

يوسف مهدئا :

_خلاص يا حبيبتي اهدي ..انا هخرج اهو
...بس هو انت فعلا بتخافي من الحقن

ياسمين بتوتر :

_مش بخاف منها ..انا بكرهها فيه فرق

أدهم :

_ تصدقي صح فيه فرق ... طب يالا عشان
تاخديها عشان نروح احنا كمان

ياسمين بحنق :

_ ماليش دعوة انت قلت هتجيب اقراص

أدهم بغيظ :

_ هو بمزاجي .. مروان الدكتور اللي بيتابعك
هو اللي بيحدد مش انا

ياسمين ببرود :

_ يبقى خليه ياخدها هو انا ماشية من هنا
يوسف وهو يقف امامها يسد عليها الطريق

بجسده :

_ لا مفيناش من كدة ... انا ممكن اسكت على
أي حاجة واطاوعك في أي حاجة الا صحتك
يا ياسمين

أدهم :

_ متخافيش يا ياسمين انا اللي هدهالك
ياسمين بعند :

_ لا يعني لا

وهمت ان تقوم من الفراش فنظر أدهم
ليوسف نظرة ذات معنى التقطها يوسف
وفهمها مباشرة واشرع في التنفيذ عندما
جلس بجانبها هاتفا بجدية :

_ اسمعيني يا ياسمين لوسمحتي

فاسترعى انتباهها فامسك بكلا يديها بهدوء
في حين اقترب أدهم من الناحية الاخرى وما

هي الا لحظات كانت ياسمين مكبلة من
يوسف وتحت سيطرة أدهم الذي أسرع
باعطائها دوائها ليحد من ألمها فلم يأخذ اكثر
من ثواني فقط ولكنها كانت أكثر من كافية
لتكون سبب في هطول دموعها من جديد
ليس من الالم ولا كرهها للحقن ولكن خجلا
من ذلك الموقف واحساسها بضعفها الذي
تكرهه بشدة والذي ظهر واضحا جليا وهي
تحت سيطرة الاثنين

مارد فعل ياسمين ؟

ومارد فعل رقية على زواج احمد ومها ؟
وما مصير أدهم مع كارثة ستكاد تودي بقلبه
وعقله معا ؟

انتظروني في الحلقات القادمة باذن الله

السلام عليكم ورحمة الله

اولا بعذر عن عدم نشري امس وذلك
لظروف صحية بعذر منكم وبتمنى
تسامحوني

دمتم بخير وسعادة

الحلقة الرابعة عشر

لم تستطع ياسمين مقاومة دموعها وهي
تشعر بالعجز تحت سيطرة أدهم ويوسف
فنظرت لكلاهما نظرة ألجمت الاثنين
للحظات كانت خلالهم قد اندفعت مغادرة
الغرفة الا أن أدهم استطاع اللحاق بها
وضمها ضد ارادتها لصدره محاولا تهدئتها
وهويتهف :

_كله الا صحتك يا ياسمين ..وبعدين بلاش
دلع ده أنا حتى ايدي خفيفة والله
ياسمين بغضب :

_ ابعد عني يا أدهم انت وهو حالا

يوسف بمحايلة وكأنه يتحدث مع طفلة
صغيرة وهذا ما أثار اعجاب أدهم انه استطاع
فهمها لتلك الدرجة :

_ يعني أسافر وانت مش بتكلميني وزعلانة
مني افرضي حصلت حادثة مثلا وانا م.....
أسرعت ياسمين تقاطعة بوجع ظهر جليا في
نبرات صوتها :

_ لا أرجوك متكلمش ...بعد الشر عنك
يوسف بحب يفيض من عينيه قبل قلبه :

_ خايفة عليا

أدهم متدخلا في الحوار مصطنع الجدية
والغضب :

_ طب ما أجيبلكوا شجرة واتنين لمون

احسن

في ايه يا جماعة ما تعملوا حساب لوجودي

...دا أنا واقف في وسطكوا

يوسف متنحنحا بحرج :

_ عندك حق ...انا اسف ...عموما انا اتأخرت

ولازم أمشي الصبح باذن الله هسافر وكلها

يومين وارجع مع والدي واختي

أدهم بابتسامه :

_ تروح وترجع بالسلامة يا يوسف

ياسمين بخجل من أثار كلمات أدهم :

_ مع السلامة يا يوسف ...متتأخرش عليا

...وابقى كلمني طمني عليك

يوسف وهو يضافحهما :

_ ان شاء الله ... لا اله الا الله

ياسمين وادهم :

_ محمد رسول الله

وانطلق يوسف في طريقه بينما عاد أدهم مع
ياسمين للفيلا وهما يتمازحان بعد ان عاد
قلب ياسمين لمكانه في السيطرة على
حياتها واذابة طبقة الجليد التي كانت
تتعامل بها وهذا ما طمأن أدهم على
ياسمين وجعله يركز بالغ عقله الان على مها
ومصيرها فهي بالتأكيد اخته الأخرى التي
أقسم وعد مع نفسه الا يتركها لهوى أمه

دخل الاثنان الي المنزل ليجدا إبراهيم الغارق
في أفكاره هو الاخر فلم ينتبه لهما الا بعد

فترة وياسمين تحتضنه بقوة فضمها لصدرة

وهو يسالها عن صحتها فأجابت :

_ الحمد لله يا بابا متقلقش انا كويسة

إبراهيم بتوجس :

_ امال فين يوسف ؟

ياسمين :

_ روح يرتاح قبل سفره بكره عشان يجيب

والده واخته من أمريكا ويستقر هنا

فنظر إبراهيم لأدهم نظرة متسائلة في غفلة

من ياسمين فغمز له ادهم مع تحريك رأسه

بإماعة خفيفة فهم منها إبراهيم ان ياسمين

فهمت كل شيء وسامحت يوسف فا

اطمأن قلبه

إبراهيم بهدوء :

_ طيب روحوا ارتاحوا يا ولاد تصبحوا على

خير

فرد كلاهما التحية وانطلقا كل الى غرفته
ياسمين متفوقة داخل أحلامها الوردية
التي عادت لتنعش قلبها وحياتها من جديد
أما أدهم فعاد بذاكرته لأسود يوم بحياته
وانقلبت غرفته لمسرح الجريمة تعاد وتكرر
مرارا أمام عينيه(قلب الرفاعي بقلمى لميس
عبد الوهاب) حتى كاد ينهار وهو يدفن رأسه
بين أصابعه يضغطها بشدة لعل الألم يهدأ
ولكن ان هدأ ألم رأسه متى يتجاوز الحادث
ويهدأ ألم قلبه ولم تمر سوى لحظات حتى
هبّت العاصفة المدمرة التي ستأخذ في
طريقها الأخضر واليابس في حياتهم جميعا

.....

كان يجلس شاردا في أحوال بنته التي ما
عادت تعجبه أو يرضى عنها كان في بادئ
الأمر يساندها حتى تهدأ وتخرج ألم محنتها في
مساعدة المحتاجين ولكن الأمر تعدى
المساعدة بل صار لها كما الهوس
والوسواس

صارت تدفن حياتها وحياة ابنتها في مشاكل
وقضايا الجميع دون الالتفات لحياتها ولا
عمرها الذي يتسرب من بين يديها دون ان
تنتبه ...

ضرب على الارض بعصاه العاجية وهو
يحدث نفسه :

_سكت كثير ياسلمى عشان ترجعي
لحياتك وعقلك من نفسك مبرجعيش لكن
خلاص كفاية قوي كدة وزى ما كنت عندك
ومساعدك في كل حاجة انا اللي هقف في

وشك واما اشوف انا ولا انت يا بنت عبد
العزیز

أخرجه من شروده هتاف كاد يقتلع قلبه من
مكانه وهو ينتفض واقفا متلقفا الحبيبة
التي اندفعت لحضنه...قطعة قلبه وروحه
هدى

هدى :

_جدوووووو...انا جيت

عبد العزیز وهو يكاد يعتصرها بين يديه :

_يا روح جدو...وحشتيني يا هدي
...وحشتيني قوي

سلمى بنبرة مفعمة بالاشتياق :

_وانا يا بابا موحشتكش

التفت عبد العزيز لها ليضمها هي الاخرى في
صدره مع هدي وكأن الاثنتين كنزه الغالي
الذي لا يرغب في ابتعاد أحدهما عن مكانهما
في قلبه :

_وحشتيني يا بنتي...كدة بردو يا سلمى كل
ده غياب وسيباني لوحدي كدة
سلمى :

_خلاص يا بابا اديني جيت اهو انا وهدي
وهنقعد معاك كام يوم قبل رحلتنا الجديدة
عبد العزيز وهو يضع هدى في الارض ببطء
متجهم الوجه :

_ نعم !!! كام يوم؟؟يعني ايه انت هتسافري
تاني؟؟

سلمى بتوتر فهي تعرف جيدا رفض والدها
لمشروعها والحاحه الذي بدأ يظهر جديد

ويزيد تدريجيا في العودة لحياتها الطبيعية
من جديد ولكنه لايعلم ان شغلها أصبح كل
حياتها والبديل يعني الموت لها فوجهت
كلامها لهدى :

_ هدهد يا لروحي حبيبي على اوضتك
غيري هدومك على ما اجهلك العشا
هدى بطاعة :

_ حاضر عن اذنك يا جدو

وانطلقت لتنفيذ ما أمرتها به والدتها في حين
التفتت سلمى لذلك الغاضب منها ومن
تصرفاتها التي ما عادت تعجبه تحاول قدر
استطاعتها احتواء غضبه الذي ان خرج من
عقاله لن تنجى لا هي ولا فريقها ولا
مشروعها بأكمله فتحدثت بهدوء ينافي
طبيعتها الشرسة :

_بابا حضرتك عارف طبيعة شغلي ودي

مش أول مرة أسافر

عبد العزيز بضيق بالغ :

_وبعدين يا سلمى وأخرة كدة ايه؟ هتعيشي

حياتك كدة على طول من غير استقرار

سلمى بهدوء وتعجب :

_بابا انا كدة مرتاحة جدا وحياتي مستقرة

والحمد لله ..من فضلك بلاش تفتح

الموضوع اياه لاني مش قادرة للنقاش

والمناهدة دلوقتي

عبد العزيز بهدوء غريب عليه :

_ماشي ياسلمى ...روحي ارتاحي وبعدين

تكلم

فأومات برأسها وانطلقت لغرفتها وهي تعلم
في قرارة نفسها أن طبيعة والدها التي لا
تمت للهدوء بصلة وتتنافي مع هدوءه معها
الان لا يعني الا أمر واحد فقط وهي أبدا لن
تطيعه ولن تستحق لقب لبؤة المحاماة في
محافظةها ان سمحت له بتنفيذه ...

في حين ردد عبد العزيز لنفسه :

_خلي بالك اجازتك المرة دي يا سلمى غير
كل مرة ويا انا يا انت يا بنت عبد العزيز
واسرع لهاتفه يطلب عدة ارقام ويستمع :

_السلام عليكم

فاطمة :

_وعليكم السلام ورحمة الله ازيك يا حاج
..وازي سلمى وهدى

عبد العزيز :

_ الحمد لله يا حاجة في فضل ونعمة
..اخبارك انت ايه ؟

فاطمة :

_ رضا من عند ربنا الحمد لله

عبد العزيز :

_ صحيح يا حاجة انا كنت رحى النهاردة ازور
أدهم في بيته بس ملقتش حد هم الجماعة
فين

فاطمة :

_ سافروا القاهرة يا حاج...أدهم كلمني وقال
ان فيه مشاكل حصلت في شركتهم وكان
لازم كلهم يرجعوا بسرعة على هناك

عبد العزيز بتعجب وضيق :

سافروا من غير ما حد يقولي؟!

فاطمة :

_اللي حسيته يا حاج ان فيه كفى الله الشر
مصيبة كبيرة كانت هتقع وكان لازم كلهم
يسافروا فجأة كدة بس متقلقش أدهم قالي
انه يومين ثلاثة بالكثير وهيرجع

عبد العزيز :

_خير يا حاجة فاطمة ربنا يهديله الحال والله
انا حبيته زي ما يكون ابني

فاطمة بتصديق :

_عندك حق يا حاج والله الواد أدهم ده
بيدخل القلب على طول ربنا ينجيه ويكتب
له الخير

وانتهت المكالمة وعبد العزيز يكاد ينفجر
من غضبه لسفر أدهم في الوقت الذي
يحتاجه بشده

جلس شارد يدعو الله ويبتهل اليه ان تمر
تلك الليلة على خير لا ينكر ابدا انه يشناق
اليها لقد مر على غيابه عنها اكثر من
شهرين ولكن رغم حبه الشديد لها الا انه
يخشى ظهورها يعلم تمام العلم انها لن
ترحمهم وخاصة اليتيمة مها والتي لن
يسمح ابدا بخروجها من تحت جناحه انها
أمانه اخيه الراحل والتي ابدا لن يفرط فيها
حتى لو على حساب قلبه وعشقه لها
عاد من شروده على اندفاع رقية لحضنه
تحتضنه بقوة ولهات وكأنها كانت تجري من
فرط انفعالها الذي غلبها وغلب برودها الذي

تحتمي به منه حتى لا تظهر بالضعيفة أمامه
يكفيها ما فعل بها ضعفها أمام والدته منذ
سنين وما نالته من اهانة اجبرتها ان تدفن
قلبها تحت طائل من الجليد متسلحة به
امام مشاعره الفياضة والتي لم يبخل عليها
بها يوما

رقية :

_حمد الله على السلامة يا

ابراهيم...وحشتني قوي ايه الغيبة دي كلها

ابراهيم وهو يضمها بين ذراعيه :

_الله يسلمك يا رقية انت كمان وحشتيني

قوي...طمنيني عنك

رقية بابتسامة بعد ان ابتعدت عنه وتمالكت

انفاسها :

_ انا الحمد لله بخير... احم امال فين أحمد
...ده وحشني قوي وانا عملاله مفاجأة
هتفرحه قوي

ابراهيم بتوتر بعد ان صحا من مشاعره على
الكارثة التي على وشك الحدوث :

_ أحمد...إيه...هو أصل...يعني

رقية بسعادة :

_ اكيد في اوضته..انا هروح اشوفه وافرحه
بنفسي

صاح بها ابراهيم محاولا جذب اتنباهها :

_ استني يارقية...اسمعيني بس

ولكنها لم تنتظر بل اندفعت تجاه غرفة
ولدها وطرقت الباب طرقتين ثم سارعت
بفتحه لتفاجأ بما جمد الدماء في عروقها

وجعلها تشهق بعنف وهي ترجع للخلف
بصدمة واضحة يدها على فمها كاتمة صرخة
كادت تخرج منها .

فلم يكم أمامها سوى مها تردي منامة
سوداء اللون كاشفة عن ذراعيها وبنطال
قصير يصل لركبتيها نائمة في سرير ابنها
والذي للحق لا يوجد بالغرفة .

انتفضت مها من غفوتها على صوت
الطرقات التي اعقبها فتح الباب لتجذب
الغطاء اليها وهي تنتفض رهبة ورعب
محاولة التبرير وهي تتلعثم :

_أنا...أنا...كنت

رقية صارخة بقوة وغضب :

_انت ايه ؟ انت واطية وسافلة ورخيصة و....

فقاطعها ظهور أحمد الذي خرج مندفعاً من
حمامه على اثر الصراخ لا يرتدي الا بنطال
منامته وصدرة عاري تماماً وشعره يقطر ماء
:

_ماما....مها مراتي

شعرت رقية بالغدر كيف يتزوج ابنها دون
علمها وبتلك الطريقة؟ كيف يحدث ذلك
دون رأيها وهي التي ظلت طوال شهرين
متكاملين ترتب له زيجة ترفعه لاعلى
مستوى؟ كيف الجميع يتخطاها بذلك
الشكل المهين وكأنها لا تفرق معهم؟ لكن لا
لن تكون رقية اذا لم ترجع كل شيء لوضعه
كما كانت تخطط بالضبط

خرجت رقية من الغرفة ووقفت امامها في
الممر وهي تصرخ :

_ انت بتكذب اكيد...ازاي ده يحصل من غير

ما اعرف وامتى حصل ؟

أحمد محاولا تهدئتها :

_ اهدي يا ماما بالله عليكي وانا هفهمك كل

حاجة

مها بعد ان ارتدت عباؤها السوداء وحجابها

وبدموع :

_والله يا طنط ...

فقاطعتها رقية بشراسة :

_ انت تخرسي خالص...كفاية انك ضحكتي

على ابني وخذتيه...طب اعلمي حساب

لابوكي اللي لسة مكملش سنة ميت...ايه

ما صدقتي..ولا كنت عاوزاه يداري على

مصيبتك يا ...

ابراهيم بغضب بعد ان جاء على الصراخ :

_ رقييية ...ولا كلمة زيادة انتهينا اتفضلي

قدا مي

رقية بتحدي وصراخ جذب أدهم :

_ لا يا ابراهيم مها هي اللي هتخرج من بيتي

ودلوقتي حالا

أدهم محاولا تهدتتها :

_ يا ماما اهدي مينفعش اللي بتعمله ده

التفتت اليه رقية بغضب كان كالغشاوة على

عينها وقلبها وحواسها :

_ انت بالذات متتكلمش خالص ...انت مش

بعدت ونسيت ان ليك أهل ...خلص ارجع

من مطرح ماجيت

أدهم بذهول مخلوط بالألم :

_ انت بتطرديني يا ماما ؟

ابراهيم بان دفاع :

_ اعقل يا أدهم امك متقصدش ..وانت يا
رقية اهدي بقى وخلي يومك يعدي على
خير والا والله ما هيحصل طيب

مها بقهر :

_ لا يا عمي انا هخرج من هنا حالا

أحمد بضيق :

_ انت اتجننتي يا مها تخرجي تروحي فين ؟

ابراهيم بانفعال :

_ محدش هيخرج من هنا وانا كبير العيلة
دي واللي اقوله يمشي على رقبة الكل

رقية بتحدي :

_واذا قلت لك يا كبير العيلة يا أنا يا مها في

البيت ده هتعمل ايه ؟

ابراهيم ناظرا اليها بتحدي هو الاخر

واسوأ كوابيسه يتحقق امامه ولكن لا مفر :

_يبقى ...

مها مقاطعة له :

_يبقى حضرتك يا طنط عن اذنكم

اندفعت مها من الممر لتهبط السلم

الداخلي للفيلا بسرعة رهيبة وكأن شياطين

الأرض تطاردها وكادت تصل لباب الفيلا

ولكنها وجدت أدهم يسد عليها الطريق

بجسده في الوقت الذي اسرع فيه أحمد

لغرفته ليأخذ من دولابه ما تطاله يده ويرتديه

على عجلة ليلحق بها

أدهم :

_استني يا مها مينفعش انك تمشي من

البيت كدة

مها بيبكاء :

_ومش هينفع طنط رقية تخرج من بيتها يا

أدهم

أدهم محاولا تهدئتها :

_طب اهدي و...

قاطععه أحمد وهو يجذبها من ذراعها لتستقر

داخل حضنه :

_ده بيتك يا مجنونة... طول ما انا موجود

انت معايا فين ما اكون... انت لوسبتيني

اموت يا مها ...

مها مقاطعة بنوبات شهقات عالية :

_بعد الشر عليك...عشان خاطري معنتش

تقول كدة يا أحمد...أنا كل

وزادت شهقاتها ولفها دوار شديد أخذها في

دوامة سوداء فقدت فيه الوعي بين يدي

أحمد الذي سارع بحملها ووضعها على

احدى الارائك وقلبه يكاد يخرج من مكانه

خوفا وقلقا عليها في حين اندفع اليها أدهم

وبعد عدة دقائق التفت اليه أدهم مبتسما :

_رب ضرة نافعة يا دكتور

أحمد بقلق :

_طمني يا أدهم الله يكرمك...اوديها

المستشفى ؟

أدهم :

_اهدى يابني...هو فيه اب اعصابه فلتة كدة

أحمد بتعجب وكأنه يتذوق الكلمة :

_أب ...أب ...أناادهم انت بتتكلم بجد

أدهم :

_اه والله شوفت خلاص هبقى عم

ياسمين التي جاءت على هرجلة احمد ومها
وادهم ولم تسمع من السابق أي شيء :

_في ايه؟مالها مها؟

ادهم ضاحكا :

_انت لسة فاكرة...ولا حاجة ياستي هتبقى

عمتو يامفعوصة

ياسمين بسعادة وهي تنطلق للسلم :

_الله...هتبقى اب يا أحمد ..الحمد لله ..ده

بابا وماما هيفرحوا قوي

لحظات وبدأت مها في فتح عيونها ببطء

مشوشة الرؤية والعقل

أحمد بلهفة :

_ حمد الله على السلامة حبيبتي

مها وهي تحاول حجب الضوء عن عينيها :

_ ايه اللي حصل ؟؟

أحمد بحب :

_ هتبقني ماما يا مها .. انت حامل ... لسة بردوا

عاوزه تسبيني

دون تردد كانت مها تحاوط بطنها بيديها

وكأنها تريد حماية جنينها وهي تشهق

بالبكاء :

_ غصب عني يا احمد

أدهم متدخلا بمرح :

_ لا بقول ايه ...مينفعش كدة...انا مش عاوز
ابن اخويا نكدي ...لا والله هضربكوا انتوا
الاتنين

فابتسمت مها رغم دموعها لذلك الاخ الذي
انعم الله به عليها في حين ضحك أحمد وهو
يحمد الله على نعمة الاخ والسند ونعمة
الابن والولد

في الوقت الذي مازال ابراهيم مع رقية في
الممر يحاول التفاهم معها برغم اعصابه
الثائرة من غضبه الجامح من تصرفاتها التي
خرجت عن الحد والمنطق
ابراهيم :

_ انت عاوزه ايه يا رقية ؟

رقية بغضب :

_عاوذة ابني ...ازاي تجوزوا من غير ما تقولي
...هو انا مش امه

ابراهيم محاولا التمسك باخر ذرات هدوءه :

_ابنك بيحبها انا ما غصبتش عليه

رقية :

_ولو بردوا هيطلقها وهيجوز اللي انا اخترتها

ابراهيم بتحدي :

_مش هيحصل يا رقية واعلى ما في خيلك

اركيه

قاطعت ردها عليه انطلاق ياسمين نحوهم

تهتف بمرح وسعادة :

_بابا ...مامامها حامل هتبقوا جدوا وتيته

ابراهيم بارتياح :

_يافرج الله...اللهم لك الحمد

رقية بصدمة :

_ايه ؟ازاي...دي مصيبة...هو اتجوز امتى ؟

تركها ابراهيم ولم يكلف نفسه عناء الرد
عليها واتجه لابنائه في الدور الارضي

ابراهيم :

_مبروك يا أحمد مبروك يا مها...ربنا يكملك

على خير يا بنتي

رقية بغضب :

_مش هيحصل يا ابراهيم...الحمل ده مش

من أحمد...تروح تشوف مين ابو ابنها

ذهول وصدمة جمدت الجميع ماعدا واحد
انفلت غضبه الذي كان يحاول السيطرة عليه

توقف به كليا وتوقف معه عقله عن العمل
أتلك أمه ؟ نبض قلبه وروحه التي كان
يعشقها ونال بسبب عشقه لها ما نال كاد
يفقد حياته بسببها ولم يذكرها يوما انها
السبب في ضياعه ???

ان كان ماشعر به ادهم في تلك اللحظة هو
الالم فان رقية شعرت بالموت يتسرب بين
حنايا قلبها وهي تكمل معزوفة موتها بان
همت بجذبه من قبة قميصه بقوة لا تدري
كيف امتلكتها ليطاوعها ادهم وهو يقف
على قدميه لتجذبه معها حتى بابا المنزل
وتفتحه وتلقي به في الخارج صارخة به :

_ طالما انا مش امك يبقى مشوفش وشك

هنا تاني براللا

واغلقت الباب خلفه بقوة وصدرها يعلو
ويهبط من قسوة مامرت به ولم تفق من
غشاوتها الاعلى صوت ابراهيم صارخا بها :

_انت اتجننتي

فنظرت له كمن سلب عقلها ثم اتسعت
عينها فجأة وضربتها الحقيقة في الصميم
لتصرخ بكلمة كانت الناهية لها :

_أدهممممممم

مجرد ان اغلقت الباب خلفه خرج احمد من
جموده وانطلق على اثره ليحاول اللحاق به
كما اندفعت معه ياسمين هي الاخرى وهي
تبكي بمرارة ولكنه اختفى اخذ احمد سيارته
وحاول اللحاق به لكن لم تمر لحظات حتى
دق هاتفه برقم مها فسارع بالرد ليصله
بكائها هي الاخر تستنجد به فلقد سقطت

رقية فاقدة للوعي عقب صرختها باسم ادهم
والذي علمت وقتها انها حقا فقدته فلم
يتحمل قلبها وانهار حاولت مها مع ابراهيم
وجدتها ولكن لم يستطيعا فتصلت به مها
فغير احمد سريعا وجهته فامه تحتاجه الان
اكثر من ادهم واتصل بالمستشفى لترسل
له سيارة اسعاف مجهزة لاسعاف امه

أما أدهم فكان

ماذا حدث لادهم؟ واين اختفى؟ وما مصير
رقية هل ستنجو؟

وما مصير مها مع احمد؟

وماذا سينال يوسف هو الاخر من ..عيلة
الرفاعي

تابعوني في الحلقة القادمة باذن الله

الحلقة الخامسة عشر

مر اسبوع وحياة الجميع من سيء لأسوء
رقية لازمت غرفة العناية المركزة لسوء
حالتها والتي قاربت فيها على الموت بعد
اصابتها بذبحة صدرية كادت تودي بحياتها
أما إبراهيم فكان ألمه مضاعف رغم ثباته
أمام الجميع الا انه كان يتألم ويكاد صدره
يحترق ألما على ابنه وضميره أدهم كما كان
يلقبه وكذلك رفيقه دربه وحببية عمره رقية
يعلم انها مخطئة ولكنها ليست الوحيدة
فهناك جانب من الخطأ يقع عليه لخذلانه لها
سابقا وسلبيته أمام تسلط أمه ما جعلها
تغيرت لتلك الصورة البشعة من التسلط
والتحكم

وهناك يقبع الثنائي أصحاب المشكلة
الأساسيين والتي لا يعلمان حتى الان ما

مصيرهما أحمد يحاول التماسك لمساندة
الجميع وخاصة مها وهو من يحتاج للدعم
والمساندة الان ..لكم يتمنى الان وجود أدهم
معه ليسانده ويحمل معه هذا الحمل
الثقيل .

وعلى الجانب الاخر كانت مها التي اصبحت
شاردة طوال الوقت تحاول التوصل لحل
يرضي الجميع قبل ان تقذف بها رقية الى
الشارع لتواجه اسوأ كوابيسها والتي حذرنا
منها والدها ..ويا ليته كان هنا .

وهناك كان الثنائي الحالم برغم الوجدع في بعد
الغالي ومرض الام الا ان يوسف كان نعم
السند والعوض لياسمين الذي لم يتخلى
عنها دقيقة واحدة منذ هذا الحادث الأليم .

_ اعمل ايه بس ؟ اتصرف ازاي ؟ بقاله اسبوع
لا بياكل ولا يشرب غير بالعافية ومش
راضي انه يتكلم ولاحتى يخليني اعرف حد
انه عندي ؟ طب اعمل ايه قلبي وجعني
عليه قوي ... حلها يا رب من عندك

هكذا حدثت فاطمة نفسها وهي تعد الفطور
لأدهم القابع عندها منذ ذلك اليوم المشئوم
وهي لا تدري مابه .. فوجئت به يطرق بابها
فجرا وهو لا يشعر بأحد وكأنه في عالم اخر
جلس لديها ناسيا كل من حوله زاهدا في كل
شيء حتى الطعام والشراب لا يأخذ منه الا
ما يجعله على قيد الحياة

تنهدت فاطمة بتعب وهي تفكر في طريقة
تجعله يتكلم بها فهو لن يخرج من حالته
تلك الا اذا أخرج ذلك الهم الجاثم فوق صدره
ليرتاح

دخلت اليه فاطمة غرفته مبتسمة مرحة

كعادتها :

_ صباح الخير على اللي تعبني

انتبه لها أدهم وابتسم بشحوب هامسا :

_ صباح الخير يا ماما

فاطمة وهي تضع صينية الاكل أمامه :

_ يا لا عشان نفطر انا مستنياك تصحا عشان

نفطر سوى

أدهم بضيق :

_ ماليش نفس افطري انت يا ماما

فاطمة متصنعة الغضب :

_ واد يا أدهم اوعى تكون مفكرني كبرت

وعجزت ومش هقدر عليك ...كل بالذوق بدل

ما اقوم اضربك وهتاكل بالعافية ..ها قلت

ايه ؟

ضحك أدهم مسايها :

_ لا خلاص والله ما انت قايمة هاكل طيب

فضحكت فاطمة هي الاخرى مستبشرة خير

بضحكه :

_أيوة كدة اضحك ..وسيبيها لله ...ربنا يحلي

أيامك ويسعد قلبك

فأخفض أدهم رأسه متهربا من عينيها حتى

لا ترى ألمه الذي ارتسم سريعا في عينيه

وهو يتذكر والدته والتي تمنى هذا الدعاء

منها ولكن للأسف لم يصله منها الا الألم

والوجع واخيرا الصفعة

تنحنت فاطمه لتجذبه من شروده متحدثة

برفق :

_ ادهم

تنبه لها فرد بهدوء :

_ نعم يا ماما

فاطمة بهدوء :

_ مش هتحكيلي مالك

أدهم متهربا :

_ مفيش داعي أوجعك كفاية وجعي أنا

فاطمة :

_ حبيبي انا زي أمك

اندفع أدهم هادرا :

_ لا مش زي أميمتقوليش كدة تاني

انتفضت فاطمة من صراخه وتوجست من
عنفه لكنه التفت اليها ليكمل بنيرة محملة
بأطنان من الألم :

_ انت مش زيها ابداماما فاطمة انا ماليش
أم غيرك ..لالالا انا ماليش حد غيرك ...انت
بس

قامت اليه فاطمة رابته على كتفه بحنان
اموي :

_ طيب اهدى واقعد وصلي على النبي
.....احكي لي يا أدهم على اللي حصل ففضض
يا بني وخليني اشيل معاك من حملك
التفت اليها أدهم وملامحه تحمل كل معاني
الألم وعينييه تغشاهما دموع القهر ولكن
تحبسها عن الهطول رجولته التي اندهست
من قبل تحت أقدام من لا تستحق

صرخ أدهم بوجع :

_ااه.....

وكور قبضة يده ليهبط بها على صدره موضع

قلبه بعنف وهو يصرخ لها :

_قلبي اتكسر مرتين بسببهاده بيوجعني

قوي ..قوي يا ماما ...ااه ..لو يقف عن

النبض ويريني

فسارعت فاطمة كتسارع دموعها لتضمه

لصدرها وهي تصرخ به :

_اسكت بعد الشر عليك ...ربنا يحفظك ليا

جلس على مائدة الفطور ينتظر ابنته

وحفيدته ليفطرا معه لحظات وجاءت

سلمى تحمل حقيبة سفرها فانتفض عبد

العزیز من مكانه :

_ على فين يا سلمى ؟

سلمى بتوجس من ردة فعله :

صباح الخير يا بابا

عبد العزیز بتجهم :

_ صباح النور...رايحة فين ياسلمى ؟

سلمى بتوتر :

_ على فين يعني يا بابا على شغلي

عبد العزیز بضيق :

_ وبعدين يا سلمى ..انا سايبك براحتك

سنين ..بس خلاص انا فاض بيا

سلمى بهدوء :

_ لو سمحت يا بابا ..انا متأخرة ولازم اخرج

عبد العزيز :

_ والمرة دي على فين العزم ان شاء الله

سلمى :

_ على اسيوط ان شاء الرحمن ..عندنا هناك

6 قضايا ادعيلي يا بابا

عبد العزيز بتعب :

_ أنا بدعيلك بالهداية وان ربنا ينور بصيرتك

وتبصي لنفسك شوية ...يا بنتي انت مش

هتصلحي الكون ...كفاية لحد كدة

سلمى :

_بابا من فضلك لما ارجع نبقي نتكلم

عبد العزيز :

_وهترجعي امتى ان شاء الله

سلمى :

_مش عارفة ..عموما متقلقش عليا انا

معايا الفريق بتاعي وهبقى اكلمك على

طول اطمنك ...اشوف وشك بخير يا حبيبي

وقبلته على وجنته وهمت ان تخرج فاوقفها

صوته المتعجب :

_مش هتسلمي على بنتك يا سلمى ؟

سلمى بدموع متحجرة :

_مش هقدر يا بابا ..ابقى انت بوسهالي ...عن

اذنك

واندفعت سلمى لتخرج قبل ان يضعف

قلبها وتعود لهدى حياتها مرة اخرى

....وتقابلت مع فريقها النسائي /رشا & سحر

&مروة /واتجهن جميعا لممارسة عملهن في
محافظه أسيوط

تنفست فاطمة الصعداء وهي ترى أدهم قد
بدأيهدأ رويدا رويدا بعد ان أجبرته على
احتساء عصير الليمون الذي صارت باعداه
من أجله

فاطمة بهدوء :

_أدهم

رفع اليها انظاره وهو يسألها بهدوء طفل
صغير يطلب الحماية من أمه :

_عندك استعداد تسمعيني ؟

فأومات برأسها وهي تجلس بجانبه فزفر هو
بضيق مما سيحكيه ثم بدأ بهدوء يحكي لها

ماحدث في الفيلا في ذلك اليوم وما تعرضت
له مها من والدته وما قاله واخيرا ما ناله من
رقية

فنظرت له فاطمة تحاول كبت جماح غضبها
منه ومن أمه في تعديهم على تلك الضعيفة
اليتيمة مها :

_ممکن تسمعني بهدوء ومن غير عصبية
فسكت أدهم متنهدا بضيق وهو يعلم تمام
العلم انها ستحملة اسباب تلك الكارثة
فاطمة بهدوء متوتر :

_اولا والدتك غلطانة جدا وكان لازم والدك
واخوك يوقفوها عند حدها
ثانيا انا مش فاهمة هي بتكره مها ليه دي
البتن طيبة وغلبانة ليه الافترا ده

زفرت بضيق وهي تكمل :

_عموما كل ده انا معترفة بيه بس فيه حاجة

مهمة

مهما حصل مكنش المفروض ابدا انك
تنفعل على والدتك وتقول لها الكلام ده يا
بني دي امك بردو

فانفعل ادهم :

_لا متقلقيش حضرتك هي مش بيفرق

معاها انها امي او لا

فاطمة محاولة امتصاص غضبه :

_طب ماشي هي قاسية انا معاك بس ليه
انت اللي انفعلت بالطريقة دي برغم وجود
ابوك واحمد وانا واثقة انهم مكنوش
هيسكتوا ابدا

أدهم بغموض :

_عشان انا اكثر واحد عارف تفكيرها وعارف
انهم في الاخر هيرضخوا لطلبها

فاطمة باندفاع :

_وانت مين قالك ؟دخلت في علم الغيب

أدهم بضحكة ساخرة مؤلمة :

_لا عشان مجرب قسوتها دي وتحكمها
واللي كان نهايته اني كنت نزيل في
المستشفى عند اخويا...مريض نفسي

اتسعت عيني فاطمة مما تسمع والصدمة
جعلتها صامتة للحظات حتى انتبهت من
شرودها على أدهم وهو يضحك ضحكة
صاخبة تحمل كل انواع المرار بداخلها :

_شوفتي اتصدمتي ازاي ...هي بقى ولا
اتأثرت وجاية تكمل على مها واحمد بنفس
الطريقة

ابتلعت فاطمة ريقها بتوتر وهي عاجزة عن
الاستيعاب ولكن عاجلها أدهم بان القى
بجسده على الفراش ووضع يده على عينيه
وكأنه في حالة نوم هامسا :

_ارجوكي يا ماما سبيني ...محتاج اناام
قامت فاطمة من جلستها بغضب تلبسها
على ذلك الشاب الذي يبدو انه عانى الامرين
من تلك الام الظالمة وهدرت به :

_لا لا مش هتنام

واتبعت كلامها بان جذبته من يده ليجلس
امامها وهو تتحدث بجدية :

_ لازم تتكلم وترمي الحمل اللي على

اكتافك ده ورا ظهرك

اتكلم واحكي لي يمكن ترتاح

زفر ادهم بضيق وهو يعاود الاستلقاء لنفس

وضعه السابق فقامت من مكانها وعندما

همت ان تخرج من الغرفة سمعته بدأ

يحكي ما حدث له من عام

فعادت وجلست تسمع بانتباه ...

flash back

عاد أدهم لارض الوطن بعد غياب شهرين

كان في السعودية لامرين احدهما كان اداء

العمرة شكرا لله على توفيقه في الحصول

على رسالة الماجستير والامر الثاني كان زيارة

الدكتور طارق العريني صاحب المركز الطبي

العالمي بالسعودية وعرض عليه ادهم

ابحائه في القضاء على مرض يدعى جرثومة
المعدة(قلب الرفاعي بقلمى لميس عبد
الوهاب) والتي انبهر بها الدكتور طارق وقرر
فورا مشاركة ادهم بها على ان يعمل لديه
هناك فوافق ادهم على المشاركة ولانتفاع
بالابحاث دون وجوده وذلك ما ادهش
الدكتور طارق انه لم يستغل الفرصة
ليشترط عليه وانما كان بالغ هدفه هو
تخفيف الالم عن المرضى وخاصة بعد ان تم
رفض ابحاثه في مصر بدعوى الروتين
وضرورة احترام المناصب وهذا لم يكن ابدا
الا نوع من الغيرة والحقد الاعمى تلبس
رؤسائه في الجامعة وبعد اصرار من الدكتور
طارق وافق ادهم مرغم على تحويل نسبة
من الارباح السنوية للمركز له

مجرد ان خطى ادهم لداخل الفيلا سارع
الجميع اليه لاشتياقهم اليه الارقية التي
سلمت عليه وضمته وهي تهتف به :

_ حضرتلك مفاجأة انا واثقة انها هتعجبك
جدا

أدهم ضاحكا :

_ ماما كل مفاجاتك عرايس وانا مش
هتجوز بالطريقة دي

رقية هاتفة بضيق :

_ معتش ينفع انا كلمت ام البنت وخذت
منهم ميعاد يوم الجمعة الجاية

انفعل ابراهيم :

_ والله عال يا ست رقية بتصرفي من دماغك
وكأني مت مش كدة

رقية بغضب :

_ ابنك بيماطل ولو كنت استنيت كان ممكن
البننت تروح من ادينا دي فرصة انت عارف
ابوها مين

أدهم مقاطعا بغضب :

_ وانا هتجوز ابوها...ازاي يعني تاخدي خطوة
زي دي من غير ما اعرف يا ماما

إبراهيم مكمل بسخرية :

_ لا ما احنا مالناش لازمة عند الست والدتك
عموما ابقى اتفضلي روعي ميعادك
لوحدك لا انا ولا ابنك جايين وابقى شوفي
هتقوليلهم ايه

رقية بغضب جامح :

_والله يا ابراهيم لو عملتوا كدة لاکون
سيبالکم البيت ومش هتتعرفوا طريقي ابدا

ابراهيم بتحدي :

_طب فکري بس تعملي کدة عشان اقتلك
بايدي و....

أحمد هاتفا :

_يا جماعة اهدوا شوية في ايه ..وانت يا أدهم
روح وشوفها يا أخي مش يمكن تعجبك

ونظر لادهم نظرة مفادها ارجوك حجم
انفعالهم بكلمة منك

فزفر ادهم بضيق :

_عندك حق يا أحمد ...انا هروح واشوف
يمكن فعلا تعجبني

واتبع كلماته بمرح مصطنع :

_ وانا واثق في ذوق سيده الذوق الراقى رقيه

هانم الرفاعي

فتنهد ابراهيم بتعب وهو يعلم سبب قبول

ادهم وهذا ما اتعبه ولكنه اضطر للقبول

مرغما كما ابنه حتى لا تنفذ المجنونة

تهديدها

هذا في الوقت الذي اندفعت فيه رقيه

بحماس تعدد صفات تلك الفتاة والتي لن

يجدها عند غيرها من البنات مهما بحث

فيكفي والدها اكبر رجل اعمال في مصر بل

وفي العالم العربي كله

وهذا مالم يسمع منه ادهم كلمه وهو يدعو

بداخله ان يرزقه الله الصبر والبصيرة

والحكمة ليتعامل مع ذلك الموقف بحكمة

دون جرح والدته .

مر الوقت سريعا وتلك الجلسة والتي
اجبرتهم فيها رقية على قراءة الفاتحة
وتحديد ميعاد الخطوبة والتي اصر والد
الفتاة انها عقد قران لانه انسان محافظ جدا
ولا يعترف بمسمى الخطوبة وحدث ما كان
ورضى ادهم بالتضحية به في سبيل اسعاد
امه والتي لم تكلف خاطرها لتستعلم جيدا
عن الفتاة واكتفت بكلمات من بعض
عضوات النادي التي ترتاده يوميا

وبعد شهور من تلك الخطبة السريعة
انكشف كل شيء امام ادهم ووالده فالرجل
برغم غناه الفاحش كان شديد البخل حتى
على أهل بيته وهذا ظهر جليا من طلبات
الفتاة لادهم التي لا تتوانى عنها كأحدث
هاتف مثله وأحدث لاب مثله وأخيرا أحدث

سيارة ولكن أدهم تمهل في طلبها الاخير
واقنعها انه سيشتري لها السيارة بعد
زواجهم كهدية للزواج امتعضت ولم ترد

اما ابراهيم فعندما علم كل ذلك عن ذلك
الرجل وابنته التي اضاعت نصف رصيد ولده
في البنك في شهور قليلة طلب من ادهم ان
يتركها فهي لا تشبع ولا تتوانى عنه وكأنه
اصبح البنك الخاص بها ولكن أدهم رفض
واقنع والده انها ليس ذنب في ذلك انما
السبب هو شح والدها وانه سيحاول بعد
الزواج ان يحجم من كم طلباتها تلك باللين
والحب وليس بالقسوة والعنف الذي
ينتهجهم والدها مع اهل بيته

مرت الايام وبدأ ادهم في تجهيز شقته بكامل
تجهيزاتها دون تدخل احد فقط هو وزيبي
خطيبته فقط كان يحاول بقدر امكانه ان

يعوضها عن قسوة والدها الغير مبررة من
وجهة نظره بان يجعلها ملكة متوجه تأمر
فتطاع حتى ذلك اليوم ...

صباحا اتصل بها أدهم ليعلمها ان الشقة
اصبحت جاهزة وانتهت كل اعمال الديكور
التي طلبتها بها وطلب منها ان تذهب لتراها
وتعلمه برأيها لانه لديه عدد كبير من
العمليات الجراحية ولن يستطيع الذهاب
معها اعترضت في بادئ الامر ثم سرعان ما
وافقت واخبرته انها ستحادثه في المساء
لتعلمه برأيها

وانتهى الاتصال وذهب ادهم لعمله ومن
جراحة لآخرى حتى ارهق فعليا حتى عاد
لغرفته مرهق الفكر والجسد فاسرع الى دورة
المياة المرفقة لحجرته ووضع راسه اسفل

المياة عليها تعيد قليلا من نشاطه ليكمل

جدول جراحاته

لكنه تفاجيء باخيه في غرفه مكتبه ينادي

عليه :

_أدهم انت هنا؟؟

فرد أدهم مازحا :

_لا هناك

أحمد متصنع الضيق :

_خفة دمك ملهاش حل

فضحك أدهم بصخب ليغيظ اخيه أكثر
ولكنه قطع ضحكه عندما رن هاتفه واخبره
اخيه انها زيزي فطلب منه ادهم ان يفتح
الاتصال ويفتح السماعة الخارجية فكان
يعلم في قرارة نفسه انه الاغلب ان الهاتف

هو الذي طلب اخر رقم عليه كالعادة فهي
ابدا لن تتكرم وتطلبه الا في الوقت المتفق
عليه بينهما وكأنها مغصوبة على الارتباط به
نفض تلك الافكار من رأسه واسرع بالخروج
من دورة المياة ليتحدث اليها لكنه تجمد
على الباب من الصدمة التي نفذت اليه
لتضربه في مقتل

عندما انفتح الاتصال كان هذا هو الصوت
على الهاتف حوار كالتالي

الشخص:

_زيزي ...الشقة جميلة قوي وفرشها راقي

مين اللي منقي العفش ؟

زيزي بضحكة خليعة :

_على ذوقى طبعا ...وعشان كدة اخترتك

ياقلبي

الشخص :

_ طب ماتيجي بقى يا قمر .. وحشتيني قوي

زيزي بمياعة :

_ اصبر على رزقك

ثواني فاصلة قبل ان يهتف ذلك الشخص :

_ اللهم صلي على النبي ... يابختك يا عم ادهم

هتاخذ الحلويات دي كلها لوحدهك

زيزي بدلال وضيق مصطنع :

_ ولزمتها ايه السيرة النكد دي افكر لنا

حاجة عدلة

تعالى صدر أدهم صعودا وهبوطا دليل على

صعوبة التقاطه لانفاسه وكأن الهواء يشق

صدره بمشرطه الجراحي ونبض قلبه بعنف

هادر وتحولت عيناه للاحمر الدامي

تحول أدهم لتلك الصورة كان كفيل بارباك
احمد الذي سارع بالتقاط الهاتف لآخراسه
وغلقه نهائيا ولكنه عندما التفت لآخيه لم
يجده امامه فقد انطلق ادهم مكتسحا من
يراه ليصل باقصى سرعة لتلك الخائنة
والتي لن تنفد منه ابدا

تحرك احمد سريعا في اثر آخيه وهو يعرف
وجهته جيدا وعندما استقل سيارته اسرع
بالاتصال بوالده :

_الحقنا يا بابا

ابراهيم بزعر :

_في ايه يا احمد ؟

اعطاه احمد سريعا موجز لما حدث وهذا
كان اكثر من كفيل لان يسارع ابراهيم هو
الاخر مهرولا لخارج الشركة مستقلا سيارته

الى ابنه لنجدته من جريمة يعلمون جيدا انه
سيرتكبها وهذا بعد ان هدر ابراهيم في احمد
الا يترك اخيه حتى يصل اليهم

اما ذلك الغاضب فكان بداخله بركان
يستطيع احراق كوكب الارض بما عليه
وعندما وصل لمقر شقته اسرع اليها قافزا
الدرجات حتى الدور الرابع واسرع بفتح
الباب وتأكد من اغلاقه خلفه حتى لا يتدخل
احد

دخل بعنف الى غرفة النوم الكبرى والتي
كانت معدة لاستقبال العروسين بعد عدة
اسابيع ولكنها تستقبل مشهد من اقذر
واقبح المشاهد في العالم تلك الفعلة التي
يهتز لها عرش الرحمن والعياذ بالله

دخل ادهم هاجما على ذلك الشخص جاذبا
اياه من شعره ملقيا به على الارض بعيدا
عن الفراش ووجه له عددكبير من اللكمات
والركلات والتي لم يستطع الصمود امامها
ليتحول جسده سريعا لاودية من الدماء
المتفجرة من كل انحاء جسده ففقد وعيه
انتبه ادهم على تلك التي ارتدت سريعا
ملابسها وكادت ان تفتح باب الشقة لتهرب
بعمرها من هذا الوحش الكاسر ولكنها لم
تلحق فقد عاجلتها يد ادهم التي التقطت
بسرعة خصلات شعرها ليعيدها بقوة وعنف
الى غرفة النوم وهو يكيل لها الكثير من
الصفعات واللعنات حتى القاها على
الفراش وسارع بفك حزام بنطاله ليلف احد
اطرافه على يده ويترك الطرف الاخر حر

ليهوى به على جسدها المسجى امامه

ينتفض رعبا والما

في ذلك الوقت كان احمد قد وصل الى الشقة

حاول الطرق عليها والتوسل لاخته ليفتح له

ولكن ادهم لم يكن يسمع سوى عبارات

تلك القذرة امامه فما تزيده الا عنفا

الصوت الصارخ لزيزي وصوت توسلات

احمد لاخته استرعى انتباه عدد كبير من

الجيران الذين جاءوا مهرولين محاولين

مساعدة احمد في خلع باب الشقة من مكانه

وبعد عدد كبير من المحاولات استطاع احمد

وعدد من الجيران في خلع الباب واندفعوا

جميعا لغرفة النوم

ومن منظر أدهم الغاضب والذي لم يشعر

بهم وزيزي التي فقدت وعيها بعد تمزق

جسدها بالكامل وذلك الملقى على الارض
يسبح في بركة من الدماء عاري الجسد كل
ذلك كان كفيلا ليفهم الجميع ماذا حدث
بالضبط

هنا اسرع احمد لاختيه محاولا السيطرة عليه
وابعاده عنها ولكنه لم يستطع فعاونه عدد
من الرجال في محاولة لتكبييل ادهم وهو
يصرخ بهم هائجا ان يتركوه ليقتلها

اما البعض الاخر فسارعوا لذلك الرجل
المسجى ارضا يحاولون اسعافه ومساعدته
في ارتداء بعض الملابس التي تستره في حين
اتصل احدهم بالاسعاف لتدهور حالة الرجل
وزيبي اما ادهم فكان يصرخ كالاسد الجريح
الذي نال سهم الخيانة من قلبه ورجولته
أدهم هادرا وهو يتلوى بين الايدي التي
تحاول تكبييله :

_سبني يا احمد....ابعدوا عني...لازم اقتلها

أحمد محاولا تهدئته :

_ادهم اهدى ارجوك انت اكبر من كدة...انت

انسان قوي مش هيضعفك موقف زي ده

أدهم بصراخ :

_لاااااااااا...مش هرتاح الا لما اقتلها...سبوني

وهنا وصل الاسعاف الذي اخذ الرجل

وعندما حاولوا اخذ زيزي جن جنون ادهم

فكان كالثور الهائج وهو يصرخ بقوة وعنف

حتى تعب كل الرجال من محاولة السيطرة

عليه :

_لاااااااااا.....سبوها....محدث ياخذها من هنا

.....انا هقتلها...اوعدوا عني

وهنا وصل ابراهيم وتفاجئ بشكل ادهم

فهزول اليه محاولا عبثا تهدئته :

_ابني... ادهم حبيبي اهدى واسمعي ...

أدهم مقاطعا بصراخ :

_ لاااااا سمعتكم كثير ودي كانت النتيجة

....ابعدوا عني

فاشار احمد لوالده الذي فهم الاشارة واسرع

لاخراج هاتفه واجراء المكالمة الاخيرة :

_ مروان ابعتلي عربية اسعاف على شقة

ادهم بسرعة يا مروان ادهم منهار

مروان بجدية :

_حالا ياعمي

وما هي سوى دقائق لم يكف فيها ادهم عن

الصراخ ومحاولة التملص ممن يكبلوه حتى

وصل مروان مع سيارة الاسعاف والذي
حاول جاهدا مساعدة ابراهيم في السيطرة
على ذلك الثائر الغاضب وهنا اسرع احمد
بكشف احد يديه لاعطائه حقنة مهدئة ولكن
تفاجئ الجميع من منظر عروقه البارزة
والتي تدل وبوضوح على قرب انفجارها
فسارع احمد بغرز الحقنه بعروقه ليDOM
يصارعهم للحظات حتى استسلم اخيرا
للمهدئ ليDخل في سبات عميق ويترك
المجال لذلك الظلام ان يلف عقله كما حياته
ليأخذه من دنيا الخداع والخيانة

ظل ادهم يعاني المهدئات التي كان احمد
حريص على حقنه بها كلما استيقظ من
غفوته في المستشفى لما كان يعانيه من
نوبات عنف وصراخ هستيرية وهو ينادي

باسمها ليقتلها ليسارع اليه احمد مهدئا اياه
بالادوية حتى يهدا قليلا فيبدأ معه مرحلة
اخري من العلاج النفسي في محاولة من
احمد لاعادة ترميم ما حدث له ومحاولة
اعادته لحياته شيئا فشيئا

كان هذا في الوقت الذي تولى فيه ابراهيم
كافه الامور القانونية والتي اظهرت ان والد
الفتاة كان يعلم بكل مصائبها ولذلك كان
شديد القسوة معها وبعد تلك الفضيحة
تنازل عن القضية التي سجلت في
المستشفى التي تعالجت فيها زيزي
واخذها وسافروا جميعا خارج البلاد

اما ذلك القذر الذي كان معها استطاع
ابراهيم تهديده بالمصير الاسود الذي ينتظره
ان اشار من بعيد مجرد اشارة لادهم وهذا
مافهمه ذلك الحثالة جيدا عندما عرف من

هو ابراهيم الرفاعي في مصر بل والعالم كله
فخرس وفضل الصمت والنجاة من برائن
ابراهيم الذي كاد ان يفتك به بمجرد نظرات
دبت الرعب في اوصاله

ومرت الايام وعاد ادهم شيئا فشيئا لحياته
ولكنه انقلب للنقيض بعد ذلك المرح
الفكاهي الهادئ صار عنيف همجي شرس
في تعامله مع الاخرين وانعزل عن الجميع
لكنه ابدأ لم يحاول ولو لمرة واحدة ان يحمل
والدته الذنب ويخبرها ان تسرعها كاد يقضي
على حياته

عمل خاطر لها ولم يرد جرحها لكنها جرحته
في الصميم ولم تكتفي بما فعلت معه من
قبل

back

عاد ادهم من ذكرياته ليفاجئ بفاطمة

توقعاتكم تهمني ..

الحلقة السادسة عشر

عاد أدهم من ذكرياته المؤلمة على يد
فاطمة الحانية التي كانت تربت على يده
بمحاولة منها لدعمه فرفع يده التي على
عينيه لينظر لها ففوجيء بدموعها التي
تغرق وجهها دون قدرة لديها على التوقف
فسارع بالاعتدال جاذبا يدها ليقبلها بامتنان
صامت لمجرد انها شعرت بألمه وكسرتة
جذبت فاطمة سريعا يدها من يده لتحاوط
وجهه بين يديها لتثبت عينيه في عينها لعلها
تستطيع بث الثقة له :

_ اللي حصل ده هيتنسى هنا في اللحظة دي
...وهتبدأ تشوف حياتك ومستقبلك
...وهترمي الماضي كله ورا ظهرك
تملص منها أدهم بألم مردد بانكسار :
_ ياريت أقدر انسى ... ياريت الموضوع
بالسهولة دي

جذبتة فاطمة بقوة وهي تمسح دموعها
بعنف هادرة به:

_ انا ابني مش ضعيف ... ومش ابن فاطمة
اللي يسمح لواحدة زي دي انها تهز ثقته
بنفسه ولو شعرة

تعجب أدهم من كلماتها فعاجلته :

_ انت طلبت تكون ابني ... وانا ابني اقوى من
أي حد وهترجع شغلك وتشوف مستقبلك
سامعني

للحظة شعر أدهم بالمرارة في حلقه تمنى
من قلبه ان يكون هذا رد رقية على ألمه
وليس مزيد من الاختيارات الخاطئة تحت
مسمى المصلحة

شعرت فاطمة بما يدور بخلده فحاولت
تطيب خاطره ومد الجسور مع والدته :

_أدهم حبيبي كل أم في الدنيا سيكون هدفها
الاول والاخير في حياتها هو سعادة اولادها
...اوقات بتكون الظروف قاسية او مش
ملائمة او بتخدعنا لكن في الاخر الهدف واحد

ابتسم أدهم ساخرا :

_مدام رقية الرفاعي هدفها الاول والاخير
المستوى المادي والاجتماعي مش اولادها

ابدا يا ماما

فاطمة :

_يا بني

أدهم مقاطعا :

_ارجوكي يا ماما انا تعبان ومحتاج ارتاح
ومش عاوز اتكلم عنها تاني هي طردتني
ونسنتي وانا هنساهم كلهم وهخرجهم من
حياتي

فاطمة بذهول :

_تطرد مين من حياتك يا مجنون دول أهلك

!!!

محدث بيعيش من غير أهله

أدهم غاضبا :

_وكانوا فين أهلي وانا بانضرب واطرد من
البيت والكل واقف مش بيتحرك ...ليه
متحركوش ومنعوها

عندما لاحظت فاطمة انتفاضة جسده

الغاضب سارعت بتهدئته :

_ طيب خلاص اهدى ...اقولك ارتاح دلوقتي

وبعدين نتكلم

التفت اليها أدهم وكأنه شخص آخر فكلماتها

كانت كمفعول السحر على عقله وكالبلسم

الشافي لقلبه :

_ انا هرجع شغلي من بكرة وهرجع لحياتي

اللي بنيتها هنا بعيد عنهم هو اصل في

دراستي ومش هضعف ...وهغير تليفوني

مش عاوز اكلم حد منهم

علمت فاطمة انه بقدر ضيقه منهم الا انه

مازال قلبه متعلق بهم لكثرة ما ذكرهم

ففضلت عدم الضغط عليه الان وموافقته

حتى يهدأ وتعيد مناقشته :

_ تمام كدة قوي ...كدة فعلا انت ابن فاطمة

فابتسم أدهم بهدوء فعاودت مشاكسته :

_بتضحك ليه انت متعرفش المثل اللي

بيقولك مين اللي ميحبش فاطمة

فتعالت ضحكات أدهم وكذلك فاطمة وهو

يخبرها بمرح :

_ لا اعتقد كان مسلسل تليفزيوني يا ماما

(مسلسل تليفزيوني مصري للفنان احمد

عبد العزيز)

فاطمة بضيق مصطنع :

_مثل ولا مسلسل المهم ان محدش يقدر

ميحبش فاطمة

أدهم مبتسما :

_عندك حق ربنا يخليكي ليا يااارب

فاطمة بحب أمومي فياض رابطة على كتفه :

_ويحفظك ليا يا نور عيني

وهنا دق هاتف فاطمة لتخرج من الغرفة

لترد على المتصل

خيم الحزن سريعا على فيلا الرفاعي وساد

الصمت بين افراده كل شارد في حاله وحال

تلك العائلة التي على وشك التمزق

شرد ابراهيم في حياته وحياة تلك التي

امتلك قلبه ولكنها آلمته كثيرا يوما بعد

آخر لم تعد كما كانت عند زواجهم(قلب

الرفاعي بقلمي لميس عبد الوهاب) منذ

سنوات وكأن تعاقب السنوات كان يزيد لها

قوة وشراسة غلفت قلبها وشوهت روحها

فما عاد يعرفها

انتبه ابراهيم من شروده لجلوس أحمد

بجانبه فنظر اليه بلهفة :

_فيه اخبار عن اخوك يا أحمد ؟

أحمد آسفا بضيق :

_للاسف لا يا بابا...سألت كل أصحابه اللي

هنا واللي في المنيا محدش يعرف عنه حاجة

ابراهيم بألم :

_انا خايف يكون عمل في نفسه حاجة

مها بتعقل :

_لا يا عمي أدهم عاقل لا يمكن يعمل حاجة

زي كدة هو بس تلاقيه لسة مصدوم من

اللي حصل واما يهدى ان شاء الله هيرجع

إبراهيم بتعب :

_ يارب يا بنتي ... يارب يرجع اديكي شايفة
حالتها عاملة ازاي هي والسريير واحد
أحمد بهدوء :

_ الحمد لله اننا قدرنا نوصل لكدة وخرجت
من العناية ... انا مش عارف ايه اللي
بيحصلنا ده
ابراهيم :

_ انا السبب يابني انا اللي سبتها تتحكم في
كل حاجة من الاول كنت فاكر اني كدة
بعوضها عن اللي جدتك عملته فيها مكنتش
اعرف انها هتتحول وهتبقى زيها وتفرض
عليكم اللي جدتك فرضته علينا زمان
مها :

_ خلاص ياعمي ان شاء الله كل حاجة
هتتحل ... بس انت قول ياارب

أحمد بضيق :

_ ما هو لو اعرف بس هو فين هطمن حتى لو
مش هشوفه المهم اطمن انه كويس

أطرق إبراهيم رأسه في ألم على ضياع ابنه
لكنه اتتبه سريعاً عندما صاحت مها :

_ أحمد .. انا عرفت هو فين

أحمد بأمل :

_ فين يا مها ؟

إبراهيم بلهفة :

_ فين يا بنتي اتكلمي ابوس ايدك

مها بعجالة :

_ ثواني هعمل مكالمة واطمنكوا ان شاء الله

وابتعدت مها قليلا بالهاتف واجرت المكالمة

لعدة دقائق كان ابراهيم واحمد خلالها

وكأنهم يصارعون للتنفس من شدة التوتر

والقلق وعادت باسمه الوجه مستبشرة :

_متقلقش ياعمي هو كويس قوي وصحته

كويسة

أحمد بضيق :

_ما تقولي هو فين يا مها

مها بتلعثم من غضب أحمد الواضح :

_انا...انا اسفة يا أحمد...مم...مش هقدر

اقولك لانه حلفني اني مش اقولكم على

مكانه وطلب اني اطمنكم عليه واقولكم انه

كويس وانه لما نفسيته تهدى هيرجع

إبراهيم بارتياح :

_ الحمد لله ... الحمد لله يا رب انه كويس

... طب ماقولتيلوش يا مها على امه

مها :

_ مدانيش فرصة يا عمي بمجرد ما قتلته

...أدهم طنط رقية ...انهى المكالمة وقفل

الفون خالص انا اسفة

ابراهيم :

_ لله الامر من قبل ومن بعد

لتنضم اليهم ياسمين بعد دقائق فسارع

أحمد بسؤالها :

_ ماما عاملة ايه دلوقتي يا ياسمين ؟

ياسمين بحزن :

_ كويسة يا احمد ...أكلتها وادتها العلاج

وسبتها تنام بس هي دايمًا بتسأل على بابا

أحمد بضيق :

_يا بابا من فضلك ادخل لها مينفعش كدة

ابراهيم بوجع :

_مش قادر يا أحمد كل اما افتكر نظرة اخوك

وهي بتطرده قلبي بيوجعني ...مش قادر

اشوفها ...سبوني براحتي

وتركهم ابراهيم ليدخل لغرفة أدهم والتي

اصبح مقيم بها ...يطمئن على زوجته من

ابنائها ولكنه لا يخاطبها او يدخل لها نهائي .

نظرا لتلك الاحداث وتلك الازمة التي تمر بها

عائلة الرفاعي حمل يوسف على عاتقه

هموم الشركة وكانت ياسمين تساعده من

حين لآخر

كان وجوده في ذلك الوقت هو الشيء الوحيد
الجيد وسط تلك الفوضى التي تعم حياة
الجميع

أما أحمد كان يتألم لبعده أخيه ومرض أمه
ولكن ما يهون عليه وجود حبيبته معه
وانتظارهما معا لثمرة عشقهما الحفيد الاول
لعائلة الرفاعي

أما رقية فكانت هي الاخرى تتألم وبشدة
ليس فقط لمرضها ولا لتباعد زوجها وحب
عمرها وانما لاشتياقها لوليدها ابنها وقرّة
عينها الابن الغالي والاقرب لقلبها والذي
جرحته وابعده بغائثها وغضبها الاعمى
من ابراهيم واحمد وتلك الشيطانة مها دفع
ثمنه الغالي ولكن لا لن تكون رقية الرفاعي
الا اذا دفعت مها الثمن وغالي جدا

وهناك كان أدهم الذي منذ مناقشته الاخيرة
مع فاطمة وهو عمد الى غلق الموضوع نهائي
واحترمت فاطمة رغبته وعمدت على دفعه
لعمله ودراساته المتوقفة من مدة وهذا
ماحدث استمع لها وعاد لعمله ولشقتة
حاولت معه كثيرا ان يظل معها

فاطمة بحزن :

_ اخس عليك يا أدهم عايز تسبني لوحدي
تانيدا انا ما صدقت انك قاعد معايا
مونسني

أدهم :

_ معلش يا ماما محتاج اعود نفسي على
الوحدة كفاية كدةوان شاء الله هجيلك
على طول مش هسيبك

فاطمة :

_يابني بلاش وحدة وانت في السن ده

أدهم :

_ما هو لازم اتعود وانا في السن ده ...انا هقوم

اتمشى شوية وبعدين هرجع على شقتي

...صحيح انا سجلتلك رقمي الجديد على

تليفونك لاني رميت رقمي القديم خلاص

وخرج أدهم ليمارس حياته من جديد بقلب

محطم ولكنه كان داخله اصرار انه لن

يستسلم وسيخرج كل كفته وغضبه في عمله

ودراساته ...سيبدأ من جديد حياة أخرى هنا

في المنيا قاطعا كل علاقته بالقاهرة

مرت الايام وتمثلت رقية للشفاء وعادت

لحياتها الطبيعية من جديد لمزاولة سلطتها

على الكل

رقية :

_ اتأخرت ليه يا ياسمين كل ده ؟

ياسمين بتعب :

_ معلش يا ماما أصل كان عندي اجتماع

مهم

رقية :

_ انا مش عارفة انت بتروحي الشركة ليه

؟هو مش فيه مدير جديد ليها ؟

ياسمين بتوجس :

_ ما انا معاه يا ماما احنا الاثنين بندير الشركة

سوى

رقية بابتسامة لا تظهر الا لياسمين :

_ طيب يا حبيبتي روعي اغسلي وشك

وتعالى عشان نتغدى

ياسمين :

_حاضر يا ماما ...امال فين الجماعة مش
شايقة حد يعني

رقية بضيق :

_ابوكي في اوضة ادهم كالعادة مقاطعنا
وقاعد فيها لوحده واخوكي في المستشفى
والسنيورة اللي ابتلينا بيها في اوضة احمد

ياسمين بضيق بالغ :

_ما خلاص بقى يا ماما احنا مش هنخلص
من الموضوع ده

رقية بغضب :

_لا مش هنخلص ادعي ربنا اتنا نخلص منها
عشان نرتاح

فنظرت لها ياسمين نظرة بمعنى (مافيش
فايدة) واتجهت لغرفتها بتعب تفكر ان
الحال في تلك الفيلا صار من سيء للاسوء
ولكن اهنالك ما هو اسوء من حالهم الان
لا تعلم الحمقاء ان المصائب الحقة لم
تحدث بعد ويا ويلكم يا عائلة الرفاعي من
القادم ...

كان كعادته في الاونة الاخيرة يجلس
شاردا يفكر في حل ليعيد ربط عائلته قبل ان
يفقد زمام الامور وينفرط العقد من بين يديه
ولكنه تنبه على هاتفه فسارع بالرد عندما
لاحظ المتصل

عبد العزيز :

_السلام عليكم ...ازيك يا يا حاج ابراهيم كدة
بردو من يوم ماسافت متتصلش بيا ولا مرة

ابراهيم بحنين لذلك الصديق الاخ :

_وعليكم السلام ..حقتك عليا يا حاج عبد
العزيز غصب عني والله كان فيه شوية
مشاكل في الشركة بس الحمد لله ربنا ستر
...قولي انت خبارك ايه واخبار صحتك

عبد العزيز :

_انا الحمد لله تمام وانت اخبارك ايه

ابراهيم :

_الحمد لله على كل حال

عبد العزيز :

_مالك يا ابراهيم صوتك مش عاجبني فيك

ايه ؟

ابراهيم :

_مفیش یا حاج سلامتک

عبد العزيز:

_بتخبي عليا يا ابراهيم..دا انا اخوك قول يا
راجل في ايه مش يمكن اقدر اساعدك

ابراهيم بحزن :

_مفیش یا حاج بس ادهم وحشني قوي
ونفسي اشوفه

عبد العزيز :

_طب ماتيجي تقعد معاه يومين حتى
اشوفك...والله وحشنتني قعدتنا سوى

ابراهيم بلهفة :

_انت بتقول ايه يا عبد العزيز..أدهم عندكم
في المنيا..انت متأكد؟!

عبد العزيزو بتعجب :

_هو انت مكنتش تعرف !!ده هنا من مدة

ابراهيم بعجالة :

_خلاص تمام ي حاج هشوف ظروف في كدة

...بس ارجوك لو كلمته بلاش يعرف اني

عرفت انه عندك ...مع السلامة

وسارع بانهاء المكالمة ما اثار الدهشة في

نفس عبد العزيزونظر للهاتف بتعجب

محدثا نفسه (هو مكنش يعرف ان ابنه هنا !!

...حاجة غريبة قوي ...انا مالي دي اسرار وكل

واحد حر في حياته)

دلف ابراهيم لغرفة المعيشة حيث يجلس

احمد مع والدته وبعيدا عنهم كانت تجلس

مها في احد الاركان بناء على رغبة احمد

لمحاولة التقريب بينهما

ابراهيم بلهفة :

_احمد...احمد عرفت اخوك فين ؟

احمد بفرحة :

_بجد..فين يا بابا

ابراهيم :

_في المنيا...يالا قوم اجهز عشان نسا فر له

دلوقتي

رقية بغضب :

_يعني البيه رجع لحياته وشغله واحنا هنا

دايخين عليه وهو ولا على باله

ابراهيم بغضب :

_ قوم يا احمد بسرعة قبل ما افقد اعصابي

احمد :

_ حاضر يا بابا اهدى بس وانا هجهز بسرعة

واجي

واتبع كلماته بان اتجه الى غرفته لكنه تجمد
مكانه عندما صدح صوت رقية بقوة بما جمد
الدم بعروقه

رقية :

_ استنى يا احمد ...محدث هيسافر له مش

هو عايز يبعد خليه يبعد وبعدين انت
هتسافر ازاي وعيلة خطيبتك وخطيب اختك
معزومين عندنا على العشا ؟

أحمد بصدمة :

_ نعم!!بتقولي مين ؟

رقية وهو تنظر لمها بشماته ولا تعلم ان
كلماتها كحد السكين الذي يشق قلب تلك
المسكينة بلا ذرة رحمة :

_خطيبتك هايدي بنت اللواء جمال
الرشيدي

ابراهيم :

_انت اتجننتي ازاي خطيبته وهو متجوز
اصلا
رقية :

_انا فهمت سوسن ظروف مها وهما
موافقين
ابراهيم :

_انت مجنونة انت لازم نوديكي نكشف على
قواكي العقلية

رقية ببرود :

_ابراهيم احمد هيتجوز هايدي وياسمين
هتتجوز تامر اخوها وده اخر كلام عندي

ابراهيم بغضب :

_ده على اساس اني مت

أحمد مقاطعا :

_لو سمحت يا بابا اهدى شوية...يا ماما من
فضلك انا بحب مرااتي...ومش هتجوز عليها

رقية بتحدي :

_والله ده اللي عندي لو كنت عايز مها
تفضل على ذمتك انما لو رفضت هطلقها
غصب عنك

ياسمين بيبكاء :

_حرام تعملي فيا كدة

رقية بغضب :

_ انت هتتجوزي تامر شاب طول بعرض
وغني وابن لواء شرطة عايضة ايه تاني ؟

ياسمين بشهقات بكاء متتالية :

_ ويوسف !!

رقية :

_ مين يوسف ده ؟

اتاها الرد من خلفها عندما جاء يوسف
لمناقشة بعض الامور الخاصة بالشركة مع
ابراهيم واستمع دون قصد لحوارهم لم يشأ
التدخل ولكن عند ذكر ياسمين كان عليه
التدخل حتى لا تضيع منه للابد

يوسف من خلفها :

_انا يوسف الجندي حضرتك مدير الشركة

وخطيبها

رقية :

_اه دا انت داخل على طمع بقى ...يعني

متفرقش كتير عن الهانم اللي احمد بلانا بيها

يوسف :

_انا اسف ..بس انا عمري ما كنت طمعان

في حاجة ولو على الشركة مش هدخلها تاني

بس ياسمين انا هتجوزها ومش عايز منكم

أي حاجة غيرها

رقية بتحدي :

_وانا بقى بقولك اطلع برا أنا

ولم تكمل كلامها حيث تلقت صفة مدوية
طرحتها ارضا من ابراهيم الذي بلغ منه
الغضب مبلغه هاتفا بها :

_انت ايه ؟ محدش مالي عينك ..انا راجل
البيت ده وانا اللي اقوله يتنفذ من سكات
انت فاهمة ؟

سارع احمد بالوقوف بينهما ليمنع والده عن
تكرار التعدي مرة اخرى هاتفا به :

_يا بابا ارجوك ده مش اسلوب نحل بيه
مشاكلنا

ابراهيم بتحدي :

_يوسف روح يا بني هات ابوك والمأذون
عشان هتكتب كتابك على بنتي دلوقتي

ياسمين :

_ وادهم يا بابا

ابراهيم :

_ ادهم كويس انا اطمنت عليه لسة انت يالا

يا يوسف

رقية بعد ان عاونها احمد على الوقوف :

_ والله يا ابراهيم لو عملت اللي في دماغك

وجوزت ياسمين للبني ادم ده ما انا قاعدة

في البيت دقيقة واحدة

أحمد بعصية :

_ يا ماما اهدي بقى ده مش اسلوب ... في ايه

بتتخانقوا على تحديد مستقبلنا واحنا فين

.. كل واحد حابب يمشي كلامه وبس من غير

ما يفكر احنا عايزين ايه بنحب ايه او بنحلم

بايه ... كفاية بقى كفاية

رقية بصدمة :

_والله عال بتعلي صوتك عليا يا احمد ..ده
اللي اتعلمته جديد من الهانم مراتك

مها بكاء :

_والله يا طنط

فسارعت رقية لاجراج غيظها من ابراهيم
واحمد ويوسف في تلك المسكينة فوجهت
لها صفة قوية صارخة بها :

_انت تخرسي خالص ..انت سبب المشاكل
دي كلها ...ابني عمره ما رفع صوته عليا غير
لما اتجوزك يا وش المصايب

كاد احمد ان يخرج عن اعصابه صارخا بامه
واخذا مها وتاركا ذلك الجحيم خلفه لولا
صرخة مدوية جمدته وجمدت كل مخططاته

حتى انسته مها وما تعانيه من امه حينما

.....

هل سيخضع احمد لامه ويتزوج هايدي

ويضحى بمها ؟

ما رد فعل مها ؟

هل سيتزوج يوسف ياسمين ام اخرى ؟

هل انتهت علاقة ادهم باهله للابد ؟

ما الازمة التي سيمر بها عبد العزيز ويكاد

يفقد عقله بها ؟

احداث جديدة ذات منحنى اخر تنتظر عائلة

الرفاعي و... قلبها انتظروني في الحلقات

القادمة باذن الله

الحلقة السابعة عشر

شعر أحمد بأن قدرته على الجدل
والمناقشة قد انتهت فأغمض عينيه بيأس
وفي داخله قد عمد الى الاطاحة بكل شيء
وترك هذا الجحيم خلفه ...نعم سيرحل
ومعه مها متخليا عن كل شيء ولكن قطع
خطه صرخة نطقها يوسف بفرع فالتفت
ليرى والده مسجى ارضا بين يدي يوسف
وياسمين التي تحاول بشتى الطرق افاقته
ثواني قليلة حتى عاد عقله للعمل ليسرع
اليه ويعاون يوسف في حمله للسيارة ومنها
للمستشفى .

جلس بانهياء على احد مقاعد الانتظار وراسه
بين يديه لا يعلم ماذا يفعل وكيف يتصرف
...على بعد خطوات منه كانت تجلس رقية
شاردة كأنها بعالم اخر لاتنكر في قرارة نفسها
انها مخطئة ولكنها تعلم ان ابراهيم يعشق

ابنائه وسيترك لهم الاختيار وهي ابدا لن
تعرضهم لاي مشقة في حياتهم مبررها
الوحيد انها تعشقهم ولكن على طريقتها
الخاصة تحميهم حتى لو من انفسهم

اما ياسمين فكانت تبكي على حالها وكأن
السعادة ليست من حقها فهي لم تهنأ بعد
برجوع يوسف لتعاجلها امها بتلك المصيبة
وكأن حياتها لا تكتفي ببعده الغالي والرفيق
والاخ لتبعد والدها ايضا الظهر والسند تعالت
شهقاتها لتعاجلها(قلب الرفاعي بقلمى
لميس عبد الوهاب) يده المربتة على كتفها
بحنان هامسا لها ببعض عبارات الثقة في الله
والذي ابدا لن يخذلها ان اخلصت الدعاء
فلهث لسانها بالدعاء لله ان ينجيه وتمر تلك
الازمة على خير

كل شارد في حاله ونسوا جميعا تلك اليتيمة
التي انزوت في ركن تنعي حظها وتدعو الله
الا يكتب عليها فراق عمها الاب الثاني لها
كفراق والدها دعت وبكت بحرقة ذلها
وهوانها شعرت بقوتها تستنزف وروحها تكاد
تخرج من جسدها فوجدت من يربت على
كتفها بلمسة حانية ..رفعت عينيها لترى
المائل أمامها والذي نزل على ركبتيه أمامها
ناظرا لها دون كلام مسح بيديه دموعها
وكأنها كانت اشارة لها لتلقي بنفسها بحضنه
متشبثة به باكية ربت برفق على ظهرها وهو
يطمئنهما ان الله عز وجل ارحم بهما من
جميع خلقه وانه ابدان لن يضيعهما

استقام احمد واقفا عندما خرج مجموعة من
الاطباء من غرفة العناية المائل بها ابراهيم

ليسألهم بلهفة عن حاله فيجيبه رؤؤف

بعملية :

_الحالة حرجة يا دكتور احمد ...بس املنا في

ربنا كبير ...ادعوله يعدي ال24 ساعة الجاية

على خير

وربت على كتفه ثم رحل وتركهم في حالة

صدمة فجلس احمد باهمال على المقعد لا

يستوعب ما حدث ولأول مرة تعرف الدموع

طريق عينيه فقطع قلبها التي اسرعت

لتحتضنه محاولة التخفيف عنه وهى واكثر

منه حاجة للاطمئنان فخرج صوته بحسرة :

_مها ...اتصلي بأدهم لازم يعرف

فاومات مها برأسها ثم اسحبت لبعيد

واتصلت بفاطمة وابلغتها بما حدث وطلبت

منها تعريف ادهم بحالة والده

ترددت فاطمة كثيرا خوفا من ردة فعله
ولكنها حسمت امرها بضرورة اخباره
فاتصلت به

فاطمة :

_السلام عليكم

ادهم :

_وعليكم السلام ورحمة الله ..ازيك يا ماما
..عاملة ايه طمنيني عنك

فاطمة بتلعثم :

_انا كويسة الحمد لله بس .. بس ..

أدهم بقلق :

_في ايه يا ماما ؟...انت كويسة ؟ ارجوكي
اتكلمي متقلقنيش

فاطمة :

_يا بني اطمن انا والله كويسة بس ...والدك ...

أدهم بفرع :

_بابا!!!...بابا ماله ؟اتكلمي يا ماما عشان

خاطري

فاطمة :

_يا بني اهدى هو كويس بس تعب شوية

ونقلوه المستشفى

أدهم :

_طب انا هطلبهم سلام يا ماما دلوقتي

اسرع أدهم بالاتصال بصديقه المقرب ليفهم

منه حالة والده بعد ان اخذ طريقه للمنيا

باقصى سرعة

أدهم :

_ السلام عليكم

مروان :

_وعليكم السلام ورحمة الله ازيك يا ادهم

ادهم :

_انا كويس ..طمني على بابا يا مروان

مروان :

....._

أدهم :

_مروان رد عليا ...بابا ماله ؟

مروان :

_اهدى طيب واسمعني ...الضغط ارتفع
جدا وبنحاول نسيطر عليه على اد ما نقدر

أدهم بصدمة :

_بابا!!!!...وحالته ايه دلوقتي

مروان :

_للاسف دخل في غيبوبة

لم يستطع ادهم الكلام اكثر فوقع الهاتف
منه بصدمة فزاد من سرعته بشكل جنوني
على الطريق وهو يضغط على مقود السيارة
بغضب جامح حتى صرخ فجأة :

_ليه...ليبييييه بتعملي فينا كدة ليه
.....بتموتينا بالبطيه ليه...الله يلعن الفلوس
على المستويات العالية اللي مالتيش
تفكير غير فيها...بس خلاص انا راجع وحق
الله ما حد هيفشل تخطيطك غيري بس
بابا يقوم...يااارب يااارب

وظل يلهث بالدعاء والرجاء لله ان ينجي

والده من محنته

جلست تبكي بصمت وهي تسند رأسها
على كتفه في حين يدها ترتاح داخل يده
يحاول بقدر امكانه بث شعور الامان لها وهو
في داخله يتألم بصمت من إهانة رقية له
وتعب ذلك الشخص الذي اعتبره يوسف
والده لما لمسه من حنيته وطيبته
اللامحدودة وعلى مسافة بعيدة نسبيا كان
يجلس أحمد والذي لم تتوقف دموعه لحظة
وفي داخل صدره كان يحتضن لها التي
انكملت برعب داخل حضنه وفي المقابل
كانت تجلس رقية تتابع ابنتها قليلا ثم تتابع
لها وفي داخلها بركان من الغضب تود احراق
يوسف ومها في لحظة واحدة لابعادهما عن
تخريب مستقبل اولادها الذي طالما حلمت

به ولكن صبيرا فليس هذا الوقت المناسب
لذلك .

عدة ساعات قليلة كانت تمر كالدهر على
الجميع حتى انتبهوا على صرخة ياسمين
واندفاعها لاول الممر لتلقي بنفسها في
حضنه السند والرفيق والاخ الصديق ادهم

ياسمين بكاء حار :

_بابا يا أدهم ...بابا بيموت

احتضنها ادهم بقوة رابتا على ظهرها محاولا
طمأنتها ولو قليلا :

_شششش اهدي ...ان شاء الله هيقوم لينا
بالسلامة

يوسف رابتا على كتفه :

_حمد الله على السلامة يا أدهم

احتضنه أدهم هامسا :

_الله يسلمك يا يوسف

اندفع اليه أحمد محتضنا اياه بعنف :

_ادهم شوفت اللي جراننا

فربت ادهم على كتفه بهدوء ناظرا اليه بلوم :

_ان شاء الله خير

تطلع أمامه وراها منكمشة على نفسها

تبكي بصمت فاقترب منها هامسا :

_ازيك يا مها ..عاملة ايه ؟

مها ببكاء متقطع :

_تعبانة قوي يا ادهم مش حمل فراق تاني

كفاية بابا الله يرحمه

فربط ادهم على كتفها مردفا :

_ ادعيه يا مها ربنا ينجيه لنا كلنا

والتفت فوجد امه امامه جالسة على مقعد
امامه تنظر له بلهفة واشتياق قلبها له
واضح ولكن كبرياتها الاعمى يمنعها من ان
تحتضنه وتشبع روحها منه فبادلها ادهم
النظرة بنظرة لوم وعتاب وقهر ثم تركهم
واندفع لغرفة العناية المركزة دخل غرفة
التعقيم اولا ومن ثم اتجه لوالده حاول
الثبات قدر استطاعته وهو يجلس على
مقعد بجواره ويتحدث اليه بنهم واضح
واشتياق لسند العائلة وكبيرها ومرت
الساعات وهو على وضعه حتى انفكت
رباطة جأشاه فأجهش بالبكاء وهو يتوسله
ان يقوم ويعود لوضعه ومكانته فأولاده برغم
كبرهم الا انهم حتما سيضيعون من غيره

بكى وبكى وما عاد استطاع التوقف حاولت
الممرضة اخراجه من الغرفة ولكنه لم
يتزحزح من مكانه ظل منكبا على يد والده
يرويها بدمعه فأسرعت لجلب الاطباء
المشرفين لاخراجه فاسرع عدد من الاطباء
ومنهم مروان الذي حاول التفاهم معه
ولكنه لم يكن يستمع يشعر بنار تحرق روحه
وحياة هذا الرجل هي البلسم الشافي فلجأ
مروان لمحاولة جذبة بقوة ليترك والده
ليرتاح فتمسك ادهم بيد والده اكثر وعندما
قاربوا على اخراجه وتركها تمسك به والده
هامسا بضعف :

_ ادهم ...

الصدمة جمدت الجميع الا ذلك الذي اندفع
لمكانه مرة اخرى مقبلا جبين والده ويده
صارخا بفرحة ودموع ابت ان تتوقف :

_ انا اهو يابابا ... انا معاك ارجوك قوم احنا من

غيرك ولا حاجة

في حين اسرع الاطباء للكشف عليه
والاطمئنان على الضغط الذي بدأ يعود
لوضعه الطبيعي بسماع مريضهم لصوت
ابنه الغالي وضميره المتيقظ دوما ادهم
عندما اطمأن ادهم على وضعه وبدأ الاطباء
في نقلة لغرفة عادية ساعدهم ومن ثم ارسل
ليطمئن الجميع على وضعه وما هي سوى
لحظات كانت غرفة ابراهيم مملوءة بهم
كلهم ياسمين ومها منكبتيين عليه كل واحدة
من جهة تقبل يده بدموعها ورقية جلست
على احد المقاعد باخر الغرفة يوسف واحمد
وادهم يقفون عند الباب منتظرين هدوء
الفتاتين ليتحدثوا اليه وعندما طالت المدة

جذب كل واحد منهم من تخصه لآخر الغرفة
حتى لا يتعب اكثر

اما ابراهيم تحدث هامسا مع الجميع ولكن
نظره كان معلق على اثنين الاولى عتاب والم
لرفيقه دربه والآخرى حب واشتياق للغالي
حتى همس :

_ادهم

فاسرع اليه ادهم رابتا على يده بحنان :

_انا معاك يا بابا متتكلمش ارتاح عشان

خاطري

فهمس ابراهيم بما لا يسمعه احد :

_حقك عليا يا بني...مقدرتش ادافع عنك

واجيبلك حقك بس ...

فقاطعه ادهم هامسا هو الآخر :

_بابا انت عارف انك قوتي وحمائتي يكفيني
وجودك في حياتي ...عشان خاطري يا بابا
خلي بالك من صحتك علشاننا كلنا ...انا
هروح دلوقتي وهجيلك بكرة الصبح باذن
الله

فشدد ابراهيم على يده اكثر هامسا بتعب :

_لا متسبنيش يا بني انت عارف ان انت
ضميري ...انا مش عايزك تبعد تاني علشان
خاطري

فربت ادهم على يده مهدئا اياه :

_بابا انت محتاج ترتاح ...نام دلوقتي والصبح
باذن الله هكون عندك وتكلم براحتنا

اضطر ابراهيم للموافقة على كلامه بعدما بدأ
سريان الادوية المهدئة في عروقه فدفعته
للنوم واستغل ادهم تلك الفرصة ليخرج من

المستشفى سريعا فهو لا يريد المواجهه مع

احد

لكنه تفاجأ بمن يجذبه من ذراعه فالتفت

ليجد يوسف امامه :

_انت رايح فين ؟

ادهم بهدوء :

_هروح ارتاح في أي فندق وهكون هنا الصبح

ان شاء الله

فشدد يوسف على يده قائلا :

_لا مفيش فنادق ...انت هتيجي معايا تبات

عندي والصبح هنيجي سوى

أدهم بتعب :

_يا يوسف ...

يوسف مقاطعا بقوة :

_مفیش یوسف قدامی من سكات

فابتسم ادهم من تصرفات هذا العنيد الذي
يشبه كثيرا عنيدته الصغيرة واضطر ان
يستسلم له ولكن لم يخطو خطوتين حتى
نادى عليهما احمد ليقفا له

احمد :

_ادهم استنى انا عايزك

يوسف :

_انا هسبق على العربية وهستناك فيها يا

ادهم ...بعد اذنكم

ادهم :

_نعم

احمد :

_انت زعلان مني يا ادهم ؟

ادهم ببرود :

_ لا ابداء وهزعل من سيادتك ليه

احمد بغضب :

_ في ايه ما تتكلم عدل

ادهم بغضب :

_ عايزني اتكلم اقول ايه ؟ اقول اضربت

واطردت من البيت واخويا الكبير واقف

يتفرج عليا ومتحركش من مكانه

احمد محاولا تمالك اعصابه :

_ والله انا خرجت وراك انا وياسمين بس

ماما ...

فقاطعه ادهم بحدة :

_هي دي ..ماما كلکم خايفين منها حتى لو
على حسابي وايه يعني ما انا طول عمري
كبش الفدا ليکم کلکم

احمد بذهول :

_انت بتقول ايه ؟..انت اتجننت

أدهم :

_لا متجننتش بس بقولك على اللي انا
حاسس بيه منکم کلکم

احمد بهدوء :

_ادهم ارجوك اسمعني وبعدين اعمل اللي
انت عايزه.10 دقائق بس علشان خاطري
تردد ادهم قليلا ولكنه سرعان ما انصاع
لرغبة اخيه واتجه معه لكافتيريا
المستشفى

وبدا احمد في سرد تفاصيل ما حدث يوم
مأساته وما حدث لرقية بعد خروجه فاندفع
سائلا بقلق :

_ازاي ماما تصاب بذبحة صدرية ومحدث
يبلغني؟ طب هي حالتها ايه طمني يا احمد
ارجوك

احمد بهدوء :

_اطمن الحمد لله عدت على خير..وصحتها
اتحسننت ما انت لسة شايفها فوق وده اللي
اخبرني اني الحققتك يومها

صمت قليلا ثم اردف :

_المشكلة مش في كدة فيه كارثة جديدة
ومش عارف اتصرف فيها لوحدي

ادهم بشك :

_والكارثة دي هي سبب حالة بابا مش كدة
ولا انا غلطان

احمد :

_لا مش غلطان فعلا هي السبب

فزفر ادهم بضيق :

_خير في ايه تاني ؟

فسرد له احمد تفاصيل اخر مشاحنة حدثت
مع الجميع والتي كانت احدى نتائجها مرض
ابراهيم

ادهم ساخرا :

_والله كويس ان ابوك فاق من الغيبوبة دا
طلع جبل ما شاء الله انه استحمل كل ده

احمد بغضب :

_انت بتهزريا ادهم واحنا في المصيبة دي

ادهم بغضب :

_والله حل المصيبة دي في ايدك ..اعتقد ان
العصمة في ايدك مش في ايد الست والدتك
يعني مش هي اللي هتطلق مها وبالنسبة
لياسمين ملكش دعوة بيها انا هتصرف

احمد :

_يعني ايه هتتصرف

ادهم :

_يعني هتتصرف واحلها زي ما بحل كل
حاجة دايم ايه جديدة يعني

احمد :

_طبوانا يا ادهم اعمل ايه

ادهم :

_انت راجل يا احمد ولازم تختار يا هايدي

وامك يا مها وابنك

احمد :

_امك مش حمل زعلة تانية دي ممكن

تروح فيها

ادهم :

_بالعقل والسياسة ممكن نحلها ..انا ممكن

....

قاطع كلامه عندما رأى والدته متجهة اليهم
فانتفض واقفا واخذ هاتفه ومفاتيحه واسرع
بالخروج حاولت ان تنادي عليه الا انه لم
يلتفت بل اسرع بالخروج فنزلت دمعة حارة
من عينها تعكس النار المشتعلة بقلبها على
ولدها والذي دفعت كبرياتها جانبا وحاولت
ان تتحدث اليه لكنه لم يعطيها الفرصة

فسارعت بمسح دموعها واتجهت لاحمد

وجلست معه غاضبة :

_شايف اخوك العاق

احمد بضيق :

_يا ماما ادهم مش عاق ..ادهم مجروح من

اللي حصل ارجوكي اديلو شوية وقت لحد ما

يهدى وينسى

رقية بسخرية :

_حاضر يا بية أي اوامر تانية

احمد بضيق بالغ :

_في ايه بس يا ماما ؟ ليه بتكلميني كدة؟

رقية بغضب :

_لاي حاسة اني مخلفتش رجالة ..خلفت

شوية عيال

احمد بغضب :

_ ايه لزمة الكلام ده بس ياماما حرام عليكي
انا فيا اللي مكفيني

رقية بوضوح :

_ اسمع يا احمد انا اتفقت مع الناس على
كل حاجة ومش هرجع في كلامي فاهم ولا لاء

احمد بغضب بالغ :

_ يعني ايه؟ هو بالغصب يعني انا بحب
مراتي ومش هسيبها

رقية بهدوء :

_ تمام وهما موافقين على ان مها تفضل
على ذمتك مع هايدي

احمد بتذكر :

_ايوة...هو ده بالضبط اللي انا عايز افهمه
...ليه وافقوا على ان مها تفضل مراتي مع

بنتهم

رقية بتوتر :

_اصل...اصل بصراحة انا قولتلهم انك
اتجوزتها علشان...تتستر عليها..بعد.....

احمد بصدمة وذهول :

بسسسسسس...كفاية مش عايز اسمع انت
ازاي تعملي كدة؟انت عندك بنت مش
خايفة كلامك ده يترد عليها

رقية بغضب :

_اخرس...اياك تجيب سيرة اختك بنص
كلمة اختك دي اشرف من الشرف

فهب احمد واقفا هادرا بها :

_ومها مراتي واللي في بطنها ابني من لحمي
ودمي وقسما بربي اللي هيجيب سيرتها
بنص كلمة لاكون دفنه حي ايا كان هو مين
وتركها وغادر لوالده وهو يشعر ببركان من
الجحيم يتفجر بداخله قادر على احراق
هايدي وكل عائلتها ان همس احدهم بحرف
على شق روحه مها اما رقية فظلت مكانها
تفكر كيف يمكنها التخلص من مها ويوسف
في ضربة واحدة ليهنا ابناها ولا تعلم انها
الخاسر الوحيد

من سينتصر في الاخر مها ام رقية ؟

هل سيرضخ احمد لرغبة والدته ويتزوج
هايدي ؟

هل سيستطيع ادهم انقاذ ياسمين ومها ام
سيكون هناك ضحايا؟

خطة ادهم لخلص ياسمين ومها والتي
ستنقلب عليها يكون هو الضحية من جديد

الحلقة الثامنة عشر

يراه راقدا على الفراش ينظر لسقف الغرفة
بشروود لساعات دون ان يتحرك حركة واحدة
فاستقام من رقوده ملتفتا له محاولا
التخفيف عنه ولو قليل

يوسف بهدوء:

_وبعدين يا أدهم هتفضل ساكت كدة مش

عمي ابراهيم كويس الحمد لله

ادهم دون ان يتحرك من موضعه :

_اه الحمد لله يا يوسف

يوسف بتوجس من ردة فعله :

_طب انت مش ناوي ترجع بقى هنا

ادهم بابتسامة ساخرة ملتفتا له :

_ ارجع فين يا يوسف

يوسف :

_ ترجع بيتك لاهلك وشغلك

ادهم :

_ لا معلش انا مرتاح كدة...المهم خرينا فيك

انت

يوسف زافرا بضيق :

_ اعيد عرفت اللي حصل

ادهم بجديّة :

_ عرفت ومش عايزك تقلق انا بس عايز

اتاكد منك..انت لسة متمسك بياسمين ؟

يوسف بغضب :

_ انت لسة بتسال يا أدهم انا ممكن احارب

الدنيا بحالها عشانها

ادهم بيتسامة :

_ طيب خلاص من غير انفعال بس اهدى

ومتقلقش انا هتصرف وياسمين مش

هتتجوز حد غيرك

يوسف بفرحة :

_ بجد يا أدهم !!

ادهم :

_ عيب عليك انا عمري وعدتك بحاجة

وخلفت وعدي معاك

يوسف :

_ الشهادة لله لا عمرك راجل وكلمتك واحدة

ادهم :

_ خلاص اتوكل على الله ثم عليا

في صباح اليوم التالي فتح ابراهيم عيناه
وبداخله شوق جارف للحديث مع ادهم
وتمنى وجوده معه وكأن الله اراد التخفيف
من ألمه فجعله يفتح عينيه على وجه ادهم
البشوش وهو يهتف به بمرح :

_ لالالا ايه يا ابو خليل ما شاء الله صحتك
بقت زي الفل .. انت كنت بتضحك علينا ولا
ايه ؟!!

ابراهيم بحزن :

_ بضحك ايه يا بني هو الضحك لسة
هيعرف طريق لقلبي بعد اللي حصل
ادهم بهدوء محاولا التخفيف عنه :

_ليه بس كدة يا بابا ان شاء الله كل شيء
هيتحل وزي ما انت عايز بالظبط

ابراهيم بكسرة :

_ازاي بس يا بني وامك مصممة واتفقت
مع الناس على يوم الجمعة الجاي يعني
بعد اسبوع هتم خطوبة احمد وياسمين سوا
وانا حاسس اني عاجز ومتكتف ومش عارف
اتصرف

ادهم :

_يا بابا عشان خاطري ارتاح انت ومتفكرش
في حاجة وسيب كل حاجة على الله ثم عليا
وانا باذن الله هحلها ولا انت مش شايفني
راجل واد المسئولية ؟

ابراهيم مسرعا :

_لا يا بني راجل وسيد الرجالة كمان بس ...

ادهم مقاطعا :

_من غير بس ..قولي انت اوامرك وانا اوعدك

كلها هتتنفذ باذن الله

ابراهيم بحب :

_ربنا يباركلي فيك يا بني ..انا كل اللي انا

عايزه اني اطمن عليكم انت واخواتك قبل ما

اموت

ادهم سريعا :

_بعد الشر عليك يا بابا متقلقش وبكرة

تشوف انا هعمل ايه

ثم اردف بغرور مصطنع :

_ده انا ابن ابراهيم الرفاعي بردوا مش أي

حد يعني

فضحك ابراهيم وشاركه ادهم الضحك
ولكنهما توقفا فجأة على فتح الباب ودلوف
رقية للغرفة لتطمئن على زوجها

رقية وعيناها على ادهم :

_السلام عليكم...ازيك يا ابراهيم عامل ايه
دلوقتي

ابراهيم بضيق :

_الحمد لله

ادهم بعجالة :

_طيب يا بابا انا هسيبك بقى عشان ورايا
مشاوير كتير قبل ما ارجع المنيا مش عايز
حاجة ؟

ابراهيم بحنان :

_عايزك طيب يا بني ...ربنا يهديك الحال
ويوفقك مع السلامة يا غالي

فخرج ادهم من الغرفة دون ادنى كلمة
والدته التي شعرت بالقهر من جفائه
المتعمد معها

رقية بغضب :

_شايف ابنك يا ابراهيم عجبك اللي بيعمله
ده ؟

ابراهيم بتعب :

_انا عايز ارتاح يا رقية ومعنديش طاقة
للمناهدة معاكي

فخرجت رقية سريعا من الغرفة وهي تشعر
بقلبها جمرة نار وحدثت نفسها بألم مكبوت :

(ليه كدة يا أدهم بتعاملني كدة ليه)
..بتحملني ذنب غيري ليه؟...كان نفسي
اشوفك متجوز واحدة بنت ناس ومن
مستوى عالي ترفعك ل فوق وتكون معاها
مرتاح ومتهني مكنتش اعرف انها هتدمرك
كدة ومكنتش اعرف انك هتحملني الذنب
كدة...وقلبك الحنين هيقسى على امك كدة
...اااه يا وجع قلبي في بعاذك يا ابن قلبي)

اما ادهم بمجرد خروجه خلع قناع الهدوء
والابتسامة الذي كان يحاول يتقنه امام والده
وعادت ملامحه المتجهمه لترتسم على
وجهه بوضوح محدثا نفسه بألم بالغ :

(ليه يا ماما تعلمي فيا كدة...فادني بايه
المستوى العالي اللي هيرفعني اهو وقعني
على جدور رقبتني وكسرني....نفسني ارمي
نفسني في حضنك تضميني واحس بحنانك

زي ما كنت بتعملي وانا صغير قبل ما يتغير
تفكيرك ويصبح كل شيء حوالينا اصله
الفلوس والمستوى الاجتماعي ...نفسى
احس بقلبك بيضطرب على جرحي ...ااه يا
ماما وحشتيني قوي ياارب ياارب رحمتك
اديني الصبر والقوة على اللي جاي ياارب)

انكبت على الملف امامها تراجعه وتفند
الادلة به وتدون كافة ملاحظاتها في مفكرة
بجانبتها حتى تنبتهت من دوامة تلك القضية
على يد تربت بهدوء على كتفها مردفة

رشا بهدوء :

_كفاية يا سلمى قومي ارتاحي شوية انت
ماسكة الملف بتدرسيه من 4 ساعات
تقريبا متواصل ارحمي نفسك شوية

عادت سلمى بظهرها للخلف لتحاول فرد
ظهرها الذي تقوس بفعل تلك الجلسة
وهمست بتعب :

_حاضر يا رشا انا اصلا خلصت كل حاجة فيه
وكتبت لسحر كل الملاحظات اللي
هتساعدنا في القضية دي ...اما اقوم اتفرد
شوية على السرير

فأومأت رشا برأسها متفهمة مقدار تعبها
واتجهت لتلملم هي الملف وتعيد ترتيبه مع
المفكرة المتضمنة ملاحظات محور القضية

اما سلمى فرقدت على السرير ولكنها لم
تستطع النوم فأخرجت هاتفها باحثة عن
صور طفلتها وأملها في الحياة هدى وظلت
لفترة من الوقت تجوب كل صورها سواء
معها او مع جدها وهي معلقة برقبتة
فأخذها الحنين اليهما فطلبت الرقم

وانتظرت صوته الحنون ملاذها الوحيد

وأمانها الدائم

عبد العزيز :

_ السلام عليكم

سلمى بلهفة :

_وعليكم السلام ورحمة الله ازيك يا بابا

وازي هدى عاملين ايه ؟

عبد العزيز بضيق :

_توك ما افكرتني ان ليكي اب وبنت يا

استاذة

سلمى بتعب :

_يا بابا حرام عليك مش كل شوية تسمعني

الكلمتين دول ...هو انا بلعب ولا في رحلة انا

بشتغل يا بابا

عبد العزيز :

_وان شاء الله الشغل ده هيخلص امتى ؟

سلمى :

_لسة شوية يا بابا معلش انا عارفة انني

مقصرة معاك بس هانت ان شاء الله

هخلص اللي ...

عبد العزيز مقاطعا :

_بس يا سلمى انا شبعت خلاص من

كلامك ده واسمعي بقى دي اخر رحلة

هتروحيتها... بعد كدة هتقعدي هنا في المنيا

ومفيش خروج برا المحافظة تاني ...انت

سامعة

سلمى :

_يا بابا انا ...

عبد العزيز بغضب :

_هي كلمة واحدة ومش هتنيها خروج من
المحافظة تاني مش هيحصل

سلمى :

_طيب يا بابا اهدى عشان خاطري وان شاء
الله اما ارجع نبقى نتكلم...معلش مضطرة
اقفل دلوقتي ابقى سلملي على هدى مع
السلامة يا حبيبي

عبد العزيز بتعب :

_مع السلامة يا وجعة قلبي وقلة راحتني
دلفت رشا للغرفة لتطمئن على سلمى
عندما سمعت صوتها

رشا وهي تجلس على الفراش بجوار سلمى

:

_مالك يا سلمى ؟انت كلمتي عمي عبد

العزیز

سلمى بضيق :

_ايوة يا رشا ونفس الموال بتاع كل مرة

رشا بهدوء :

_معلش يا حبيبتى ان شاء الله نخلص

شغلنا هنا وابقى طوي الاجازة معاه شوية

عشان يهدى

سلمى بضيق :

_مش هيهدى يا رشا انا عارفة بابا كويس

...شكله كدة بيدبرلي في حاجة ربنا يستر

قاطع كلامهما دخول سحر ومروة

سحر بمرح :

_مساء الخير على الحلوين بزيادة

رشا ضاحكة :

_اهي الرايقة جت ...خير يا رايقة كنت فين
من الصبح ؟

سحر بمرح :

_كنت في سوق البلد بستطلع الاخبار
وجبتلكوا اخر اخبار ابن ال...ولا بلاش المهم
انا عرفت عنه اللي يخلينا نخلص من امه في
جلسة واحدة

رشا وهي تحرك يد سلمى :

_ها يا سلمى فوقي كدة معانا خلينا نخلص
من القضية دي بقى

سلمى :

_ها اه انا معاكوا اهو

سحر ساخرة :

_معانا...معانا فين يا بنتي دا انت في

التوهان

مروة :

_خفي يا سحر على سلمى هي مش في

المود دلوقتي

سحر :

_هو انا قلت حاجة...المهم اقعدوا بقى

علشان نلم ورق القضية دي خرينا نخلص

منها بقى

جلست في صالون فيلتهم شاردة تحلم

بحبيبها الذي خطف قلبها من اول نظرة لكنه

لم يهتم بها بل لم يراها من الاساس حاولت

التقرب من والدته لتقترب خطوة منه لكنه

قابلها بتجاهله المعتاد لكل فتيات النادي

ولكنها ابدأ ليست كباقي الفتيات ولن تكون
هايدي بنت اللواء جمال الرشيدى ان لم
تجبره على الزواج منها رغم انه ابتسمت
من تلك الفكرة وهي ترى نفسها معه في
حفل زفافهم تعلو وجهه ابتسامة فرحة بها
يرقص معها ثم يحملها ويدور بها وسط
تصفيق الجميع لهم عادت من احلامها
الوردية على ادهم وهو يدلف لفيلتهم
وترحب به والدتها

سوسن بترحاب :

_ اهلا اهلا يا ادهم نورت يابني

ادهم بابتسامة هادئة :

_ متشكر يا طنط ازي حضرتك

سوسن :

_ الحمد لله يا بني بخير... طمني على والدك

اخباره ايه ؟

ادهم :

_ الحمد لله في تحسن

سوسن :

_ طب الحمد لله احنا كنا ناوين نزوره النهاردة

في المستشفى ان شاء الله

ادهم :

_ وماله يا طنط تشرفوا

ولم يمر سوى لحظات كانت خلالها قد

اعلمت الخادمة اللواء جمال بحضور ادهم

ورغبته في مقابلته فحضر على الفور

جمال :

_ السلام عليكم ازيك يا ادهم يا بني

ادهم وهو يقف يصافحه باحترام شديد :

_وعليكم السلام بخير يا عمي الحمد لله

ازي حضرتك

جمال :

_بخير يا بني الحمد لله اتفضل اقعد

سوسن :

_طب عن اذنكم انا

ادهم وجمال :

_اتفضلي

جمال بنظرة رجل شرطة محنك :

_خير يا ادهم شكلك بيقول في حاجة

حصلت وانت جاي تبلغني بيها

ادهم باحراج :

_بصراحة يا عمي في موضوع كدة كنت عايز
اكلم حضرتك فيه بس بصراحة محرج شوية

جمال بابتسامة مطمئنة :

_عيب يا ادهم محرج مني انا ...دا انت ابني
ولا نسيت لما كنت معايا خطوة بخطوة في
شغلي على اساس انك هتكون خليفتي
وتدخل شرطة بس بعد كدة بقى غيرت رايك
ودخلت طب فاكر

فابتسم ادهم لذكريات هذا الرجل معه
والذي يعتبره كوالده فهو الصديق الاقرب
لوالده وكان المثل الاعلى له طوال حياته

ادهم بصدق :

_عمري ما اقدر انسى حضرتك يا عمي بس
هي الدنيا اللي بتاخذنا بمشاكلها شوية

جمال :

_ خلاص اتكلم انا سامعك

ادهم بجديّة :

_ انا عرفت ان ماما اتفقت مع حضرتك
على خطوبة ياسمين وتامر واحمد وهايدي
بعد اسبوع صح ؟

جمال بجديّة هو الاخر :

_ ايوة يابني حصل وانا مردتش اني اصمم
على ان والدك اللي يكلمني علشان صحته
وتعبه ...ليه فيه حاجة

ادهم :

_ بصراحة يا عمي فيه واحد كان متقدم لبابا
وطلب يتجوز ياسمين من مدة وكلنا كنا
موافقين ما عدا ماما وعشان تحطنا كلنا
قدام الامر الواقع اتفقت مع حضرتك علشان

تجبرنا نسكت احتراماً طبعاً لحضرتك

ومكانتك عندنا

جمال بتعجب :

_ انت بتقول ايه يا ادهم ازاي ده يحصل وليه

ابراهيم ماقليش

ادهم بحزن :

_ بابا اول ما عرف وقع من طوله وعشان

كدة اتعرض للازمة اللي بسببها لسة في

المستشفى لحد دلوقتي ...بس انا قلت ان

حضرتك اكيد هتتفهم الموضوع

جمال بتفهم :

_ لا يا بني وانا ميرضنيش ان ابني يتجوز

واحدة غصب عنها وعن ابوها دا حتى يبقى

الجواز باطل

ادهم :

_انا كنت متأكد ان حضرتك مش هيعجبك
اللي حصل

جمال :

_اكيد يا ابني هو فيه حد يرضى عن كدة
...بس الازمة دلوقتي اني عزمت الناس على
الخطوبة هنعمل ايه ؟

ادهم :

_حضرتك احنا فعلا هنعمل الخطوبة وكل
شيء هيمشيطبيعي بس هيبقى احمد
وهايدي وياسمين ويوسف منعنا للاحراج
وعشان نلم الموضوع

جمال :

_ خلاص تمام انا هتكلم مع تامر وهتفق
معاه على كل حاجة متقلقش وقول لبابا
ميقلقشخالص الموضوع كدة منتهي

ادهم :

_ لسة فيه نقطتين مهمين جدا لازم
اوضحهم لحضرتك

جمال :

_ خير يا ادهم اتكلم

ادهم :

_اولا هو رجاء مني بعد اذن حضرتك مش
عايز ماما تعرف أي شيء عن اتفقنا ده
عشانمتحاولش تغيره والموضوع يعدي
بسرعة ومن غير كلام كتير

جمال :

_ تمام وانا موافق وليك وعدي والدتك مش
هتعرف حاجة عن كلامنا ده

ادهم بامتنان :

_ متشكر جدا لحضرتك ...ثانيا بقى والدتي
كانت قالت لطنت سوسن عن ظروف جواز
احمد منمها بنت عمي و....

جمال مقاطعا :

_ ايوه يا بني احنا عرفناومتعرفش اد ايه
اخوك كبر في نظري عشان ستر بنت عمه
ولمالموضوع

ادهم محاولا كبت غضبه والسيطرة على
اعصابه :

_ يا عمي لو سمحت اسمعني الاول مها
بنت عمي لما احمد اتجوزها كانت بكر

والطفل الليهي حامل فيه حاليا ابن احمد

اخويا ومن صلبه

جمال بعدم فهم :

_انا مش فاهم حاجة يا ادهم ولما هو ابنه

ليه والدتك قالت كدة ؟

ادهم :

_بعد اذن حضرتك اسمعني وانا هفهم

حضرتك على كل حاجة

وبدأ ادهم في سرد كل حكاية احمد ومها بدءا

من صغرهما وقصة حبهما الوليدة

منذ الطفولة ومرورا بمشاجرة والده واخيه

على الميراث وما خلف عنها من قطيعة

استمرت سنوات بين الشقيقين ونهاية بموت

عمه شريف وملابس رجوع العاشقان

لبعضهما

جمال بغضب :

_انا عايذ افهم لما اخوك بيحب مراته
بالشكل ده وحامل كمان منه عايذ يتجوز
بنتي ليه؟

ادهم :

_انا اتعودت اني اكون صريح مع حضرتك
وملفش وادور بصراحة مش احمد اللي عايذ
يتجوز بنت حضرتك دي بردوا ماما وده
اختيارها

جمال بغضب اشد وهو يهب واقفا :

_واخوك ده ايه راجل ده ولا مش راجل ولا
ابن امه ولا اقول ايه بس مش عارف اوصفه
؟

ادهم واقفا هو الاخر ومحاولا امتصاص

غضبه :

_يا عمي ماما تعبت من مدة قصيرة
واتعرضت لذبحة صدرية كانت هتروح فيها
علشان كدة احمد متكثف ومش قادر
يعترض على قراراتها خوفا على صحتها
جمال بضيق وشراسة :

_طب وبنتي ومستقبلها وحياتها ملهمش
ادنى اعتبار ولا اهمية عن اخوك ...طب انا
لووقفت كل حاجة الناس هتقول علينا ايه
؟احنا عزمنا الناس وجهزنا كل حاجة ..اعمل
ايه؟

ادهم بهدوء :

_من فضلك يا عمي اهدى وانا هقول
لحضرتك نعمل ايه علشان نخرج بس من
الموقف ده منغير خسائر

جلس جمال على اقرب مقعد بتعب واضح

:

_ قول يا ادهم قول ما انا مفيش في ايدي

حاجة اعملها

ادهم :

_ اسمع يا عمي احنا هنعمل الخطوبة عادي

جدا وبعد كام شهر نفرکش ونقول انهم

مشمتهفاهمين او ان احمد عصبي زيادة عن

اللزوم واظن دي حاجة بتحصل كل يوم مش

جديدة

جمال بتوهان :

_ تفتكر الموضوع بالبساطة دي

ادهم :

_ اكيديا عمي وضحي بس حضرتك ملابسات
الموضوع للانسة هايدي وان شاء الله كل
شي عهيمشي زي ما احنا عايزينه
جمال بقلة حيلة :

_ ماشي يابني اما اشوف اخترتها ايه
ادهم :

_ طب استأذن انا بعد اذن حضرتك
جمال بشرود :

_ مع السلامة

خرج ادهم من الفيلا وهو يشعر بالسعادة
لاستطاعته انقاذ ياسمين ومها من مخطط
رقية وما يعلم انه سيكون له نصيب الاسد
من الالم كالعادة نظير ما فعل ومن اقرب
الناساليه

في حين جلست سوسن بجانب زوجها
الشارد في عالم اخر

سوسن :

_خير يا جمال ادهم كان عايز ايه ؟

جمال بحزن :

_مش خير ابدًا يا سوسن

سوسن بخوف :

_ياساتر يارب في ايه ؟

فسرد لها جمال مختصر ما حكاه ادهم عن

احمد وياسمين

سوسن :

_وانت صدقت ما لازم يقولو كدة على البنت

عشانها بنت عمهم وتخصهم

جمال بغضب :

_طب البنت وبنت عمهم طب واحمد اللي
ادهم قالي انه مغصوب على الخطوبة دي
عشان امهالعيانة

سوسن بحيرة :

_مش عارفة يا جمال هنعمل ايه طيب

جمال بتعب :

_احنا اتفقنا اننا نكمل الخطوبة كام شهر
وبعد كدة نفرکش كل حاجة

وهنا ظهرت هايدي بعد ان استمعت لكل
كلام والدها :

_وانا موافقة على كدة يابابا

جمال بتعجب :

_هايدي!!!..انت هنا من امتى ؟

هايدي :

_من اول الكلام يا بابا وفعلا هو ده الحل
الوحيد دلوقتي

جمال بتنهيده :

_خلاص تمام لما يجي تامر ياسوسن خليه
يجيلي اوضة المكتب

واتجه جمال لغرفة مكتبه فهمست سوسن
لابنتها :

_والله ما انا عارفة ايه اللي بيحصل لينا ده

هايدي ببرود :

_عادي يا ماما مفيش حاجة متكبريش
الموضوع

سوسن بغضب :

_يعني ايه مفيش حاجة ؟

هايدي بمكر :

_يعني الخطوبة هتكمل لجواز وانا بقى اللي

هطفش الست مها هانم وساعتها احمد

مشهيكون قدامه غيري

سوسن بخوف :

_تفتكري ده الحل يا هايدي

هايدي بتصميم :

_اكيدي يا ماما انا مش هسيب احمد ابدا ولا

هذي الفرصة لمها انها تاخده مني دي

بتحلمبس انا بقى هخليهولها كابوس

دلف احمد الى بيته بعد يوم عمل شاق جدا

جعله مرهق لابعد حد عندما دخل حمد

الله كثيرا ان والدته في غرفتها ولن تنال من

اعصابه مثل كل يوم فاسرع خطاه لغرفة
ادهموالتي يمكث بها الان والده فاقبل اليه
بوجه باسم ليزيح عنه قليل من هموم
قلبهولكنه وجده نائما فقبله على جبينه ثم
اتجه بهدوء لغرفته ليجد مها قابعة على
الفراشتضم ساقيا لصدرها وتسند راسها
فوقهم بشرود ودموعها تنزل دون وعي منها
فآلمه قلبهعليها فنادى عليها بهمس
فاتتبعت له فاسرعت بمسح دموعها حتى لا
يراها ورسمت بسمه هادئة على ثغرها وهبت
واقفة اليه

احمد :

_السلام عليكم

مها باسمه وهي تساعده لخلع بدلتته :

_وعليكم السلام ورحمة الله..حمد الله على

السلامة يا احمد احضرك العشا ؟

احمد هو يجذبها لصدرة محاطها بيديه :

_لا يا مها انا مجرد اني اشوفك قدامي وبين

ايديا بحس اني شبعت وارتحت مهما

كانتعبني

مها وهي تتشبث به كطفلة صغيرة تتشبث

بوالدها :

_ربنا يخليك ليا يا احمد

احمد بهدوء وحنان :

_ويخليكي ليا يا قلب احمد..مها انا عارف

انك مضغوطة جامد واني مقصر معاكي

فيموضوع الخطوبة ده بس

مها واضعة يدها على شفثيه مانعة اياه من
الكلام :

_ انا عشان راحتك يا احمد مستعدة ارمي
نفسي في النار يا حبيبي

احمد مقبلا اصابعها بحب واحدا تلو الاخر :

_ انت نعمة كبيرة من ربنا يا مها ... اوعدك يا
حبيبتي هي فترة بسيطة كدة علشان
مامابس وهفرکش كل حاجة وهاخدك من
هنا ونسافر المنصورة نعيش هناك
مها بسعادة غامرة :

_ بجد يا احمد هنرجع المنصورة تاني ؟!!!!

احمد بتأكيد :

_ اكيد ان شاء الله بس نخلص من الموضوع
ده على خير

مها بتضرع :

_يارب يسهلنا امورنا ويتحل الموضوع ده
يارب

احمد بمكر :

_ان شاء الله يا حبيبتي هانت ..المهم انا
كنت عايزك في موضوع كدة

مها بخجل :

_احمد

احمد هائما :

_عيون احمد وقلب احمد ..تعالى بس دا
الموضوع كبير

عاد ادهم فرحا بما يعتقد انه حققه من انجاز
فقابل عبد الرحمن على كرسيه المتحركيتلو
ما تيسر من آيات الله فاقبل عليه باسم

ادهم :

_السلام عليكم ازيك يا عمي ؟

عبد الرحمن :

_وعليكم السلام الحمد لله يا بني طمني ايه

الاخبار ؟

ادهم بفرحة :

_الحمد لله يا عمي جهزت كل حاجة وربنا

يوفقنا ويعدني بكرة على خير

عبد الرحمن بامتنان :

_بجد يابني ربنا يباركلك ..يوسف لو كان له
اخوات مكنوش هيعملوا معاه اللي
انتبتعمله ده

ادهم بضيق مصطنع :

_ايه ياعمي ما انا اخو يوسف ولا ايه يا جو ؟
لم ينتبه ذلك الجالس باحد الاركان وكأنه في
عالم اخرفنادى عليه والده

يوسف بشرود :

_ها ..اهاه ربنا يخليك لينا يا ادهم

ادهم بقلق :

_مالك يا يوسف في ايه ؟

_يوسف بتوتر :

_خايف قوي يا ادهم ان بكرة ميعديش على

خير

ادهم بهدوء :

_يابني سبها لله ثم ليا انا جهزت كل حاجة
متخافش ان شاء الله خير

عبد الرحمن :

_قوم يابني صلي لله وادعيه ..وان شاء الله
ربنا يوقف معاك

يوسف باستسلام :

_حاضر يا بابا

أدهم :

_استنى يا يوسف خدني معاك

وقاما الاثنين متوجهين لمن بيده ملكوت
السموات والارض داعين متأملين في رحمته
انيمر اليوم التالي على خير وكلاهما لا يعلمان
ما ينتظرهما في الغد احدهما سيكوناليوم

التالي له بداية حياة والاخر بداية ألم من نوع

جديد

تفتكروا يوم الخطوبة هيمر بسلام ؟

تامر هيسكت على حقه في ياسمين ؟

رقية ما فعلها عندما ترى يوسف بجانب

ياسمين في القاعة بدل تامر ؟

من أي شخص ستكون الضربة الجديدة

لقلب الرفاعي ؟

الحلقة التاسعة عشر

كان يزرع الغرفة ذهابا وايابا بتوتر وغضب

بالغ حتى دلف اليه رجله الامين وذراعه

الايمن باخر الاخبار التي ينتظرها على احر

من الجمر

عبد الله بغضب بالغ :

_ انت فين يازفت من الصبح ؟

الرجل بتوتر :

_ كنت بجيبلك اخر اخبار بنت الرفدي يا

جناب البيه

عبد الله :

_ ما تنطق على طول يا بجم هي فين ؟

الرجل بخوف :

_ في اسيوط يا جناب البيه تحب ننفذ هناك

عبد الله صارخا :

_ لا لا لا قلت ميت مرة لا ضربتي ليها

وكسرتها مش هتكون غير وسط اهلها عشان

اذلها زي ما عملت فيا وضيعت مني وردة..

واردف بتصميم شيطاني :

_ لكن وحق الله لاكون مخلص منها كل
حاجة وكسرهما في بلدها وجوه بيتها استني
عليا انا هوريكي ياسلمى مين هو عبد الله
السيوفي

في اليوم المنتظر يوم الخطوبة والاحتفال
بانهيبار قلب مها وتتويج ياسمين ملكة على
عرش يوسف، كان العمل على قدم وساق
من اجل التجهيزات التي اتفق عليها ابراهيم
وادهم دون علم أي شخص حتى احمد
العصبي جدا والذي قارب على الفتك بمن
حوله وكذلك يوسف المتوتر جدا الفاقد
لاعصابه وكلاهما متواجد باحدى غرف
الفندق الذي ستتم به الحفلة من اجل
تجهيزهم كان الجو السائد مشحون بعصبية
احمد المفرطة فلم يحاول احد الاقتراب منه .

على الجانب الاخر كانت هناك غرفتان
لتجهيز العروستان هايدي المتألقة والتي
كانت تحلم بذلك اليوم منذ شهور عديدة
لذلك كانت ترغب ان تكون متميزة لابعد حد
كما انها علمت ان مها في الفندق فارادت ان
تريها كم هي فاتنة وهذا ماحدث بالفعل مع
فستان كهذا

اما ياسمين فكانت تتصبب عرقا من توترها
من اتجاهين مختلفين تماما اولهما خوفها
الشديد من امها حينما تعلم ان عريسها
المنتظر هو يوسف وليس تامر والآخر هو
رهبتها من تحقيق حلمها وسؤال ملح كان
يراود فكرها باستمرار

هل يمكن ان تكف الدنيا عن ملاحقتها
بالصفعات الواحدة تلو الاخرى؟ اترضى عنها

اخيرا؟ ايتحقق حلم عمرها وترتبط بمن

امتلك قلبها وعقلها وكل حياتها ؟

زفرت بضيق من خوفها ودعت الله بقلبها ان

يكمل فرحتها على خير ولكنها انتبهت لمن

كانت معها في الغرفة تساعدها يد بيد مع

فتيات التجميل لتجهيزها ياترى كيف تشعر

مها الان وهى تعلم ان بعد ساعات قليلة

سيكون زوجها مع اخرى احتفالا بارتباطهما

حقا شعور صعب لا تتمنى ابدا تجربته حتى

لاشد اعدائها ولكن على العكس كانت مها

باسمة تجهز ياسمين كأخت لها ولا احد يعلم

مدى الألم بداخل صدرها

تم تجهيز ياسمين التي تخلت عن تفكيرها

القديم الموضة والتميز وكان مايشغلها ان

ترتبط بيوسف ولو كانت سترتدي فستان

بيتي لذلك لم تهتم بشيء وكان اختيار

فستانها على ذوق مها ورغم بساطته لكنه
اظهر جمالها وجعلها كأميرة هاربة من
الاساطير القديمة وكان هذا ما اراده يوسف
البساطة وهو ما حققته مها بذلك الفستان

مرت الساعات وتم تجهيز العروستين في
انتظار خروجهما حاولت مها الهروب من
الفندق حتى لاترى شيء ولكن ياسمين
تشبثت بها بقوة لتكون معها في تلك الليلة
ونست تماما ان مها بالذات اكثر شخص
يعاني من تلك الليلة

ياسمين برجاء :

_خليكي معايا يا مها عشان خاطري

مها بألم تحاول كبتة :

_مقدرش يا ياسمين ..انا استنيت معاكي
لحد ما جهزتي لكن مقدرش احضر الحفلة
ارجو كي اعذريني

ياسمين بتوتر :

_انا خايفة قوي يا مها وماليش غيرك

مها بيبكاء لم تستطع التحكم به :

_متضغطيش عليا ربنا يكفيكي شر اللي انا
حاسة بيه دلوقتي ...انا لو حضرت هموت يا
ياسمين مقدرش اشوف احمد مع واحدة
غيري مقدرش

ياسمين بشفقة وهو تحتضنها :

_حقك عليا يا مها من قلقي نسيت موضوع
احمد انا اسفة حبيبتني ...وبعدين متقلقيش
هي فترة وان شاء الله كل شيء هيتصلح

مها وهي تمسح دموعها حتى لا يراها عمها :

_ طب يالا وانسي كل حاجة العريس مستنى

الاميرة بتاعتنا

ابراهيم الذي جاء ليأخذ ياسمين :

_ السلام عليكم

مها / ياسمين :

_ وعليكم السلام

ابراهيم :

_ جاهزة يا ياسمين

ياسمين بقلق :

_ جاهزة يا بابا

ابراهيم وهو يطبع قبلة على جبين ياسمين :

_ ربنا يوفقك يابنتي ويتمم لك على خير

ثم التفت لمها :

_سامحيني يا مها مقدرتش احافظ على

امانة اخويا شريف

مها بابتسامة :

_متقلقش يا عمي ان شاء الله كل حاجة

هتتصلح ..انزل انت مع ياسمين ومتقلقش

عليا

ابراهيم وهو يضمها لصدره :

_ربنا يكملك بعقلك يابنتي وما يحرمنيش

منك ابدايالالا يا ياسمين

ونزلت ياسمين متأبطة ذراع والدها الى

أسفل ليقدمها ليوسف وهو يوصيه عليها

فهي حبة قلبه ولن يتهاون ابدا مع من

يغضبها او يكون سبب في حزنها فقدم له

يوسف فروض الولاء والطاعة وهو يقسم

بأغظ الايمان انها تمتلك قلبه وانه ابدان
يغضبها يوما مما اثار ضحك الجميع الا
شخص واحد كان على وشك الفتك بهم
جميعا ولم يكن سوى رقية

كانت مها تتبعهم لتخرج من الفندق ولكنها
وقفت لتري يوسف وياسمين وتدعو لهم
من قلبها ان تتم فرحتهم على خير وعندما
التفتت لتخرج وجدت نفسها امام السلم
الاخر وهايدي تنزل منه متأبطة ذراع والدها
ليسلمها لأحمد الذي تناول يدها وتحدث مع
والدها قليلا مبتسما ثم صار معها الى القاعة

طنين نغمات الموسيقى التي عمت المكان
كانت مجرد طنين باذن مها الذي انهار اخر
حصون قدرتها على التحمل فلو كان لكسرة
القلب صوت لدوى صوت كسر قلبها في تلك
اللحظة كانفجار تداعت قوتها بكت بهستيريا

وهي تندفع لتخرج من ذلك المكان كانت
تتنفس بصعوبة شديدة دموعها حجبت عنها
الرؤية الا مشهد احمد مع اخرى فكانت
فعليا تتخبط في طريقها حتى اصطدمت
بشخص وكادت تسقط سارع الشخص
باسنادها ومحاولة الاقتراب منها فلم يزدنها
هذا الا مزيدا من الهستيريا والصراخ وهي لا
ترى امامها

مها بانهيـار :

_ابعد...ابعد عني

ادهم محاولا تهدئتها :

_اهدي يا مها انا ادهم...مها سمعاني...اهدي

عشان ابنك

مها محاولة التشبث به :

_ ادهم ...الحقني ...مش ...قادرة ...اتنفس
..أده...

وسقطت مها فاقدة الوعي فكان من رحمة
ربنا بها ان غلف عقلها بتلك الاغماءة
ليريحها قليلا من عذابها والذي ان استمر
كان سيكون الثمن جنينها ولا شك

اسرع ادهم بحملها الى سيارته ومنها
للمستشفى صارخا بمن حوله ان يرسلوا له
طبيبة نسائية فورا ولم تمر لحظات حتى
كانت نجلاء تقوم باسعافها فخرج ادهم من
الغرفة محاولا تمالك اعصابه فمازال اليوم
باوله وهو عليه الكثير من المسؤوليات الان
بعد فترة ليست بقليلة خرجت اليه نجلاء
فانتفض اليها يسألها عن حالة مها الصحية

نجلاء :

_ اطمن يا أدهم الضغط كان عالي قوي بس
انت لحقتها الحمد لله في الوقت المناسب
...صحيح هي مين دي قريبتك ؟

ادهم :

_ دي مها بنت عمي وزوجة اخويا احمد

نجلاء :

_ طيب حمد الله على سلامتھا يا سيدي
...وهو فين اخوك صحيح مجاش النهاردة
مسافر ولا ايه ؟

ادهم بحزن :

_ بيتجوز

نجلاء بصدمة :

_ نعم !!! انت بتقول ايه ؟

ادهم :

_ نجلء الموضوع كببر بعءن هحكلك
...المهم ءلوقتى عاءك جنبها على ما اروء
مشوار مهم وارءع مش هءآءر ماشى ؟

نجلء :

_ ماشى يا سىءى ولا يهملك انا بنفسى
هفضل جنبها لء ما ءرءع مءقلقش

اءهم :

_ مءشكر قوى يا نجلء ربنا يكرمك يا رب

كان الغضب ىموج بعقلها فىكاء ىقتلها كءما
وهى ءرى كل ءعبها وءءطىطها لضمآن
مستقبل ىاسمىن ىضىع هباء بارءباطها
بءلك الىوسف والءى ان اسءطاعء ان ءقتله
الآن لن ءءرءء ولكن ذراء قلىلة مءبقىة من
عقلها جعلها ءلءزم الصمء ءءى لا ءءىر

فضيحة تجعلهم محط الافواه لشهور قادمة
ولكن هذا لن يوقفها عن افراغ غضبها بأحد
ومن حظه الاسود كان هو من أمامها
فاندفعت اليه تعاتبه بغلظه على عدم
الاهتمام برأيها في تحديد مستقبل ابنتها
رقية بغضب بالغ :

_ايه اللي بيحصل ده يا ابراهيم؟ازاي
يوسف هو اللي يخطب ياسمين؟ هو لعب
عيال وعند خلاص؟

ابراهيم بهمس يغلفه القسوة والغضب :
_انا لا عايز اسمع صوتك ولا أشوفك قدامي
..ايه رايك؟..ولو سمعت منك كلمة واحدة
يا رقية هتكون الليلة دي اخر ليلة بينا
..واضح؟

وتركها ذاهلة من نبرته التي لأول مرة
تسمعها منه وابتعد بعيدا عنها ينظر بفرحة
لفرحة ابنته وابتسامتها السعيدة بجوار من
اختاره قلبها ولكن عندما ينظر للطرف الاخر
يألمه قلبه على ابنه وابنة اخيه وما صار لهما
من قسوة ام غافلة

وبين نغمات الحفلة الصاخبة ورقص
العروسين الحالمين ياسمين ويوسف
ورقص الغاضب الذي يشتعل الغضب
بداخله احمد مع الماكرة هايدي فجأة توقفت
الموسيقى ليعودوا جميعا لأماكنهم ويظهر
ادهم ومعه عدد من الاشخاص متجهين الى
جانب المسرح والذي وضع عليه منضدة
كبيرة والتف حولها هؤلاء الرجال واتجه ادهم
لياسمين واتبعه والده

ادهم بفرحة :

_مبروك يا حبيبتى مبروك يا يوسف ..خلى
بالك من ياسو والا هتضطر تواجهنى وانت
عارفنى

يوسف ضاحكا :

_لا متقلقش يا ادهم دي فى عنيا وقلبي

ابراهيم بجديّة :

_ها يا ادهم كله تمام

ادهم :

_تمام يا بابا يالا يا يوسف

ياسمين بقلق :

_فى ايه ؟انت هتاخده على فىن ؟

ادهم ضاحكا :

_متخافيش مش هقتله الا لو زعلك ...شوية
وهيرجع متقلقيش

وهنا اقترب تامر ليفهم ماذا يحدث بناء على
تعليمات هايدي له بمراقبتهم عن قرب
لمعرفة كل تخطيطهم ومحاولة الاستفادة
منه لابتعد حد ولترد لتامر كرامته بتدميرهم
وخاصة ياسمين

تامر :

_في ايه يا ادهم خير ؟

ادهم باسمما :

_لا مفيش يا تامر بس هنكتب كتاب

ياسمين

تامر بحزن :

_ايه؟!...الف مبروك

واتجه تامر لهايدي واعلمها عم ينتوون عليه
فهمست له ببعض الكلمات وهي تبتم
بمكر ومدى سهولة تخطيطها فأوماً برأسه
موافقا ثم اتجه لمنسق الاغاني واخذ منه
مكبر للصوت وتحدث معلنا :

_معلش يا جماعة ارجو الانتباة ليا شوية بعد
اذنكم...الحقيقة انا عايز اهني الانسة
ياسمين والاستاذ يوسف واختي حبييتي
هايدي والدكتور احمد بعقد قرانهم واللي
هيتم دلوقتي بناء على رغبة العرسان
فانقلبت القاعة بالتصفيق والتصفير وفرحة
من جميع المدعوين الا عدد من الافراد
كادت الصدمة توقف انفاسهم
اتجه جمال بغضب جامح جاذبا ابنه من
ذراعه مؤنبا اياه بحدة :

_ايه اللي انت عملته ده ياغبي ...انا مش
مفهمك انها مدة وهننهي كل حاجة

تامر بصدمة مزيفة :

_ايه ده؟!يعني انا فهمت ادهم غلط؟انا
اسف يابابا مأخدتش بالي

جمال بغضب :

_هعمل ايه باسفك دلوقتي؟حسبي الله
ونعم الوكيل فيك

وتركه غاضبا متجها الى ادهم وابراهيم اما
سوسن فاندفعت لابنتها :

_ايه اللي حصل ده يا هايدي انا مش فاهمة
حاجة؟

هايدي بابتسامة ماكرة :

_ولا حاجة مش قلتلك الجوازة دي هتكمل
غصب عن عين أي حد منهم

سوسن بصدمة :

_يعني انت اللي ...

هايدي مقاطعة :

_ايوة انا اللي دبستهم

فنظرت لها سوسن بذهول ولم تجد كلمات
تعلق بها على هوس ابنتها والذي قد يوقعها
في مشاكل لاحصر لها ولكنها لا تملك فرصة
التحدث الان

اما ذلك الغاضب والذي انتفض من مكانه
بمجرد اعلان تامر واتجه بغضب جامح لاخيه
وابيه وهو يكاد يفجر من امامه ببراكين
غضبه المشتعلة

احمد بغضب :

_ هو فيه ايه ؟ انتم بتحطوني قدام الامر الواقع

...دي اخرتها يا ادهم ..بتعمل ليه كدة ،انت

عايز تخرب بيتي يا شيخ حرام عليك انا

هلقيها منين ولا منين

ابراهيم :

_ اهدى يا احمد اخوك مالوش ذنب هو بس

....

احمد بانفعال :

_ هو ايه ؟عايز يقضي عليا ويموت مراتي

بحسرتها ؟ليه كدة ،اول مرة يا ادهم اعرف ان

جواك كل الحقد ده مستخسر فيا اعيش

متهني مع مراتي عشان انت مقدرتش تجرب

الحب وخطيبتك خانتك، فعلا قلبك اسود

ابراهيم بغضب وهو يجذبه بعيدا عن اخيه :

_انت مجنون اخوك معملش حاجة

ادهم بحزن :

_سيبه يا بابا انا مش هحاسبه دلوقتي لما

نخلص من اللي احنا فيه ده اول

رقية التي جاءت غاضبة من عقد قران

ياسمين وارادت توريط احمد اكثر بهايدي :

_اظن دلوقتي معدش ينفع غير انك تكتب

كتابك على هايدي يا احمد والا هتبقى

فضيحة

جمال بموافقة :

_فعلا هو ده الحل الوحيد ..انا اسف بس ابني

فهم غلط وبالتالي لازم ننفذ ...ارجوك يا احمد

الناس هتقول علينا ايه ؟

ادهم محاولا تدارك الموقف وحله :

_يا جماعة من فضلكم اهدوا وكل

احمد مقاطعا بغضب اعمى :

_ياريت لو تسكت حضرتك او اقولك فعلا

زي ما ماما قالت ياريت ترجع من مكان ما

جيت كفاية كدة

ادهم بصدمة :

_انت بتطردي يا احمد ???!!!

ابراهيم بغضب :

_وبعدين بقى اعملوا احترام لوجودي انتم

الاتنين

ادهم بألم :

_اسف يا بابا واسف يا احمد انت عندك حق

انا فعلا معدش ليا مكان بينكم اوعدك

معنتش هتشوفني تاني

رقية وقد رق قلبها وشعرت بوجعه :

_ادهم ..

ادهم بحزن :

_عن اذنكم

واندفع ادهم خارجا من القاعة والفندق
وحياة اهله امه واخواته وقلبه يكاد يشتعل
بنار القهر يكاد يخرج من بين ضلوعه بل لو
كان باستطاعته لكان اخرجه بيده ليرتاح من
تلك الحياة التي لا تتوانى ابدا عن طعن قلبه
مرة وراء الاخرى بنصل حاد يقطع قلبه
لأجزاء مفتتة فها هي عائلته تتخلى عنه
واحد تلو الاخر بدءا من امه ومرورا بأخيه .

خرج ادهم وهو يكاد لا يرى امامه من شدة
ألمه ولكنه تماسك فهو مازال الرجل الذي
دوما يلعبه والده برجل المهمات الصعبة

وهو ابدأ لن يخذله فاتجه بسيارته الى
المستشفى التي تقبع بها مها ليطمئن
عليها اولا وعندما دخل اليها وجد نجلاء معها
بالغرفة لم تتركها كما وعدته

ادهم :

_مها اخبارها ايه يا نجلاء ؟

نجلاء :

_متقلقش يا ادهم انا كل فترة بقيس
الضغط والحمد لله اتظبط انا بس ادتها
مهدئ عشان تنام شكلها مرهق جدا وكأنها
بقالها كتير منامتش

ادهم :

_متشكر قوي يا نجلاء مش عارف اشكرك

ازاي

نجلء :

_عيب يا ادهم احنا اخوات وانا مهما عملت
مش هقدر اوفي جميلك عليا كفاية انك انت
اللي مراعي امي وواخذ بالك منها

ادهم :

_بس يا نجلء متقوليش كدة يعلم ربنا انا
بحبها يمكن اكثر من امي

نجلء :

_عارفة والله يا ادهم ربنا يكرمك يارب

ادهم بحرج :

_معلش يا نجلء عايز منك خدمة

نجلء :

_أؤمر يا سيدي خير

ادهم :

_ الامر لله وحده انا مضطر ارجع المنيا
دلوقتي بس مش مطمئن على مها لان
مفيش حد من العيلة يعرف انها هنا فا انا
هديكي رقم احمد اخويا خليكى وراه لحد
مايرد عليكى وبلغيه انها هنا ومعلش
خليكى جنبها لحد ما يجي

نجلاء :

_ حاضر من عنيا دي حاجة سهلة جدا بس
ممکن سؤال ؟

ادهم :

_ اسألني خير

نجلاء :

_ انت مالك يا ادهم حاسة انك متغير كدة
ومش طبيعي

ادهم :

_ ارهاق بس يا نجلاء وتعب من الايام اللي
فاتت المهم انا لازم اسافر دلوقتي

نجلاء :

_ خلاص يا ادهم سافر انت بالسلامة
ومتقلقش على مها دي في عنيا

ادهم :

_ ربنا يباركلك يا نجلاء متشكر قوي ،اشوف
وشك بخير

نجلاء :

_ مع السلامة

تفتكروا ايه رد فعل احمد لما يعرف اللي

عمله ادهم عشانه ؟

وايه رد فعل رقية على ياسمين ؟

وهل ستنجو مها من براثن رقية وهايدي ؟

وما حال ادهم بعد رجوعه الى المنيا ؟

وما المفاجأة التي تنتظر ادهم في المنيا

والتي ستقلب حياته راسا على عقب ؟

انتظروني في الجديد

الحلقة العشرون

انتهت الحفلة وكل عاد الى بيته ورأسه يحمل

من الافكار والهموم الكثير والكثير وخاصة

أحمد وغضبه من توريط أدهم له ،وابراهيم

وهو يرى بداية الخلاف والفرقة بين ابنائه

تلوح في الافق ،ورقية الحزينة على جرح أدهم
والغاضبة من زواج ياسمين

رقية بضيق :

_جوزت ياسمين ليوسف يا ابراهيم غصب
عني؟!!

ابراهيم بغضب :

_انت تسكتي خالص ،انت السبب في
المصيبة دي من الاول

ياسمين برجاء :

_يا ماما

رقية بغضب مقاطعة :

_انت تخرسي خالص انت من هنا ورايح
مالكيش ام ...انت فاهمة ؟

ياسمين ببكاء :

_ يا ماما ارجوكي

رقية بحدة :

_ خلصنا ،هي كلمة وخلص

ابراهيم زافرا بضيق :

_روحي يا ياسمين على اوضتك دلوقتي

وانت كمان يا احمد وبكرة ان شاء الله ليا

معاك حساب طويل

احمد بضيق وانفعال :

_علشان ادهم مش كدة ،كل حاجة ادهم

،بتخافوا عليه من الهواا من النسمة ...واحنا

ايه ملناش أي شيء ،كل حاجة حاسب

اخوك متزعلش اخوك ...اخوك وانا فين من

ده كله ؟البية سابنا وسافر لحياته في المنيا

وانا ضحيت بمراتي وابني علشان زعلكوا وفي

الآخر بردوا بتيجوا عليا علشانوا ...اعمل ايه

اكثر من كدة عشان تحسوا بيا

ابراهيم بغضب هادر:

_تخرس

احمد بصدمة :

_بابا !!

ابراهيم بغضب :

_ايوة تخرس لما تكون مش فاهم حاجة ولا

عارف هو عمل ايه عشانك تبقى تخرس

ومسمعش صوتك وتغور من وشي تشوف

مراتك فين

فاندفع احمد غاضبا الى غرفته وكذلك فعلت

ياسمين وهي مكسورة من كلام والدتها

السام

ابراهيم بغضب :

_ ارتحت كدة يا رقية لما الاخوات كرهوا
بعض ... ارتحت لما اولادنا اللي كنا بنفتخر
بحبهم لبعض بقوا مش طايقين بعض

رقية بضيق :

_ انت السبب

ابراهيم بعنف :

_ انا السبب ؟ تصدقي عندك حق ما انا لو
كنت جبتلهم أم حقيقية مكنش ده حصل

رقية بصدمة :

_ أم!!!! امال انا ايه يا ابراهيم ؟

ابراهيم بقسوة عليها تفيق قبل فوات الاوان :

_ انت قلبك حجر مفيش فيه لا حب ولا

رحمة انت

قاطعہ احمد وهو يأتي مهرولا اليهم :

_الحقني يا بابا مها مش هنا وفيه دكتورة
من المستشفى كلمتني بتقول مها عندهم

ابراهيم بفزع :

_ايه؟! يا لا يا احمد نروح نشوفها بسرعة

رقية بسخرية :

_بدأنا التمثيل بدري

ابراهيم بغضب :

_حسابك معايا تقل قوي يا رقية بس هانت

اطمن على مها ولكل حادث حديث

وخرج ابراهيم واحمد الى المستشفى وهناك

اندفع احمد سائلا عن غرفتها واندفع اليها

وكله قلق ورعب من فكرة فقدانها وهو كم

عاني ليالي طويلة ساهدا عشقا واشتياقا لها

اتضيع منه بعد ان صارت ملكه ؟

احمد بخوف وهو يفحصها بعينين

مشتاقتين :

_مها حبيبتي ردي عليا يا مها قومي عشان

خاطري

نجلاء :

_متقلقش يادكتور هي كويسة الحمد لله

ابراهيم :

_ايه اللي حصلها يا بنتي؟ وحت هنا ازاي؟

نجلاء :

_هي كان ضغطها عالي قوي وكان ممكن

يسبب موت الجنين بس الحمد لله ادهم

لحقها في الوقت المناسب وهو اللي جابها
هنا وخلياني افضل جنبها لحد ما تيجوا

احمد بذهول :

_ ادهم !معقول !!!!

ابراهيم بنظرة عتاب لم يفهمها غير احمد
فاخفض راسه خزيا مما فعله باخيه :

_ مش غريبة على ادهم ...بس هي حالتها ايه
دلوقتي يا دكتورة ؟

نجلاء :

_ متقلقش حضرتك هي كويسة انا ادتها
حقنة مهدئة لانها كانت منهارة جدا فامش
هتفوق غير على الصبح كدة يعني ممكن
تمشوا وتيجوا الصبح تكون فاقت

احمد رافضا بشدة :

_ لا انا مش هسيبها هفضل جنبها لحد ما
تفوق

ابراهيم :

_ ولا انا هسيبها تقدري تتفضلي انت يابنتي
احنا عاجزين عن الشكر

نجلاء :

_ متقولش كدة حضرتك ادهم خيره علينا
كلنا ، انا بس كنت عايضة انبه ان بلاش
تتعرض لاي انفعال لانه هيبقى خطر عليها
وعلى الجنين

ابراهيم :

_ ان شاء الله خير يابنتي

وخرجت نجلاء من الغرفة في حين جلس
احمد على مقعد بجانب السرير وهو يمسك

بيدها بين يديه خائفا مرعوبا من فكرة فقدها
كما تطرق به تفكيره لما فعله ادهم وصار
عقله يحاول يحلل الموقف من جديد
لمحاولة كشف لغز ما حدث

في حين جلس ابراهيم على اريكة باخر
الغرفة يتابع ملامح ولده الشاردة في صمت
مهيب دقائق عدة حتى قرر قطعه واعلام
ابنه بخطئه قبل اتساع الفجوة بين الاخوين

ابراهيم :

_عرفت غلطك يا دكتور يا كبير ولا لسة ؟

احمد بتعب :

_ارجوك يا بابا مش وقته الله يخليك

ابراهيم بحدة :

_ لا وقته يا احمد لازم تعرف ان اخوك راح
لحمالك وقاله كل حاجة واتفق معاه ان
خطوبتك هتكون شهرين تلاتة بس وبعدين
تسيب بنته وفضل وراه لحد ما خلاه يوافق
على كدة وهو اللي جاب المأذون عشان
ياسمين مش عشانك بس تامر هو اللي
اتسرع واعلن ده من دماغه قدام الناس
عشان يحطنا قدام الامر الواقع يعني اخوك
مالوش ذنب في حاجة هو كان هدفه يجبر
امك على يوسف

احمد بذهول :

_ مش ممكن يعني عمي جمال عارف اني
مش عايز بنته

ابراهيم :

_ايوة يا سيدي والبركة في اخوك اللي طردته
قدام اللي يسوى واللي ميسواش من
خطوبتك ومن حياتك وهو عمل ايه راح انقذ
مراتك وابنك من الموت

احمد العاقل البارد المتحكم في اعصابه لابتعد
حد ...بكى نزلت دموعه عندما علم مافعله
اخيه عندما شعر بكم الطعنات التي وجهها
بيده لقلب اخيه :

_انا مش عارف انا عملت كدة ازاي ،بس انا
فكرت انه عمل كدة عشان يصلح ماما على
حسابي انا ومها
ابراهيم بانفعال :

_عشان غبي متعرفش ان اخوك بيعمل
الصح حتى لو على حساب نفسه المهم ان
ضميره يكون مرتاح

احمد بالم :

_ اعمل ايه يا بابا انا حاسس اني بتقطع من

جوايا

ابراهيم بقسوة عله يعود لرشده :

_ لازم تتقطع لانك الكبير اللي كنت بقول

عليه هو ده اللي هيضم اخواته تحت جناحه

من بعدي طلعت اول اللي فرقهم

احمد بوجع :

_ ارحمني يا بابا عشان خاطري انا مش

مستحمل

ابراهيم :

_ خلاص اللي حصل حصل خرينا في الغلبانة

دي اما نشوف هنوصلها اللي حصل ده ازاي

احمد باندفاع :

_ لالالا يا بابا ارجوك مها مش لازم تعرف
حاجة عشان خاطري دي ممكن تروح فيها
احنا هنعمل زي ما ادهم قال نستنى شوية
وبعدين اطلقها

ابراهيم :

_ ربك ييسر لنا الخير ويهدي امك
ومتقولهاش

احمد بتصميم :

_ انا هتفاهم مع ماما وهعرف ازاي اقنعها
سيبها عليا

ابراهيم :

_ ماشي اما اشوف اخرتها معاك انت وامك

مرت الايام سريعا وعاد ادهم لمزاولة عمله
كسير القلب والروح وطبعا لم يلحظه سوى
واحدة شعرت بألمه وعلمت انه لم ينجو من
برائن عائلته ولكنه أنكر ولم يحكي لها أي
شيء وظل على حاله

ادهم :

_السلام عليكم ازيك يا ماما ؟

فاطمة وهي ترحب به في منزلها :

_وعليكم السلام بخير يا بني اتفضل تعالى
،مالك يا ادهم دايمًا كدة حزين ومش بتتكلم
خالص

ادهم دون النظر اليها :

_لا ابدًا يا ماما بيتهيألك انا كويس قوي

الحمد لله

فاطمة بجدية :

_على ماما يا ادهم ،انت من اخر مرة سافرت
فيها القاهرة وانت رجعت مش على بعضك

ادهم محاولا التهرب من الاجابة :

_لا ابدا صدقيني انا كويس ..المهم طمنيني
عنك يا بطوط اخبارك ايه ؟

علمت فاطمة انه يريد تغيير الموضوع
فسايرته ولم تشأ ان تضغط عليه فردت
ضاحكة :

_انت بتثبتني يا واد انت طب انا بقى

قاطعها رنين هاتفها الذي صدح فجأة معلنا
عن اتصال من عبد العزيز فسارعت بالاجابة

فاطمة :

_السلام عليكم

عبد العزيز :

_وعليكم السلام الحقيني يا حاجة فاطمة انا
بحاول اتصل بأدهم بس تليفونه مقفول
متعرفيش هو فين

فاطمة بقلق :

_هو عندي يا حاج ..فيه ايه طمني انت بخير
؟

عبد العزيز بلهفة :

_انا بخير بس هدى تعبانة قوي ومش عارف
اتصرف خليه يجيني بسرعة الله يخليكي

فاطمة :

_متقلقش يا حاج ان شاء الله خير ،مسافة
السكة وهنكون عندك مع السلامة

واغلقت الهاتف وهي تسرع لترتدي عباءتها

وطرحتها هاتفة بأدهم سريعا :

_ بسرعة يا ادهم خلينا نروح للحاج عبد

العزيز أحسن هدى تعبانة قوي

خرج معها ادهم ولكنه لم يستطع كبت

فضوله فسألها :

_ مين هدى دي يا ماما بنته ؟

فاطمة وهي تسرع في الخطى :

_ لا حفيدته بنت بنته سلمى بسرعة يا بني

الله يسترك

واسرع ادهم بسيارته ومعه فاطمة ولم تمر

سوى 10 دقائق كان كلاهما في الفيلا ليسرع

اليه عبد العزيز مستنجدا به :

_ الحقني يا بني البنت بتصرخ من الألم وأنا

مش فاهم مالها

أدهم :

_ خير ان شاء الله يا حاج ممكن اشوفها

فاتجه معه عبد العزيز لغرفتها لكنه لم

يدخل معه بقدر قوته وسلطته الا انه لا

يتحمل ألمها قلبه الحجر القاسي يأتي لعند

هدى ويذوب ويصير هلام بين يديها وهذا ما

جعل ادهم يدلف اليها وحده في حين انتظره

عبد العزيز خارج الغرفة يتوجع من صراخها

فوقفت معه فاطمة تحاول الهائه بالحديث

عن سلمى واين هي ؟

اما ادهم فبمجرد دخوله اليها حتى تجمد

مكانه للحظات لا يعلم تحديدا ما حدث له

مجرد متاهة شعر بالتيه بعيناها المدمعة

الباكية رأى فيهما لمحات حزن متأصلة
فيهما وانعكست بشدة على ملامحها
الطفولية الخجولة رغم سنوات عمرها
الخمس .. شعر ان تلك الفتاة ومنذ اول لقاء
بينهما استطاعت سرقة قلبه وعقله لكنه
تنبه على صوت صراخها فنفض رأسه من
تلك الافكار واتجه اليها ليمارس عمله
بعملية وجدية لم يسطع الالتزام بها لتغرقه
هدى في بحور براءتها اللذيذة وتجبره على
التعامل معها بعمرها وليس بعمره ابدا
خرج ادهم من الغرفة بعد اجراء الكشف
عليها سريعا حتى لا يألمها اكثر مع ان قلبه
كان يتمنى ضمها وتهوين ألمها بقدر
استطاعته لكنه خرج ليتفاهم مع جدتها
بشأن مرضها وهذا الالم الان .

عبد العزيز :

_خير يا بني طمني الله يكرمك

ادهم :

_لازم تتنقل المستشفى حالا

عبد العزيز بصدمة وتوهان :

_مستشفى!!!! البنت هتروح مني ؟

فاطمة :

_استهدى بالله يا حاج ان شاء الله خير

...حالتها ايه يا ادهم ؟

ادهم :

_يا جماعة اهدوا ان شاء الله خير انا بس

شاكك انه ممكن يكون التهاب الزائدة

الدودية...فمحتاج اعمل لها شوية تحاليل

عشان اتأكد قبل العملية

عبد العزيز بتوهان :

_ عمليه !! هدى هتضيع مني ؟

ادهم :

_ يا عمي اهدى والله العملية دي بسيطة
جدا اهدى انت بس وسيبها لله ثم ليا وتوكل
على الله

عبد العزيز :

_ لا حول ولا قوة الا بالله ..طب احنا هنوديتها
ازاي نطلب الاسعاف ؟

ادهم :

_ لا الموضوع مش صعب قوى كدة انا
هوديتها

عبد العزيز :

_ انا مش هسيبها

ادهم :

_مفيش مشكلة انا هخدها معايا ومع ماما

فاطمة وحضرتك حصلنا على هناك

فأوماً عبد العزيز برأسه موافقا وهو يرتجف

من مجرد فكرة خسارتها الغير محتملة على

الاطلاق

دخل ادهم مرة اخرى اليها وجدها كما تركها

تبكي الألم والوجع ولا يوجد بجانبها احد

حتى والدتها فأشفق عليها وحاول محادثتها

بلين حتى لا تخافه

ادهم :

_هدى ممكن تيجي معايا مشوار

هدى ببكاء قطع قلوبهم :

_لااااا انا عاوزه ماما...جدو هاتلي ماما انا

بطني بتوجعني قوي همووووت ياجدو

فلم يتحمل عبد العزيز رغم جبروته كلامها
فنزلت دموعه فاسرع بالخروج من الغرفة
وقلبه يتقطع عليها بينما اقترب ادهم منها

ادهم :

_ هدى حبيبي انا عارف ان بطنك بتوجعك
قوي بس لو جيتي معايا هتخفي على طول
صدقيني

هدى بتعب :

_ ااه ااه ..مش قادرة اتحرك

ادهم :

_ متخافيش يا حبيبي انا هشيلك دا انت
حتى صغونة خالص اد اللعبة
فتوقفت هدى فجأة عن البكاء ونظرت له
بغضب نظرة لمن يعرف تلك العائلة

سيدرك بحق ان تلك الفتاة جزء من لبؤة

المحامة سلمى

هدى بغضب :

_انا اد اللعبة ؟

ادهم مشاكسا لتنسى ألمها :

_اه اد اللعبة الصغيرة كمان

هدى بعند :

_لا انا كبيرة حتى بص

وحاولت هدى الوقوف على السرير لتثبت
لادهم كبرها ولكن عاجلتها موجة جديدة من
الألم جعلتها تثبت مكانها متأوهه ليستغل
ادهم تلك اللحظة ويخطفها بين يديه
فتعلقت هي بقميصه وهي تصرخ من الألم
فضمها لصدره واسرع بها الى سيارته ومعه

فاطمة التي ركبت في المقعد الخلفي ووضع
ادهم هدى في حضنها لتضمها فاطمة بحنان
وخوف حرمت منه تلك الطفلة سنوات
عمرها كلها اما ادهم فانطلق لمقعد السائق
وادار المحرك بسرعة كبيرة وخلفه كانت
سيارة عبد العزيز تلتهم الطريق بسرعة كبيرة
وعندما وصلا الى المستشفى اسرع ادهم
بحملها وتوجه بها لاحدى الغرف ثم خرج
مناديا على احدى الممرضات التابعة لقسمه
(سناء) وحدد لها كل التحاليل المطلوب
عملها لها في اسرع وقت كما حدد لها العلاج
الذي يجب ان تأخذه على وجه السرعة
ليسكن ألمها... ثم اتجه ادهم مع عبد العزيز
لغرفة مكتب ادهم للحديث عن حالة هدى
ولم تمر سوى نصف ساعة كانت تحاليلها
ظهرت ووصلت لمكتب ادهم

عبد العزيز :

_ طمني يا بني ايه الاخبار ؟

ادهم :

_ زي ما انا توقعت محتاجة لجراحة

عبد العزيز :

_ لا حول ولا قوة الا بالله والعمل يابني

ادهم :

_ ان شاء الله هنعملها العملية بكرة الصبح

و.....

قفاطعه طرقات عالية على الباب ثم دخول

الممرضة سناء بتوتر :

_ دكتور ادهم الحقنا المريضة في غرفة 202

في حالة هياج شديد ومحدث قادر يقرب

منها

فاندفع ادهم راكضا اليها ومعه عبد العزيز
والذي كان يعرف غرفة حفيدته جيدا وعندما
دخلا وجدها في حالة هياج شديد عصبي
يتخطى سنوات عمرها بمراحل

ادهم بتعجب من حالتها :

_ في ايه ؟مالك يا هدى ؟

هدى بصراخ :

_ ابعدهم عني يا جدو عاوزين يموتوني

جلس عبد العزيز بجانبها سريعا محاولا
السيطرة على حركاتها الهستيرية وحالة
الهياج التي تمر بها هاتفا بلهفة :

_ اهدي يا هدى اسمعي الكلام محدش عاوز

يموتك ..دول بيحبوكي يا بنتي

هدى بانفعال :

_لاااااااااا انا عاوزه ماما هي اللي هتحميني
منهم ..هي قالتلي كدة دول مجرمين انا
عاوزه ماما

ادهم:

_ايه اللي حصل ياسناء ؟

سنا الممرضة :

_والله يادكتور احنا حاولنا نعطيها حقنة
المسكن بس هي مجرد ما شافت الحقنة
بقت في الحالة دي حضرتك

فهم ادهم سريعا ما يحدث :

_لو سمحتوا مش عاوز حد في الاوضة كله
يتفضل برا

سنا :

_بس حضرتك

ادهم مقاطعا بحدّة :

_قلت كله برا ...خليك يا عمي

هدأت هدى قليلا ونظرت له بأعين دامعة
وقد شعرت من حدته انه الحماية لها فهو
من ابعدهم عنها اذن ستلجأ اليه حتى عودة
أمها

ادهم :

_هدى حبيبتي اهدي خلاص محدش يقدر
يقربلك طول ما انا جنبك متخافيش خلاص

هدى :

_مين ده يا جدو انا خايفة قوي

عبد العزيز :

_متخافيش يا حبيبتي ده الدكت.....

ادهم مقاطعا :

_ انا ادهم صاحب جدو ممكن نبقى اصحاب

ونلعب سوا

هدى بتعب :

_ انت كبير ازاي هتلعب ؟ وانا كمان مش

قادرة العب دلوقتي انا عيانة

ادهم بحزن مصطنع :

_ كدة يا هدى مش عاوزه تلعب معايا

خلاص انا زعلان منك ومش هجيلك تاني

هدى بلهفة :

_ طب خلاص متزعلش بس انا مش قادرة

طب خلىنا لبكرة

ادهم بابتسامة :

_ ماشي يا هدى هجيلك بكرة وهجيلك

شيكولاته معايا اصل انا بحبها قوي

هدى وقد تناست ألمها :

_وانا كمان بحبها قوي يا أدهم

عبد العزيز :

_عيب يا هدى اسمه عمو ادهم

ادهم :

_لا ياعمي هو فيه اصحاب يقولوا لبعض

عمو صح ياهدى

هدى بابتسامة خفت لب ادهم :

_صح يا ادهم انا مش هقولك غير يا ادهم

ماشى ؟

ادهم :

_ماشى يا هدهد حلو كدة ؟

هدى :

_ اه حلو زي ما ماما بتقولي

ادهم بحنان :

_ بصي بقى دلوقتي انا عرفت انك عيانه

وحاسة بوجع في بطنك صح؟

هدى بدموع :

_ اه وجع جامد قوي يا ادهم

ادهم :

_ علشان كدة انا جبتك هنا فيه دوا لو خدتيه

هتلاقي الوجع راح ايه رايك

هدى:

_ ماشي بس بلاش حقن عشان الحقن

بتموت انت عايزني اموت

ادهم :

_ بعد الشر عليكى حبيبتي بس الحقن مش
بتموت دي بتعالج

هدى :

_ لا ماما قالتلي انها بتموت وانها وحشة هي
والدكتور كمان كلهم عاوزين يموتونا

ادهم بصدمة :

_ نعم !!! ماما قالت ايه ؟!!!

مع مرور الايام لم تتحسن حالة مها فظلت
طوال اسبوع كامل بعد الخطوبة
بالمستشفى(قلب الرفاعي بقلمي لميس
عبد الوهاب) وحالتها من سيء لاسوء وهذا
ما جعل احمد يخرج عن شعوره ليصرخ بها
هادرا بنفاذ صبر :

_يا مها حرام عليكى اللي بتعمليه فيا ده

ابراهيم :

_صوتك عالي ليه يا احمد مالك متعصب

ليه ؟

احمد بنفاذ صبر وغضب :

_يا بابا انا تعبت بقالنا اسبوع في

المستشفى لا راضية تاكل ولا تشرب

وبالتالي مفيش علاج نافع معاها والضغط

مش مضبوط يا اما مرتفع جدا يا اما

منخفض جدا ومش عارف اعمل ايه خلاص

تعبت

مها بدموع :

_انا اسفة يا احمد انني السبب في تعبك انا

مممكن اروح

ابراهيم مقاطعا :

_بس يا مها تروحي فين يابنتي انت هنا
وسط اهلك واحمد عصبي بس من خوفه
عليكي ...انا بس عاوز افهم انت مش بتاكلي
ليه ؟

مها بحرقة :

_يا عمي والله ماليش نفس ..مش قادرة اكل
أي حاجة والله ما قادرة

احمد متنهدا بضيق محاولا كبت غضبه :

_يا مها فكري في ابننا انت كدة بتموتيه
بالبطيء حرام عليكي

ابراهيم :

_احمد تعالى معايا نشوف الدكتوراة نجلاء
...دقيقة ورجعين يا مها

مها :

_اتفضلوا

فخرج ابراهيم بغضب من ابنه من الغرفة
وتبعه احمد وبمجرد ان ابتعدوا قليلا عن
الغرفة حتى هدر به ابراهيم بعصبية :

_انا عاوز افهم انت عصبي كدة ليه ؟

احمد :

_يا بابا خايف عليها هي كدة بتموت
بالبطيء

ابراهيم :

_بس ده مش شكل واحد خايف على مراته
دا شكل واحد زهق منها وعاوز يخلص في
اقرب وقت منها

احمد :

_يا بابا انا بتصرف معاها عادي ما هي

فهماني وعارفة اسلوبي

ابراهيم بغضب :

_غبي ...تبقى غبي يا احمد يا دكتور يا كبير

...انت ناسي ان انت في نظرها خاطب واحدة

تانية يبقى اما تتعامل معاها كدة هتفسرها

انك اتغيرت ومعنتش بتحبها وعاوز تخلص

منها

احمد :

_انا مستحيل اتغير يا بابا

ابراهيم :

_حلو تبقى تبين لها ده ...تاخذها بالراحة

قوي وتسايسها على اد ما تقدر ووو...مش انا

اللي هفهمك يا دكتور

احمد مبتسما بحرج :

_حاضر يا بابا عن اذنك

ابراهيم :

_روح يا احمد ربنا يهديك الحال ويهديكي

يا مها

توقعاتكم تهمني

ياترى ايه السر ورا كلام سلمى لبنتها ؟

وما مصير هدى بعد الجراحة ؟

كيف سيستطيع احمد السيطرة على الامور

من جديد ؟

و مصير ياسمين ويوسف ؟

الحلقة الحادية والعشرون

حالة من الصدمة والتعجب ضربت عقل
ادهم فلم يستوعب ماقالته هدى فنظر اليها
مندهشا مما تفوهت به ثم تحول بنظره
لعبد العزيز ليفهم منه فأحنى الآخر رأسه
فلن يستطيع افهامه الان

ادهم بصدمة :

_ماما قالتلك ايه يا هدى ؟

هدى :

_قالتلي الدكتور وحش عشان كدة بيدينا
الحقنة الوحشة اللي بتوجع اكثر من الوجع
اللي في بطني ده

ادهم محاولا كبت غضبه :

_استغفر الله العظيم

واردف حديثه معها بابتسامة :

_ طب بصي يا هدى مش انا وانت بقينا

اصحاب

فأومأت هدى برأسها دون كلام من شدة

ارهاقها

ادهم :

_ خلاص انا هخليهم يجيبوا الحقنة وانا

هديهالك بلاش هما وبلاش الدكتور ايه رايك

؟؟

هدى بخوف :

_ لا ... دي بتوجع قوي وبتموت

ادهم بمحايلة :

_ لا خالص طب جربي كدة واسمعي كلامي

ولو وجعتك ياستي ليكي عليا معنتيش

تاخذيه تاني وجدو آهو معاكي فمتخافيش

بقى

فصمتت هدى قليلا حائرة مترددة واستغل
ادهم ترددها ليخرج من الغرفة ويعود ومعه

الحقنة التي كان يخفيها في علبة وسط
مجموعة من اللعب حتى لا تراها هدى
وتصاب بالهلع مرة اخرى وجلس بجانبها
على الفراش

ادهم وهو يربت على راسها بحنان :

_ بصي يا هدى انا عاوزك تبصي لجدو

وتخلي بالك منه قوي ماشي

هدى ببراءة :

_ ليه انت عيان يا جدو ؟

ادهم سريعا :

_ اه يا هدى جدو كمان عيان بوصي هو
هيقعد جنبك آهو عايزك تبصيله قوي
لحسن يتعب وانا هديكي الحقنة بشويش
خالص ولو وجعتك معنتيش تكلميني تاني

ماشي

هدى بخوف :

_ط..ط..طيب

وجلس عبد العزيز بجانبها وحاول جذب
انتباهها عن ادهم الذي أخذ يدها الأخرى بين
يديه ليثبتها بيد ويعطيها تلك الحقنة
المسكنة باليد الاخرى ولخبرة ادهم الواسعة
في حالات البايانو فوبيا (رهاب الحقن
(استطاع بمهارة اعطائها الحقنة دون ادنى ألم
حتى أنها لم تشعر به من الاساس حتى
انتهى

ادهم بمرح :

_ خلاص ياستي خلصت قوليلي بقى
وجعتك ؟

هدى بتعجب :

_ لا خالص ... ادهم هو انا بجد اخدت حقنة ؟

ادهم بابتسامه :

_ اه يا حبيبي شوفتي بقى انها مش بتوجع
خالص وماما غلطانة في اللي قالته

ونظر بعتاب لعبد العزيز يلومه على افكار
ومعتقدات تلك الطفلة الخاطئة فلم يرد
عبد العزيز واكتفى بالصمت حتى تتاح له
فرصة الانفراد به وعندها سيفهمه سبب
تلك الافكار لدى سلمى عله يستطيع
مساعدته

هدى بفرحة :

_ خلاص انا هقول لماما ان الحقن حلوة
ومش بتوجع خالص

عبدالعزيز باندفاع اثار دهشة ادهم :

_ لا يا هدى متقوليش حاجة لماما دلوقتي
خليها لما ترجع من السفر احسن

ادهم :

_ ممكن بقى هدهودة الشاطرة تنام وترتاح
شوية

هدى :

_ اه انا عايزة انام كتير قوي عشان معدش
وجع الحمد لله

عبد العزيز وهو يمددها على الفراش
ويدثرها بالغطاء :

_ خلاص نامي يا حبيبتى تصبحي على خير

هدى :

_ وانت من اهل الخير يا جدو بس

متسبنيش خليك معايا هنا

فانحنى عبد العزيز ليطلع قبلة على رأسها

هامسا :

_ انا معاك يا حبيبتى مش هسيبك ابدا

..نامي وارتاحي

هدى :

_ تصبح على خير يا ادهم

ادهم بابتسامه :

_ وانت من اهل الخير يا هدهد

وقف قليلا خارج غرفة مها يفكر في كلام
والده أيمن أن تظن فيه مها أنه تغير بعد
خطوبته؟!أكيد لا مها تعلم جيدا مقدار حبه
وهيامه بها ولكن...لم تفعل ذلك؟لم ترفض
الأكل وكأنها ترفض الحياة

تنهد بضيق وهو يدخل الغرفة ليجد مها كما
تركها جالسة على الفراش ضامة قدميها
لصدرها وواضعة راسها عليهما شاردة في
حالتها وعلى وجنتيها تجري دموعها بغزارة
حتى انتبهت له فسارعت بمسح دموعها
وإدعاء القوة والجمود بهروب عينيها من
عينيها

جلس احمد أمامها مباشرة ولم يسمح
لعينيها حصنه ومحراب عشقه بالهرب كثيرا
فأعاد وجهها اليه(قلب الرفاعي بقلمي
لميس عبد الوهاب) ناظرا بقوة داخل عينيها

لتفاجئه مها بنظراتها العاتبة التي كالسوط
الذي يحرق قلبه فلم يستطع الا ان يضمها
لصدره ويحتويها بين يديه مقبلا رأسها كنوع
من الاعتذار الضمني والتي فهمته مها جيدا
فأحاطت بخصره بكلا ذراعيها متشبثة به
بقوة

احمد بهدوء :

_مها حبيبتي هتاكلي معايا دلوقتي
وهتاخدي الدوا كمان ماشي ؟

مها مبتعدة عن احضانه :

_لالالا ارجوك يا احمد متغصبش عليا والله

.....

احمد مقاطعا وهو يعيدها بين ذراعيه
محكما يديه حولها :

_ لا مفيش اعتراض هتاكلي وهتاخدي الدوا

ومش هتبعدي عني لحظة واحدة

لتطرق احدى الممرضات على الغرفة

وتدخل بعد سماح احمد لها :

الممرضة :

_ ميعاد الدوا يا مدام مها

احمد بجدية :

_ لو سمحتي هاتيلها أكل أول قبل الدوا

الممرضة :

_ تحت أمرك يا دكتور

وخرجت سريعا لتنفذ ما أمرها به احمد في

حين عاودت مها الرفض

مها :

_احمد لو سمحت انا ...

احمد مقاطعا :

_هشششش ...ولا كلمة انت بتاعتني انا ...ملكي

أنا ،وانا اللي هحدد كل حاجة خاصة بيكي

،عندك مانع ؟

مها :

_بجد يا أحمد؟انا لسة ملكك زي الاول

فشعر أحمد بصدق حديث والده فتابع :

_اكيد يا مها دي حاجة مفيهاش نقاش

وجاءت الممرضة بصينية الطعام فأخذها
منها أحمد وطلب منها الخروج وجلس على

الفراش امام مها على السرير وهو يقول لها

بمرح :

_تعرفي يا مها لو مأكلتيش من ايدي كدة زي

زمان انا هعمل ايه ؟

مها بتعب :

_والله ما قادرة صدقني

احمد وهو يضع الصينية جانبا :

_خلاص انت اللي اخترتي

مها بتوجس :

_انت هتعمل ايه يا احمد ؟

احمد غامزا :

_ولا حاجة هنشوف بس الموضوع بتاعنا ده

اللي متأجل من اسبوع

مها باندفاع :

_لالالا احمد انت اتجننت احنا في المستشفى

احمد بجدية زائفة :

_هي كلمة هتاكلني ولا

مها مقاطعة وهي تجذب الصينية امامها :

_لا خلاص باكل آهو

وشرعت في تناول الطعام من يده فضحك

بشدة عليها وهو يهمس لها غامزا :

_ايوة كدة ناس متجيش الا بالعين الحمرا

وال.....

مها مقاطعة بخجل :

_احمد خلاص

فضحك احمد وكذلك هي وتابع اطعامها

بيده في جو من المرح حتى هتف بها

احمد :

_يا لا عشان تاخدي علاجك ولا

مها بطاعة :

_لا خلاص نادي الممرضة خليها تيجي

تديني العلاج

احمد رافعا حاجبه :

_وانادي الممرضة ليه ان شاء الله هو انا

مش دكتور ولا حضرتك شيفاني ميكانيكي

مثلا

مها بخجل ووجه كحبة الطماطم :

_احمد العلاج كله حقن روح نادي الممرضة

احمد بعند :

_لا محدش هيديكي علاجك غيري ايه رايك

بقى ؟

فنظرت مها لخلف احمد الجالس امامها

وقالت بانفعال كاذب

مها :

_اتفضل يا عمي شوف عمايل ابنك

فالتفت احمد لوالده ولكنه لم يجد احد

خلفه ليعود ينظر لمها فلم يجدها فقد

استغلت الفرصة وابتعدت عنه لآخر الغرفة

مها ضاحكة :

_احمد اعقل عشان خاطري

احمد بغضب مصطنع :

_انت بتضحكي عليا يا مها طب والله ما أنا

سايك

وظل يدور بالغرفة حولها محاولا امساكها

وهي تحاول الهروب من بين يديه وتحيطهما

حالة من المرح والضحك تمنى كلاهما الا
تنتهي ابدأ حتى شعرت بها بدوار خفيف
جعلها تثبت مكانها فتمكن احمد من
امسакها بين يديه وضمها لصدره وعندما هم
بتقبيلها طرقت الممرضة الباب فابتعد عنها
على الفور وسمح للممرضة بالدخول
واوصاها ان تظل معها وتعمل على رعايتها
حتى ينتهي هو من عمله وعادت مها
للغراش من جديد خرج احمد من الغرفة
لمزاولة عمله وكلاهما يشعر بالسعادة من
تلك اللحظات البسيطة التي جدت
احساس كل منهما بالآخر

وعلى الجانب الاخر كان ابراهيم يتابعهما من
بعيد والذي شعر بفرحتهم معا ودعا الله
من قلبه ان يديم عليهما تلك السعادة .

في صباح اليوم التالي كان غارقا في افكاره
بتلك الفتاة التي استطاعت ببراءتها ان
تسلبه لبه بلا جدال ولكنه عاد لرشده على
طرقات على باب مكتبه فتنحج قليلا ثم
سمح للطارق بالدخول

عبد العزيز :

_صباح الخير يا بني

أدهم بابتسامة وهو يقف لاستقباله :

_صباح الخير يا حاج اتفضل ...أخبار هدى ايه

؟

عبد العزيز بحزن :

_صحيت من بدري على نفس الألم

أدهم وهو يهم بخلع مئزره الطبي :

_حالا هاجي مع حضرتك اشوفها ...بس
عموما احنا بنجهز غرفة العمليات قدامها
ساعة بالكثير وتدخل متقلقش ان شاء الله
خير

عبد العزيز بتعجب :

_ربنا يستر ويسلم ،بس انت خارج ولا حاجة
أدهم :

_لا أبدا أنا جاي معاك أشوفها ...ليه السؤال
ده ؟

عبد العزيز :

_اصل لقيتك خلعت البالطو قلت يمكن
خارج ولا حاجة

أدهم بنظرة ذات معنى :

_ لا ابدا بس مش عاوز هدى تقلق مني انت
عارف هي بتكرة الدكاترة والحقن اد ايه

عبد العزيز بحرج وامتنان بالغ :

_ ربنا يباركلك يا بني...وان شاء الله لما
تخلص العملية على خير واطمن على هدى
هفهمك كل حاجة

ادهم :

_ ان شاء الله اتفضل حضرتك

وتوجها الاثنان لغرفة هدى والتي لاحظ أدهم
ان وجعها قد زاد عن أمس وهذا ماجعله
يسرع أكثر بتجهيزها دون أن تعلم

ادهم :

_ صباح الخير يا هدى اخبارك ايه النهاردة ؟

هدى بتعب شديد :

_مش قادرة خالص الوجع بيزيد اكثر من

امبارح

أدهم وهو يمسح على شعرها بحنان :

_معلش حبيبتي كلها شوية وهديكى حقنة

زي امبارح هتضيع الوجع على طول

هدى :

_بجد...يعني مش هتوجعني ولا تموتني ؟

ادهم :

_لا خالص بعد الشر عليكى معنتيش تقولي

كدة ماشي ..وبعدين انا مش وعدتك امبارح

ووفيت ؟

هدى ببراءة :

_لا وعدتني وخلفت

ادهم بتعجب :

_ انا يا هدى ؟

هدى :

_ اه... انت قلت انك هتجيبلي شيكولاته...ها

جبت؟

ادهم ضاحكا :

_ لا في دي عندك حق انا كدة خلفت وعدي

ولازم اتعاقب كمان

هدى :

_ لا خلاص بس توعديني تجيبلي بجد بقى

ادهم مبتسما :

_ ماشي ياستي حاضر...طب ايه رايك في

دي ؟

واخرج من جيبه قالب من الشيكولاته كبير

الحجم فما ان رأته هدى حتى نسيت تماما

ما يمر بها من ألم واخذته منه وهي تسرع
اليه لتحضنه وتتعلق برقبتة وهنا تعجب
أدهم من فعلتها ولكنه لم يجد في نفسه الا
ان احكم ذراعيه حولها واحتضنها بقوة وكأنما
يحتضنها بقلبه وبين ضلوعه

أما عبد العزيز وفاطمة اللذان تابعا الحوار من
بدايته فقد تملك الذهول منهما وخاصة
انهما يعرفان جيدا طبيعة هدى الانطوائية
وهذا ما أثار دهشتها متى فتحت له قلبها
وعقلها بل متى تعلقت به من الاساس
وكان كلاهما لا يعرفان أن قلوبنا بين يدي
الله يقلبها كيفما يشاء ومن رحمته بطفلة
مثل هدى أن علق قلب أدهم بها ومن
رحمته الواسعة بقلب أدهم المجروح فتح له
قلبها فكان كلاهما الدواء والشفاء والعلاج
لبعضهما

نعود لهدى والتي انفتحت قلبها على مصرعيه
لادهم وهذا بالطبع ليس بسبب قالب
الشيكولاته اكيد وانما هو الشعور بالاهتمام
وكأن هناك شخص يهتم بك ويحبك ويحنو
عليك هو شعور مفقود لدى هدى وخاصة
مع أب لا تعرفه وسنعرف حكايته بعد قليل
وام دائمة السفر تهرب من واقعها بالسفر
والعمل وجد لديه من الاعمال والامراض ما
جعله الاختيار الاسوأ لتربية طفلة في عمرها .

هدى وهي مازالت متعلقة بعنق ادهم :

_ انا بحبك قوي يا ادهم لانك افكرتني

ادهم بصدق :

_ حبيبتني انا فكرك على طول

ثم انزلها برفق على الفراش هامسا لها :

_ جاهزة عشان الحقنة زي امبارح ؟

هدى :

_ ماشي بس اوعى توجعني

ادهم :

_ لا متخافيش ان شاء الله مش هتوجعك

وخرج ادهم من الغرفة وعاد بعد فترة وجيزة
ومعه صديقه الدكتور كرم اخصائي التخدير
في المستشفى وعندما اقترب خافت منه
هدى بل نستطيع ان نقول انها اترعبت
فجلس ادهم بجانبها محاولا طمأنتها وجذب
انتباهها له وهو يتحدث اليها في نفس
اللحظة التي شرع كرم في تخديرها

ادهم :

_ هدى قوليلي صحيح انت بتحبي تتفسحي

فين ؟

هدى :

_انا مش بخرج خالص من البيت الا
للحضانة

ادهم :

_يعني مفيش مكان بتجبي تروحيه مع
ماما وجدو؟

هدى :

_لا مش بروح في أي مكان بس انا نفسي
اروحلبا ..با

وغابت هدى عن الوعي فاسرعت
الممرضات بتجهيزها للجراحة ودخلت هدى
غرفة العمليات ومعها ادهم في حين انتظر
عبد العزيز خارجا الذي كان يضرب الممر
ذهابا وايابا والقلق والرعب من فقدانها
ينهش قلبه في حين كانت فاطمة تحاول

جاهدة تهدئته ولكن كل محاولاتها عادت
بالفشل وبعد مرور ساعة كاملة كانت كأنها
الدهر خرج ادهم من الغرفة وهو مبتسم
ليطمئنهم ان هدى بخير وانها ستنقل
لغرفتها بعد قليل فما كان من عبد العزيز
الا ان احتضنه وهو يشكره ويشكر فضل الله
عليه بان حفظها له

بعد نصف ساعة اخرى ادهم هامسا :

_هدى...هدى اصحي بقى كل ده نوم

هدى بنعاس :

_ها...انا عاوزة انام

ادهم :

_لا هدى قومي يالا عاوز اتكلم معاكي

هدى :

_ طب هاتلي ميه انا عطشانة

ادهم :

_ حاضر بس قوليلي الاول عاملة ايه دلوقتي

هدى بضيق :

_ عاوزه انام وانت عاوز تلعب صح عشان

كدة بتصحيني

فضحك ادهم مقهقها غامزا لها :

_ الله ما انت فهماني اهو يالا قومي بقى

فوقي

هدى بعند وهي تغمض عينيها :

_ لا ماليش دعوة مش هلعب انا عيانة

ادهم وقد اطمأن عليها بعد استيقاظها من

المخدر:

_ طب خلاص نامي يا حبيبتني وانا كل شوية
هاجي اطمن عليكي

هدى بقلق وهي تحاول الجلوس :

_ هتروح فين؟ هتسيبيني؟

ادهم بعد ان ساعدها لتأخذ وضع الجلوس
المائل قليلا :

_ لا طبعا انا مقدرش اسيبك انا هخرج شوية
اجيب شيكولاته واجي

هدى :

_ هتجيب ليك لوحديك؟

ادهم :

_ لا طبعا هجيب لهدودتي لو سمعت كلامي
واكلت واخذت العلاج

هدى ببراءة :

_حاضر والله هسمع الكلام بس مش تتاخر

عليا عشان خاطري

ادهم بصدق :

_مقدرش اتاخر عنك

ثم قبل راسها وغادر الغرفة وهو مرتبك من

مشاعره تلك التي يتذوقها لأول مرة في

حياته ولا يعرف ماهيتها بالضبط

اما على الجانب الاخر فقد شرد عبد العزيز

فيما حدث امامه ايعقل ان الحظ يحالفه

بتلك الدرجة ام انه واهم حقا لايعرف ولكنه

حسم امره يجب اطلاع ادهم على كل شيء

حتى اذا تراجع عن حب هدى وابتعد يبتعد

الان وليس بعد ظهور سلمى فهي ليست

حمل جرح اخر يكفيها جرحها الاول وهنا

اتجه عبد العزيز لمكتب ادهم ليطلعه على

سر حياة سلمى وهدى عل القدر يساعده
فيتقبل ادهم الموضوع وينجح فيما فشل
فيه هو ويعيد الحياة لوردتيه سلمى وهدى

توقعاتكم

ايه هو سر سلمى ؟

ماسبب رعب هدى من الاطباء

هل سيتقبل ادهم الامر ؟

كيف سيحل احمد معضلته ؟

تابعوني في احداث اكثر اثاره وتشويق

الحلقة الثانية والعشرون

مازال أدهم هائما في فلك هدى ...مازالت
الافكار تلعب لعبتها معه بل بالاحرى تلك
المشاعر التي جذبته بقوة وجعلته تائها
هائما بها زفر بضيق وهو يفكر ماذا سيظن

به عبد العزيز ان لاحظ شدة تعلقه بها
ايمن ان يبعدها عنه وعند تلك الفكرة
نبض قلبه بقوة خوفا من بعادها ولكن
اخرجه من شروده طرقات قوية على الباب
فسمح للطارق بالدخول فوجد عبد العزيز
امامه وكأن افكاره فجأة تجسدت أمامه
فتوتر وارتبك من فكرة انه جاء ليعلمه انه
سيأخذ حفيدته بعيدا عنه وتأهب ادهم
للدفاع عن حقه في رؤيتها ولكن مهلا لحظة
أيمك هو أية حقوق في رؤيتها من الاساس

!!!؟؟

ادهم بارتباك :

_اتفضل يا عمي اقعد تحب تشرب ايه ؟

عبد العزيز بتوتر هو الآخر :

_كثر خيرك يابني ...انا مش عارف اشكرك
ازاي على وقفتك معنا و..._

ادهم مقاطعا :

_متقولش كدة ياعمي انا مش عارف اقولك
ايهبس انا حاسس اني مسؤل عن هدى
وانها تقربلي قوي ...يعني ...

عبد العزيز مقاطعا :

_ فاهم يابني وحاسس بيك وبيها وعشان
كدة انا جيت لك دلوقتي عشان افهمك
حكاية بنتي كلها هي وهدى يمكن تقدر
تساعدهم

الان فقط تنفس ادهم الصعداء ...الان فقط
اطمأن قلبه ان عبد العزيز لن يبعتها عنه
وكم سره ذلك الخاطر بشدة لكنه نفض
افكاره وانتبه لما سيحكيه له عبد العزيز

ادهم بانتباه :

_خير ياعمي اتفضل اتكلم

عبد العزيز :

_بص يا بني الحكاية كلها بدأت من7سنيين
تقريبا كانت بنتي سلمى في سنة ثانية
حقوق واتقدم لها قاسم شاب ممتاز دكتور
ومن عيلة ومهذب واخلاقه على حسب ما
سمعنا وقتها ممتازة وطبعها هي كانت بنوثة
صغيرة انبهرت بيه ووافقت على طول وانا
سألت عليه في القاهرة عرفت انهم ناس
طيبين ومحترمين وابوه دكتور نفسي كبير
ومشهور بس في المانيا وفعلا تم الموضوع
واتجوزوا بس طبعا انا اشتطط عليه انه
يسكن في المنيا وهو وافق وتمت الجواز .

بعد شهر من جوازهم حملت سلمى وفرحت
انا وهي جدا بس اتفاجئنا ان الاحوال كلها
اتغيرت مرة واحدة للاسوء والدنيا قامت من
حوالينا ومقعدتش ..البية الدكتور اصلا كان
مريض نفسي بيتعالج عند ابوه في المانيا
ولما ابوه صمم يحجزه في مصحة هناك امه
هربته على مصر وطبعاً وقت الجواز وتعارفنا
كانت الست والدته هي ورا كل المعلومات
الغلط اللي وصلت لينا عشان تتمم الجوازة
ويستقر هنا(قلب الرفاعي بقلمى لميس
عبد الوهاب) املا ان بنتي تقدر تغيره بعيد
عن ابوه وفعلاً قدرت سلمى تغيره شوية
الفترة دي لكن مع حملها وبداية الدراسة
وانشغالها عنه شوية بدات ترجعه حالته

تاني

بصراحة انا مش عارف اسم الحالة العلمي
لكن اقدر اقولك انه كان بيستمع بتعذيب
سلمى بكل الطرق اللي تخطر على بالك
واللي متخطرش سواء بالضرب او التعذيب
بالحقن في مناطق مختلفة من جسمها وهي
بتحاول معاه عشان يتعالج وهو مفيش
فايدة لحد ما حصل واجهضت الطفل

ادهم مقاطعا :

_تقصد انه سادي ؟

عبد العزيز :

_ايوة اعتقد حاجة زي كدة المهم انها تعبت
قوي وكانت هتموت فيها وقتها انا قتلها
لازم تتلقني قالتلي مينفعش اسيب جوزي
في شدته عشان كدة قاوحت معايا كثير
وسمعت كلام حماها اللي طبعا عرف كل

حاجة من مراته لما الامور خرجت من ايدها
عرفته هو عشان يتصرف وحصل اجا واقنع
سلمى انها تقنعه انه يرجع مع ابوه المانيا
عشان يتعالج هناك ولان الدكتور قاسم كان
بيحب سلمى جدا قدرت تقنعه ووافق
عشان هي هتكون معاه هناك وقررت تكمل
دراستها هناك

وفعلا ده اللي حصل وكان والده بيعالجه من
غير ما يحجزه في المصحة لحد ما حصل
وحملت سلمى تاني ونفس التجربة اتعادت
تاني احساس بالسعادة والنشوة يسيطر عليه
كل ما عذبها وبهدلها بالحقن لحد ما فيوم
كانت على وشك الموت في الشقة تحت ايده
لكن رحمة ربنا انه والده اجا في الوقت ده
وشاف المنظر فبعده عنها وطلب لها
الاسعاف وفي المستشفى كانت بين الحيا

والموت بس ربك ستر وقدروا ينقذوها هي
وهدى من الموت وكالعادة قدر والده يقنعها
للمرة الثانية انها لازم تقف معاه وتساعده
علشان يعدي مرحلة الخطر وطبعاً زي أي
زوجة مخلصه لزوجها وافقت.. لكن المرة دي
اشتربت على حماها انهم لازم يعيشوا معاه
حتى علشان يتابعه ووافق

لكن بردوا متغيرش غير انه ضم هدى
لقائمة عذابه اللي كان بيسقيه لسلمى بقى
بيسقيه وزياده لهدى لحد ما تعبت هي
كمان وبمجرد ما فاقت سلمى في
المستشفى كالعادة اخدت بنتها وهربت بيها
على السفارة المصرية ولان ابوه كان مشهور
وله مكانته هناك ومش عاوز فضايح قدرت
سلمى انها تجبره انه يخلي ابنه يطلقها
ويسيبها ترجع مصر ويمضي على تنازل عن

حضانتته لهدى للابد وليك انك تتخيل يابني
ام تشوف بنتها الطفلة الرضيعة تتعرض
لكل ده من التعذيب والضرب عشان كدة
رجعت هي كمان مريضة جسميا ونفسيا
لحد ما بدات تستعيد حياتها واحدة واحدة
بس بردوا ده ساب عندها رواسب من
الماضي اهمها كرهها الشديد لاي دكتور او
حقن او سفر

حاولت كتير اني اغير افكارها دي بس
مقدرتش وزرعت افكارها دي في هدى كمان
للاسف

ادهم بتعجب وذهول :

_ لا حول ولا قوة الا بالله ...ازاي حد يجيله
قلب يعمل اللي حضرتك بتقول عليه ده
وخصوصا في طفلة ؟

عبد العزيز بحسرة :

_ فيه كثير يابني ...مش كل الناس عندهم
قلب ابيض زيك كدة

ادهم بفضول وتوجس :

_ طب معلش سؤال لما هي متعلقة قوي
كدة بهدى ليه بتسيبها وتسافر كثير على
حسب ما فهمت ؟

عبد العزيز متنهدا بضيق :

_ دا بقى موضوع تاني خالص ...موضوع
الجمعية

طرق يوسف على باب مكتب ياسمين ولم
ينتظر ردها واسرع للدخول ليجدها كما كل
مرة منذ عقد قرانهما وهي شاردة دوما

وعندما يسألها تتهرب منه سريعا زفر بضيق
ثم رسم ابتسامة على وجهه وتحدث بمرح
ينافي الحزن الكامن في قلبه على حالها

يوسف مبتسما :

_يا صباح الورد والرياحين على زهرة
الياسمين

ياسمين منتبهه له وبابتسامة باهتة :

_صباح الخير يا يوسف

يوسف بمرح :

_ايه يوسف دي؟ مفيش حاجة كدة تفتح
النفس

ياسمين وهي تطلع للاوراق امامها بجدية :

_شكلك فايق وانا ورايا شغل كتير ومش
فاضية

يوسف بضيق :

_ في ايه يا ياسمين مالك ؟

ياسمين :

_ مالي يا يوسف ما انا كويسة اهو

يوسف بغضب :

_ اسمعي يا ياسمين احنا من يوم كتب
الكتاب وانت متغيرة وانا مش فاهم ليه لكن
من حقي اعرف في ايه ؟

ياسمين وهي تقف وتجذب حقيبتها وتهم
بالمغادرة :

_ بيتهيا لك يا يوسف ولا متغيرة ولا حاجة

يوسف بغیظ:

_ طب انت راحة فين دلوقتي ؟

ياسمين :

_مها هتخرج النهاردة من المستشفى وقلت
اروح ليهم هناك

يوسف :

_طب استني انا جاي معاكي

خرج يوسف معها وفي داخله يتوعد لها
(هعرف يعني هعرف يا ياسمين ويا انا يا
انت يابنت الرفاعي)

جلست على الفراش تنظر اليه وهو يجمع
ملابسها داخل الحقيبة وهو يغني شاردا
(بحبها وفي قلبي ساكن حبها ياريت ياشوق
توصلها ويحس بيا قلبها)

كانت هي الاخرى شاردة بلامحه الحادة
الجادة والتي تكاد تذوب عشقا بها افريدة انا
حقا ليعشقني ذلك الوسيم؟كم انا
محظوظة به

لكنها انتبهت من تأملها به وهو يهتف

احمد :

_ياااه اخيرا هنخرج من المستشفى يا مهاتي

مها بتعجب :

_مهاتي !!

احمد مؤكدا :

_اه مهاتي يعني درتي ملكي تدليع مها عنك

اعتراض ؟

مها :

_لا ابدا بس اول مرة تدليني كدة

احمد بمكر :

_هناكل وننكر زي القبط..... بقى دي اول
مرة ادلعك فيها يا مهاتي ؟

مها ببراءة :

_اه والله انت عمرك ما قلتلي غير مها على
طول

احمد هامسا وهو يحكم ذراعيه حولها وزارعا
عينيه في صفاء عينيها عالمه الخاص بها :

_بقى ده كله ومفيش دلع ؟

مها بتوتر بالغ :

_احمدمين....مينفعش كدة حد يجي علينا

احمد بهيام :

_ولا يهمني حد انت مراتي بتاعتي ...وانا ...انا
بحبك يا مها ..لا انا عدت الحب بمراحل

واقترب منها وعندما هم بتقبيلها عله يبرد
قليلا من حرارة حبهها التي سكنت قلبه
وجعلته قارب على الذوبان هتفت بخجل
واضح

مها بخجل :

_ احمد عمي اجا ...واقف وراك

احمد ضاحكا :

_ قديمة ياست مها العبي غيرها

فصمتت مها ودفنت وجهها في صدره عندما

صدح صوت والده من خلفه

ابراهيم محاولا كتم ضحكته :

_ احم احم ...مش يا لا يا ولاد ولا لسة يا احمد

؟

فابتعد احمد سريعا عنها هاتفا :

_ اهلا ازيك يا بابا ..عامل ايه حضرتك

ابراهيم ضاحكا :

_كويس يا دكتور مش يالا على بيتنا بقى

ثم هتف غامزا بمرح :

_حتى كل واحد يرتاح في اوضته

مها وقد اصبحت كالطماطم الطازجة من

تلميح عمها :

_احم ...خلاص يا عمي احنا جاهزين

وهنا انفتح الباب لتهتف ياسمين :

_خيانةعاوزين تمشوا من غيري ؟

مها وهي تحتضنها :

_ياسمين حبيبتى وحشتينى

ياسمين وهي تضمها بقوة :

_والله وانت اكثر يا مها...بأمانة البيت

مالوش حس من غيرك ابدا

مها :

_ربنا ما يحرمني منك يا ياسو يارب

احمد بضيق مصطنع :

_ايه يابنتي خفي عليها شوية دي لسة

تعبانة

ابراهيم بمرح :

_اه يا ياسمين ابعدني عنها اصلها ملكية

خاصة

احمد :

_هو كدة بالظبط...الله عليك يا ابو خليل يا

فهمني

مها باحراج :

_احمد خلاص

ياسمين :

_سيدي يا سيدي على الرومانسية
...اتفضل ياعم يوسف شوف واتعلم

مها بضحكة :

_حرام عليك يا شيخة جننتي الراجل

يوسف :

_الحمد لله ان فيه حد في الاخر حس ب اللي
بتعمله فياحمد الله على السلامة يا
مدام مها

مها بامتنان :

_الله يسلمك يا استاذ يوسف

احمد بجدية زائفة :

_ بقول ايه هو انا الوقتي مش ابقى ابن

حماك

يوسف :

_ اه طبعا

احمد :

_ خلاص انا هستغلك بقى براحتي

فضحك يوسف :

_ وماله ياسيدي لاجل الورد ينسقي العليق

احمد بضيق مصطنع :

_ انا عليق يايوسف !!! طب طالما كدة بقى

شيل ياعم انت الشنط دي هه

يوسف غامزا لياسمين :

_وماله اشيل ...دا انا حتى ممكن اشيل

حاجات تانية كمان بس الجميل يرضى

ابراهيم :

_ولد انت بتعاكس بنتي قدامي

يوسف :

_مراي يا بابا

احمد وهو يربت على كتفه :

_لا لسة الفرحة يا كبير

يوسف :

_طب ما نيحي نعمل الفرحة دلوقتي ايه

رايك يا بابا وخير البر عاجله

فضحكوا جميعا ولكنهم انتبهوا على صوت

ابراهيم الشارد :

_ حلوة اللمة دي قوي بس يا خسارة ناقصة

ياسمين :

_ ادهم...ربنا يرجع هولنا بالسلامة يا رب

مها محاولة تغيير الموضوع :

_ طب يالا يا جماعة بقى بصراحة معنتش

قادرة اقف

فاتجه الجميع للباب وبمجرد فتحه حتى

هتف احمد :

_ ياسمين...شيلي شنطة مها

مها :

_ ليه يا احمد دي خفيفة مفيهاش حاجة

يعني

ياسمين وهي تجذبها منها :

_هاتي يا ستي اوعدنا ياارب

وبدون مقدمات او كلام اتجه احمد لمها التي
ظنت انه سيسندها ولكنه فاجأ الجميع ان
حملها بين يديه وضمها لصدره وسط دهشة
وتعجب الجميع

مها بحرج :

_احمد انت اتجننت نزلني...الناس بتبص
علينا

احمد :

_اه انا مجنون (وبهمس) لكن مجنون مها

ياسمين ضاحكة :

_الله يسهلو يا سيدي

ابراهيم ضاحكا :

_بنت عيب كدة...احمد اوعى تقع انت وهي

احمد وهو ينظر في عينيها :

_وهو انا لسة هقع يا بابا ما انا وقعت من
زمان

وهنا اخفت مها وجهها في صدره لشدة
خجلها من نظرات الممرضات والمرضى
والاشخاص الذين كانوا في طريقهم

لباب المستشفى ولكنها شردت في دقات
قلبه الهادرة والتي امتزجت بحنين وعشق
ابدي مع دقات قلبها ليعزفا معا اقوى
سيمفونية في تاريخ الحب الاسطوري على
مر العصور

وعند السيارة اعترضت مها بشدة على كلام
عمها عندما

ما موضوع الجمعية التي غيرت حياة سلمى

؟

ما سر تغيير ياسمين ؟

وهل سيعرفه يوسف ؟

هل سيتقبل ادهم سلمى وهدى بعد معرفة

جوانب حياتهم السابقة ؟

كل ذلك واكثر سنعرفه في الحلقات القادمة

باذن الله

الحلقة الثالثة والعشرون

عندما حمل احمد مها بين ذراعيه كان

يتمنى في قرارة نفسه ان تظل هكذا للابد

وان يطول طريقه اكثر واكثر فلا يضطر لان

يتركها تبعد عنه ولو انشأت قليلة لكن اضطر

اسفا ان ينزلها عندما وصلوا لسيارته ولكنها

لم تبعد عنه بل ظلت متشبثة بقميصه

دافنة راسها في صدره حتى خشي هو عليها

احمد بقلق :

_مها...مها انت كويسة ؟

مها على وضعها :

_انا محروجة قوي مش عارفة هرفع وشي

في وش عمي ازاي

ابراهيم عندما سمعها :

_ليه يا بنتي ده جوزكياللا يالا بلاش عبط

اركبي جنبه يالا

مها ناظرة للاسفل بخجل واضح :

_لا يا عمي انا هركب ورا

ابراهيم بحنان :

_ياللا يا مها متغلبنيش معاكي انت مكانك

جنبه

مها ناظرة لعيني احمد التي لم تفارقها ثانية

:

_يا عمي انا مكاني وراه مش بيقلوا وراء كل
عظيم امرأة انا بقى عايضة ابقى ورا العظيم

ده

ودخلت السيارة في المقعد الخلفي سريعا
دون انتظار رد من احدهما فمال ابراهيم
على احمد هامسا وهو يربت على كتفه :

_ربنا يباركلك يا بني في النعمة اللي رزقك

بيها

احمد بسعادة طاغية على ملامح وجهه :

_يارب يا بابا

وركبا احمد وبجانبه والده متجهين الى
المنزل في حين ذهبت ياسمين مع يوسف
في سيارته الى الشركة

لحظات من المزاح والضحك والسعادة
البادية على الوجوه انتهت سريعا بمجرد
ركوب ياسمين السيارة فلقد عادت ملامحها
للشرد الحزين والذي دفع يوسف للغضب

يوسف بغضب :

-وبعدين يا ياسمين رجعتي تاني لحالة
الحزن والشرد اللي كنتي فيها قبل ما
نيجي هنا

ياسمين بتوتر :

-مفيش حاجة يا يوسف انت مكبر الموضوع
قوي

يوسف بغضب :

_اسمعي يا ياسمين لو انت حاسة يا بنت
الناس انك اتسرعتي بالموافقة عليا انا
ممکن

قاطعته ياسمين بان وضعت اصبعها على
شفتاه لتمنعه من مواصلة كلامه هامسة :

-بالسهولة دي عايز تسييني يا يوسف ؟

يوسف بحب سيطر على قلبه :

_انا ممكن اسيب روحي ولا اسيبك يا
ياسمين بس مهما كنت بحبك مقدرش
اتجوزك غصب عنك

ياسمين :

_مين قال انه غصب عني ؟...انا بحبك يا

يوسف

يوسف :

_طب ليه الحزن ده ؟انا عقلي هينفجر من

كثر التفكير...ارحميني وفهميني

وانهار السد المنيع الذي كانت تحجب
ياسمين خلفه مشاعرها والمها فبكت كما
لم تبكي من قبل وهذا ما اثار تعجب يوسف
لكنها لم تنتظر كلامه بل سارعت بالقاء كافة
همومها امامه فقد تعبت وانهارت وما عادت
تملك من الطاقة ما يساعدها على مواصلة
التحمل

ياسمين بصوت متقطع من البكاء والقهر :

_ انا تعبانة قوي يا يوسف احساس ايني
لو حدي ومفيش حد جنبي قاتلني ... من يوم
كتب الكتاب وماما مش بتكلمني تقدر تقول
نستني او شالتي من حياتها وقاطعتني
تماما واحمد بعيد زي ما انت شايف
ملبوخ مع مها ولسة اما يرجعوا البيت
وتبدأ الحرب بينهم وبين ماما وهايدي وبابا
في النص مش عارف يراضي مين ولا مين

...واما ادهم بقى اللي اتجرح مرتين من اهله
قرر هو كمان انه يشيلهم من حياته وهي
مكالمة واحدة ليا كل كام يوم يسأل عليا وانا
مش عاوزه ازود حزنه والمه وبحاول اخبي
عليه مشاعري وحزني

واجهشت بالبكاء اكثر واكثر حتى ما عادت
تستطيع الكلام اكثر فتوقفت عنه فما كان
من يوسف الا ان جذبها لحضنه محاولا منه
ان يحتويها فاستسلمت له ياسمين والقت
برأسها على صدره عليها تشعر ببعض الامان
فربت يوسف على ظهرها وهو يضمها اكثر
اليه محاولا بث الامان والطمأنينة بها

يوسف :

_يااه يا ياسمين كل ده شيلاه لوحدك
...وبعدين يعني ايه مالكيش حد؟...وانا فين
؟...انا جوزك دلوقتي ...يعني من حقا عليا

اني اقف جنبك واشيل عنك ولا انت مش
شيفاني قريب منك لدرجة تخليكي تشكيلي
وجعك ؟

ياسمين :

_ خفت اقولك اضايقك يا يوسف بسبب امي

يوسف بحنان :

_ ولا تضايقيني ولا حاجة ...بصي يا ياسمين
أي ام في الدنيا بتبقى عايزة احسن حاجة
لاولادها وهي كانت شايقة ان تامر افضل
واحد ليكي واحنا بعدناه عنك وانا اللي
اخذتك منها يبقى طبيعي انها تضايق
وتعمل كدة لا دي ممكن تكرهني كمان وده
عادي

ياسمين بتعجب :

_يعني ايه عادي انت شايف ان ده طبيعي

؟

يوسف بهدوء :

_اه طبعا طبيعي بس اللي مش طبيعي ان

احنا نسكت ويبقى الوضع زي ما هو

ياسمين :

_يعني اعمل ايه ؟

يوسف :

_احنا نحاول نفهمها بكل الطرق الممكنة

والغير ممكنة ان محدش بيحبك ادي

وهيحافظ عليك ادي وان انا المناسب

ليكي

ياسمين :

_ انت شايف كدة ؟..بس انا امي عندي جدا

يا يوسف

يوسف :

_ هو مفيش غير كدة ومهما كانت عندي

اكيدهتلين في الاخر لانها في الاول وفي الاخر

ام

ثم اردف مازحا :

_ وغير ده بقى فا انا ابو العند كله انا يوسف

الجندي قدرت على الراس الناشفة دي مش

هقدر على امها

فضحكت ياسمين من كلماته التي اذابت

جبال الحزن والالم الذي كان جاثما فوق

صدرها وفتح لها طاقة من امل لمواجهة كل

المصاعب بسلاح الحب

يوسف هاتفا بمرح :

_ايوة كدة حمد الله على السلامة والله

وليكي وحشة

ياسمين بعدم فهم :

_هي مين دي ؟

يوسف :

_ضحكتك يا هانم اللي حرمانى منها من يوم

كتب الكتاب واللى لازم تدفعى غرامة تاخير

ليها

ياسمين بتعجب :

_غرامة تاخير!!ازاي يعني هو

فابتلع يوسف باقى كلماتها فى جوفه حين

اطبق على شفتيها فى قبلة طويله حرمتها

من الهواء ولكنها سحبتهم فى عالم اخر ودا

الاثنان لو استمرا فيه للابد ولكنه ابتعد عنها

مرغما لحاجتهما معا للهواء تركها وسط

ذهولها وصدمتها من جرأته

ياسمين بوجه كحبه الطماطم ولسان

متلعثم من شدة خجلها :

_ان...انت ايه ال...اللي عم...عملته ده ؟

يوسف وهو يسند جبهته على جبهتها زافرا

بحرارة تكاد تشعل الكون من حوله :

_بحبك يا ياسمين...ودي غرامة تاخير

لضحكتك

ثم اردف بجدية زائفة :

_...واياك شوفي اياكي تخفيها عني تاني

هدفك غرامة ليها كل شوية...انت فاهمة ؟

ياسمين مبتسمة بخجل :

_ عيب كدة يا يوسف لو سمحت معنتش

تعمل كدة

يوسف بحزم :

_ انت مراتي اعمل اللي انا عاوزه

ياسمين :

_ لا لسة الفرخ ولحد الفرخ ما يجي هتوعدني

معنتش تعمل كدة

يوسف :

_ اسف مقدرش اوعدك اني اتنازل عن حقي

ياسمين بمكر :

_ خلاص تمام وانا معنتش نازلة الشغل

ومعنتش هتشوفني لحد الفرخ

يوسف مدعيا الخوف :

_ لالا خلاص قلبك ابيض ... طب نتفق
معنتش هعمل كدة الا لو اضطريت اعاقبك

ماشي

ياسمين :

_ لا وانا ...

يوسف مقاطعا :

_ خلاص بقى يا ياسمين والا هضطر اعاقبك

تاني اهو

ياسمين :

_ طيب خلاص تسمح بقى تودينا نشوف

شغلنا اللي انا وانت سيبينو من الصبح ده

يوسف محركا راسه بطريقة مسرحية :

_ اوامر جلالة الملكة

فضحكت ياسمين ثم اردفت :

_اتفضل يا صاحب السمو

فضحك الاثنان وكلاهما يحمد الله في نفسه
على لقائه بالآخر فسبحانه مؤلف القلوب
بما تشبهها

توتر ادهم وهو يستمع لقصة هدى ووالدتها
سلمى من عبد العزيز لا ينكر ان تلك الفتاة
شغلت تفكيره حقا وهنا ليس المقصود
هدى وتعلقه الغريب بها ولكن والدتها كيف
لانثى رقيقة فتاة في مطلع حياتها تواجه هذا
الكم من الجروح من شخص عديم الرجولة
كزوجها السابق بل والادهى كيف استطاعت
ان تلتمس له العذر مرة بعد اخرى مم
مصنوع قلب تلك الفتاة !!؟

لكنه افاق من شروده على صوت عبد العزيز
يناديه مكملًا :

_ ايه يابني روح فين ؟ لو مشغول نكمل
كلامنا بعدين
ادهم سريعًا :

_ لا ابدأ مش مشغول معاك يا عمي
... فهمني ايه حكاية الجمعية دي
عبد العزيز زافرا بضيق :

_ اهي الجمعية دي سر نكبة هدى وبعدها
بالشهور عن امها

وعندما ارتسم التعجب على ملامح ادهم
اكمل مردفًا :

_ الدكتورة يا سيدي النفسية اللي كانت
بتعالج سلمى كانت بتعالج في نفس الفترة

دي مجموعة من البنات في سن سلمى او
اكبر شوية بكام سنة كدة اتعرضوا لنفس
الموضوع صحيح مش بنفس التفاصيل انما
بردو الضرب والاهانة من ازواجهم لحد ما
قدروا يطلقوا وعشان كدة اتجمعوا مع
بعض وبعد فترة بدأوا يقربوا من بعض اكثر
وفكروا ازاى يساعدوا الستات الغلابة اللي
ميقدروش على ثمن المحامين في انهم
يتخلصوا من ازواجهم فاتفقوا البنات وعملوا
جمعية اسرار جمعية كبيرة بتضم عدد كبير
من المحامين والمدرسين والدكاترة
والمهندسين يعني تقدر تقول كل
التخصصات كل واحدة بتساعد تبع
تخصصها يعني مثلا الدكاترة بيعالجوا
الغلابة اللي مش قادرين على مصاريف
العلاج ويطلعوا ليهم تقارير تودي ازواجهم
في داهية وهكذا

المهم اللي يخلصنا هنا المحامين قسموا
نفسهم فرق كل فريق بيسافر محافظة
يعلن عن الجمعية وياخذ قضايا الستات
دول من غير فلوس لحد ما يطلقوهم وفرق
ثانية بتاخذ قضايا الناس اللي تقدر تدفع
ويصرفوا من دوول على دول

وسلمى بقى مع فريق من 3 بنات ليهم
نفس ظروفها هما دلوقتي في محافظة
اسيوط وتو ما يخلصوا يرجعوا هنا اسبوع او
حاجة ويرجعوا تاني للمحافظة اللي عليها
الدور

صفق ادهم بقوة ذاها :

_برافوا...والله فعلا فكرة ممتازة ياعمي
ياريت تبلغهم لو اقدر اساعد في أي شيء
سواء مساعدة مادية او أي شيء يحتاجوه
انا موافق وتحت امرهم كمان

عبد العزيز بتعجب :

_ انت موافق على جنانهم ده ؟

ادهم :

_ طبعا موافق لازم حد يقف قدام اشباه

الرجال دول

عبد العزيز بتعجب :

_ اشباه رجال !!!

ادهم بجدية :

_ ايوة طبعا ...يا عمي مفيش راجل بمعنى

الكلمة يمد ايده على مراته لمجرد المتعة

سيدنا رسول الله قال ((استوصوا بالنساء

خيرا)) فيجي واحد مفكر نفسه راجل

يضردهم ويهينهم ويعذبهم لمجرد النزعة

السادية اللي جواه؟!!!..اسمجلي يا عمي ده

يبقى حيوان

عبد العزيز لنفسه :

-انا نظرتي متخبيش ابدا...زي ما قلت من

الاول راجل وسيد الرجالة كمان

ولكنه عاد من شروده على مناداة ادهم له

فتنحج قليلا ثم تكلم

عبد العزيز :

_معاك يا بني بس بالله عليك بلاش فكرة

تساعدهم دي لحسن هما لوحدهم كدا

بيكرهوا الرجالة اللي على وجه الارض

ادهم ضاحكا :

_للدرجة دي؟!!!

عبد العزيز :

_ لا والله انيل من كدا كمان ..المهم قولي

هدى هتخرج من هنا امتى ؟

ادهم :

_ يعني كمان يومين ثلاثة كدا

عبد العزيز :

_ طب مينفعش تخرج دلوقتي واجيبلها

ممرضة تراعيها في الفيلا؟

ادهم:

_ ليه يا عمي؟؟دا هنا احسن على الاقل انا

هبقى معاها مش هسيب المستشفى لحد

ما تخرج من هنا

عبد العزيز :

_ خلاص طالما انت هتكون معاها موافق

ثم قام مستئذنا منه :

_اسيبك دلوقتي تشوف شغلك وارجع انا

لهدى بالاذن

ادهم واقفا هو الاخر :

_اتفضل يا عمي

ثم جلس ادهم يفكر بتلك الفتاة والتي
تعرضت لكل هذا العذاب ولم تخضع او
تضعف بل حاربت لحماية ابنتها كما تواصل
حربها الان لمساعدة من يمرون بنفس
التجربة وغضب عنه وجد عقله يعقد مقارنة
مجحفة بكل المقاييس بين سلمى وزيزي
التي كان يتمنى منها مجرد الرضا وما نال
منها سوى الخيانة لكنه نفض راسه بقوة
بغضب من عقله لعقده تلك المقارنة
واهداره حق سلمى وتشويهها بوضعها مع
تلك الحقيرة

ادهم محدثا نفسه :

_ايه اللي انا بفكر فيه ده ؟!!! احسن حاجة
ارجع اشوف شغلي بدل السيرة الزفت دي

واتجه لخارج غرفته ليمر على مرضاة لاعنا
عقله الذي سحبه لتلك الحقيرة مرة اخرى

كيف ستستقبل رقية مها من جديد ؟

وما تخطيط رقية للخلاص من مها ؟

هل سيصمت احمد على معاناة مها ؟

تطورات واحداث جديدة ستربط ادهم ب

تابعوني في الحلقات التالية باذن الله

الحلقة الرابعة والعشرون

عندما وصلت السيارة لفيلا الرفاعي سارع
احمد بالنزول منها لمساعدة حبيبته ونصفه
الاخر من امتلكت قلبه بل وكل كيانه وعندما

ترجلت من السيارة همس بجانب اذنها بنبرة
اذابت قلبها :

_ حمد على سلامتک يانبض قلبي وعشق
روحي

مها ناظرة في عينيه بنظرات جعلته يشعر
بقلبه قارب على الخروج من صدره ليحتويها
بين جنباته وهمست :

_ الله يسلمك يا مالك قلبي ومالك كياني
وحياتي

تنحنح ابراهيم لينتبه الاثنان اليه فقال
مبتسما :

_ نورت بيتك يا بنتي

مها بخجل :

_ البيت منور بأصحابه يا عمي ...ربنا يباركلنا

في عمرك ياارب

ودلفوا الى الفيلا ليجدوا رقية أمامهم مباشرة

ترمق مها بنظرات كفيلة بإحراقها حية

رقية ساخرة :

_ اهلا ...انت شرفتي ؟

مها بهمس وتوتر :

_ ازيك يا طنط ..عاملة ايه ؟

رقية بضيق واضح :

_كنت كويسة وبخير والله لحد ما شوفتك

ابراهيم بغضب محاولا مداراته :

_ طب روح يا احمد وصل مراتك لفوق

وخليك جنبها

احمد بغضب :

_حاضر..بعد اذنكم...ياللا يا مها

وذهب احمد ومها لغرفتهما وحينما اختفيا
عن الانظار توجه ابراهيم بغضب بالغ لزوجته:

_وبعدين معاكي يا رقية؟اخرتها ايه انا عاوز
افهم

رقية ببرود :

_اخرتها في ايد ابنك احمد يوم ما ربنا يكرمه
ويكمل جوازه من هايدي

ابراهيم بتحدي :

_تبقي بتحلمي يا رقية

رقية بتحدي هي الاخرى :

_وانا بقى هحقق حلمي ده وبكرة تشوف يا
ابراهيم

ابراهيم بغضب :

_يبقى مش هترجعي يا رقية الا لما تخسري
ولادك واحد ورا الثاني

وانصرف تاركا اياه تحاول التفكير واعادة
ترتيب افكارها في حين اتجه هو لخارج الفيلا
يفكر كيف النجاة من برائن ايام سوداء
تحمل لهم من الهموم اطنان...كيف؟؟

دخل احمد ومها غرفتهما ليقول احمد
بشوق وحنين :

_الله يا مها أد ايه الاوضة دي كانت كئيبة
الفترة اللي فاتت من غيرك يا عمري
مها بهيام :

_ انا اللي حياتي هتخلص بجد يوم ما تبعد

عني يا احمد

احمد بألم :

_ ليه بتقولي كدة يا مها؟ انا عمري ما هبعد

عنك مهما يحصل

مها بخوف :

_ توعدي ؟

احمد وهو يضمها لصدره :

_ اوعدك يا حبيبتي انت عمري وحياتي كلها

يا مها فيه حد يقدر يعيش من غير حياته؟!!!

مها وهي تنظر اليه بنظرات طفلة تائهة

تبغي الحماية من غدر الايام :

_ ولو طنط رقية طلبت منك تكمل الجوازة

التانية يا احمد؟؟

احمد بهدوء :

_متقلقيش يا حبيبي مش هتكمل
صدقيني

مها باطمئنان وهي تريح رأسها على صدره :

_ماشي يا حبيبي ربنا يبارك لنا في عمرك
ياارب ويديمك في حياتي انت وابني اللي
جاي ده

احمد وهو يقبل اعلى رأسها :

_ويباركلي فيكي ياقلبي

ثم اردف وهو يخرجها من حضنه لينظر اليها
بجدية زائفة :

_دلوقتي بقى هتدخلي تاخدي شاور دافي
كدة حلو ينعشك ويجدد نشاطك على ما
اروح انا اجيب الغدا واطلع ناكل سوى

مها بتعب :

_حاضر بس بلاش الاكل بالله عليك

احمد بارهاق :

_مها بلاش مناهدة الله يرضى عليكي انا

جاي خلصان

ثم اعقب كلماته بما جعلها تنتفض

احمد بمكروهو يغمز لها :

_ولا اقولك جادلي ...جادلي ما احنا في اوضتنا

بقى وبراحتنا

مها بخجل وهي تحاول الابتعاد عنه :

_خلص انت ما بتصدق ...طيب روح انت

دلوقتي وهاكل خلاص

احمد وهو يقترب منها :

_والله حتى لو عملتي ايه ما انا سايبك
النهاردة دا انا بقالي اسبوع يا ناس حرام
...كفاية كدة بقى

مها بخجل وهي تدفعه للباب :

_احمد عيب كدة...ياللا روح يالا

واخرجته واغلقت الباب وهي سعيدة جدا
وهي تستمع لضحكاته العالية على خجلها
الذي يكاد يودي بعقله داعية الله من قلبها
ان يديم ضحكاته نبراس حياتها

بحث عنها بكل مكان في فيلتهم حتى وجدها
تجلس شاردة بالصالون الصغير عندهم
المطل على حديقتهم الغناء تفكر بعمق
شاردة في المستقبل حتى انها لم تنتبه
لجلوسه بجانبها حتى همس

احمد :

_ماما من فضلك كنت عاوزك في موضوع

اعتدلت رقية في جلستها وهمست بالمقابل :

_وانا كمان عاوزاك

احمد بهدوء :

_خير يا ماما في ايه ؟

رقية :

_هتكمل جوازك امتى ؟اظن الدور بتاعك

اللي فوق فاضل عليه شوية تجهيزات

بسيطة ويبقى جاهز يعني المفروض نحدد

ميعاد الفرغ بقى مع اللوا جمال

احمد محاولا التحكم بأعصابه والهدوء :

_ماما انا مش هتجوز هايدي على الاقل
مش دلوقتي لما مها تولد الاول واطمن على
ابني

رقية :

_اسمع يا احمد اذا كنت مفكر انك تماطل
معايا وبعدين تفركش الخطوبة تبقى غلطان
لاني ساعتها هجبرك تطلق مها

احمد :

_انا مقولتش كدة بس انا عاوز اطمن على
ابني الاول وبعدين ابقى اتجوز واسمعي يا
ماما بقی مها متعرفش ان انا كتبت كتابي
على هايدي وصدقيني يا ماما يوم ما مها
تعرف الخبر ده هيكون اخر يوم لهايدي على

ذمتي ..تمام كدة

رقية :

_ انت بتهددني يا احمد خلاص وانت اذا
مكملتش جوازتك من هايدي انا هقولها كل
حاجة

احمد :

_ ساعتها يا ماما تبقي تنسي ان عندك ابن
اسمه احمد لان مها مش هتستحمل ...مها
بتمر بظروف صحية صعبة ممكن بأي لحظة
تفقد الجنين ودا لو حصل يبقى انت اللي
قطعت كل حاجة بتربطني بيكم ..بعد اذنك
يا ماما

وتركها احمد وغادر الى المطبخ ليحضر
صينية الطعام له ولزوجته حبيبته وعشقه
مها

اما على الجانب الاخر لم تكذ تزفر رقية
بضيق من تعلق ابنها بتلك المها الغير مبرر

على الاطلاق من وجهه نظرها حتى سمعت
من يهمس بجانب اذنها

ابراهيم هامسا :

_زي ما قلت بالظبط يوم ما تنفيذي اللي في
دماغك وتضغطي عليه اكثر هتخسريه للابد
يا رقيه

ثم وقف في مواجهتها مردفا :

_ياريت تحكمي قلبك المرة دي وبلاش
عقلك عشان ما تخسرهوش زي ادهم

وتركها وصعد لغرفة ادهم المقيم بها منذ
تدهور امورهم بينما ظلت رقيه بمكانها تطلع
للفراغ امامها بشرود تفكر فيما قاله احمد
وابراهيم ولكن ليس على سبيل الاقتناع
ولكن على سبيل كيفية التخلص من مها

دون خسارة احمد فيكفيها ألم خسارة أدهم
الذي يدمي قلبها في كل لحظة

يراها تجلس امامه على الارض العشبية
الخضراء تلعب بألعابها بهدوء حتى انتبهت
اليه فركضت اليه وهي تهتف باسمه
بسعادة ولكن حال دون وصولها اليه لبؤة
شرسة لكنها تجذب النظر بجمالها الاخاذ
وقفت بينهما ترمقه بتحدي وشراسة ان
يجرؤ من الاقتراب من مالكة قلبه وعقله
هدى ولانه يهوي التحدي لم يفوت الفرصة
بل سارع باقتناصها وهو يتقدم تجاهها بقوة
وعنفوان قابلته هي يشراسة وهي تجري
تجاهه لتنقض عليه بقوة رهيبه دفعته في
كتفه

لينتبه لنفسه سريعا ويفتح عينيه على ربت
سنا الممرضة المسؤلة عن حالة هدى وهي
تحاول افاقته من غفوته على اريكة مكتبه
التي صارت سريره منذ قدوم هدى
للمستشفى ليكون قريبا منها

سنا :

_دكتور ادهم ...دكتور ادهم

اعتدل جالسا وهو يفرك عينيه هامسا :

_خير يا سنا

سنا :

_انا اسفة يا دكتور بس ده ميعاد الدوا بتاع

هدى

ادهم بارهاق :

_طيب اسبقيني جهزيه وانا جاي وراك

ذهبت سناء لتقوم بما امرها به ادهم في حين
ذهب هو للحمام الملحق بغرفة مكتبه
ليغسل وجهه محاولا تجديد نشاطه ثم اسرع
لغرفة هدى وطرق على الباب ثم دخل
ليجدها جالسة على السرير تبكي في الظلام
الدامس للغرفة وليس معها احد فارتعب
ادهم من منظرها واسرع اليها

ادهم بخوف :

_ هدى مالك يا هدى؟؟ بتعيطي ليه؟ وجدو

فين؟

هدى ببكاء وشهقات متتالية ادمت قلبه :

_ مع..معرفش انا صحيت اش... اشرب

ملقتش حد جنبي وال... والاوضة عتمة

فخفت اقوم من مكاني. انا..... انا خايفة قوي يا

ادهم

لم يشعر ادهم بنفسه وهو يجلس بجانبها
ويضمها لصدره محاولا زرع الامان بقلبها عل
قلبه هو الاخر يطمئن عليها

ادهم :

_ لا يا حبيبتى متخافيش ..انا معاكى اهو
...اهدى خلاص

هدى وهى تتشبث به اكثر وتدفن رأسها
بصدره :

_ انا خيفة ق...قوي و وبطني بتوجعني قوي

ادهم وهو يقبل اعلى راسها :

_ حبيبتى خلاص اهدى انا معاكى مش
هسيبك والوجع اول ما تاخدي الحقنة
دلوقتى هيروح على طول

هدى :

_حاضر

اخذ ادهم من سناء -التي وصلت للتو الى
الغرفة - الحقنة واعطاها لهدى التي ما
عات تقاوم مثل الاول بل تسلم له نفسها
بهدهوؤ وبرضا كامل وبعد انتهائه طلب منها
ان تعود للنوم مرة اخرى فالنهار لم يظهر بعد
ولكنها رفضت وطلبت منه ان يتحدث معه
قليلا وهو بجانبها فوافق عليها تهدأ وتنام
ورقدت على ذراعه ثم بدأت حديثها

هدى :

_ادهم مش انت صاحب جدو ؟

ادهم :

_ايوة

هدى بتردد :

_ طب انت تعرف بابا

ادهم متفاجئ من سؤالها ما جعله تلعثم في

الرد :

_ ايه !! اه ... لاء ... انت ليه بتسألني السؤال ده يا

هدى

هدى :

_ اصل كل ما أسأل ماما او جدو يقولولي

مسافر وانا عايزة اشوفه قوي

ادهم وهو يقبل جبهتها :

_ بكرة ان شاء الله تخفي وتخرجي من هنا

وتشوفيه براحتك

هدى ببراءة :

_ لا انا عمري ما شوفته ولا حتى شفت

صورته ... بس انا نفسي اقول كلمة بابا قوي

المس في المدرسة بتاعتي بتقول لنا كلام
كتير قوي عن بابا بس انا مش عندي بابا
...تعرف

ادهم :

_ها

هدى :

_كل الكلام اللي المس بتاعتي قالته عن بابا
هو كل اللي بتعمله معايا ...ادهم

ادهم :

_نعم

هدى :

_هو انا ممكن اقولك يا بابا

ادهم وقد غزا الدمع عيناه على حال تلك
الطفلة المحرومة كلياً من اهتمام الام ورعاية
الاب :

_ حبيبتى قولي اللي انت عاوزاه

هدى بسعادة طاغية :

_ بجد!! يعني اقولك يا بابا

ثم شردت وكأنها تكلم نفسها ولكن ادهم
سمعها بوضوح :

_ هيبقى عندي بابا !!!

ادهم بهدوء :

_ اه قولي يا بابا ...بس انا بقى هقول هدهد

ايه رايك ؟

فتعلقت هدى في رقبتة وهي تهتف بسعادة

:

_ انا بحبك قوي يا بابا متسبنيش تاني

ادهم وهو يضمها :

_ وانا كمان بحبك قوي ومش هسيبك تاني

اطمني...ويا لا ننام بقى عشان تترتاحي

هدى بتوسل اذهب بالبقية المتبقية من

عقله :

_ طب ممكن حاجة كمان

ادهم مدعيا الضيق :

_ لا يا هدى انت النهاردة طماعة قوي

هدى :

_ بجد اخر حاجة عشان خاطري...عشان

خاطري

ادهم بمرح :

_قولي يا تعباني

هدى :

_ممکن انام في حزنك النهاردة

ادهم بتفكير :

_اممممم...ماشي تعالي

وبالفعل اخذها أدهم في حزنه ونامت هدى
على ذراعه متكورة على نفسها وهو لاول
مرة بحياته يشعر بذلك الشعور انه احساس
جارف بالحب والامن والسعادة و...مشاعر
كثيرة مختلطة ولكنها كانت اكثر من كافية
بتضميد جراحه من اسرته باحساس الابوة
الرائع ودخل ادهم وهدى معا في سبات
عميق نقلهم سريعا لعالم الاحلام السعيد
ولم يلاحظ ادهم ان عبد العزيز كان واقفا
عند الباب وسمع حوارهما معا لآخره فقد

جاءه اتصال من احد رجاله فخرج من الغرفة
ليرد حتى لا يزعج هدى (قلب الرفاعي
بقلمي لميس عبد الوهاب) وعندما عاد وجد
ادهم معها وسمع كل حوارهما ودمعت
عيناه على حالها ولكنه سرعان ماشعر
بالسعادة تغمر قلبه اطمئنانا على هدى بعد
موافقة ادهم على طلباتها وكأن القدر
يساعده في مخططه الذي يدبره منذ شهور
عدة

في صباح جديد مشرق بامال الحب من جديد
على البعض وصنع المكائد على البعض
كان ادهم مازال نائما في غرفة هدى حتى
انتبه على من يحدثه

عبد العزيز :

_ صباح الخير يابني

ادهم بتوتر وتلعثم وهو يعتدل من مرقدہ
ومبعدا هدی بهدوء من حضنه حتى لا تفزع

:

_ صباح الخير يا عمي ...معلش ..انا ...كنت ...

عبد العزيز مقاطعا :

_ عارف كنت موجود امبارح وسمعت كل
حاجة ..ربنا يباركلك يا بني على اد ما انت
بتحاول ترضي طفلة غلبانة زي هدی

ادهم :

_ ربنا يديمك يا عمي معلش انا هروح على

مكتبي بعد اذنك

عبد العزيز :

_ اتفضل يابني

وجلس عبد العزيز بجانب هدى وهو يتأمل
ملامحها الهادئة وهي نائمة ويتحدث مع
نفسه (ربنا يكرمك يا ادهم على اد ما فرحت
الغلبانة دي) ثم قبل رأسها بحنان فياض
ومرت حوالي ساعتين كانت هدى استيقظت
وكالعادة جاء ميعاد الدواء والغيار على
الجرح ولكن فوجئ الجميع بدخول سناء
ومعها العربة الصغيرة التي تحوي علاجها
وادوات الغيار الخاصة بأدهم ولكن الغريب
هنا ان ادهم لم يظهر وعلموا منها انها من
ستقوم بكل مايلزم هدى ولن تنتظر ادهم
وهنا توجس قلب عبد العزيز خيفة وشعر ان
ادهم تراجع عما قاله لهدى بالامس وانه
يحاول ان يخرج من حياتهم
وهذا بالطبع كان وسط صراخ هدى وعنفها
الظاهر وهي تصرخ باسمه ...بأااااااااا...

هل تخلى ادهم فعلا عن هدى ؟

هل ستقبل سلمى بابوته لابنتها ؟

ماذا تخطط رقية لمها وهل ستنجو من

مكائدها ؟

تابعوني في الحلقات القادمة باذن الله

الحلقة الخامسة والعشرون

فزع قلب عبد العزيز لمجرد تخيله لفكرة

تخلي ادهم عن هدى ورغبته في ابتعاده عنها

فبادر بسؤال سناء

عبد العزيز بتوجس :

_ه...هو ...احم...الدكتور ادهم فين يابنتي ؟

سناء المنشغلة بتجهيز علاج هدى :

_الدكتور ادهم في العمليات حضرتك ...عنده
حالة مستعجلة وطلب مني اجي انا لهدى لو
هو اتأخر في العمليات

وعندما همت بالاقتراب من هدى فوجئ
الجميع بهدى التي قامت من سريرها وهي
تسير ببطء في اتجاه الباب لتفتحه وتخرج
فأسرع عبد العزيز اليها لامسакها ولكنها
كانت تقاومه بشده وهي تبكي بانهيار
وتصرخ

هدى صارخة :

_لالالا ماليش دعوة انا عاوزه بابا يا جدو
...عشان خاطري سييني اروح لبابا ...انا عاوزه
بابا

سنا بتوتر ملحوظ :

_مينفعش كدة حضرتك الجرح كدة هيتفتح
تاني ارجوك حاول تسيطر عليها وانا هطلب
ممرضات معايا ...بعد اذنك

وخرجت سناء من الغرفة راكضة وما هي
سوى ثواني كانت عادت ومعها عدد من
الممرضات في الوقت الذي كان يحاول فيه
عبد العزيز جاهدا الكلام مع هدى علها تهدأ
قليلا وتكف عن الصراخ والحركة ولكنها
كانت كمن فقد حياته ويصارع الحياة ليلتقط
انفاسه فكانت بلا وعي مجرد صراخ
هستيري وانتفاض بقوة وهنا اطبق عليها
الممرضات (قلب الرفاعي بقلمى لميس
عبد الوهاب) ليسيطروا كليا على حركتها
وتم تثبيتها جيدا في السرير حتى استطاعت
سناء ان تعطيها الحقنة التي آلمتها جدا
بشكل جعلها تصرخ بقوة من الالم ثم همت

سواء بعد ذلك بمحاولة الغيار على الجرح
والذي كان بدأ فعلا ينزف من حركات هدى
العصبية وهنا فتح الباب ليدخل ادهم
بغضب جامح كاد يحرقهم جميعا احياء
فقد كان في العمليات في جراحة عاجلة
وبمجرد ان انتهت الجراحة سارع بالركض
لغرفة هدى لم يلتقط حتى انفاسه كان
يشعر بخطب ما فيها وعندما اقترب من
الغرفة فزع اكثر من صوت صراخاتها
واستغاثتها المتواصلة باسمه وهذا جعله
خرج سريعا من مئزر الطبيب الجراح الوقور
وارتدى سريعا مئزر أسد غاضب حاولوا
العبث مع ابنائه وكان عليهم تحمل تبعات
عبثهم مع الاسد .

اقتحم ادهم الغرفة بعنف ظاهر وهو يصرخ
بهم جميعا ان يتوقفوا حالا بما اثار الفزع في

قلوبهم جميعا حتى عبد العزيز نفسه
انتفض في مكانه من صراخه وغضبه الواضح
وهدر ادهم بهم جميعا ان يتركوا الغرفة
وينتظروا عقابهم منه والذي سيتكفل هو به
وفي غمر غضبه انتبه الى همسه ضعيفه
كانت كفيلة بتشتيت انتباهه عن الجميع
فقد سمعها بقلبه

هدى بتعب شديد وشهقات بكاء :

_ب....بابا ...با...بابا

فقطع ادهم المسافة من باب الغرفة حتى

هدى في خطوتين بسرعة فائقة :

_هدى مالك يا هدى ؟ حصل ايه ؟

سواء بتوتر بالغ :

_متخافيش يا حبيبتى محدش هيقرب منك
تاني خلاص كلهم مشيوا ياقلبي

واتبع كلماته وهو يربت برفق على ظهرها
محاو لا بث الامان في قلبها فبدأت تهدأ شيئاً
فشيئاً ثم شرع هو في الغيار على جرحها
بهدهوء محاو لا الا يسبب لها أي الم ثم خرج
من الغرفة وعاد ومعه كوب من اللبن الدافئ

ادهم :

_هدى اشربي اللبن ده عشان تهدي

هدى :

_انا خايفة قوي يا بابا ...دوول ...دوول كانوا
عاوزين يموتوني

ادهم :

_ خلاص يا حبيبتي متخافيش هما معدوش

هيجوا هنا تاني

وشرعت هدى في احتساء اللبن فهمس عبد

العزیز لادهم متساءلا :

_ طمني يا بني الجرح اتفتح تاني ؟

ادهم :

_ متقلقش حضرتك هو الفتح بس غرزة

واحدة بس انا ان شاء الله هعملها حالا

عبد العزیز :

_ ازاي وهدى

توقف عن الكلام عندما انتبه ان هدى قد

نامت نوم عميق فنظر لادهم الذي اسرع

اليها ليبدأ في تقطيب الغرزة التي فتحت

بهدوء

عبد العزيز متعجبا :

_ هي نامت كدة ازاي ؟من التعب ؟

ادهم وهو يعمل :

_ لا انا حظيت ليها منوم في اللبن علشان
متحسش بحاجة كفاية عليها الرعب اللي
شافته النهاردة من الحيوانات اللي هنا

عبد العزيز مبتسما برضا :

_ الحمد لله ...الحمد لله ان ربنا بعثك ليها
في الوقت المناسب بجد مش عارف من
غيرك كان هيحصلها ايه !!

ادهم بجدية :

_ متقلقش ياعمي انا بعد اذنك عمري ما

هسيب هدى

وتلك كانت اكثر جملة محببة لقلب عبد
العزیز ولا يعلم ادهم كم سر عبد العزیز
لذلك

وماهي سوى سويغات قليلة حتى بدأت
تفتح هدى عينيها لتجد ادهم جالسا بجانب
السريـر على مقعد ورأسه للخلف ومغمض
العينين وجدها على الاريسة في اخر الغرفة
يبدو انه كان مستيقظ لكنه افتعل النوم
ليرى رد فعلها

وبالفعل ماهي سوى ثواني قليلة وقامت
هدى من سريـرها بتعب واتجهت نحو ادهم
لتتسلق قدميه وتستقر في حضنه فيفتح
ادهم عينيه ليجد هدى تجلس على قدميه
ورأسها على صدره فيحاوطها بذراعيه فتعود
للنوم وكذلك هو

فيبتسم عبد العزیز ويحدث نفسه :

_ الحمد لله اطمنت عليكى ياهدى عقبال ما
اطمن على امك ام راس ناشفة دي كمان
يارب اهديها ورد لها عقلها يارب

مرت الايام تلو الايام ومها لا تخرج من غرفتها
الا في وجود احمد حتى لا تصطدم مع رقية
ولكنها كانت دائما تلاحظ شروده واتصالات
عديدة لهاتفه ولكنه يسارع باغلاق الهاتف
نهائيا كما انه كان بدأ يتأخر عن مواعيد
عودته من عمله .

وفي احد الايام كانت جالسة في شرفة غرفتها
المطلة على مدخل الفيلا وشاهدة سيارته
وهي تتجه لباب الفيلا الخارجي فسارعت
بالركض لتفتح له باب الفيلا الداخلي وتكون
في استقباله ولكنه بمجرد ان اقترب من باب
الفيلا وجد سيارة اخرى تقف بوجهه وتقطع

عليه الطريق فنزل من سيارته غاضبا ليرى
من ذلك المعتوه الذي كاد يتسبب في حادثة
لهما معا ولكنه توقف مكانه عندما رآها
تنزل من سيارتها وهي تضحك وقد رأت مها
تقف عند باب الفيلا الداخلي فاتجهت اليه
(قلب الرفاعي بقلمى لميس عبد الوهاب
ثم تعلقت بعنقه وبدون مقدمات كانت
تطبع قبيلتين على وجنتيه محاولة منها ان
ترى مها ذلك في الوقت الذي كان احمد
وجهه لهايدي ولم يرى مها خلفه وهنا انصدم
احمد مما فعلته هايدي وكاد يطيح بها
بغضب بالغ لكنه تذكر أمه وتهديدها له بمها
فتوقف في اخر لحظة .

احمد :

_هايدي لو سمحت قلتلك ميت مرة قبل
كدة مش بحب الحركات دي

هايدي :

_ليه بس يا احمد انا مراتك يا حبيبي

احمد :

_وبعدين انا لما اقول كلمة تتنفذ لو

سمحتي

هايدي بدلع :

_حاضر اوامرك يا حبيبي

احمد :

_عايزة ايه يا هايدي خير ؟

هايدي :

_مفيش يا حبيبي عمو حسين عازمنا انا

وانت وبابا وماما وتامر في النادي على الغدا

وانا قلت اعملهالك مفاجأة وآجي اخذك

عشان نروح سوا

احمد :

_ لا معلش اعتذري له انت .. انا تعبان ومش
قادر

هايدي :

_ عيب يا احمد وبعدين انت من يوم
الخطوبة وانت بتتهرب مني ...مش كدة
يعني هو فيه ايه ؟

احمد بغضب :

_ يا ستي تعبان ... بلاش اتعب يعني

هيدي مصطنعة البكاء :

_ هو انا كل اما اكلمك تزعقلي كدة خلاص
براحتك انا هروح لوحدي وخلي الناس تتكلم
عني وحش بقى مش مهم

احمد وقد شعر انه يظلمها وهي ليس لها
ذنب في كل ما يحدث :

_ خلاص اسف يا هايدي انا جاي معاكي
متعيطيش بقى

فاندفعت هايدي لحضنه وهي تبتمم
ابتسامه نصر ونظرة تشفي لمها التي كانت
تقف عند الباب صحيح لم تسمع شيء من
كلامهم ولكنها كانت تشعر بغليان الدم في
عروقها من تقرب هايدي منه

هايدي :

_ طب يالا عشان تركب معايا وسيب
عريتك هنا

احمد رافعا حاجبه :

_ لا والله !!! اسمعي انا متعودتش اركب مع

بنت وهي كمان اللي تسوق ..ليه مش

شيفاني راجل قدامك

هايدي :

_ مقصدش والله يا احمد خلاص هركب انا

معاك

احمد بابتسامة مجاملة :

_ايوة كدة اتعدلي يالا اركبي

فركبت هايدي معه ورجه احمد بالسيارة

وذهب معها فشعرت مها وكأن دلو من الماء

البارد قد نزل على رأسها ..هل هذا فعلا

احمد الذي كان يضحك ويحتضن تلك الفتاة

بين ذراعيه؟؟!!هل هذا زوجها الذي طالما

تغني بحبه وعشقه لها؟!كم انت غبية يا

مها ...

للا لابد ان هناك شيء ما خاطئ ايوه احمد
لا يمكن ان يعمل معي هذا...ايوه سأتصل
به لأعرف ماذا حدث وركضت مها لهاتفها
واتصلت به

احمد بقلق :

_السلام عليكم ازيك يا مها ؟

مها :

_وعليكم السلام..انت فين يا أحمد وتأخرت
ليه ؟

احمد بتوتر وتلعثم :

_اصل...اصل عندنا شغل كتير قوي في
المستشفى فا هضطرتاأخر شويه

مها :

_شغل ايه يا احمد اللي يأخرك كل ده ؟

احمد محاولا تشتيتها بعصبية :

_وانت تعرفي شغلي منين يا مها ؟...يعني
لو شرحت لك هتفهمي

مها بصدمة :

_يعني انا مش بفهم يا احمد ؟!!

احمد بضيق :

_يووووه يا مها ...انت عاوزه ايه دلوقتي ؟

مها بكاء :

_ولا حاجة يا احمد خليك في شغلك ربنا
يوفقك

واغلقت الهاتف دون ان تسمع كلمة واحدة
منه فحاول ان يعاود الاتصال بها وهو يقود
السيارة وهايدي جالسة بجانبه تبتسم على
خطتها التي تسير بنجاح ولكن مها اغلقت

هاتفها نهائيا وظلت تفكر وتفكر ثم خرجت
من الغرفة وذهبت تبحث عن عمها الذي
كان يجلس في غرفة مكتبه يطالع بعض
الاوراق الخاصة بعمله

مها :

_السلام عليكم

ابراهيم بابتسامة :

_وعليكم السلام ورحمة الله تعالى يا مها

ادخلي

مها بخجل :

_عمي بعد اذنك لو فاضي ممكن اتكلم مع

حضرتك شوية ؟

ابراهيم وهو يقوم من مقعده ويجذبها معه
لتجلس بجواره على الاريقة الكبيرة في غرفة
المكتب هاتفًا :

_ولو مش فاضي افضي نفسي ليكي يا
حبيبتى هو انا عندي كام مها يعني؟!
مها :

_ربنا يديمك في حياتي يا عمي وبيبارك لي في
عمرك ياارب
ابراهيم :

_ها قوليلي بقى فيه ايه؟ايه اللي شاغلك؟
مها بتردد :

_عمي فيه حاجة انا مش فهمها وحاسة ان
كل اللي في البيت عارفين الا انا
ابراهيم بقلق :

_حاجة ايه يا مها؟ مالك يابنتي؟

مها:

_ايه هي حدود علاقة احمد بهايدي؟

ابراهيم بتوتر ملحوظ:

_ها...يعني ايه مش فاهم؟

مها بابتسامة باهتة:

_عمي متحاولش تخبي عليا حاجة ارجوك

فهمني الحقيقة؟

ابراهيم:

_يابنتي مفيش حاجة متحطيش في دماغك

وفكري بس في ابنك وصحتك

مها بتصميم:

_ عمي مش هقولك عشان خاطري بس
هقولك ورحمة بابا ياعمي ..بالله عليك
لتقولي الحقيقة

فوقف ابراهيم من جلسته واتجه لمكتبه
وهو متردد ولا يعرف كيف التصرف ولكنه
عزم على

كيف سيتصرف ابراهيم ؟

هل ستعرف مها بعقد قران احمد وهايدي ؟

دعوني اهمس لكم سرا ان حدث جلل في
انتظار احمد سيودي بعقله وفي نفس الوقت
سيتعرض ادهم لمحنة من نوع جديد بينما
يوسف يحاول جاهدا السيطرة على انهيار
ياسمين

انتظروني في احداث جديدة ساخنة في
الحلقات القادمة باذن

بسم الله الرحمن الرحيم

اولا انا عملت حساب للمتابعين
والمتشوقين يكملوا معايا الرواية حتى لو
عددهم قليل فهما بردو على راسي من فوق

ثانيا معلش اعذروني الحلقة بتكون قصيرة
شوية لاني بكتبها في نفس اليوم ولو
معترضين ممكن نخلي النشر يوم بعد يوم
زي ما تحبوا

ياريت تعرفوني رايكم بالاحداث وبطريقة
النشر وزى ما تحبوا انا هنفذ

قراءة ممتعة

الحلقة السادسة والعشرون

تردد ابراهيم كثيرا ايخبرها ام لا لكنه اثر الا
تعرف الان حتى على الاقل يكون احمد
انتهى من تلك الزيجة نهائيا وقتها يمكن ان

يخبرها احمد بهدوء حتى لا تسؤ صحتها
وهنا خطرت في باله فكرة فصارع بتنفيذها
ترنح ابراهيم قليلا في وقفته مما استرعى
انتباه مها فاسرعت اليه لتسنده وهي
تساعده على الجلوس هاتفة بقلق :

_مالك يا عمي ...ارجوك رد عليا وطمني ؟

ابراهيم هامسا :

_متخافيش يا بنتي انا الظاهر نسيت اخذ
دوا الضغط النهاردة عشان كدة تلاقيني داخ
شوية

مها بقلق :

_طب اتصل لك بأحمد ؟

ابراهيم وهو يحاول الوقوف :

_ لا يا بنتي متقلقيش انا هطلع اخذ الدوا
بتاعي واريح شوية معلش يا حبيبتي
سامحيني مش قادر اكمل كلام معاكي

مها :

_ ولا يهملك ياعمي اتفضل

فخرج ابراهيم من الغرفة وصعد لغرفته وهو
يحمد الله على انه الهمه تلك الفكرة
ليشتت مها ...ولكن مالم يحسب ابراهيم
حسابه هو استماع رقية لحديثهم كاملا بما
جعل عقلها يعمل كالمكوك لتستطيع
استغلال ذلك الشك الذي بدأ يتسرب لمها
ولكن هي لا تستطيع اخبارها مباشرة خوفا
من تهديد احمد ففكرت قليلا حتى الهمها
شيطانها بفكرة جهنمية ستكون هي النهاية
بلا شك

اما مها فخرجت من المكتب وتوجهت الى
الحديقة (قلب الرفاعي بقلمي لميس عبد
الوهاب)وهي شاردة وهنا دخلت رقية لغرفة
المكتب وبحث كثيرا حتى وجدت وثيقة
عقد قران احمد وهايدي ووضعتها على احد
الملفات التي في احد ادراج المكتب وخرجت
لتنظر في غرفة المعيشة المجاورة لغرفة
المكتب وبعد عدد قليل من الساعات جاءت
مها من الخارج وتوجهت الى غرفتها
لتستوقفها رقية هاتفه بمكر :

_مها...مها

:مها

_نعم يا طنط

:رقية

_ معلش يا مها ياسمين اتصلت وبتقول
عاوزه ملف مهم من المكتب لونه ازرق
ومكتوب عليه صفقة akل وهتلاقيه في درج
المكتب الاول وانا مش قادرة اقوم ادور عليه
ممکن تدخلني تشوفيه على ما تبعت حد
يجي ياخده ؟

مها :

_ حاضر يا طنط

وتوجهت مها للمكتب لتبحث باحد ادراجه
عن الملف ولكنها وجدت امامها الصاعقة
الكبرى التي نزلت على حياتها لتهدمها
وتجعلها انقاض فوق رأسها... امسكت مها
بالوثيقة بايدي ترتعش بل ان جسدها كله
كان ينتفض ودموعها كانت كشلال اغرق
وجنتيها... كانت تشعر كمن سحبت منها
الحياة شيئاً فشيئاً وبدون ان تشعر كانت

تحطم كل شيء موجود في المكتب وهي
تصرخ بجنون بكل ما فيها من قوة

ذلك كان في الوقت الذي عاد فيه احمد من
الغداء مع هايدي واهلها وبمجرد ان دخل
الفيلد حتى سمع الصراخ واصوات تحطم
قوية في المكتب جاء على اثرها ابراهيم
وكذلك رقية

حاول احمد جاهدا ان يفتح الباب لكنه كان
مؤصدا من الداخل فأخذ ينادي ويطلق بقوة
على الباب لمعرفة هوية الشخص الموجود
بالمكتب ولكن لاشيء الوحيدة من تعلم
كانت رقية لكنها لم تتكلم ومع ذلك بدأت
تشعر بالقلق مما يحدث

ابراهيم :

_ اكسر الباب يا احمد مين اللي بيصرخ كدة

جوا؟؟؟

مها من الداخل بصراخ هستيري :

_ لو كسرت الباب هموت نفسي

لحظة اتلك مها؟!هي لحظة كانت اكثر من

كافية ليتصلب جسد احمد كليا ويتوقف

قلبه عن النبض وسرت قشعريرة باردة في

انحاء جسده شعر وكأن الحياة تسلب منه

رويدا رويدا ولم يكن هكذا حاله بمفرده بل

لقد شحب وجه ابراهيم هو الاخر وشعر

بالقلق يكاد يصم جميع حواسه

احمد محاولا تدارك الموقف سريعا :

_ مها حبيبتي ارجوك افتحي الباب ...خلينا

نتفاهم ياعمري

مها بصوت عالي اخرجت فيه كل غضبها من
دنيا لا تتوانى ابدأ عن صفعها مرات ومرات :

_تفاهم على ايه يا كداااب...اتجوزت يا
احمد خلاص !!! يبقى كدة زي ما قلتلك قبل
كدة معدش فيه مها...مها انتهت

ابراهيم :

_يابنتي اهدي وكل شيء هيتحل عشان
خاطري يا مها

مها بقهر ودموع غلبت على صوتها :

_لالالا انت كمان كنت عارف ياعمي
...ياخسارة انا فعلا ماليش حد غير بابا
...ياريت ياخدني معاه لاني فعلا مكاني معاه
مش هنا ابدأ

الى هنا وكفى لم يستطع قلبه الاستماع اكثر
لكلماتها التي تشبه الى حد بعيد نصل

السيف الحاد ومازالت تقطع قلبه لقطع
صغيرة بتلك الكلمات الحادة فانقض احمد
كالوحش الكاسر على الباب الذي لم يتحملة
لاكثر من ثواني قليلة وتداعى تحت قدميه
ليهاله المنظر الذي امامه فغرفة المكتب قد
انقلبت راسا على عقب ولكن ليس هذا
ماشغله او جذب انتباهه بل تلك المجنونة
المتكورة على نفسها في الارض وفي احدى
يديها (قلب الرفاعي بقلمى لميس عبد
الوهاب) الوثيقة وفي الاخرى احدى قطع
الزجاج المكسور تبغي قطع شرايين يدها
وهي تشعر كأنها تقطع تلك اليد التي
امسكت وثيقة انتهاء زواجها من احمد حب
العمر كله وهذا ما لم يكن سوى الموت
اندفع احمد اليها راكضا محاولا منعها من
التنفيذ ولكنه تأخر ثانية واحدة كانت مها

خلالها قد غرزت النصل في يدها وللعجب لم
تشعر بألم فألم قلبها المحطم قد طغي
على كل حواسها فأمسك احمد بيدها
محاوفا منع النزيف بشتى الطرق وهنا قد
خارت كل قواها فضمها لصدره
مها وهي على وشك ان تفقد الوعي :

_ احمد سبني ارواح لبابا

احمد بدموع :

_ لا متقوليش كدة انت هتعيشي حرام

عليكي يا مها

مها بتقطع :

_ عاوزه...اروح ..لبا...با انا ...وابني ...سبنا يا

احمد

ابراهيم ببكاء :

_ خدها يا احمد على المستشفى بسرعة

ولكن احمد لم يتحرك فقد الاحساس بالزمن

وهي بين يديه ودمها يغرق ملابسه ويديه

هل يمكن انه الان يراها لآخر مرة؟! اهل

سيفقدها هي وابنه؟! انظر لوالده بنظرات

عجز وانكسار نظرات طفل تائه مرتعب

يبغي الامان فما امامه الان اقوى من تحمله

وهنا صرخ به ابراهيم وهو يدفعه في كتفه

دفعات متتاليه

ابراهيم بصراخ :

_ احممممد...فووووق ...قوم الحق مراتك

وبالفعل عاد عقل احمد للعمل بسرعة

هائلة ليحملها في ثواني راكضا بها الى سيارته

ومنها الى المستشفى التي استقبلته على

باباها نجلاء بعد ان هاتفها وهم في الطريق

وبعد فترة زمنية مرت على احمد القابع
خارج غرفة العمليات كالجالس على جمر
من جحيم خرجت نجلاء من الغرفة متأففة
غاضبة هاتفة بحنق :

_يا جماعة حرام اللي بيحصل ده ...انا قلت
قبل كدة ممنوع أي انفعال لان فيه خطر
على حياتها هي والجنين

ابراهيم :

_هي عاملة ايه دلوقتي ارجوكي طمنييني
نجلاء بغضب :

_والله حضرتك احنا بصعوبة قدرنا نسيطر
على نزيف ايدها والحمد لله قدرنا نوصل
الاوردة اللي اتقطعت لكن هي دلوقتي
عندها انخفاض حاد في ضغط الدم وانهييار
عصبي يعني من الاخر قدامنا 48 ساعة لو

عدو على خير يبقى الحمد لله عدت مرحلة
الخطر

احمد بهمس :

_عاوز اشوفها

نجلاء بحدة :

_هي في العناية المركزة حضرتك وممنوع
عنها الزيارة مش ناقصين حالتها تتنكس تاني
...بعد اذنكم

دخلت نجلاء الى غرفة مكتب زوجها وهي
تزفر بضيق بالغ ولانه يعلم كم كان الحمل
متعب في الآونة الاخيرة اراد التخفيف عنها
بالمزاح المعتاد معها

مدحت بمرح :

_ ايه يا نوجا مالك؟ الواد ابني الشقي لسة
تعبك على العموم هانت كلها شهر
وتخلصي

نجلاء بضيق :

_ مش عارفة يا مدحت الناس دوول يقربوا
ازاي لادهم...دوول ناس مستفزة خصوصا
اخوه اللي اسمه احمد بااارد بشكل يغيظ

مدحت بجديّة :

_ ليه ايه اللي حصل ؟

فسردت له نجلاء حالة مها وتدهورها الاخير
ليدفعها للتخلص من حياتها

مدحت :

_ ما هو عشان كدة سابهم وراح على المنيا
يعيش هناك بعيد عنهم

نجلاء:

_ طب تفتكر المفروض نبليغه اللي حصل

النهاردة ؟

مدحت :

_ لا بلاش ادهم تعب قوي في الفترة اللي كان

معاهم هنا خليه يرتاح بقى منهم شوية

نجلاء :

_ والله عندك حق العيلة دي البعد عنها

غنيمة

واتفقا معا على عدم اخبار ادهم بما حدث

ليكفياه شرور تلك العائلة ولا يعلمان انه هو

قلب تلك العائلة ... قلب الرفاعي

ذلك في الوقت الذي كان فيه احمد جالسا
خارج غرفة العناية المركزة يبكي كالاطفال
فاشفق عليه ابراهيم وضمه لصدرة

ابراهيم :

_ احمد امسك نفسك شوية ...مها محتاجة
لقوتك وتماسكك دلوقتي

احمد بانهييار :

_ هو ليه كل حاجة حلوة في حياتي بتضيع
مني يا بابا في لحظة؟؟ الاول ادهم ودلوقتي
مها ..انا مش هقدر اعيش من غيرها

ابراهيم :

_ وبعينمتفكرش كدة قوم معايا قووم

احمد :

_ على فين انا مش عاوز اروح في حته

ابراهيم :

_هنروح انا وانت على المسجد نصلي
وندعيها ربنا يقومها بالسلامة يالا قوم معايا

احمد :

_ياارب

وقام مع والده وفي داخله قلب يصارع النبض
يلجأ لخالق الكون ليحمي نصفه الاخر وكله
رجاء في الله الا يخذله بضياعها منه للابد لان
وقتها ستكون النهاية لكل شيء

عادت ياسمين من الشركة وهي مجهدة
ومرهقة كما انها تكاد تسقط مغشيا عليها
من كثرة العمل الذي تركه والدها على
عاتقها هي ويوسف وعند تذكر يوسف كادت
تسقط من شدة الضحك على منظره اليوم

وتذمره من كثرة العمل وهما بمفردهما اما
امام الموظفين فكاد السيد الجاد المثابر بما
جعل سكرتيرته نظمت له اغلب مواعيد
الشهر كله اليوم فكان قاب قوسين او ادني
من قذفها من نافذة مكتبه بالدور العاشر
ولكن نظرة جادة من ياسمين جعلته يهدأ
ويؤجل قتلها لوقت اخر وابتسمت وهي
تتذكر كيف كانت تحاول تهدئته وهي كلما
ضحكت ثار اكثر

ولكن ماتت بسمتها فورا على شفاهها
عندما انتبهت لحديث رقية في الهاتف وهي
تخبر احد ما بما خططت له اليوم ليصل
الخبر لمها بالاضافة لرد فعل مها الصادم

رقية :

_ طب وانا ذنبي ايه ؟انا بس حطيت الوثيقة
في الدرج وبعثتها تجيب ورق لياسمين عشان
تشوفه

الطرف الاخر :.....

رقية :

_ لا بس اصبري كدة كل شيء انكشف
واحمد معدش عنده أي حجج عشان يكمل
جوازه منك ياروحي

....._

رقية :

_ ايوة طبعا قريب بس الزفتة مها تخرج من
المستشفى وكل شيء هيتحل متقلقيش
طول ما انا معاكي كل شيء هيبقى تمام

....._

رقية :

_ ماشي يا حبيبي يالا سلام دلوقتي

واغلقت رقية الهاتف والتفتت لتجد ياسمين

امامها ودموعها تجرى انهارا تغرق وجهها

وهي تنظر لها برعب ولسان حالها يسأل من

انت ؟انت لا يمكن ان تكوني اما ؟

فتوترت رقية وتلعثمت وهي تحاول الحديث

رقية :

_ يا ...ياسمين ...اسمعيني

واقتربت منها رقية ولكنها عادت خطوات

للخلف وتحرك راسها يمينا ويسارا وكأنها

تحاول عدم تصديق ما سمعته للتو ثم

اندفعت خارجة من الفيلا وهي تبكي بحرقة

وحسرة على احمد ومها معا وتشهق كمن

انعدم الهواء من حولها قادت سيارتها بسرعة

كبيرة وهي لا تعرف الى اين تذهب او بالاصح
اين هي ؟

تناولت هاتفها وضغطت على زر الاتصال وما
هي سوى ثواني وجاء الرد

يوسف بمرح :

_ ايه يا قمري لحقت اوحشك ؟

ياسمين ببيكاء :

_ انا محتاجة ليك قوي يا يوسف

يوسف :

_ مالك يا ياسمين ؟ انت فين دلوقتي ؟

ياسمين بتوهان :

_ مش عارفة... انا في الشارع ومش عارفة انا

فين .. مش شايفة قدامي ... انا مخنوقة قوي

يا يوسف

يوسف بقلق حاول عدم اظهاره :

_ حبيبتي عشان خاطري اهدي ووقفي

العربية ...وقفها يا ياسمين

توقفت ياسمين بالسيارة وهي تنتفض من

بكائها فزفر يوسف بارتياح ثم واصل كلامه

وهو يحمل مفاتيحه ويركض للخارج :

_ حبيبتي بصي حواليكى وقوليلي انت فين

بالضبط

رفعت ياسمين انظارها للطريق امامها ثم

على جانبه فلمحت اسم فندق فاعلمته به

يوسف وهو يقود السيارة بسرعة خاطفة :

_ تمام خليكى زي ما انت انا فى الطريق5

دقايق بالضبط وهكون عندك

وبالفعل لم تمر سوى 5 دقائق وكان يوسف
بسيارته امام ياسمين فترجل منها وركض
تجاهها ليفتح لها الباب وعندما راها في حالة
انهيار كبير تعامل معها بهدوء شديد عكس
ما داخله من غضب لتهورها في قيادة السيارة
وهي على تلك الحالة

اخذها من السيارة لحضنه ثم الى سيارته
ومنها لمطعم هادئ على النيل لعلها تهدأ
وتخبره بما حدث وبالفعل بدأت تهدأ رويد
رويدا واخبرته بما سمعته وما عرفته من
والدها بعد ذلك عندما هاتفته لتستعلم عن
حالة مها قبل ان تهاتفه

يوسف بحزن :

_ لا حول ولا قوة الا بالله .. احنا لازم نروح لهم
المستشفى ولازم تقفي جنب مها

ياسمين بعصبية :

_نقف جنب مين يا يوسف مها بتموت

يوسف بهدوء :

_يا بنتي بيقولك تفاءلوا بالخير تجدوه...ان

شاء الله هتقوم بالسلامة...بس لازم تقوم

تلاقينا كلنا حواليتها ومعها

ياسمين بألم :

_كلم بابا يا يوسف يقدم ميعاد فرحنا

يوسف بعصبية يحاول كتبها :

_انت مجنونة!! في الظروف دي عاوزاني اتكلم

عن فرحي؟!!!

ياسمين ببكاء :

_وانا مش هرجع البيت تاني يا يوسف

يوسف بصبر :

_ لازم ترجعي دي امك يا ياسمين مهما
حصل

ياسمين بغضب :

_ لا مش امي ...مش امي

يوسف :

_ طيب اهدي واشربي اللمون وبعدين نروح
نظمن على اخوكي في المستشفى وبعدين
نشوف هنعمل ايه ...بس خلي بالك مش
عاوز ولا كلمة من اللي سمعتها من مامتك
تطلع قدام اخوك هو دلوقتي مش ناقص
فهماني يا ياسمين

ياسمين :

_ حاضر يا يوسف

ما مصير مها وجنينها ؟

هل ستنجح رقية فيما تخطط له ؟

واخيرا اللقاء المنتظر من بداية الرواية الاسد

ولبؤته الصراع الشرس بين ادهم وسلمى

وكيف ستتعامل معه هدى؟

انتظروني في الحلقة القادمة باذن الله

الحلقة السابعة والعشرون

عدة طرقات خفيفة على الباب اعقبها دخول

ادهم لاميرته الصغيرة

ادهم مبتسما :

_ صباح الورد على احلى وردة في حياتي

عبد العزيز :

_ صباح الخير يا ابني اتفضل

هدى :.....

ادهم متعجبا :

_ايه ده !! الجميل زعلان مني ولا ايه ؟

هدى وهي تربع ساعديها امام صدرها ناظرة
له بغضب طفولي محبب :

_اه طبعا زعلانة ومش هكلمك تاني خالص

ادهم بخوف مصطنع :

_ياخبر ابيض ...ليه عملت ايه ؟

هدى :

_عشان امبارح مش جيت خالص الا في
وقت العلاج بس وطول اليوم في الشغل
وسايبني لوحدي .. عشان كدة مخصماك
خالص

ادهم :

_ لالا ده انا كدة غلطان وغلطان قوي كمان

...بقى انا اكون السبب اني اميرتي الجميلة

تزل مني كدة

هدى بحزن :

_ شفت بقى

ادهم وهو يجلس بجانبها :

_ معلى حبيبتى سامحيني اصل انا امبارح

كنت فى مشوار مهم

هدى :

_ مشوار اهم مني ؟

ادهم :

_ لا طبعا بس كنت بجيب دي

واخرج ادهم العلبة التي كان يخفيها خلف

ظهره طوال الوقت والتي بمجرد ان نظرت

اليها هدى حتى طار عقلها فهي من عشاق
الدمية باربي وقد احضر لها ادهم احدث
اصدار منها علبة شاملة الدمية بكل
مستلزماتها وللغريب ان هدى قبل ان
تلمس العلبة قفزت صارخة بفرحة وتعلقت
بعنق ادهم وهي تهتف بفرحة :

_بالا انا بحبك قوييييي

فضمها ادهم لصدره وهو يهمس لها :

_وانا كمان بحبك قوي ياقلب بابا

ثم تركته وسارعت للعلبة تجذبها وتسرع
لجدها لتريها له وجلست بجانبه على الاريقة
تحاول فض محتوياتها وهنا قبل عبد العزيز
راسها ثم توجه لادهم الذي بدأ في تجهيز
علاج هدى

عبد العزيز بامتنان :

_مكنش له لزوم تتعب نفسك يابني ...والله

ما عارف اودي جمالك دي فين؟؟

ادهم بصدق شعر به عبد العزيز :

_متقولش كدة يا عمي ...وبعدين هدى بنتي

ينفع حد يشكر اب انه جاب هدية لبنته

عبد العزيز :

_ربنا يكرمك يابني

ادهم :

_هدى ميعاد اخر حقنة عشان اميرتي بقت

كويسة وهتخرج النهاردة كمان

هدى :

_بجد هخرج وارجع البيت

ادهم :

_ اه يا حبيبتي النهاردة بالليل ان شاء الله

هكتبك على خروج

هدى ببراءة :

_ وهتيجي مععايا صح ؟

فنظر ادهم لعبد العزيز وتوتر الاثنان

ادهم محاولا تغيير الموضوع :

_ يالا ياهدى عشان تاخدي الحقنة ...سيبي

العروسة وتعالى اول يالا

وجاءت هدى راكضة اليه وهي تضحك من فرحتها ماجعل ادهم قام بدغدغتها لتضحك اكثر فقلبه لايطرب الا بضحكتها التي اضاءت حياته البائسة ثم شرع في اعطائها حقنتها وبمجرد ان انتهى وقبل ان يخرج السن كان باب الغرفة يفتح بعنف ليعبر منه اعصار مدمر دفع ادهم على غفلة منه بعيدا عن

الذي كاد يتوقف فزعا من المشهد الذي رآته

منذ قليل :

_وانت كمان وحشتيني يا هدى

ثم اردفت وهي تنظر ببريق شرس لادهم
الذي لو كانت النظرات تقتل لخر صريعا الان

:

_عملك ايه الحيوان ده ؟

عبد العزيز بغضب :

_وبعدين يا سلمى ...اهدي بقى

هدى بتلقائية وهي تنظر لامها :

-دا بابا يا ماما بيحبني قوي

وهنا وان كان هناك القليل من العقل مازال

يحكم خطوات سلمى فللاسف قد طار

وانمحي بجملة هدى التي اشعلت غضب

لبؤة الحمامة وظهر جنونها الفعلي فتركت
هدى ارضا ببطء وهي تردد جملة هدى مرة
اخرى ثم اندفعت لادهم _ الذي كان يقف
مكانه يتابع تلك المجنونة على حد تفكيره
_ صارخة به بغضب :

_ بابا يعني ايه ؟

وقد امسكته بكلا يديها من مئزره هادرة به :

_ انت عملت ايه في بنتي ؟ يعني ايه بابا ؟

ادهم وهو يمسك بكلا يديها بقوة ليجبرها

على تركه :

_ اهدي يا مدام سلمى محصلش حاجة

..هدى كانت تعبانة شوية وهي الحمد لله

دلوقتي بقت كويسة

سلمى بغضب وهي تنفض يديه بعيدا عنه :

_ ابعء عني انت مجنون ... ابعء عني وعن
بنتي ... دي اخر مرة هتشوفها ... انت فاهم ...
والا وربي وما ابعء هلبسك قضية ووديڪ في
ستين داهية

ادهم بهدوء وبرود يحاول يخفي به الجحيم
المستعر داخله الذي ان خرج سيجعلها رماد
في ثواني قليلة :

_ اللي في وسعك اعمليه .. انا مش بخاف
.. ولعلمك هدى بنتي ومحدث هيقدر
يبعدني عنها ... انت فاهمة

سلمى بعنف :

_ لا تبقى متعرفنيش .. انا سلمى عبد العزيز
محدث يقدر يقف قدامي وخصوصا لو كان
حقير زيڪ

حاول جاهدا التحكم بغضبها الناري منذ ان
دلفت للغرفة كما حاول التحكم بغضبه هو
منها لكنها الان تعدت كل الحدود الحمراء
ولن يكون هو الحاج عبد العزيز كبير بلدته
ان عجز عن كبح جماحها قبل ان تلكه
اللسن لعدم احترامها لشخصه هو

فما كان من عبد العزيز الا ان رفع يده
ليصفعها علها تفق وتدرك حجم اخطائها
التي ارتكبتها في دقائق قليلة وهو يهدر بها :

_اخرسي ...انت ملكيش كبير تعمليله

حساب

ولكن يده لم تصل لها وذلك لان ادهم قد
امسك يده في اخر لحظة وهو ينظر لها بعمق
محاولا التحكم باعصابه هو الاخر :

_معلش ياعمي اهدى بس عشان صحتك

وهي مسيرها تعرف غلطها

سلمى ناظرة لوالدها بذهول وصدمة :

_انت عاوز تضربني يا بابا !!! ...وعشان مين

..عشان ده

عبد العزيز وهو يمسكها من مرفقها بقوة

وغضب ضاغطا عليها حتى كاد يكسره بيده :

_لا عشان فكرت نفسك كبرت على ابوكي

ياسلمى

وهنا تنبه الجميع فجأة لمن تبكي وتنتفض

خوفا ورعبا مما يحدث امامها حتى توقفوا

عن الحديث لتسرع اليه راكضة تحتوى به

وتبحث عن امانها لديه

نعم ياسادة فلقد لجأت هدى لادهم ليس

لجدها ولا حتى لامها ولكن لمن وجدت عنده

الحماية والامان تعلقت به وهي تنتفض
فضمها لصدره محاولا احتوائها وبث الامان
فيها وهذا تحت انظار سلمى المذهولة مما
تراه امامها

هدى بىكاء :

_با ...بابا ..انا ...خايفة

ادهم بحنان :

_ متخافيش يا هدى ...مش احنا اتفقنا
مفيش خوف من حد طول ما بابا معاكي
...ازعل انا بقى دلوقتي

هدى وهي تتمسك به اكثر :

_لالا انا ...خايفة ...قوي

فنظر ادهم لعبد العزيز و اشار اليه بعيناه
ففهمه عبد العزيز وجذب سلمى من

مرفقها دون كلمة واحدة وتوجه بها لخارج
الغرفة وعندما حاولت الاعتراض بعدما خرجا
دفعها عبد العزيز لفتحة صغيرة في الباب
لترى بعينها كيفية تعامل ادهم مع هدى
هذا في الوقت الذي وضع فيه ادهم هدى في
سريرها برفق ولكنها كانت تتشبث به اكثر
واكثرها تفة :

_ لالا متسبنيش ...يا ...بابا ...انا ...خايفة

فجلس ادهم بجانبها على الفراش فاخذت
وضع الجنين في حضنه تبكي وتتنفض
ولكنه ضمها اليه هامسا لها ببعض الكلمات
وهو يربت بخفة على شعرها حتى راحت في
نوم عميق فقام من جانبها بهدوء وقبلها
على جبينها قبلة ابوية حانية ودثرها بالغطاء
ثم اتجه لباب الغرفة ليفاجئ بسلمى امامه
تتابع ما يحدث بعينين ذاهلتين تكاد لا

تصدق ما يحدث امامها وكأنه فعلا والد
هدى فقد اغدق عليها من الحب والحنان
والاهتمام ما عوضها حتى عن غيابها هي
شخصيا امها

ولكن ادهم لم يعيرها أي اهتمام اكتفى
باشارة من راسه لعبد العزيز ثم اتجه من
فوره لغرفة مكتبه في حين همس عبد العزيز
لابنته :

_ها ايه رايك؟..بنتك متعلقة بيه يا هانم
لانها لقت عنده اللي ملقتوش عندك
فالتفتت له سلمى متعجبة :

_انا امها يا بابا

عبد العزيز بسخرية:

_ اه امها اللي سيبها لوحدها على طول
ومش بتشوفها الا اسبوع واحد كل كام شهر
مش كدة يا استاذة يا كبيرة ؟

سلمى بتصميم :

_ خلاص يا بابا انا معنتش هسافر تاني
والنهاردة هنمشي من هنا وهدى مسيرها
تنساه

عبد العزيز بتحدي :

_ يبقى بتحلمي يا سلمى ..هدى ماصدقت
لقيته ومش هتسيبه بالسهولة دي

سلمى بعند:

_ وانا اتعودت احقق حلمي مهما كان ومهما
حصل

وتركته وذهبت لتدخل لابنتها في حين زفر

عبد العزيز بضيق هامسا لنفسه :

_وبعدها لك يا بنت عبد العزيز هتفوقى امتى

بس ؟ياارب استر من اللي جاي

حل المساء يحمل لقلب العاشق لاميرته
هما اخر من نوع جديد فما ان ظفر بحبيبتيه
الصغيرة البلسم الشافي لكل جروحه حتى
ظهرت تلك ال سلمى لتبعده عنها وتزيد
جراحه جرحا جديد

وما زاد المه بحق عدم قدرته حتى على
وداعها وبخاصة بعدما جاء اليه عبد العزيز
طالباً منه باحراج ان يسمح لهم بالخروج من
المستشفى وطلبه الغريب الايتواجد عن
خروجهم حتى لا يحتك مع سلمى وترفض

هدى الخروج معهم ولانه يحترم عبد العزيز
وافق مرغما بعد ان منحه عبد العزيز وعده
انه لن يبعد هدى عنه ويستطيع زيارتها
يوميا ان اراد

اما في الغرفة فكانت سلمى تجمع اغراض
هدى وهي تحاول المرح معها ولكن هدى
لم تستجب كانت عابثة طوال الوقت واكثر
الاقوات لا ترد على والدتها

سلمى :

_يا لا يا هدى خليني اغير لك هدومك
عشان نمشي من هنا

هدى بعند وهي منكمشة على نفسها :

_لا مش همشي انا عاوزه بابا يجي معايا

سلمى وقد فقدت اعصابها :

_وبعدين يعني هتمشي كلامك عليا
?...قلت لا يعني لا هتمشي لوحدنا وتنسي
الراجل ده نهائي انت فاهمة

هدى بصراخ اعلى وقد تمسكت بأعلى
الفراش :

_لاااااا انا عاوزه بابا

دخل عبد العزيز الغرفة راكضا على الصراخ
فحاول تهدئة هدى بشتى الطرق ولكن
غضب سلمى قد انفجر فحاولت ضربها
بقسوة ولكنها شعرت بيد فولاذية اطبقت
على يدها تعتصرها قبل ان تصل لهدى
فالتفتت سريعا لتواجه هذا المارد والذي
اندهشت لطوله الذي لم تلاحظه سابقا
فجعلها بجانبه كما الاقزام وعندما نظرت
لعينيه اقسمت داخلها انها تستطيع الان

رؤية شرارت تندلع بداخلهما وهذا ما جعل

رجفة قوية تندلع في كل انحاء جسدها

ادهم بصوت حاول جاهدا ان يخرج هادئا

ولكنه فشل فشل ذريع فخرج كالاعصار:

_ انا اسف يا عمي اني ملتزمتش بكلامك

لكن انا مش هقدر اقف اتفرج على المهزلة

دي كتير

وهنا فقط خرجت هدى من قوقعتها وقفت

من السرير بمجرد ان سمعت صوته لتتعلق

به ببيكاء :

_بابا متسبنيش

ادهم وهو يحتضنها :

_ لا مش هسيبك يا هدى متخافيش يا

حببتي وجلس معها على سريرها هاتفا :

_ حبيبتى انت عارفة انى ورايا شغل صح ؟

فأومأت برأسها ايجابا وهي تزيل دموعها
بظهر يدها ببراءة خطفت قلبه

فتابع :

_ يبقى تسمعي الكلام وتروحي مع ماما
وجدو وانا اول ما اخلص شغلي هتلقيني
قدامك في البيت نلعب سوى براحتنا ...ها
قلت ايه ؟

هدى بخوف :

_ بابا انت مش بتضحك عليا صح ؟

ادهم وهو يقبل راسها :

_ لا يا حبيبتى مش بضحك عليكى ..طب
انت عارفة انا هجيبلك الشيكولاته اللي
بتحبها

ثم اردف مدعيا الضيق :

_بس ناكلها سوى انت كل مرة بتضحكي
عليا وبتاكلها لوحدهك ومش بتسييلي منها
صح ؟

هدى ضاحكة :

_خلاص مش تزعل هستناك وهسييلك من
الشيكولاتة وهناكلها سوى بس اوعى تتاخر
عليا

ادهم مبتسما :

_لا مش هتاخر يا لا غيري هدومك وتعاليلي
المكتب بتاعي قبل ما تمشي ..ماشي
هستناكي سلام

وخرج ادهم وهو يفكر بتلك الطفلة التي
ملكته وكذلك امها تلك الشرسة التي تحتاج
لترويض من مدربي الاسود انها لبؤة بكل ما

للكلمة من معنى وهنا ظهرت ابتسامة ادهم
وهو يفكر بتلك اللبؤة والتي اراد وبشدة
ترويضها بل وتعليمها الادب الرفاعي
الخالص

في الغرفة تضاربت الافكار وتصارعت في رأس
الثلاثة ولكن بصمت رهيب مطبق ولنلقي
نظرة داخلهم

هدى كانت تفكر بفستانها الجديد
واكسسوراته الجميلة التي احضرته لها
سلمى وكيف سيكون رأي ادهم بها عندما
يراها

اما سلمى فكانت تفكر بذلك الرجل انها
المرّة الاولى على مدار مشوارها العملي في
داخل اروقة المحاكم وقضايا الطلاق والخلع

والنفقة ان ترى رجلا كهذا الرجل يجمع بين
القوة والسيطرة وبين الحنان والاهتمام ...ان
ابيهما نفسه لم يكن يصل لذلك الحد من
الحب والاهتمام معها او مع امها المتوفية
واما عبد العزيز فقد كانت الفرحة تغمره
كمن كسب اليانصيب فلقد شعر ان ادهم
مهما تعرض لضغوط من أي شخص لن
يترك هدى ابدا وهذا ماكان يتمناه من
صميم قلبه

بعدها جهزت هدى اسرعت مع جدها لغرفة
مكتب ادهم وركضت اليه ليجلسها على
المكتب امامه ويخرج لها لوح كبير من
الشيكولاته الخاص بها من درج مكتبه
فعانقته وهي فرحة وقبل ان تذهب مع
جدها ليخرجوا ذكرته بوعدده بعدم تركها
واخبرته انها ستكون بانتظاره

وغادرت هدى مع جدها ووالدتها
المستشفى وادهم يتابعها من نافذة مكتبه
بحزن شديد جثم على صدره

مرت الايام بعدها واوفى عبد العزيز بوعد
فلم يبعدها عنه وكذلك اوفى ادهم بوعد
فكان دائم الزيارة لها حتى كادت زيارته ان
تكون يومية يلقي التحية سريعا على عبد
العزيز ولا يكاد يرى سلمى الذي بدأ يتعلق
بمحاولاته استفزازها واثارة غضبها الا مرات
محدودة ولكن طول فترة زيارته يكون من
نصيب هدى التي يجلس معها بالساعات
ما بين لعبهم معا في حديقة المنزل او قراءته
الدائمة لها حتى استطاع وبجدارة في فترة
بسيطة اثارة شغفها بالقراءة

وهذا بالطبع ما جعل سلمى تحاول جاهدة
تمالك اعصابها والصبر على استفزازه

المستمر لها وهي ترى ابنتها لأول مرة بتلك
السعادة المتناهية والنشاط الدائم...ولكن
اذلك هو السبب الوحيد؟؟؟؟!!سنرى

مرت عدة ايام وتحسنت حالة مها ولكن
الغريب انها لم تستيقظ من الغيبوبة وحات
نجلاء في حالتها ولكن احمد فهم ان عقلها
الباطن فرض سيطرته على عقلها الواعي
وفرض عليها الغيبوبة لتهرب من فكرة انه
صارلاخرى وهذا ما كانت ابدا تستطيع
تحمله ...

ولذلك عمد احمد الى محاولة تبديد تلك
الفكرة من راسها نهائيا فصار شبه مقيم
معها يتحدث اليها باستمرار عن كل شيء
ذكرياتهم في الطفولة معا...حبهم الذي لم
يفقد أي جزء منه برغم الخلافات التي كانت

بين عائلتيهما...زواجه منها...ثمرة عشقهما
الذي ينمو الان بين احشائها...ذكر كل شيء
لكنه تعمد الابتعاد كل البعد عن كل ما
يخص رقية...هايدي...زواجه...كان يحاول
جاهدا جعلها تتخلى عن هروبها ذا وتذكره
وتعود اليه من جديد حتى ذلك اليوم ...

جلس كعادته يتحدث اليها ككل يوم لكنه
لاحظ حركة جفونها الغير طبيعية فسارع
بنداء نجلاء التي اتت مهرولة اليه وما هي الا
عدة دقائق كانت مها تفتح عينيها ببطء
شديد مع توجس نجلاء وتوقف قلب احمد
نزلت الصاعقة على راسه بما جمده من
صدمته التي لم يكن ابدًا يتوقعها

ترى هل ستسامحه مها على زواجه من

هايدي ؟

ما مصير علاقة ادهم بهدى؟ وهل ستتقبله

سلمى في حياتهما؟

هل تتخلى رقية عن عنادها وترأف بحال

احمد ومها؟

تابعوني في الحلقات القادمة باذن الله

الحلقة الثامنة والعشرون

فتحت عينيها ببطء شديد وهي تشعر بحالة

من الضعف والوهن تسيطر على كل

جسدها نظرت حولها بضياح لا تعرف اين

هي؟ او ماذا حدث لها لكنها انتبهت على

اصوات حولها لرجل وامرأة يبدو انهم فرحين

من امر ما فهمت :

_انا فين؟ واياه اللي جابني هنا؟

احمد وهو يقبل عليها ليقبل راسها بابتسامة
لا تتم الا عن مدى سعادته بعودتها له من
جديد :

_ حمد الله على سلامتك يا قلبي

فرجعت مها للخلف بذعر محاولة الابتعاد
عنه هامة :

_ انت مين؟ وعايذ مني ايه ؟

وكانت الصدمة التي كادت تودي بعقله
وقلبه معا وهنا تحدثت نجلاء :

_ مها ركزي يا حبيبتني ...ده جوزك

مها بضياح شطر قلب احمد نصفين :

_ جوزي!..مها!..مين مها انا مش فاكرة حاجة

؟

انتفض جسده كمن لامسه صاعق كهربي
واصابته حالة من الضعف جعلته فقد القدرة
على الوقوف فاتجه لاقرب مقعد والقي
بجسده عليه وامامه نجلاء تحاول التحدث
مع تلك المذعورة لمحاولة تهدئتها ولكنه
سبح بعقله للبعيد محدثا نفسه (لقد
عشت عمري كله احلم بالحلم المستحيل
انها تكون لي ...وعندما اكرمني ربي والمعجزة
حصلت رفضت امي سعادتي وشنقت كل
احلامي وحولت حياتي لسلسلة لا حصر لها
من الصراعات حتى جبرتنني على زيجة غير
واضحة المعالم ...أي حياة تلك التي اعيشها
؟أكثر علي ان اشعر ولو قليلا بالسعادة ؟أما
من حل لنهاية كل ذلك ؟ياترى ما الابتلاء
القادم لقلبي ؟أم تراه يتوقف عن النبض
وينتهي ...)

توقف عن حديثه الهامس هذا مع نفسه
عندما شعر ببعض الالام بجانب صدره
فعرف ان جسده على وشك ان يخذله هو
الاخر ويتخلى عنه فمسد جانب صدره
محاوفا تخفيف الالم بابتسامة مشبعة بكل
انواع القهر وهو يسخر من نفسه هامسا
(حتى انت ايها الجسد تنوي اخضاعني
...حتى انت)

لكنه انتبه من شروده البائس هذا على
صرخة نجلاء به ان يساعدها في تثبيت مها
والتي زادت حدة صرخاتها والتي تطلب فيها
منهم الابتعاد عنها فنسي في لمح البصر
المه وجسده وكل شيء واندفع لمها محاوفا
تثبيتها من كتفها حتى حقنتها نجلاء
بالمهدئ وخارت قواها فتركها وخرج من
الغرفة هو نجلاء

في الخارج كان يجلس خائفا متوترا يدعو الله
من قلبه ان ينجيها وطفلها وتعود له سالمة
فهي امانه اخيه والتي لم يستطع حمايتها
فكل ما تعرضت له كان بسببه ولا ينكر
مسؤوليته عما حدث لكنه توقف عن دعائه
عندما لاحظ خروج احمد ونجلاء من الغرفة
وجلوس احمد على اقرب مقعد باهمال
مرجعا راسه للخلف مغمضا عينيه وهو
يمسد جانب صدره بينما ملامح نجلاء لا
توحي باي خير على الاطلاق

ابراهيم بريية :

_طمنوني... اخبارها ايه؟ فاقت؟

نجلاء بضيق :

_انا مش فاهمةالحمد لله عدت مرحلة
الخطر....وهي والجنين بخير لكن انا مش
فاهمة ليه مش فاكرة حاجة؟؟

ابراهيم بصدمة :

_ايه؟! يعني ايه مش فاكرة حاجة ؟

احمد وهو على حالة :

_ده مرض نفسي مالوش علاقة بحالتها
الجسدية...مها عقلها الباطن رافض فكرة اني
خدعتها واتجوزت عشان كدة ضغط على
عقلها لينسى كل شيء في حياتها

ابراهيم :

_والحل يا بني ؟

فتح احمد عيناه واعتدل في جلسته :

_واحدة واحدة يا بابا هنفكرها بكل شيء
...ويمكن ده يكون افضل ليها ولينا لحد ما
تعدي مرحلة الحمل وتولد بالسلامة

نجلاء بغضب لم تستطع كبحه فهي تعتبر
مها اختها التي لم تنجبها امها وترى مدى
الظلم الذي يقع عليها حتى من اقرب الناس
لها وهذا غير توصية فاطمة المستمرة لها
بان تكون بجانبها باستمرار فاندفعت :

_عندك حق ..دي افضل فرصة ليك انك
تمثل عليها دور الزوج العاشق المخلص
...مش كدة يا دكتور؟

احمد بغضب :

_انت ازاي تكلميني بالاسلوب ده ؟

نجلاء :

_ بكلمك ازاي يا حضرة؟...اسمع انا لا يمكن
اشارك في الجريمة دي ..عن اذنك يا عمي
وتركتهم غاضبة وهي تلعن ذلك الاحمد
بداخلها الذي لن يتوانى عن قتل مها بالبطء
اما ابراهيم فجلس هو الاخر بجانب ابنه
هامسا بقلة حيلة :

_ وبعدين يا احمد؟...هنعمل ايه ؟

احمد بتصميم :

_ هناخد مها من هنا وانا هتابعها بنفسي في
البيت ولو حصلت هاخذ اجازة من شغلي
واتفرغ ليها

ثم اردف بقلق :

_ بس مش عارف ماما هتوافق وللااء

؟وهيكون رد فعلها ايه ؟

_ ابراهيم بغضب فيكفيه انها السبب في كل
كوارثهم التي ما عاد ابراهيم يلاحق عليها :
_ مش بمزاجها ...ومتقلقش منها عشان انا
المرّة دي اللي هقف ليها ...قوم جهز مراتك
على ما اروح ادفع الحساب واجهز العربية
وبالفعل دخل احمد لمها جهزها وحملها بين
يديه ضمها لصدره محاولا اطفاء النيران
المشتعلة بذلك القلب البائس الذي هوى
في عشقها فكان سبب كل نكباتها ...خرج
لوالده الذي اسرع بالسيارة لمنزلهم وفي
داخله هو الاخر دعاء صامت ان تمرر رقية
تلك الايام على خير لانه ما عاد في جعبته أي
نوع من انواع الصبر عليها

وبمجرد ان وصلوا حملها احمد لغرفته دون
ادنى كلمة مع والدته فهو لا يملك الطاقة
الكافية الان لمناقشة امه والتي تجبره فيها

على ما تريده مستغلة حبه لها وخوفه على
صحتها...وصمته هذا اثار توجس رقية
فاندفعت محاولة اللحاق به لمحدثه وفهم
ما يحدث حولها ولكنها قبل ان تصعد درجة
واحدة وجدت من يجذبها من يدها ليمنعها
من الصعود فرجعت ووقفت امامه لتسمع
ما يقول

ابراهيم بضيق :

_اسمعي يا رقية...مها رجعت بس هي
دلوقتي غير الاول هي دلوقتي مش فاكرة
أي حاجة عن أي حد لا احنا ولا جوزها ولا
حتى اسمها

رقية بسخرية :

_والله....والمطلوب مني اعمل ايه؟اشتغلها
ممرضة ؟

ابراهيم بغضب انتفض جسدها على اثره :

_ لا حضرتك المطلوب منك انك تبعدني عنها

نهائي... يعني لو مشفتكيش يبقى افضل

بكتير.. انت فاهمة ...

رقية محاولا ادعاء القوة :

_ يا سلام... يعني ...

ابراهيم هادرا بقوة :

_ ولا كلمة... انا لسة محسبتكيش على اللي

عملتيه ولو كنت فاكرة اني نسيت تبقي

غلطانة بس انا بفكر في الاهم دلوقتي

وهقولها لك تاني... الحساب يجمع يا رقية

وتركها وذهب لغرفة ادهم المقيم فيها حاليا

وهو يفكر كم هو يحتاجه الان معه ؟فهو

العقل والضمير لتلك العائلة التي توالى

ازماتها واختفت سعادتها برحيله فهو كان

دوما (قلب الرفاعي)

تحرك بسيارته مبتعدا وهو داخله بركان من
الغضب اذا اخرجه سيدمر المكان كله قاد
سيارته قليلا ثم توقف فجأة وهو يضرب
على مقود السيارة بقوة وغضب عدة مرات
صارخا :

_ليه كدة ؟ ...ليبيه ...بس انا مش هسكت
وقسما بري لو كنت ورا اللي حصل يا
سلمى لاوريكي مين هو ادهم الرفاعي
واخرج هاتفه بغضب واجرى المكالمة
وانتظر قليلا حتى اتاه الرد فاسرع قائلا بحدة
:

_ لو سمحت يا عمي انا اتفقت مع حضرتك
امبارح اني هقابل هدى النهاردة وحضرتك
وافقت صح ؟

عبد العزيز بقلق :

_ ايوه يا بني حصل وانا كلمت الدادة بتاعة
هدى تجهزها لك عشان تقضوا اليوم في
الجنينة انت عارف انني برة البلد

ادهم بغضب :

_ جميل جدا ... طب حضرتك تقدر تقولي
يعني ايه اروح والاقى رجالة بسلاح هناك في
وشي ويمنعوني اقبالها؟ اقدر اعرف ده معناه
ايه ؟

عبد العزيز هامسا لنفسه (عملتيها ياسلمى

(

ادهم صارخا :

_ الوو ياعمي من فضلك رد عليا

عبد العزيز محاولا تهدئته :

_ اهدى يابني وانا هتصرف اديني دقيقتين

بس وهرد عليك

وانهى عبد العزيز المكالمة وهو يتوعد
لسلمى ان كانت وراء ما حدث لانها بذلك
قللت من احترامه امام ادهم وهذا ما لم
يتوانى عنه وفي تلك اللحظة كان ادهم
يتوعددها هو الاخر وكلاهما لا يعرفان انها في
احلك لحظات حياتها الان

سارع عبد العزيز بمحاولة الاتصال بها ولكنها
لا ترد اتصل على رجاله المكلفين بحماية
الفيللا في غيابه ولكن احد لا يرد بما زاد قلقه
وتوجسه اضعاف فاغلق الهاتف ووقف قليلا
ليفكر حين ناداه الجمع المحتشد في احدى

القرى المجاورة لقريته لحل احدى مشكلات
الثأر بين اكبر عائلتين هناك فكان هو
والمأمور وعدد من كبار المنيا يحضرون لحل
النزاع لكنه استأذن منهم في دقيقتين ليرد
على ادهم والان زاد قلقه فأين الجميع ؟
قليلا وعلي صوت رنين هاتفه فاسرع
باستقبال المكالمة والتي لم تكن سوى من
المربية الخاصة بهدى

كريمة هامسة :

_الحقنا ياسيدي ...فيه ناس هجمت على
الفيلا وضربوا الرجالة تحت واخذو الست
سلمى من اوضتها وانا والست هدى
مستخبين في اوضة اللعب بتاعتها

عبد العزيز بصراخ :

_انت بتقولي ايه ؟ازاي وفين باقي الرجالة ؟

كريمة هامة :

_ الناس دول كتير قوي ياسيدي وحبسوا كل
رجالة جنابك في المخزن اللي ورا الفيلا و....

لم تكمل باقي همسها وانقطع الاتصال كما
انقطع انفاس عبد العزيز وهو يتخيل ماذا
سيفعلوه بسلمى ومن هؤلاء اصلا ولم
يشعر بنفسه الا وهو يعاود الاتصال بادهم
الذي رد عليه سريعا ولكنه لم يعطه الفرصة
لينطق حيث صرخ فيه :

_الحقني يا ادهم...فيه رجالة هجمت على
الفيلا...سلمى وهدى تحت اديهم

ادهم بغضب وهو يعاود الانطلاق بالسيارة
للفيلا مرة اخرى :

_يعني ايه ورجالتك فين يا عمي ???

عبد العزيز وهو ينطلق هو الاخر بسيارته غير

مهتم بمن ينادي عليه ممن حوله :

_ضربوهم وحبسوهم...ادهم عشان خاطري

انا قدامي مش اقل من نص ساعة وهكون

هناك اسبقني وحاول تشغلهم على ما اجي

ثم اردف برجاء :

_ادهم...سلمى وهدى امانه في رقبتك

ادهم بنيران اشتعلت بصدرة :

_اطمن طول ما فيا نفس مش هسمح لحد

انه يلمس شعرة منهم

عبد العزيز :

_اسمعني متحاولش تدخل من الباب

الرئيسي لف حوالين الفيلا فيه مدخل ثاني

للجنينة محدش منهم هيقدر يقربله عشان

عنتر مربوط هناك وعنتر عرفك مش
هياذيك ادخل من هناك ومن نفس الناحية
ادخل للفيلا من باب المطبخ وخذ عنتر
معك وهو كفيل باي حد منهم يقابلك
ادهم :

_حاضر متقلقش ان شاء الله خير

وانهى الاتصال عندما وصل للمكان فترك
السيارة بعيدا عن الفيلا بمسافة وركض هو
من الناحية الاخرى التي اخبره بها عبد العزيز
وهناك دخل الجنيئة بحذر شديد وفعلا
نتيجة لعب هدى الدائم معه ومعها كلبها
الكبير عنتر تعرف عليه فلم يصدر منه أي
صوت وهنا اتجه اليه ادهم وفك وثاقه واتجه
به لباب المطبخ الخارجي وتفاجأ عندما دخل
بأحد الرجال هناك والذي عندما هم بضرب
ادهم تكفل به عنتر واجلسه مكانه دون

حرك خوفا على عمره عندما شاهد اسنانه

الحادة

اما ادهم فخرج من المطبخ بحذر شديد
وهناك شاهد ما جمد الدم بعروقه فلم
يستطع حتى التحرك ولو سم واحد فلقد
وجد

ترى ماذا وجد ادهم صدمه هكذا ؟

ومن سينقذ سلمى ام هدى ؟

وما ردة فعل مها عندما تستيقظ لتجد
نفسها في منزل الشخص الذي خافت منه ؟

وهل ستصمت رقية وتمررها ؟

انتظروني في الحلقات القادمة باذن الله

الحلقة التاسعة والعشرون

دخل ادهم بحذر شديد فوجد في الداخل ثلاثة
رجال اثنان منهما يمسكان بسلمى من
معصميهما ويثبتانها امام الرجل الثالث والذي
كان يجلس امامها ببرود واضعا قدما فوق
الاخرى وهو يذكرها بخطئها في حقه عندما
اهانته بين اهل بلده حين اجبرته على طلاق
زوجته فجعلت منه مثار سخرية كل اهل
بلده بعد ان كان الجميع يخاف منه والان
جاء ليثار منها ويذيقها العذاب والذل بل
ويدهس كرامتها تحت حذائه امام اهل بلدها
وفي عقر دارها

تابع ادهم مايحدث بتعجب فقد كان يتوقع
انها ستبكي او تنهار او تطلب منه الرحمة
ولكنه فوجئ كما فوجئ عبد الله نفسه
(الرجل الثالث) باصابتها بهستيريا ضحك
متواصلة اجفلت الاثنان ثم قالت ضاحكة :

_وده مين ضحك عليك وقالك انني بتهدد
او بخافروح العب بعيد ياولا بلاش
اخلاقي تمنعني اذكر صفاتك الحقيقية يا
عديم الرجولة والنخوة

فانتفض عبد الله واقفا هادرا بغضب :

_ورحمة ابويا في تربته لادفعك تمن طولة
لسانك دي غالي قوي واذلك واخليكي عبدة
قدام اهل بلدك وفي وسط بيتك

ثم اخرج من عباءته سوط جلدي طويل
(كرباج) وضرب به عدة ضربات في الهواء
محاو لا اخافتها ولكنها وقفت امامه بقوة
وكبرياء غير عابئة بما في يده ناظرة له نظراتها
الشرسة المعهودة

هنا تحرك ادهم بهدوء وخلع جاكيت بدلته
والقاه ارضا فكان يحاول التفكير في مخرج

لتلك المجنونة قبل ان تصاب باذى بسبب
لسانها الذي يبدو انه اطول من برج ايفل
نفسه

ولم تكد سوى لحظات خاطفة كانت سلمى
تم تثبيتها من الرجلين لاحد المقاعد ولكنها
لم تعطيهم الفرصة ليربطوها بل جلست
هي وللعجب وضعت قدم فوق الاخرى بما
جنن عبد الله اكثر وجعل ادهم يكاد يطبق
على رقبتها ليذوق روحها حتى تتخلص من
هذا الغرور الاعمى

جلست وهي تهيء نفسها للضربة القادمة لا
محالة ولكنها لن تخاف وستحملها ولن
تجعله ينتصر عليها برؤيته لدموعها ابدأ
ورفع عبد الله يده بالسوط فاغلقت عيناها
تنتظر الضربة ولكنها لم تصل ففتحت
عيناها لتجد امامها مباشرة وعلى بعد

انشأت قليلة من وجهها عينان بلون خضار
الارض مشبعة بخيوط ذهبية خالصة جعلتها
تاهت في دنيا اخرى شاعرة انها في ارض
خضراء جميلة تحتضنها اشعة الشمس
الذهبية بحنان فياض جعلها دون وعي منها
تهمس بصوت خفيض سمعه ادهم بوضوح
(سبحان الخلاق العظيم) ولكنها انتبهت من
شرودها على سؤال ادهم :

_ انت كويسة ؟

ولكنها لم تستطع الرد فقد صرخ عبد الله
برجاله ان يبعده عنها لكنهم لم يستطيعوا
ان يحركوه ولو انش واحد وهو في تواصل
مستمر مع عيناها وهنا زفر عبد الله بضيق
وامر رجاله بالابتعاد وسينها على كلاهما

معا

نعود للخلف سريعا عندما هم عبد الله
بضرب سلمى اندفع ادهم في لمح البصر
ناحيتها ومال على المقعد التي تجلس عليه
واضعا كلا يديه على يدي المقعد فكان كمن
يحاوطها وظهره لعبد الله ولذلك نال ادهم
الضربة على ظهره بدلا منها

ونعود لما نحن عليه ورفع عبد الله يده
وهوى بالضربة الثانية والتي كانت في نفس
مكان سابقتها على ظهر ادهم ولكنها
تحركت مسافة قليلة جعلت طرف السوط
يلمس في شدته جانب وجنة سلمى فأنت
بالم واغلقت عيناها لفترة قليلة ثم فتحتهما
فتنبه ادهم لما حدث عندما رأى خيط رفيع
جدا من الدماء تكون في جانب وجنتها
وسريعا تغيرت عيناه فلقد ذهلت سلمى

لسرعة تغير تلك الخضرة الهادئة للون تكاد

تقسم انها لبركان على وشك الانفجار ...

واثناء ذلك رفع عبد الله يده ليهوي بالثالثة

ولكنها لم تصل لاي مكان سوى لكف يد

ادهم الذي استدار سريعا ووضع كف يده

مقابله ثم استطاع بمهارة وسرعة كبيرة

جذب السوط من يد عبد الله عندما لفه

على يده عدة لفات حتى جذبه من يده

وهوى بطرفه الاخر (الذي كان يمسك به عبد

الله منذ قليل) على جسد عبد الله في عنف

وقوة وغضب حاول الرجلان التدخل فنال

الاول لكمة افقدته نصف اسنانه الامامية

والاخر نال ركلة افقدته قدمة فصرخ لاجلها

كما النساء وانهاال حينها ادهم على عبد الله

باللكمات والركلات ولم ينتبه لعبد العزيز

الذي وصل بعد ان اجهز هو ورجال الشرطة
على رجال عبد الله في الخارج

فاندفعت سلمى لوالدها والذي سارع
بضمها لحضنه عل قلبه يهدأ برؤيتها امامه
سليمة ولم يمسهأ أي ضرر... اما ادهم
فتجمع عليه عدد من العساكر لمحاولة
تخليص عبد الله من بين يديه قبل ان يزهق
روحه ولكنهم لم يقدروا عليه فكان غضبه
يفوق الحد ولكنه تنبه اخيرا على صرخة
سلمى الملتاعة :

_هددددددددى

فاوقف ضربه به كما وقف تنفسه وكاد ان
يتوقف قلبه ايضا وهو يلتفت ليجد هدى
امامه باكيه وملابسها مليئة بالدماء.....

بدأت مها تفتح عينيها من جديد لتجد
نفسها في مكان اخر فشعرت بخوف شديد
ورهبة من المكان ولكنها انتبهت لمن يجلس
على اريكة في اخر الغرفة ينظر لها بابتسامة
لا تعرف حقا لما تشعر انها رآته من قبل
حتى صوته وهو يحدثها الان تشعر انه كان
ونيسها لكن كيف لا تعلم ؟

بدأ احمد يتحدث اليها بهدوء شديد محاولا
عدم ارهابها وبث الامان بقلبها وهو ايضا لا
يعلم ان قلبها يشعر بحنين جارف اليه ولكن
عقلها لا يتذكر وكأن القلب لم يفقد ذاكرته
واعلن العصيان المباشر على سيطرة العقل
فبدأت تستسلم له رويدا رويدا ظل يحكي
لها عنهما وقصة حبهما التي عاشاها معا
منذ الطفولة كان يتحدث وفي داخله رغبة
قوية لضمها لصدرة والاعتذار لها الاف

المرات لانه خذلها بحق لكنه مجبر ولم يكن
في استطاعته ان يقف امام امه فتكون
نهايتها

تنبه من شروده على اسئلتها التي امطرتها
كلها على رأسه مرة واحدة فنظر اليها قليلا
رافعا احدى حاجبيه فتوقفت وخجلت
ووجهت نظرها للارض معتذرة منه ولكنها
فوجئت بضحكاته العالية عليها المتواصلة
فشردت في ضحكته ومرت بذاكرتها لمحة
سريعة لضحكة مشابهة في وسط حقول
واسعة وكان حينها يضحك على محاولتها
ان تصل لثمرة مانجو عالية فسخر من قصر
قامتها فدفعته فوق مصطدم باحدى
فروعها فوقعت الثمرة على راسه فتألم
وضحكت عليه ثم ضحك معها

عادت من لمحتها على صوته وهو يعتذر عن
ضحكه عليها مبررا ضحكه انها طوال عمرها
كانت هادئة جدا ويبدو انها منذ فقدت
الذاكرة فقدت هدوئها ايضا فصارت ثرثارة
ومشاغبة فغضبت مها وضربته على كتفه
فعاد للضحك من جديد وللغريب انها
شاركته الضحك بما اثلج صدره واعاد له
الامل من جديد في حياة هادئة واهم شيء لا
تخلو من جميلته مها .

برغم ازالة عدد من الحواجز بين مها واحمد
الا انها كانت ما تزال تخاف من الاختلاط بباقي
عائلته ابراهيم وياسمين ويوسف اما رقية
فكانت بعيدة كل البعد عنها ولم تحاول
الاحتكاك بها نهائيا خوفا من تهديد ابراهيم
لها

مرت ايام عديدة وحياة مها اصبحت في
غرفتها لا تتركها ابدا وكذلك احمد الذي كان
لا يفارقها الا ليحلب لها الدواء او الطعام تاركا
كل شيء خلفه فهي الان اهم شيء في
حياته صحيح لا يتمنى ان تعود لها ذاكرتها
فتكرهه لكنه ابدا لن يضع أي شيء للظروف
فكان هو المتحكم في كل شيء ومع قليل
من الحديث المرح من ياسمين ويوسف
وحكايات ابراهيم عن شريف والدها بدأت
مها تلين معهم وتخضع للحوار معهم حتى
ذلك اليوم

مها بابتسامة :

_ صباح الخير يا احمد

احمد بنعاس :

_ صباح الفل يا قمر ايه اللي صحاكي بدري

قوي كدة ؟

مها :

_ مفيش كل مرة انت بتصحى قبلي

وبتجهزي الفطار فقلت انا لازم اسبقك

النهاردة يالا قوم وعلى ما تاخذ شاور اكون

جهزت الفطار لينا كلنا تحت

احمد منتفضا من مكانه :

_ لالا مفيش تحت احنا هنفطر هنا لوحدنا

مها برجاء :

_ ليه يا احمد كفاية كدة انا بقيت كويسة

....خلينا ناكل مع عمي وطنط وياسمين

عشان خاطري

احمد :

_يا مها اسمعي الكلام عشان خاطري

وخلينا هنا لوحدنا انت لسة تعبانة

مها :

_لا والله انا الحمد لله كويسة يالا بقى بلاش

كسل

وخرجت مها من الغرفة فاندفع احمد ليأخذ

اسرع شاور في التاريخ وينزل راكضا لاسفل

ليبلغ والده بما تنوي عليه مها فاتجه ابراهيم

بدوره الى رقية التي تجلس في غرفة

المعيشة

ابراهيم :

_رقية... اسمعيني وركزي معايا الله يرضى

عليكي

رقية بامتعاض :

_ طب قول صباح الخير الاول

ابراهيم :

_ مش وقت لا صباح ولا مسا دلوقتي
اسمعي مها نزلت المطبخ عشان تجهز
الفطار وتفطر معنا هنا

رقية بغضب :

_ يادي زفتة والمفروض اعمل ايه ان شاء
الله عشان الهانم

ابراهيم محاولا تماالك اعصابه :

_ كل المطلوب منك انك تعامليها عدل من
غير كلام كثير ممكن ؟

رقية بضيق :

_ حاضر ياسي ابراهيم اما اشوف اخترتها
معاك انت وابنك

فخرج ابراهيم وتوجه لغرفة السفارة ولحقت
به ياسمين ولكن رقية اجرت مكالمة هاتفية
ثم لحقت بهم وجلست بجانب زوجها في
حين كان احمد يمرح مع مها في المطبخ
وهو يجهزون الفطار سويا مع الخادمة التي
نقلته الى طاولة الطعام وجاءت مها ناحيتهم
لتجلس على طاولة الطعام وهي تضحك مع
زوجها مما اثار حنق رقية وابتسامة ابراهيم
ومرح ياسمين ومشاكستها لاختها دوما
وجلسوا جميعا يتناولون فطارهم في جو مرح
ملئ بالضحك والسعادة حتى رن جرس
الفيلا وفتحت الخادمة ليتفاجؤا جميعا بمن
امامهم تبسم بمكر هاتفة بسعادة خبيثة :

_ صباح الخير

احمد بصدمة :

_ هايدي !!!!

ترى ما ردة فعل مها من معرفة هايدي ؟

هل سيصمت ابراهيم كثيرا ؟

ما مصير هدى وماذا حدث لها ؟

انتظروني في الحلقة القادمة باذن الله

الحلقة الثلاثون

انتبه ادهم لصرخة سلمى باسم اميرته
الصغيرة هدى والتاع قلبه من منظرها وهي
تجلس على اول درجات الدرج متكورة على
نفسها وجسدها ينتفض من شدة بكائها
وفستانها ملطخ بالدماء

ولكن وقبل ان يتحرك كانت سلمى تضمها
لصدرها وهي تصرخ بهستيريا كمن فقدت
عقلها :

_لا مش هتروحي مني ..محدثش هياذيكي
طول ما انا معاكي ...بابا هدى مش هتموت
يابابا

هنا اندفع ادهم وعبد العزيز اليها في محاولة
منهم للسيطرة على هستيريتها ومحاولة
اسعاف هدى ولكنها كانت متشبثة بها بقوة
حتى كادت تكسر عظامها وهنا صفعها عبد
العزيز على وجهها بقوة فثبتت ناظرة له
بصدمة استغل ادهم تلك اللحظة وخطف
هدى من بين يديها سريعا ووضعها بحرص
شديد على احدى الارائك محاولا التصرف
سريعا واسعافها هذا في الوقت الذي اطبق
فيه عبد العزيز على سلمى محتضنا اياه
لتهدأ قليلا حتى يكمل ادهم عمله ويطمئنه
على هدى

ادهم وهو يمرر عينيه عليها :

_ انت مجروحة فين يا هدى

هدى ببكاء وشهقات متقطعة وهي تشير
ليده التي نال عليها ضربة السوط :

_ بابا ...ايدك كلها ...دم

ادهم بغضب :

_ سيبك مني وقوليلي انت مجروحة فين ؟

انكمشت هدى على نفسها اكثر وزادت من
بكاها

فزفر بضيق واغمض عينيه لثواني محاولا
تهدئة نفسه ثم همس :

_ حبيبتي اهدي متخافيش انا معاكي اهو
...بس فهميني الدم ده منين ؟

هدى وهي تشير لمكان ما خلفه :

_ من ده

التفت ادهم ليرى ما تشير اليه فكان كلبها
عنتر وجهه هو الاخر عليه بقع من الدماء
ففهم ادهم ما حدث ان تلك البقع من
احتضانها لكلبها وليس منها فزفر بارتياح
واستند واقفا وهنا تنبه الى يده التي تنزف
بغزارة لكنه تجاهلها وحمل هدى لامها عليها
تهدا وتتوقف عن الصراخ والبكاء وتوجه اليها
قائلا :

_ اطمني يا مدام سلمى هدى كويسة
مفيهاش حاجة الدم ده من عنتر
فتركها عبد العزيز لتخطف هدى من يده
وتضمها لصدرها وهي تبكي لحظات مرت
عليها كانت كفيلة بانهاء حياتها
وهنا تنبه عبد العزيز ليد ادهم النازفة وظهره
المجروح هو الاخرالذي ظهر واضحا من شق
القميص فاسرع باخراج هاتفه متحدثا مع

الدكتور حازم - زميل ادهم في المستشفى
وصديقه هنا ولعبد العزيز به معرفة
شخصية - طالبا منه الحضور الى فيلته فورا
هذا في الوقت الذي كان ادهم غارقا في
متابعة سلمى وهي تحتضن ابنتها وتهمس
لها بين الحين والآخر انها ابدأ لن تتركها
وستحميها دوما

لكنه تنبه على يد خبطت على كتفه فاستدار
فكان الضابط المكلف من المامور بمتابعة
التحقيق عما حدث هنا طالبا منه الحضور
معهم للتحقيق فتدخل عبد العزيز سريعا
في الحوار رافضا بشدة خروج ادهم من فيلته
قبل اسعافه وانه سيتحدث فيما بعد مع
المامور عن هذا الموضوع فانصاع الضابط له
وخرج وفرقته ومعهم رجال عبد الله من
الفيللا في حين حمل الاسعاف عبد الله لاحد

المستشفيات تحت حراسة مشددة اما ادهم
فاراد الخروج ولكن منعه عبد العزيز بصرامة

:

_عبد العزيز :

_انا مش عارف اشكرك ازاي يا بني انا

مديونلك بحياتي

ادهم بابتسامه :

_عيب تقول كدة لابنك يا عمي ولا انا مش

زي ابنك

عبد العزيز مبتسما :

_ويكون ليا الشرف يا بني والله

ادهم :

_ربنا يديمك يا عمي في حياتنا ...معلش بعد
اذنك انا هروح دلوقتى وهبقى اجي اطمن
على هدى بكرة ان شاء الله

عبد العزيز بصرامة :

_لا

ادهم بتوجس :

_لا ليه يا عمي حضرتك مش هتكون موجود
؟طب ممكن بعد بكرة ؟

عبد العزيز :

_اسمع يا ادهم انا من طبعي بقول الكلمة
مرة واحدة بس ومحدثش يراجعني فيها

ادهم بضيق:

_اللي تشوفه يا عمي

وعندما اراد الرحيل وجد من يمسكه من

مرفقه فكان عبد العزيز هاتفا :

_ على فين ؟

ادهم بتعجب :

_ هروح

عبد العزيز :

_ مفيش خروج من هنا الا لما نضمن عليك

وانا اتصلت بالدكتور حازم وهو على وصول

وبعدها هنتغدى سوا

ادهم باحراج :

_ مفيش داعي ياعمي انا هروح المستشفى

و....

عبد العزيز مقاطعا :

_ انا قلت ايه ؟ هي كلمة واحدة

ادهم :

_بس

قاطعہ دخول حازم :

_السلام علیکم

:الجميع

_وعليکم السلام

:عبد العزيز

_اتفضل يا دكتور

:حازم متعجبا

_ادهم مالك ايه اللي حصل ؟

ادهم :

_محصلش حاجة ده جرح صغير

عبد العزيز:

_ اتفضل يا دكتور هنا

واشار بيده لاحدى غرف الصالون لديه فتبعه
حازم وعندما هم ادهم بمرافقتهم انتبه على
همسة ضعيفة من خلفه فالتفت ليرى

سلمى بصوت شبه هامس :

_دكتور ادهم

ادهم :

_نعم

سلمى ونظرها للارض :

_ش..شكرا

ادهم :

_ ده واجبي يا استاذة ...والمفروض انا اللي
اشكرك انك بتسمحيلي اقابل هدى شبه
يومي

هنا اراد حازم ندائه ليرى جرحه ولكنه لم
يلحق ان ينطق بحرف عندما جذبه عبد
العزيز من مرفقه بقوة ساحبا اياه معه الى
داخل الغرفة بملامح اجراميه وهو يحدث
نفسه (بتعمل ايه ده انا كنت هموت عشان
اللحظة دي وانت جاي تناديله دا انا اقتلك
فيها)

حازم بعدم فهم :

_ هو في ايه؟مالك يا حاج؟

عبد العزيز بنبرة صارمة :

_اقعد هنا متتحركش لحد ما اجيلك ..فاهم

حازم وهو يبتلع ريقه بخوف :

-ح...حاضر

وهنا ذهب عبد العزيز ليتابع ما يحدث في
الخارج وهو يدعو الله ان يلين قلب الشرسة
ابنته ولو قليلا

ونعود لادهم الذي يسبح بلا مرسى في
متاهة عيناها وهي كذلك حوار صامت يدور
بينهما وكأنهما يتعرفان على بعض من
جديد حتى افاقتهم من شرودهم هدى
الباكية

ادهم وهو يحاول لمسها :

_اهدي خلاص يا هدى

ولكنه تعجب عندما وجدها تنتفض من
مجرد لمستته وكأنها تخاف منه وهذا ما أثار
تعجب سلمى ايضا فجعلها تسألها مباشرة :

_مالك يا هدى ؟انت خايفة من ايه ؟

هدى بشهقاتها الضعيفة وهي تخفي وجهها
في عنق امها :

_بابا بيزعقلي يا ماما ..انا ..خايفة احسن
يضربني

ادهم خاطفا اياه على حين غفلة من امها
وضامها لصدره :

_لا متخافيش يا هدى عمري ما اقدر
اضربك سامحيني ياقلبي انا زعقت عشان
كنت خايف عليكي حقا عليا ..هدى ..ردي
عليا عشان خاطري

وهنا ذهل ادهم وكذلك عبد العزيز من رد
سلمى عليهما

حالة من التوتر والقلق سيطرت على
الجميع ما عدا مها التي لم تفهم بعد من
تلك الفتاة ورقية التي نظرت بتحدي
لابراهيم واحمد وكأنها تخبرهم بعينها
اعترضوا ان استطعتم وهايدي التي اندفعت
تقول بابتسامة :

_ صباح الخير يا جماعة ..انا قلت الحقكم
قبل ما تخرجوا واعزم نفسي على الفطار
معاكم ولا ايه يا احمد ؟
رقية بابتسامة :

_وماله يا حبيبتي ده انتي تنورينا اقعدني يا
قلبي

فاتجهت هايدي للمقعد الشاغر بجانب احمد
وجلست عليه بما اثار تعجب مها فهمست
لاحمد :

_ مين دي يا احمد ؟

توتر احمد وكذلك ابراهيم ولكن انقذهم
ياسمين التي هتفت ببرود :

_ دي صاحبتني من ايام الجامعة يا مها

ثم اردفت بلهجة باردة لهايدي :

_ ازيك يا هايدي خير ايه مناسبة مجيتك
كدة على الصبح ؟

رقية بضيق :

_ هايدي صاحبة بيت وتيجي وقت ما هي
عاوزة يا ياسمين

ابراهيم بتوتر :

_ ازيك يا بنتي وازي والدك ؟

هايدي محاولة تجاهل ياسمين :

_الحمد لله يا اونكل ..بس بابا زعلان جدا من

احمد لانه معدش بيزورنا زي الاول

فنظر لها احمد بغضب شديد وتمنى لو

استطاع صب جام غضبه عليها بل وطردها

من المنزل ولكن ما اوقفه خوفه على مها

وحالتها فالتفت ينظر لها باسى ولكنه

تفاجئ بها تمسك برأسها وتضغط عليها بكلا

يديها

احمد بفزع :

_مالك يا مها ؟

مها بارهاق مفاجئ :

_مش عارفة ..حاسة بصداع شديد ...حاسة

راسي هتنفجر ..ااه الحقني يا احمد

فانتفض احمد من مكانه ليجذبها لتقوم هي

الاخرى :

_ قومي معايا على الوضة قلتك انت لسة

تعبانة مسمعتيش كلامي ..ياللا

لم تسمع منه مها حرفا فقد زادت الامها

حتى شعرت انه ما عادت ترى امامها

فترنحت في وقفها فسارع باسنادها هاتفا :

_ مها????مها ردي عليا

مها :

_ اح...احمد ...انا ...

فسارع بحملها هاتفا :

_ طيب اهدي خلاص انا هتصرف

وحملها احمد لغرفتهما في حين التفتت

ياسمين لهايدي التي كان الحقد والغضب

يأكلان قلبها بنهم :

_ ايه اللي جابك يا هايدي ؟ هو انت مش

عارفة حالتها ؟

هايدي بغضب لم تستطع السيطرة عليه :

_ يعني ايه يا ست ياسمين ؟ انا مراته زي

زيها اومال لو مكنتش غلطة في حياته كنتوا

عملتوا ايه ؟

ابراهيم وهو يطرق على الطاولة بغضب :

_ خلصنا ... اتفضلي يا هايدي على بيتكم وانا

ليا كلام تاني مع والدك

هايدي بذهول :

_ حضرتك بتطردني يا اونكل ؟

رقية :

_ لا يا حبيبي عمك ميقصدش كدة هو بس

...

ابراهيم مقاطعا بحدة :

_ لا اقصد واللي مش عاجبه يتفضل معاكي

فخرجت هايدي بغضب من المنزل وصعدت

رقية لغرفتها وهي تشعر ان ابراهيم اصبح

قاب قوسين او ادنى من اخراجها من حياته

وحياة ابنائها ايضا

اما احمد فدخل غرفته ووضع لها في

سريرها وذهب من فوره الى ادويتها وجهاز لها

حقنة مهدئة وحين اقترب

مها بتعب :

_ بلاش المهدئ يا احمد ارجوك ...الدوا ده

بيوجع قوي

احمد :

_معلش حبيبتي عشان الصداق المرة دي

اقوى من كل مرة

مها :

_طب هات اقراص مسكنة ..وبلاش الحقنة

دي

احمد :

_مها اسمعي الكلام عشان خاطري

فخضعت له مها وتألّمت وهي تحاول دفن
راسها في وسادتها علها تدفن بها المها الغير
محتمل ولكن سرعان ما غابت عن الوعي
فعدل احمد من وضعها وجلس بجانبها
يخلل اصابعه بين خصلات شعرها وفي
عينيه دموع قهر محبوسه وما اصعبها دموع
الرجال عندما تخرج للنور دليل الم ووجع
فاض داخل القلب وما عاد للتحمل من

سبيل لكنه انتبه من شروده على ربت
خفيف على كتفه فالتفت ليري ياسمين
تقف ورائه تنظر له بحنان هامة :

_ اصبر يا احمد وان شاء الله كل الامور دي
هتتحل

احمد وهو يعاود النظر لتلك الغافية :

_ من يوم ما اتجوزتها وهي عايشة في الم
ودمار... انا بفكر اخرج من حياتها عشان تقدر
ترتاح

ياسمين بالم :

_ انت شايف ان راحة مها في بعدها عنك يا
احمد ؟

احمد بقهر :

_ طب اعمل ايه ؟ مش عارف ارضي مين

ولا مين ؟

ياسمين وهي تتجه لتجلس امامه بينه وبين

مها :

_ ترضي ده

واشارت لقلبه ثم همست :

_ وترضي ده

واشارت لقلب مها واردفت

_ دول الاولى والاهم انك تفكر فيهم وترضيهم

احمد باصرار :

_ عندك حق انا هنزل لبابا عشان ننهي

المهزلة دي

ثم اردف وهو يتجه لباب الغرفة :

_خليكي معاها عشان خاطري متسيبهاش

لوحدها على ما اجي

ياسمين بابتسامه :

_متخافش مش هسيبها يالا روح خلص

نفسك وخلصها من القرف ده

فخرج احمد من الغرفة وتوجه لوالده في

غرفة المكتب والذي كان في ذلك الوقت

يتحدث مع جمال ليخبره انه آن الاوان لينهوا

ارتباط احمد وهايدي وهو الامر الذي لم

يعترض عليه جمال لانه كان يعلم منذ

البداية انه ارتباط مؤقت ولذلك لم تمر سوى

سويغات قليلة كان فيها احمد قد تخلص

نهائيا من هذا الرباط وهو الموضوع الذي

مجرد ان علمته رقيه اقامت الدنيا على راس

الجميع ولكن كان فات او ان الاعتراض

وانتهى الامر

ترى هل سترضى رقية بالامر الواقع ام مازال

في جعبتها الكثير ؟

ما ردة فعل هدى تجاه ادهم وهل ستلين له

من جديد ؟

ما سر اختفاء ادهم المفاجئ ؟

انتظروني في الحلقات القادمة باذن الله

ترى هل سترضى رقية بالامر الواقع ام مازال

في جعبتها الكثير؟ ما ردة فعل هدى تجاه

ادهم وهل ستلين له من جديد؟ ما سر

اختفاء ادهم المفاجئ؟ انتظروني في الحلقات

القادمة باذن الله

الحلقة الواحدة والثلاثون انفطر قلب ادهم

على بكاء هدى وانتفاضتها بين يديه خوفا

منه ولكن ما اثار ذهوله هو وعبد العزيز هو

اتجاه سلمى اليها لتربت برفق على ظهرها

وهي تحاول بث الثقة في داخلها هامة

:_هدى

الحلقة الواحدة والثلاثون

انفطر قلب ادهم على بكاء هدى وانتفاضتها

بين يديه خوفا منه ولكن ما اثار ذهوله هو

وعبد العزيز هو اتجاه سلمى اليها لتربت

برفق على ظهرها وهي تحاول بث الثقة في

داخلها هامة :

_هدى ..حبيبتي ..بابا بيحبك وعمره ابد ما

هيضربك متخافيش

فالتفت لها هدى تنظر اليها وكانها تحاول

التأكد من كلامها فاومأت سلمى برأسها لها

لتعود هدى لمكانها واضعة راسها على كتف

ادهم هادئة مطمئنة وهي تهمس :

_بابا... انا خفت انك تضربني زي ما كنت

بتضرب الراجل وعورته

ادهم مبتسما :

_انا ممكن اضرب أي حد يفكر يجي جنبك

او ياخذك مني يا قلب بابا

هدى ببراءة :

_يعني انت هتضرب دادة كريمة دلوقتي لما

تيجي تاخذني ؟

فانطلقت ضحكات ادهم يصاحبها ضحكات

سلمى من براءة طفلتها المشاغبة

يصاحبهما رقص قلب عبد العزيز على انغام

ضحكاتها وهو يهمس (اشهد ان لا اله الا

الله وان محمدا رسول الله اخيرا ابو الهول

اتحرك)

ادهم وهو يدغدغ هدى :

_اه منك يا مشاغبة بقى انا هضرب الدادة
طب ايه رايك محدش هيضرب غيرك اهو
واخذ في دغدغتها لتعلو ضحكاتهما عنان
السماء مع ضحكته وابتسامه سلمى الهادئة
ولكن اخرجهم من شرودهم نداء حازم على
ادهم ليرى جرحه فانتبها كلاهما على عبد
العزيز المتابع لحوارهما فخرجت سلمى
واخذت ابنتها وارادت الانطلاق لغرفتها
لتخفي خجلها من والدها في حين صرخت
هدى معترضة ولكن امها همست لها انهما
سيغيران ملابسهما ويعودا اليه من جديد اما
ادهم فكان يراقب ابتعادهما من امامه وفي
قلبه نبضة زائدة لا يعرف كنهها او لمن تلك
النبضة ولا يعلم ان مشاعره تأخذه في طريق
بلا عودة

اما عبد العزيز فهمس لنفسه وهو ينظر
لحازم بغل واضح (يعني اقتلك دلوقتي
واخلص منك ...كانت ايدي اتقطعت قبل ما
اتصل بيك راجل بارد) لكنه اتجه مع ادهم
الى حازم الذي بدأ تطهير الجرح ثم قام
بخياطته لكثر من غرزة وعندما انتهى وكان
ينوي جمع ادواته هتف به عبد العزيز ان
يرى جرح ادهم في ظهره وهنا اعترض ادهم
باحراج انه جرح بسيط وهو سيتكفل به لكن
عبد العزيز اعترض وهتف بصرامة :

_ اقعد يا ادهم مكانك واسمع الكلام وانت
يا دكتور حازم اتفضل شوف ظهره اظن انتوا
الاتنين عارفين اني מבحبش اعيد كلامي
مرتين ولا ايه ؟

وهنا كان لا سبيل للاعتراض فاسرع حازم
بخلع قميص ادهم ليرى ظهره المصاب وبدا

بمعاینته اثناء دخول سلمى التي انتفضت
من منظره امامها بهذا الوضع ورجعت
للخلف ونظرها للارض هامسة :

_ انا اسفة كنت مفكرة انكوا خلصتوا

ثم انطلقت خارجا اما هدى فلم ترضى ان
تبتعد وكأنها شعرت بألم ادهم اثناء تعقيم
جرحه وارادت التخفيف عنه وهذا ما حدث
فبمجرد ان جلست على قدميه وبين يديه
حتى امسكت وجهه بين يديها تنظر له
بدموع هامسة :

_ بابا الجرح بيوجعك ؟

ادهم متغلبا على ألمه بابتسامة وهو يسمح
دموعها بابهامه :

_ لا يا حبيبتى انا كويس متخافيش

هدى ببراءة :

_ طيب كويس لان لو كان بيوجعك انا كنت
هضرب الراجل ده واخلي عنتر ياكله
فضحك ادهم وعبد العزيز وهمس حازم
بغيط :

_ ياكلني ليه ياختي شيفاني فرخة
هدى بتفكير ثم باشارة لادهم :

_ هو فيه فرخة كبيرة كدة الراجل ده عبيط ؟
لم يستطع احد منهم تمالك نفسه حتى عبد
العزيز الغاضب هو الاخر اما حازم فكان ينظر
لها بصدمة ثم تحول نظره لادهم بغيط :

_ انت بتضحك على ايه ؟عجبتك قوي
ادهم ضاحكا :

_ الصراحة اه وشماتان فيك كمان تستاهل
حازم بضيق مصطنع :

_ تصدق انا غلطان اني جاي انقذك انا ماشي

ومش عاوز اعرفك تاني

وهنا وقفت هدى على قدمي ادهم هاتفة

بانفعال :

_ انت بتزعق لبابا ليه ؟يعني اضربك دلوقتي

؟

ادهم محاولا اعاتها لحضنه ومحاولا بشدة

كتم ضحكته :

_ عيب يا هدى اونكل حازم ميقصدش

حازم رافعا احدى حاجبيه ومحاولا رسم

ملامح مرعبة على وجهه :

_ تصدقي ان انا اللي هاكلك دلوقتي

فصرخت فزعة وهو يحاول الانقضاض عليها

وعندما امسكها سارع بدغدغتها لتضحك

عاليا ثم جمع ادواته وانصرف في حين لبس
ادهم قميصه وجاكت بدلته واستأذن
بالانصراف هو الاخر ولم يرى سلمى بعدها
وخرج من الفيلا وهو يفكر في احداث ذلك
اليوم العجيب ثم اخذته افكاره الى يده
المضمدة نظر اليها طويلا ثم حمد الله انها
يده اليسرى كي لا تؤثر على عمله كطبيب
جراح

شعرت رقية انها بغبائها اخرجت وحش
غضب ابراهيم الكامن داخله وان أي حركة
منها الان سيتخلى عنها وللابد فهي تعرف
ابراهيم جيدا قلبه ابيض شفاف وفي عشقه
ليس له مثيل ولكن عند حدود انتهاء صبره
يتحول لشخص اخر بملامح مرعبة لم تراها

في حياتها سوى مرة واحدة فقط وعادت
بذاكرتها للخلف لسنوات عدة ...

تذكرت معاملة والدة ابراهيم لها والجحيم
الذي عاشت فيه لسنوات عدة تحمل على
عاتقها مرارة الذل والاهانة اليومية منها
لمجرد ان ابراهيم احبها وصمم على الزواج
بها وهي ابنة العامل الذي يعمل لديهم في
المزرعة كانت كل ليلة لا تنام الا ودموعها
مغرقة وسادتها وابراهيم اين من كل هذا ؟
هنا ابتسمت بألم كان يتابع اعمال والده في
القاهرة وهي المحكوم عليها الا تذهب معه
بأوامر من والدته ولانه الكبير والحكيم
والعادل بل والبار بأهله نفذ كلام والدته
بالحرف وترك رقية على أمل ان تعرفها أمه
جيذا فتحبها وترضى عنها كان دائما ما
يطلب من رقية الا تشتكي مهما حدث وان

تطيع والدته لتكسبها ومهما حكت له عن
مدى ذلها كان يحاول امتصاص غضبها دون
التعرض بحرف واحد لوالدته

همست رقية اثناء شرودها :

_زرعت الجبروت جوايا يا ابراهيم بسلبيتك
قصاد امك ودلوقتي بتلومني عليها

ولكنها انتبهت لمن يجيب عليها والذي دخل
الغرفة وهي في عالم اخر فلم تشعر به

ابراهيم :

_انا اللي زرعت الجبروت جواكي يارقية
؟!...انا مفيش حد حب زي ما حبيتك
وعشقتك انا اتحديث الكل عشانك و

قاطعته رقية منتفضة من مكانها بقسوة :

_ اتحديت الدنيا عشان تخليني خدامة تحت
ايد والدتك تصبحني بذل وتمسيني باهانة
ولا نسيت ؟

ابراهيم محاولا تمالك غضبه :

_ انا حاولت اوفق بينكم قلتك اسمعي
كلامها وهي هتقبلك لكن انت كنت عنديه
وبتتحديها ودي كانت النتيجة

بكت رقية ...نعم نزلت دموعها بغزارة وهي
تصرخ به :

_ لا امك مكنتش عاوزاني اطيعها امك كانت
عاوزه تثبتلي اني حتى لو اتجوزتك هفضل
بردو بنت الاجير عندكم ...كانت عاوزه تكسر
عزة نفسي .

ثم التفتت بغضب جامح مشيرة له :

_وانت وقفت تتفرج عليا وهي بتكسر فيا
يوم بعد يوم ...عمرك اتدخلت وقتلتها حرام
دي مهما كان مراتي ...لا محصلش ...عمرك
جيت في عز انهيارى مسحت دموعي وقتلتني
حقك عليا ...محصلش ...كنت بتتفرج ولما
اشتكيلك تقولي انت اللي غلطانة دايمانا
اللي غلطانة

وتعالى شهقات بكائها وهذا مالم يتحملة
فقام واقفا محاولا تهدئتها فدفعته بعنف
هاتفه :

_ابعد عني طول عمرك بعيد عني حتى
اخوك شريف لما اتجوز بقيت انا الخدمة
لمراته الهانم مسموح لها بكل شيء وانا لا
ولما جيت اعترض واطالب اني اكون زيها
يومها امك وقفت قدامي وضربتني بالقلم
وقالتني (عمرك ما هتكوني زيها هي بنت

اخطي الهانم لكن انت بنت الخدامين
...شايفة جزمتي دي انت مكانك تحتها يوم
ما تفتحي بوقكك ادوس عليكى افعصك
بجزمتي انت واهلك)

ثم ضحكت رقية ضحكات هستيرية متتالية
عنيفة وهي تنظر لملامح الصدمة والذهول
على وجه ابراهيم الذي وللعجب يسمع هذا
الكلام لأول مرة في حياته

ابراهيم :

_ليه مقولتيليش ؟

رقية بضحكة قهر :

_اقولك عشان تتفرج عليا كالعادة وساعتها

هي تنفذ تهديدها وتدوس على اهلى

ثم اردفت وهي تجلس كمن يلقي بما اثقل

كاهله لسنوات :

_سكت واتعذبت ومن بعد اليوم ده عشت
خدامة طول ما انت مش في البيت وكتمت
قهري جوايا وحلفت بيني وبين نفسي ان
ولادي مش هيتجوزوا الا ناس من مستويات
اعلى حتى من امك عشان اعرفها انا بقيت
مين واولادي مناسبين مين لكن للاسف
امك ماتت قبل ما اوريها انا بقيت فين
وبعدها اجا دور شريف وامراته اللي بردو
الموت خطفها مني قبل اما اوريها

ابراهيم :

_ومها ذنبها ايه في كل ده ؟

رقية ناظرة له بقهر ودموع مناسبة وكأن سد
حصونها انهار :

_مها بنت اللي ذلتنني وحفيده اللي ضربتنني
وهي اللي سرقت قلوبكم وحبكم مني

وخلتني الوحشة القاسية وانا معملتش
معاها نص اللي ابوها وامها عملوه فيا

ابراهيم كمن ضربته صاعقة كهربية وقف
عقله عن العمل كيف يقنعها ان مها ليس
لها ذنب في هذا الماضي القاسي ؟ بل ليس
ذنبها انها ابنة شريف من الاساس ثم تنبه
عليها وهي تتجه لتفتح النافذة في محاولة
منها لالتقاط انفاسها المتسارعة فاسرع اليها
محاوولا احتوائها بين يديه وهو يهمس :

_ انسي يا رقية اللي حصل وخلينا في النهاردة
خلينا في

دفعته بعيدا عنها وهي تنظر له بغضب
هاتفه بذهول :

_ انسى !!! من كل عقلك بتتكلم يا ابراهيم
انسى ايه بالظبط ؟... انسى كسرتي في بيتك

وانا خدامة فيه؟.. ولا ضرب امك ليا ؟...ولا
سلبيتك قدامها وعلى طول انا اللي غلطانة
؟..ولا اهانة شريف ليا بعد موت ابوك وطرده
ليا من البيت الكبير قدامك ...

وزادت شهقات بكائها وهي تصرخ به :

_ولا انسى وقفك في وشي عشان مها ؟...ولا
وقفة ادهم يصرخ فيا اني لا يمكن اكون ام
....؟

ثم ضربت على صدرها بعنف صارخة :

_قول لده يوقف الاول عشان اقدر انسى
وانتوا ترتاحوا مني ...خليه يوقف يا ابراهيم

فاندفع اليها ممسكا بيديها محتضنا اياها
ضد ارادتها وهو يهتف :

_خلاص اهدي ...عشان خاطري يارقية
اسمعيني اقسم باللي خلقني وخلقك اول

مرة اسمع الكلام ده منك دلوقتي ولو كنت
عرفت في وقته مكنتش سمحت بيه ابدأ ولو
كنت وقفت في وش امي نفسها واكبر دليل
على كلامي يوم ما شريف اهانك وطردك انا
ضربته ودي كانت اول مرة امد ايدي عليه
وكانت اخر مرة اشوفه قبل ما يتعب
وقطعت صلتي بيه عشانك فاكدة ولا نسيتي

لم تنطق بحرف بل زادت شهقات بكائها
وهي متشبثة بقميصه تبكي ذلها واهانة
حاولت كل عمرها مداراتها عن الجميع
واولهم هو لا تريد ان يراها كما كانت تراها
امه ولكن الان تغير كل شيء وانهارت
حصونها وعرف ما لم ترد له ان يعرفه طوال
عمره الان عليها الابتعاد عن الكل واعادة
ترميم حياتها ولكن وهي بعيدة

حاول ابراهيم معها كثيرا لتتطرق ولو بحرف
كان يردها ان تخرج كل ما هو مكبوت من
سنين داخلها ولكنها لم تتطرق بعد تلك
المواجهة بحرف واحد بل استسلمت من
فورها لنوم عميق سحبها من ماضيها الاليم
ليظل ابراهيم طوال الليل يفكر كيف
استطاعت ان تتحمل كل هذا طوال تلك
السنوات؟ لم لم تثق في قدرته على حمايتها
وحماية اهلها؟ لم...توقف فجأة عن التفكير
بتلك الافكار وهو يعصر رأسه بين يديه
هامسا (الاهم دلوقتي ازاي اخليها تشيل مها
من حساباتها وتتقبلها..ازاي؟...يارب الهمني
الصواب والصبر والبصيرة)

مرت ايام وايام واختفى ادهم من حياة هدى
نهائيا حتى اصبحت لا تتوقف عن البكاء لا
ليل ولا نهار وعادت سلمى لشراستها
وغضبها المعتاد من الجميع اما عبد العزيز
فكان يحاول تفسير ما يحدث من حوله وهو
لا يعلم ماذا يفعل لاعادة المياة لمسارها
الصحيح كما كانت عليه حتى خطرت له
الفكرة الافضل لمعرفة كل شيء وهي
ترى هل كيف سيكون حال رقية بعد معرفة
ابراهيم بماضيها ؟

وهل ستترك مها في حالها ؟

اين اختفى ادهم طوال تلك المدة ؟

وكيف سيصل عبد العزيز لسبب اختفائه بل
ومكان اختفائه؟؟

انتظروني في الحلقات القادمة باذن الله

ترى هل كيف سيكون حال رقية بعد معرفة
ابراهيم بماضيها؟ وهل ستترك مها في حالها
؟ اين اختفى ادهم طوال تلك المدة؟ وكيف
سيصل عبد العزيز لسبب اختفائه بل
ومكان اختفائه؟؟ انتظروني في الحلقات
القادمة باذن الله

الحلقة الثانية والثلاثون

مرت الايام تلو الايام وبدأ أحمد يعود لعمله
من جديد كما بدأت مها تخرج من عزلتها
وتهدأ حياتها الى حد ما وتجوب الفيلا بلا
خوف كما في السابق وهي لا تعلم انها تحت
انظار ابراهيم يراقبها عن كثب لمحاولة
حمايتها من أي احتكاك بينها وبين رقية
وهذا بالطبع ما شق قلب رقية لنصفين
وهي تهمس لنفسها بقهر (ليه مكنتش
مراقبني كدة؟ ليه موقفتش في وش امك

وحمتني زي ما بتعمل مع مها؟؟...ثم
ضحكت مع نفسها ضحكات ساخرة متتالية
من يراها يظن انها فقدت عقلها وهي
تواصل همسها (لا وبيقول حبني واتحدى
الكل عشاني...ههههههه...واضح الحب يا
ابراهيم واضح قوي) انتبهت من شرودها
وضحكاتنا الساخرة على ابراهيم ينظر لها
بقلق ويتحدث معها ولكن الغريب انها لا
تسمعه هي تراه فقط تحاوره في عقلها
وتصرخ عليه غاضبة في عقلها فقط .

نظر لها ابراهيم بذهول وهو يرى تتابع
التعبيرات على ملامحها من ضحك لبكاء
لغضب وانفعال دون ان تنبث ببنت شفه
فهتف بها :

_مالك يا رقية ؟انت تعبانة ؟

ولكنها لم ترد لانها لم تسمعه اصلا كانت
تحاوره في عقلها فقط فقلق عليها حاول
امسك يدها فانتفضت مبتعدة لغرفتها دون
ادنى كلام مما زاد قلقه فانتظر حتى وصل
احمد بعد ان اخبره بضرورة الحضور فورا
وعندما وجده امامه سارع بشرح الموضوع
امامه بايجاز فاسرع احمد لوالدته فوجدها
تجلس فوق فراشها تنظر للفراغ بشرود
حاول النداء عليها التفتت له وتتابع
ملاحها بين السعادة والحزن ثم اللوم
والعتاب دامعة العينين فانتفض قلبه
واقترب سريعا محتضنا اياها وهويتهف :

_مالك يا ماما ؟لا عشت ولا كنت يوم ما
اكون سبب في دموعك دي ..ارجوكي يا ماما
ردي عليا

رقية بهمس وهي تبكي في حضنه متشبثة

به :

_متسبنيش يا احمد زي اخوك ..انا ..انا

ماليش غيركوا

لو كان لكسر القلوب صوت لسمعنا الان
وبوضوح صوت انكسار قلب ابراهيم وهو
يراها امامه تطلب الحماية وتتعلق باحد
ابنائها لا والأمر انها تقول بان ليس لها
سواهم وما هو بالنسبة لها اذن افقدها حقا
وتنازلت هي عنه انتفض واقفا عند تلك
الفكرة هامسا لنفسه (على جثتي يا رقية
يوم ما تبعدي عني مش هيكون غير يوم
موتي) ثم اندفع من الغرفة خارجا بينما ظل
احمد مع رقية يهمس ببعض الايات القرآنية
حتى نامت بين يديه فعدل وضع جسدها
على الفراش وخرج من الغرفة يبحث عن

والده ليعرف سبب ما طرأ عليها لتكون

حالتها بهذا السؤ

مرت الايام ايضا على هدى التي واصلت
البكاء وفقدت معنى كل شيء حولها عندما
غاب ادهم واختفى وانقطعت اخباره عنها
وعن الجميع وهذا ما اثار غضب سلمى
فعادت لشراستها مع الجميع من جديد اما
عبد العزيز فكانت الافكار تدور حول عقله
من كل اتجاه ايكون قرر الابتعاد عنهم بعدما
تعرض له عندهم؟؟ ايكون تخلي عن هدى
بسبب سلمى وتعاملها الجاف معه؟ ايكون
سيتزوج؟؟؟؟ وعند تلك الفكرة انحبست
انفاسه وسارع باخراج هاتفه من جيبه
والاتصال

عبد العزيز :

_ السلام عليكم ازيك يا حاجة فاطمة

فاطمة :

_ وعليكم السلام ورحمة الله الحمد لله يا
حاج ازيك انت وسلمى وعسولتنا هدى

عبد العزيز زافرا بضيق :

_ انا وسلمى كويسى والله لكن هدى لا

فاطمة بقلق :

_ ليه بس كفى الله الشر مالها ؟

عبد العزيز :

_ ادهم بقالو مدة مش بيجيلها ومبتطلش

بكا لا ليل ولا نهار

فاطمة بحسرة :

_ ادهم...ياحبة عيني عيان قوي يا حاج عبد
العزيز حتى انا قاعدة عنده في شقته ومعايا
اتنين دكاترة اصحابه ما انت عارفهم حازم
وأكرم بيحولوا كل يوم عشان يتابعوا حالته

عبد العزيز بتعجب :

_ يا ساتر يارب هي حالته صعبة قوي كدة؟!!!

فاطمة :

_ ايوه والله ده حتى معدش بيتحرك من
السريير من ضعفه انت لو شفته معنتش
هتتعرفوا

عبد العزيز :

_ طيب انا هجيلو النهاردة انا وهدى يا حاجة

فاطمة :

-ومالو يا حاج تشرف وتنور يا اهلا وسهلا

انهى عبد العزيز المكالمة وهو يزفر بارتياح
من فكره عدم تخليه عن هدى ثم اتجه من
فوره لغرفة سلمى والتي واضح جدا من
خلف ابوابها شدة الصراخ والعصبية
دخل عبد العزيز الغرفة فوجد سلمى تكاد
تفتك بهدى بغضب من كثرة بكائها
المتواصل

عبد العزيز :

_مالك بس يا هدى

هدى وهي تقفز من سرير والدتها لتتعلق
برقبته هاتفة ببكاء :

_انا عاوزه بابا يا جدو...خليه يجي عشان
خاطري

عبد العزيز وهو يربت على ظهرها برفق :

_ حبيبتي بابا عيان خالص ونايم في السرير

انتبهت سلمى لكلامه وهو يراقبها بطرف
عينه ليرى وقع كلماته عليها ولاحظ توترها
الذي تحاول مداراته ولكنها لم تفلح ان
تداريه عن عيون الصقر خاصته

هدى :

_ عيان !!!...طب وديني انت له يا جدو ..عشان

خاطري خليني اروح له

عبد العزيز وهو يطبع قبلة اعلى راسها :

_ خلاص يا حبيبتي روعي لدادة كريمة خليها

تغير لك هدومك وانا هخدك اوديكي له

هدى وهي تقبله بفرحة :

_ هيبه...حبيبي يا جدو ... هلبس بسرعة

بس اوعى تمشي من غيري

واسرعت راکضة لغرفتها في حين انفعلت
سلمى وهتفت بغضب :

_ازاي تاخدها وتروح لحد عنده يا بابا انا مش
هخليها تروح له ابدًا وتفرض نفسها عليه

عبد العزيز :

_يابنتي الراجل تعبان متظلمهوش

سلمى :

_لا يا بابا دي حجة بيداري بيها انه بيتهرب
من هدى وعاوز يبعد

عبد العزيز :

_طيب اهدى بس واسمعيني ..انا
مكلمتوش انا كلمت الحاجة فاطمة مرات
عمك الله يرحمه وهي اللي قالتلي وبعدين

ده حتى هي كمان قاعدة عنده في شقته
عشان تراعيه مع اتنين دكاترة بيتابعوا حالته

سلمى بهمس وبدون ان تشعر:_(هو

للدرجة دي تعبان؟)

سمعها عبد العزيز جيدا ولكنه ادعى عدم

السمع فهتف :

_هاه بتقولي حاجة يا سلمى

سلمى بارتباك :

_لا يا بابا مش بقول حاجة ..على العموم

حاول متتأخرش هناك عشان ميعاد الدوا

بتاعك

عبد العزيز بتوجس :

_ربنا يسهل ..بس انت مش هتيجي معانا

ولا ايه

سلمى بعند :

_ لا طبعا انا لا يمكن اروح بيته

عبد العزيز بمكر :

_ براحتك يا بنتي بس انا كنت بقول ان
الراجل كان ملازم لهدى في مرضها ومكنش
بيروح بيته عشانها ..ده غير انه حماكي انت
وهدى من الزفت عبد الله فا انا شايف ان
الاصول بتقول انك لازم تردي له اللي عمله
بانك على الاقل تزوريه في مرضه وده طبعا
لانك مش أي حد والكل عارف انك تعرفي في
الواجب والاصول يابنتي ..بس عموما براحتك
انا مش هغصب عليك

وخرج من غرفتها وهو يرى على وجهها
ملامح التوتر والارتباك واهمها الحيرة
والضياع لكنه التفت على هدى التي تجذبه

من يده ليذهب معها فنظر لها قليلا ثم نزل
لمستواها وهمس لها ببضع كلمات
سمعتهم ثم ضحكت وصفقت بيديها وهي
تركض لغرفة والدتها فتركها عبد العزيز
وانطلق لسيارته لينتظرهما هناك وهو يعلم
ان حيرتها تلك لن تنتهيها غير هدى بالتأكيد
وصدق حدسه عندما وجد بعد قليل هدى
تخرج من الفيلا ومعها والدتها وركبا معه
دون كلام لم يشا ان يضغط عليها وتركها
تفكر دون ضغط حتى لا تندم لاحقا

*

في شقة ادهم كان هو طريح الفراش يمزقه
عدم وجود احد من اهله بجانبه تركوه
وواضح انهم نسوه ايضا ومن يهتم به
ويتابعه الاغراب فيالكم من اهل يا عائلة

الرفاعي ..كان كلما زادت افكاره في جراحه
تلك كانت درجة حرارته تعلو اكثر واكثر
ولكن لرفضه الشديد المكوث بالمستشفى
-حتى لا يكون تحت ايدي من هم يعملون
تحت يده - اضطر حازم وأكرم -دكتور
التخدير بالمستشفى وصديق لادهم وحازم
ومدحت -ان يلزامه ويتابعانه يوميا في
منزله لتدهور حالته فتحولت غرفته سريعا
لغرفة شبيهه بغرف المستشفيات مما
يوجد بها من الكثر من الادوية والمحاليل بل
 واجهزة التنفس الصناعي ايضا ...وهذا
بالاضافة طبعا لفاطمة التي لم تتركه لحظة
واحدة بمجرد علمها بمرضه ومعها طبعا تلك
السيدة التي احضرها ادهم لرعايتها
فكلتاها كانت معه لخدمته ورعايته
ونستطيع ان نقول ان فاطمة هي من

استطاعت بجدارة ان تخفف من حدة وحدته
وقهره من اهله وجراحه التي لا تنتهي ...

دق جرس الباب وما هي سوى لحظات حتى
فتحت فاطمة الباب لترحب بهم بحرارة وهي
تضم سلمى لحضنها كما ضمت هدى التي
هتفت :

_ فين بابا يا تيتة ؟

فقبلتها فاطمة وهي توعدها انها ستأخذها
لعنده بمجرد ان يخرج الاطباء من غرفته ثم
اتجهت بهم فاطمة لغرفة الصالون والتي
اعجبت بها سلمى بل لقد اعجبت بالشقة
كلها فواضح من ااثائها مدى رقي وذوق من
اهتم بتأثيرها انتبهت سلمى من شرودها
على فاطمة التي جلست ترحب بهم قليلا ثم

تطرق الحديث لما اصاب ادهم والحمى التي
تأبى تركه حتى ضعف جسده ورفضه
المستمر بالمكوث بالمشفى لتتحول غرفته
لاحدى غرف الرعاية المركزة ثم استأذنت
منهم قليلا وذهبت لتحضر لهم العصير في
حين كانت تقفز هدى وهي تلح عليهم
ليدخلوها له وامام الحاحها المتواصل ومكر
عبد العزيز الذي ادعى الالم من قدميه
قامت سلمى معها لتبحث عن فاطمة
لتدخلها له فبحثت عنها حتى لمحتها في
المطبخ فاسرعت اليها وهناك كانت فاطمة
تجهز حساء لادهم ليتناوله بعد الدواء فظلت
هدى ملتصقة بها تريد ان تدخله هي له
مثلما كان يعمل معها

اما سلمى فتركتهما وعادت لابيها ولكنها
اثناء مرورها باحدى الغرف سمعت الحوار

الذي جمدها وشل اطرافها بل كادت انفاسها
ان تنقطع

حازم :

_ ادهم ارحمنا بقى انت طفل يابني اومال لو
مكنتش دكتور كنت عملت فينا ايه ؟

ادهم بصوت ضعيف متعب :

_ يا حازم حرام عليك ارحمني والله ما قادر

حازم :

_ بقولك ايه ما انت هتاخذها يعني هتاخذها
فخليك مطيع بقى بدل ما نكتفك

ادهم :

_ طب بلاش انت خلي اكرم يديهالي ..انت
ايدك ثقيلة قوى قوى ..انا مش عارف انت
اتخرجت من الطب ازاي

فضحك اكرم وانفعل حازم هاتفا :

_ اكرم امسك ل الراجل ده كدة يالا

ادهم :

_ يا عالم حرام عليكوا اللي بتعملوه فيا ده انا

استويت

ومجرد ان امسك اكرم ادهم حتى انفتح
الباب بعنف شديد لتدخل سلمى والتي
تحولت ملامحها بشكل يثير الرعب في
النفوس فكل كلمة قالها ادهم كانت هي
تقولها وهي تبكي وتترجى زوجها السابق
ليرحمها ولكنه لم يملك من الرحمة أي
شيء ليرأف بحالها وهذاما جعلها تحولت
كأنها تعيش تلك اللحظات من جديد ولكنها
اليوم اقوى فشعرت بأدهم وألمه ورأت فيه
نفسها من سنين عدة فقررت التدخل فورا

ولم تفكر انها تدخل غرفة بها ثلاث رجال
بمفردها ولكنها لم تملك العقل لتفكر فقد
ضاع بكلمات ادهم الضعيفة وهي ابدا لن
تترك احد يتعرض لما تعرضت له
...فاندفعت تجاه حازم الذي كان يمسك بيده
حقنة المضاد الحيوي شديد المفعول ويهم
لاعطائها لادهم وجذبتة من جاكث بذلته
بعنف بعيدا عن ادهم ووقفت امامه تصرخ
به :

_ابعد عنه يا متوحش

فنظر لها حازم ببلاهة وغباء :

_متوحش ...مين ده ..انا ؟!!!

سلمى بغضب اعمى :

_وحيوان كمان وانا بقى مش هسيبك الا لما

اقعدك في بيتك خالي شغل

حازم بغضب :

_ انت مجنونة ؟ انت مين اصلا ؟

سلمى هادرة :

_ انا الاستاذة سلمى عبد العزيز اللي هخلي

حياتك الجاية اسوأ من الجحيم بذاته

فأمسك حازم بيدها لينفضها بعيدا عنه وهو

يهتف :

_ طب ابعدني عني احسنلك بدل ما ادفنك

مكانك دلوقتي

فرفعت سلمى يدها لتصفعه وهي تهتف :

_ اخرس

ولكن يدها لم تصل له لقد امسكها ادهم

الذي تحامل على نفسه ليقوم من السرير

ليمنع تلك المعركة قبل ان تسفر عن

ضحايا في حين كان أكرم مذهولا مما يتابعه
امامه وعبد العزيز الذي وصل يتابع ما
يحدث من الباب اما ادهم فكان مازال
ممسكا بيدها ليمنعها من الوصول لحازم
هاتفًا :

_ انا اسف يا حازم حرك عليا هي متقصدهش
صدقني

سلمى بغضب :

_ انت بتعتذر للحيوان اللي كان بيعذبك
حازم بغضب :

_ بردوا حيوان .. انت ...

ادهم مقاطعا :

_ حازم دي حالة باينوفوبيا

حازم بتردد :

_ انا ..انا اسف

سلمى :

_ ايه باينوفوبيا دي انت بتقوله انني مجنونة

؟

ادهم بتعب :

_ لا والله ما اقصد انا اسف مش قصدي

سلمى بعنف :

_ تصدق انا غلطانة اني بدافع عنك انت فعلا

زيه كلكم شبه بعض دكاترة من غير قلب

..قلوبكم حجر

وهمت بالخروج من الغرفة ولكن ادهم لم

يتركها وهتف بها :

_ لازم تعرفي ان مش كل الدكاترة كدة كل

مهنة فيها الكويس والوحش ..الدكتور حازم

كان بيهزر معايا والحقنة اللي في ايده ده فيها
حياتي لو الحمى اللي عندي استمرت اكثر
من كدة هتأثر على قلبي ومش بعيد اموت
فيها فكان لازم يضغط عليا كدة عشان هو
خايف عليا وعايز مصلحتي مش بيعذبني
وخلص

سلمى بعنف :

_ انت حر ..لكن الشيء ده انا مش هشوفه
قدامي واقف اتفرج بعد اذنك

ارادت ان تخرج ولكن ادهم ظل على امساکه
لها حتى شعر بدوار كاد ان يسقط ارضا
فأسندته بلا وعي منها ليندفع اليه حازم
بغضب وهو يسنده :

_ ادهم انت مينفعش تقوم من السرير لازم
تستريح

ادهم بضعف :

_حاضر يا حازم

ثم نظر لسلمى برجاء هامسا :

_ممکن تساعدينى ؟

فلم تجد سلمى امامها بد من مجاراته
فساعدته مع حازم حتى تمدد على سريره
ويده مازالت تمسك بيدها ولم يتركها ونظر
لحازم طالبا منه ان يعطيه حقتته في ساعده
..نعم ارادها على مرأى ومسمع من سلمى
اراد ان يثبت لها انها النجاة في كثير من
الاحيان وليست للتعذيب كما كان يفعل
الحيوان والاد هدى

ترى ما ردة فعل سلمى ؟

وما المفاجأة التي تنتظر الجميع وستحرم

ادهم من فاطمة ايضا ؟

ما مصير رقية وحالتها الغريبة تلك؟ وهل

سيتخلى احمد عن مها لاجلها؟

انتظروني في الحلقات القادمة باذن الله

الحلقة الثالثة والثلاثون

انتفض واقفا وهو يشعر بالصدمة فكان
يحاول التكلم ولا يصدر منه حرفا واحدا كل
حروفه تبعثرت كان يفتح فمه لينطق ولكنه
يغلقهما ثانيا كيف تتعرض لكل تلك
الاساءة ووالده حي يرزق؟ كيف سمح لهم
بأهانتها وتعذيبها هكذا؟ انتبه من شروده
على يد وضعت على كتفه فانتبه له

ابراهيم هاتفا :

_احمد ...احمد...

احمد بغضب :

_ليه سبتها لكل التعذيب ده يا بابا؟ليه

سمحت بكدة؟ليبيه؟

ابراهيم بحزن :

_اقسم لك يا احمد ما كنت اعرف أي شيء

عن الموضوع ده والا مكنتش سكت عليه

ابدا

احمد زافرا بضيق :

_وبعدين؟؟هنعمل ايه هي كدة استحالة

هتقبل مها...واستحالة اسيب انا مها

..واستحالة اسيب امي واكسرها تاني

ثم القى بجسده على اقرب مقعد واضعا

راسه بين يديه هاتفا بقهر :

_ليه انا اللي لازم اتحط في الاختبارات

الصعبة دي؟ليه متحرم عليا اعيش حياتي

بشكل طبيعي لبيبيه؟؟

ابراهيم :

_ استغفر الله يا احمد ده ابتلاء من ربنا
اصبر وان شاء الله كل الامور هتتحل

احمد بضيق :

_ مش باين يا بابا كل شوية الامور بتتعدد
اكثر واكثر وانا قدرتي على التحمل قربت
تخلص

وقبل ان يرد ابراهيم كان الباب يفتح وتدخل
منه ليقفا الاثنان بتوجس امامها خوفا ان
تكون سمعت كلامهما معا ...

نظرت له برعب ضرب جميع اوصالها وشعر
هو بارتجافتها من يدها التي مازالت تسكن
في يده فالتفت بنظره لعبد العزيز الذي يقف

عن الباب ولكن لاتراه سلمى و اشار له برأسه
فأومأ عبد العزيز موافقا فأعاد ادهم بذات
تعبه طلبه السابق من حازم وهذا ما افزعها
فحاولت ترك يده والهرب من تلك الغرفة
فورا فهي لا تستطيع مواجهه موقف كهذا
ابدا ذاكرتها القاسية لمواقف مشابهه لن
ترحمها على مدى ايام لذلك ارادت الهرب
وعندما احس ادهم انه اضعف من مجرد
الامساك بها التفت لاكمر المتابع لما يحدث
بترقب هاتفا به بتعب :

_ اكرم لو سمحت اقف عند الباب ومحدث
يخرج من هنا الا لما اقولك ..اي حد فاهمني

فاتجه اكرم من فوره ليقف امام الباب
المفتوح فوجد عبد العزيز الذي همس له
عندما رأى ترده :

_ نفذ كلامه بالحرف

فنفذ بصمت هو الآخر وزادت ارتجافة سلمى
عندما شرع حازم في التنفيذ وهنا انفصلت
سلمى عن واقعها وعادت تلك الذكريات
للعينة من جديد بل تجسد لها الماضي
أمامها يعرض عليها أسوأ ما مرت به في
حياتها...سنوات عذابها كاملة كانت كشريط
يمر امام عينيها ببطء شديد وألم أشد حاول
ادهم رغم ألمه الظاهر ان يضغط على يدها
قليلا لتنتبه له وتخرج من تلك الدوامة ..
كانت دموعها تجري على وجنتيها بصمت
حتى تنبتهت له اخيرا والتفتت له بعد انتهاء
حازم من حقنه وجدته أشد ارهاقا وتعبا
ولكن لحظة...ماذا يحدث ؟لقد قاربت عيناه
على الانغلاق ..انه يفقد الوعي هكذا صرخت
بها سلمى لينتبه لها حازم ويسرع اليه بعد
ان كان ابتعد ليقيس له النبض والضغط ثم

تحرك سريعا تجاه الجهاز الموضوع في اخر
الغرفة ليركبه له وهو يسب ويلعن بغضب
جارف

اكرم بقلق :

_ في ايه يا حازم ؟

حازم :

_ البيه اكيد مأكش حاجة النهاردة والحقنة
شديدة عشان كدة عملت له هبوط اسمع
انزل هات المحاليل دي بسرعة

فالتقط اكرم الورقة سريعا وانطلق للخارج
في حين التفت حازم الى ادهم يحاول
محادثته باي شيء حتى لا يغيب عن الوعي
اثناء اجراء الكشف عليه

حازم :

_ ادهم خليك معايا ... ادهم

ولكن ادهم كان على وشك اغلاق عينيه
ولكن صوت سلمى اعاده للوعي من جديد
عندما همست :

_ دكتور ادهم .. لو سمحت خليك معنا
..ارجوك

فرقع لها ادهم نظره واراد ان يخلع جهاز
التنفس المثبت على انفه وفمه ليقول شيئا
ولكن يدها كانت الاسرع لتمنعه وهي تقول :

_ ارجوك اهدى بس شوية وكل اللي عاوزه
هنعمله

فحرك راسه موافقا بضعف ولكنه اغمض
عيناه من جديد فسارعت بالقول :

_ هدى ... انت شوفت هدى النهاردة

ففتح عينيه ثانيه اخرى ليحرك راسه نفيا
فهتفت :

_هي مع ماما فاطمة في المطبخ مصممة
هي اللي تجهز لك الاكل بنفسها

فابتسم ونظرت سلمى لحازم الذي اشار لها
ان تواصل حديثها معه لينتبه اكثر

سلمى :

_الصراحة ومصممة انها هي اللي تأكلك زي
ما كنت بتعمل معاها

فدار ادهم بعيناه في الغرفة محاولا رؤيتها
فقد اشتاق لها كثيرا فقالت سلمى :

_هتيجي دلوقتي بس خليك واعى معنا
ارجوك

وهنا دخل اكرم وهو يلهث من كثرة ركضه
وسارع هو وحازم بتثبيت تلك المحاليل في
وريد ادهم مع اضافة الكثير من الادوية اليها
وعندما همت سلمى بالخروج اطبق ادهم
على يدها فنظرت له لتجده يحرك راسه
نفيا فهتف حازم :

_خليكي معاه يا مدام سلمى من فضلك
لحد ما يفوق على الاقل

فصمت سلمى وانتظرت معهم حتى مرت
حوالي الربع ساعة كان خلالها ادهم قد بدأ
يستعيد كامل وعيه وكانت تلك الاشارة
لانفجار غضب حازم الذي كان يكبته حتى
يستعيد وعيه

حازم وهو يرفع عنه جهاز التنفس :

_ انا نفسي افهم انت صغير للي بتعمله ده

؟

ادهم :

_ انا تعبان يا اخي ارحمني

حازم بضيق :

_ انت اللي تاعب نفسك بذمتك انت اكلت

أي حاجة النهاردة ؟

ادهم :

_ مش قادر ابلع أي حاجة

حازم :

_ والله يا ادهم لو ما اتعدلت وكلت واخذت

علاجك زي الناس لاون حجرك في

المستشفى حتى لو غضب عنك ايه راك

بقى

فلم يجد حازم الا من تدخل مندفعة نحوه
تسد له ضربات في ساقه هاتفة بغضب :
_ابعد عن بابا ..ملكش دعوة بيه ..والا هجيب
عنتر ياكلك ويريحنا منك بقى ..كل شوية
تزعق له كدة لحد ما تعب ...

ادهم بتعب :

_عيب يا هدى ..عمو حازم ميقصدش يزعق
هدى وهي تصعد للفراش وتتعلق بعنق
ادهم هاتفة :

_لا يا بابا انا سمعته بيزعق ..متخافش انا
هحميك منه هجيبله عنتر او هخلي ماما
تحطه في السجن مع الناس الوحشين يمكن
ياكلوه

ضحك كل من بالغرفة الا سلمى التي
خرجت من الغرفة شاردة مشتتة تفكر عندما

كانت تزورها ذكريات ماضيها اللعين ذاك
كانت تنفصل عما حولها لايام حتى تستطيع
اعادتها لغياب عقلها والعودة لحياتها من
جديد ولكن اليوم لم تسيطر عليها تلك
الذكريات الا دقائق قليلة واختفت بعدها
عندما انشغلت بادهم....ولكن كيف وصلت
لتلك المرحلة التي حاولت معها طبيبتها
مرارا ولم تفجح؟؟؟كيف استطاع ادهم
السيطرة عليها هكذا؟؟؟

افكار كثيرة تصارعت في عقلها فغابت في
الصالون تفكر ولم تتابع ما يحدث داخل
الغرفة وهو بالطبع نقار ومشاكسة هدى
المعتادة مع حازم ولا تعرف هدى ان
مصيرها ارتبط بحازم هو الاخر مع ادهم
ونعود لحازم الذي نال اليوم من هدى
ووالدتها كفايته فالتفت لادهم هاتفا بغیظ :

_ هي العيلة دي كلها مجانيين كدة مفيش

فيها حد عاقل ابدأ ؟

فاشار ادهم بعينه للبابا فالتفت حازم ليجد

عبد العزيز امامه فارتبك وتوتر وهتف

بتلعثم :

_ اهلا... ازيك يا حاج عبد العزيز منور والله

فضحك عبد العزيز على حالته هاتفا :

_ ده نورك يادكتور... انا اسف يابني على اللي

عملته بنتي وحفيدتي معاك النهاردة

حازم :

_ حصل خير حضرتك

والتفت حازم لادهم هاتفا وهو يحمل حقيبته

:

_انا همشي دلوقتي انا واكرم لاني اتاخرت
على مراتي وابني بسببك وان شاء الله
هجيلك الصبح

ادهم بامتنان :

_متشكر قوي يا حازم ..سلملي على خالد
ابنك كتير

حازم :

_يوصل ان شاء الله ..ياللا يا اكرم

وخرجا سويا ودخلت فاطمة تحمل بين يديها
ماجعل ادهم يمتعض وينظر لها بتوسل
وهو يكاد يبكي وهي تنظر له بصرامة بما
معناه (لو تقدر اعترض)

ركضت بكامل قوتها لتهرب منها وهي
تحاول الاختباء حتى لا تراها ففتحت تلك
الغرفة ودخلتها سريعا لتختبئ بما تحمله
بين يديها ممن تلاحقها

ولكنها وجدت نفسها وجها لوجه مع رقية
التي كانت تجلس في تلك الغرفة بالذات
تسترجع ذكريات ابنائها وهم اطفال فهي
غرفة العابهم وعندما صاروا شبابا جعلوها
خاصة بالبلاي استيشن وعندما صاروا اطباء
كانوا يدخلونها كل فترة ليسترجعوا فقط
ذكرياتهم

اخرجها من ذكرياتها دخول تلك الراكضة
وهي تلهث بعنف وغضب عنها رقية نزلت
عينها لبطنها وكأنها تطمئن على حفيدها
بتلك النظرة التي وترت مها كثيرا وهنا انفتح

الباب لتدخل الخادمة وهي تطبق على مها
هاتفة بها :

_يا ست مها حرام عليكي جرتيني وراكي
البيت كله ..ابوس ايدك هاتيه الدكتور احمد
لو عرف انك اخدته تاني هيبهدلني

مها وهي تقفز خلف رقية لتحتمي بها :

_طنط بالله عليكي متخلهاش تاخده مني
...انا عاوزه

التفتت رقية للخادمة بجدية :

_ايه اللي حصل؟هي اخدت ايه؟

الخادمة :

_برطمان الشطة

فنظرت رقية لمها بتعجب فهتفت الاخيرة :

_ نفسي فيه الله مش كفاية انه منعني من

الحاجات الثانية اللي كنت عاوزاها

الخادمة بسخرية :

_ اه قصدك الصابون اللي كنتي عاوزه تاكلييه

ولا معجون السنان

فانطلقت ضحكات رقية عالية في اللحظة

التي هجمت فيها الخادمة على مها تجذب

منها البرطمان قبل ان تفتحه ومها تصرخ

ففتح الباب فجأة على مصراعيه ودخل

ابراهيم واحمد وياسمين على الصراع الدائر

هنا فاتجه احمد من فوره تجاه مها يحاول

جذبها من خصرها وهي تتمسك اكثر

بالبرطمان هاتفة فيه :

_ معلقة واحدة يا احمد.. كفاية المعجون

خدته مني

احمد كمن يحادث طفلة :

_ طب سبيه وهجيبك شيكولاته

مها :

_ يع لالا سيبي الشطة او المعجون عشان

خاطري نفسي ادوقهم بقى الله

ضحكت رقية وهتفت ياسمين :

_ هاتلها مسحوق غسيل يا احمد يمكن

ترضى تسيب الشطة

مها بتفكير :

_ تصدقي صح .. احمد هاتلي مسحوق عشان

خاطري وحياتي هاخذ معلقة واحدة بس

فانطلقت ضحكات الجميع واحمد يهتف

بقهر :

_ عوض عليا عوض الصابرين يارب

ونجح احمد اخيرا في جذب البرطمان منها
واعطاؤه للخادمة محذرا اياها ان تطاله مها
ثم التفت لمها التي ركضت خلف رقية
هاتفها بها :

_ اما انت بقى مش عاوزه مسحوق غسيل
يا حبيبتي حاضر انا هجيبلك كلور كمان
عشان تبلعي

فصرخت راكضة لخارج الغرفة وهو يركض
خلفها فهتفت به رقية :

_ احمد متخلهاش تجري كتير خطر عليها
وتابعت ياسمين ضاحكة :

_ واوعى تزحلقك في الكلور والصابون

فخرج غاضبا وهو يتوعد لمها ان ليلتها لن
تمر على خير في حين همس ابراهيم :

_وحشتنا ضحكك قوي يا رقية

فماتت ضحكها ونظرت له بتوهان ثم
تركتهم وخرجت لغرفتها فربتت ياسمين
على كتف والدها هامسة :

_معلش يابابا كل شيء في اوله صعب
...عشان خاطري متزعلش

فأوماً براسه موافقا ثم خرج هو الاخر في حين
تذكرت ياسمين منذ قليل عندما كانت تتجه
لمكتب والدها لتعرض عليه تقارير العمل
اليومي وسمعت حواراه مع احمد ففتحت
الباب ودخلت وتحدثت معهم بطريقة
يوسف التي اخبرها بها لتتبعها لتنال رضا
امها واخبرتهم انها ستفلاح اكيد مع مها
فرقية ابدا ليست شريرة هي مجرد ام تبحث
عن السعادة لابنائها ولان المستوى
الاجتماعي حرمها من سعادتها زمان كانت

تريد الا يتعرض ابنائها لذلك مثلها وبعد
حوار طويل اعجب فيه جدا احمد وابراهيم
برأي يوسف وقناعاته الشخصية التي اذابت
الجليد بين ياسمين ورقية قرروا جميعا اتباع
نفس الاسلوب حتى انتبهوا على الصياح
فركضوا ليروا بوادر خطتهم على الطبيعة

نظر عبد العزيز الى فاطمة نظرة فهمتها جيدا
وسارعت بتنفيذها فوضعت صينية الطعام
الخاص بأدهم والذي امتعضت ملامحه
بمجرد ان راه وادعت ان نسبة سكرها اليوم
مرتفعة بما زاد من رعشة يديها ولذلك لن
تستطيع مساعدة ادهم في الاكل وهنا كان
كمن جاءه الفرج فاسرع هاتفا:

_ شيلي الاكل يا ماما انا ايديا الاتنين
مقدرش امسك بيهم المعلقة ده غير اني
ماليش نفس اصلا

فاطمة :

_ ازاي يعني تاخذ كل العلاج ده من غير اكل
ده انت تقع من طولك
فاسرعت هدى تمسك بالمعلقة هاتفة :

_ انا هاأكلك يا بابا

ولكنها لم تفلح فنزلت من السرير وهي
ممتعضة فهمس لها عبد العزيز قليلا
لتركض للخارج فورا

اما في الخارج كانت سلمى تسبح في عالمها
الخاص ليس ذكرياتها ولكن كل افكارها تدور
حول شخص واحد فقط ((ادهم)) لم
استسلمت له ؟..لم انتفض قلبها ذعرا عندما

كاد يفقد الوعي؟..تنهدت بضيق وهي
تهمس لنفسها (هتوديني لفين يا ادهم
اخرتها)

ولكنها انتبهت على ربّات هدى على يدها
هاتفة بها :

_ماما...بسرعة..قومي

سلمى بعدم فهم :

_اقوم فين بس ؟فهميني في ايه ؟

هدى بحزن :

_بابا مش عارف ياكل ايديه الاتنين

مجروحين وتيتة فاطمة ايدها بتترعش

..قومي يالا يا ماما

فانصاعت سلمى لرغبة هدى وهي مازالت

لا تفهم ما المطلوب منها ...

وعندما دلفا سويا وجدا ادهم تحت الحاح
من فاطمة يحاول امسك المعلقة والاكل
بها بعذاب واضح ولكنه كل مرة يفشل
ويسقط الحساء على ملبسه حتى ترك
المعلقة هاتفا :

_الحمد لله شبعت

فاطمة بضيق :

_انت مكلتش حاجة عشان تشبع

فشعرت سلمى بالذنب لانها السبب المباشر
في وضعه ذاك سواء يده المجروحة من عبد
الله او يده الاخرى التي توقفت عن العمل
بسبب تلك الحقنة اللعينة التي اراد بها ان
يخرجها من عقدتها المسيطرة على عقلها
ولكنها احتارت كيف تساعد فرفعت نظرها
لوالدها الذي هتف من فوره :

_سلمى..ساعديه يابنتي عشان خاطري

هدى :

_اه يا ماما عشان خاطري انا كمان

ادهم باحرج :

_مالوش لزوم يا جماعة ..انا متشكر قوي يا

مدام سلمى ..انا شبعت خلاص

فاطمة :

_يابني حرام عليك نفسك انت مكلتش

حاجة

فترددت سلمى قليلا ولكنها حسمت امرها

اخيرا وجلست بجانب فاطمة على الفراش

وتناولت الصينية من فاطمة وبدأت بملء

المعلقة واتجهت بها اليه وعندما حاول

الاعتراض هتفت بمكر :

_هدى ..بابا معدش بيحبك يا هدى عشان
كدة مش راضي ياكل الاكل اللي انت جهزتيه
مع تيته فاطمة

فصعدت هدى بجانبه وهي تهمس بحزن :

_بابا انت معنتش بتحبني

فهتف ادهم :

_لا يا هدى والله بحبك يا حبيبتني

هدى :

_خلاص وافق تاكل الاكل بتاعي ..ياللا عشان

خاطري

فابتسم ادهم بحرج ثم رفع نظره لسلمي
التي سارعت بتوجيه المعلقة له ليتلقاها
شاعرا ان الفراغ هو ما يحيط بهما فلقد
اختلفى كل شيء من حوله والان فقط عرف

ادهم لمن النبضة الزائدة لقلبه والتي لا
ينبضها الا في وجودها وحدها نمرتة الشرسة
والتي لن يتراجع الا ان جعلها حقا نمرتة
الخاصة ويملك صك ملكيتها بقلبه

استمر الحال عدة دقائق حتى انتبه كلاهما-
فلم يكن حال سلمى باحسن منه - على
صوت رنين هاتف فاطمة والتي سرعان ما
اجابت هاتفه بابتسامة :

_السلام عليكم ازيك يا مدحت وازي نجلاء
؟عاملين ايه يا حبيبي ؟

مدحت بقلق :

_وعليكم السلام ..ماما ...نجلاء بتولد دلوقتي
تعالى بسرعة

فانتفضت فاطمة واقفة بخوف :

_يا حبيبتى يا بنتى ..انتوا فى مستشفى ايه

يابنى ؟

مدحت :

_فى مستشفى (...) ارجوكى يا ماما حاولى

متتاخرىش

فاطمة :

_لا يابنى مسافة السكة وهكون عندكم

عبد العزيز عندما علم :

_استنى يا حاجة فاطمة هبعث معاكي

السواق يوصلك لحد هناك

فاطمة :

_مالوش لزوم يا حاج انا هروح مواصلات

عبد العزيز :

_ اسمعي الكلام هو تحت بيستناكي يالا

بسرعة

ادهم :

_ ابقني طمنيني يا ماما اما توصلني عشان

خاطري

فاطمة :

_ معلش يا ادهم على عيني يا بني والله اني

اسيبك في الحالة دي

ادهم :

_ لا يا ماما متقلقيش عليا انا كويس ..روحي

اطمني على نجلء هي دلوقتي محتاجة

ليكي اكرمني

عبد العزيز :

_متقلقيش على ادهم احنا معاه بس
طميننا انت على نجلاء اول ما توصلي

سلمى :

_سلمي عليها كتير يا ماما وانا يومين ان

شاء الله وهجيلها

فاطمة بعد ان جمعت اغراضها وهي

متوجهة للباب :

_تنوري يا بنتي ربنا يسمعنا خير مع

السلامة

وخرجت فاطمة وتركت الثلاثة ينظرون

لبعض الاول ادهم لا يعلم كيف سيصرف

اموره وصحته على هذا الوضع والثاني عبد

العزيز الذي كان عقله يحاول ايجاد حل

لتلك المعضلة واما الثالثة سلمى فكانت

تشعر بالاسف والحزن لحاله فيبدو ان
وحدته لا تتركه ابدا حتى هتف عبد العزيز

ترى كيف سيعيش ادهم بمفرده بتلك

الحالة ؟

واين ستصل رقية بوضعها الحالي ؟

وهل ستتخلى مها عن ...الشطة ؟؟

انتظروني في الحدث الاهم الذي سيجمع قلب

الحبيبين ويفرق عائلة الرفاعي من جديد

الحلقة الرابعة والثلاثون

كانت تراجع اوراق احدى الصفقات بدقة

شديدة حتى فتح باب مكتبها فجأة بقوة

فانتفضت واقفة بفرع وغضب ولكنها

تنفست الصعداء عندما وجدته يوسف

امامها يغلي من الغضب فهتفت بهدوء :

ياسمين محاولة كبت ضحكاتنا :

_ طيب خلاص اهدى هبعث ريهام تظبط كل
مواعيدك وتتصل هي بالعملاء وتفهمها و...

فانتفض واقفا هاتفنا بضيق :

_ على جثتي لو فضلت في مكتبي لو عاوزاها
خودها انت وريحيني منها وانا هكلم شئون
العاملين يجهزولي سكرتير راجل اعرف
اتفاهم معاه .. وبطلتي ضحك قلت

فعبست بملامح طفولية هاتفنا مدعية

الحزن :

_ مش عاوزني اضحك يا يوسف ... حاضر مش
هضحك تاني خالص

يوسف متنهدا :

_مش قصدي يا ياسمين بس انا دلوقتي
متغاض ومش طايق نفسي

فخرجت ياسمين من وراء مكتبها وجذبتة
من يده ليجلس معها على الاريسة في اخر
المكتب هاتفة :

_خلاص بقى يا حبيبي عشان خاطري مش
بطيق اشوفك زعلان كدة وحياتي عندك فكها
بقى

فنظر لها يوسف قليلا وهو يستغفر الله عدة
مرات ثم هتف :

_والمفروض مع الصوت الناعم ده والنبرة
دي اعمل ايه ها ؟

فنظرت له بعدم فهم فاردف غامزا :

_العقاب يا حبيبتى

فانتفضت واقفة هاتفة بتذمر :

_يوسف

فجذبها من يدها لتجلس مرة اخرى هاتفا :

_قلب يوسف وعيونه

ياسمين بمكر :

_سكرتيرتك هتفضل معاك ماشي ياقلب

ياسمين

يوسف متنهدا بضيق :

_هدخل السجن على ايدها يياسمين ومش

هلحق ادخل دنيا ..وبعدين انا مش فاهم ليه

مصممة انها تفضل معايا انت عاوزه

تخلصي مني ياحببتي

ياسمين بحزن مصطنع :

_ اول طلب اطلبه منك ترفضه كدة خلاص
براحتك يا يوسف اعمل اللي يعجبك ما هو
لو كنت بتحبني بجد كنت ...

يوسف مقاطعا :

_ خلاص حاضر خليها وذنبي وذنوب نرمين
اختي لما تتشرد بعدي لما اقتلها عن قريب
باذن الله في رقبتك يا حبيبي

فضحكت ياسمين هاتفة :

_ ربنا يباركلي فيك يا قلب ياسمين وعمرها

يوسف هاتما :

_ ربنا ما يحرمني من ضحكك دي عمري
كله

فتوترت ياسمين واندفعت لمكتبها طالبة
ريهام مديرة اعمالها وعندما دخلت لهم

اعلمتها ياسمين بالمطلوب منها فتنهد
يوسف وقام مغادرا لمكتبه وهو لا يعلم
ماسر تصميم ياسمين على تلك المخلوقة
ان تظل سكرتيرته ولكنه ارجعها ضروري انها
تغير عليه وتخشى عليه من بنات حواء
فبلته بأغباهم ليقطع الامل في الصنف كله

جلس الثلاثة في صمت مطبق حتى هتف

عبد العزيز بجدية :

_يا لا يا ادهم قوم معانا

ادهم بحيرة :

_على فين ؟

عبد العزيز :

_ على فيلتي ما انا مش هسيبك لوحدك في

الحالة دي

هدى وهي تقفز بسعادة :

_ اه يا بابا تعالى معانا

ادهم بتعب :

_ استني بس يا هدى ..معلش ياعمي اعذرنى

مش هقدر انا متشكر طبعا لحضرتك لكن انا

كويس متقلقش عليا

عبد العزيز :

_ انت شكلك راسك ناشفة وهتتعبنى

معاك

سلمى بمكر ((اكيد مش بنت عبد العزيز)):

_ سييه يا بابا براحتة واضح انه مش عاوز

يبقى مع هدى

ادهم :

_ انت بتستغلي نقطة ضعفي ؟

سلمى بابتسامة اطارت قلب ادهم من

مكانه :

_ بصراحة اه

ادهم محاولا نفض راسه من التفكير بها

والتركيز قليلا :

_ يا جماعة انا مقدر شعوركم والله بس مش

هينفع

عبد العزيز :

_ ما هو اسمع بقى يا هتيجي معانا يا

هنفضل كلنا هنا معاك هتعمل ايه ؟

ادهم :

_ يا عمي

سلمى مقاطعة :

_بابا خليك معاه على ما يغير هدومه وانا
وهدى هنجهاز شنطة بادويته صح ياهدى

هدى قافزة بفرحة :

_صح يا ماما

وقامتا الاثنتان سريعا امام ادهم المذهول
من جمع ادويته في حقيبة صغيرة في حين
اتجه عبد العزيز ليجمع عدد لا بأس به من
ملابسه ثم اتصل برجاله ليبعثون له بسائق
اخر وسيارة من سياراته غير تلك التي
خرجت بها فاطمة ثم اتجه لادهم ليعاونه
على النهوض في حين خرجت هدى وسلمى
من الغرفة ليتمما على اجهزة المطبخ
وفي غضون 20 دقيقة كان كل شيء جاهز
وصعد السائق ليحمل الحقائب والادوية

وجهاز التنفس وباقي المعدات الطبية التي
كانت تملأ الغرفة ونزلوا جميعا للسيارة في
حين كان ادهم مستند على عبد العزيز الذي
سارع بادخاله السيارة عندما شعر بانه قارب
على السقوط ارضا واتجه عبد العزيز للامام
بجانب السائق بينما سعدت هدى بجانب
ادهم وسلمى على الطرف الاخر

ثواني وكان ادهم اغمض عينيه وهو يسند
راسه للخلف من التعب ولكنه شعر بثقل
على قدميه ففتح عينيه ليجد هدى هي
ال اخرى قد نامت على قدميه فقبل راسها ثم
عاد لوضعه مرة اخرى حتى وصلت السيارة
الى الفيلا وهناك سارع رجال عبد العزيز
بحمل الاجهزة والحقائب ومساعدة ادهم
على الخروج من السيارة بعد ان افقده هذا
المشوار كل قواه فكان يسير مترنحا بشده

حتى سعد لغرفته والتي سبق وامرهم عبد
العزیز بتجهيزها والتي بمجرد ان دخلها ادهم
حتى غرق في نوم عميق

اما سلمى فكانت تنظر اليه بجزع من منظره
هل هذا هو الجدار البشري الذي كان يقف
امامها من عدة ايام وقد لاحظ عبد العزیز
نظرتها وفهمها جيدا قبل ان تداريها خلف
قناعها البارد الذي تحمي به مشاعرها فدعا
الله بقلبه ان يفتح قلبها له كما شعر هو
بقلبه الذي فتح لها وانتبه لسلمى التي
هتفت :

_بابا معاك رقم الدكتور حازم ؟

عبد العزیز بحيرة :

_ايوة بس ليه ؟

سلمى بجيه :

_عاوذة اطلبه منها اعرفه ان الدكتور ادهم
عندنا عشان يجيله هنا ومنها اعرف منه
مواعيد علاجه

عبد العزيز بفرحة كمن نال شربة ماء بعد
صوم سنين :

_عندك حق يا بنتي ربنا يهديكي ويكرمك
ياارب

ولم تفهم سلمى نظرتة ولكنها انشغلت مع
حازم في الكلام ثم صممت قائمة بمواعيد
الدواء وانواع الاكل فاصبحت بين يوم وليلة
هي المسؤلة عن كل ما يخص ادهم

ركضت حتى الصالون الكبير ووقفت خلف
الاريكة الكبيرة تحاول التقاط انفاسها وهو

يركض خلفها حتى جلس متعبا على اقرب

اريكة له هاتفا بضيق :

_ طب انت عاوزه تعملي رياضة بتجرينا كلنا

وراكي ليه ؟

مها بضيق :

_ محدش قالك تجري ورايا ..وسبني اكل

الحاجة اللي نفسي فيها

احمد :

_ انت مش عارفة ان الشطة ضرر على

الجنين

مها بعند :

_ معلقة واحدة مش هتعمل حاجة

احمد :

_ طب انا معنتش قادر اجري اعمل ايه ؟

فضحكت مها هاتفة :

_ شكلك عجزت يا احمد خليك قاعد بقى
وانا هجري لوحدي

احمد بصدمة :

_ عجزت !! طب ورحمة ابوكي لاوريكى مين
اللى عجز ده

واندفع تجاهها لتصرخ وتركض الى حجرتهما
وهو خلفها حتى قفزت على السرير هاتفة :
_ خلاص حقك عليا اعتبرني عيلة وغلطت

احمد بضيق :

_ ما انت طفلة فعلا انا حاسس ان الحمل
خلاكي بتعيدي ذكريات الطفولة

فنظرت له مها قليلا بألم ثم جلست على
الفراش هاتفة بحزن :

_ ذكريات ...وهو انا عندي ذكريات يا احمد
...انا ذكرياتي صفحة بيضا وواضح انها
هتفضل كدة

احمد لاعنا نفسه في سره لانه احزنها هكذا
بعد ان كانت انطلقت بينهم فهتف يغير
الموضوع بمرح :

_ اه انت عاملاها حجة عشان تهربي من
العقاب ..لكن ده بعدك
مها عدم فهم :

_ عقاب لايه ؟

احمد وهو يقترب منها :

_ مش انا عجزت ...انا هوريكي حالا العجوز
هيعمل فيكي ايه

فنظرت له بتوجس وهمست :

_احمد بلاش جنان انا

ولكنها لم تكمل فقد حملها بين يديه وهي
تتشبث به ضاحكة وهو يدور بها في الغرفة

هاتفا :

_بحبك يا مها...بحبك بجنون

مها وهي تتشبث اكثر بعنقه :

_وانا بموت فيك ياقلب مها وحياتها

(ونسبهم مع بعض في جنانهم)

مرت الايام سريعا واقتربت ياسمين من
والدتها اكثر واكثر فصارت بمجرد ان تنهي
عملها وتعود للمنزل حتى تلازمها تحكي لها
كل تفاصيل يومها وكعادة ياسمين تقلب

كل جلساتها لمرح وهذا بالاضافة لاحمد
الذي كان هو الاخر لا يتركها الا نادرا وهذا
ماشجع مها على الاقتراب منهم هي الاخرى
فكانت الاوضاع في طريقها للصلاح حتى ذلك
اليوم

كانت رقية تضحك مع ابنتها وهي تحكي لها
على تدمر يوسف من سكرتيرته التي
وللعجب اخرجت منه ميوله الاجراميه وهو
يقسم ان نهايته ستكون السجن بعد ان
يقتلها ليريح البشرية منها وهنا انفتح الباب
لتدخل مها تبكي بشدة فانتفضت رقية
وكذلك ياسمين التي اندفعت نحوها تسألها
بذعر :

_مالك يا مها؟...في ايه؟

فرفعت مها يدها لتشهق ياسمين من
الصدمة وهي ترى يدها تنزف بغزارة فهتفت
رقية :

_ايه اللي عمل فيكي كدة ؟

مها بشهقات باكية :

_الكوباية وقعت مني واتكسرت...حاولت
اشيل الزجاج المكسر دوخت... فسندت
بايدي على الارض دخلت حته منه جواها...
ومش عارفة اطلعها... بتوجع قوي

رقية بحزم :

_طب وريني ايدك انا هشيلها

مها بخوف :

_لالالا بتوجع قوي..بلاش بالله عليك

ياطنط

رقية بحزم :

_ياسمين امسكي ايدها يلا قبل ماتنزف

زيادة

فاطاعتها ياسمين وامسكت يدها بقوة
وشرعت رقية في اخراج تلك القطعة من
الزجاج ومها تصرخ بألم :

_كفاية يا طنط ..ابوس ايديك ...خلاص

معنتش قادرة اتحمل

رقية بغضب :

_اسكتي مسمعش صوتك ..انت طفلة

للصراخ ده كله

مها ببيكاء :

_حاضر هسكت بس سبيني بالله عليك

فتجاهلتها رقية وجذبت القطعة بقوة لتصرخ
مها اكثر حتى اخرجتها في يدها وهنا ضمت
ياسمين مها التي كانت تنتفض في حضنها
من البكاء والألم فرق قلب رقية لها وكادت
تحتضنها ولكنها لم تلحق حين انفتح الباب
بقوة ودخل ابراهيم غاضبا وهو كان يسمع
كلامهم من بعيد نتيجة صراخهم فصعد من
فوره ليرى ما يحدث وكان الوضع كالتالي
رقية واقفة بيدها قطعة زجاج ملوثة بالدماء
ومها تبكي وتنتفض في حضن ياسمين التي
تحاول ضمها وتهدئتها بيد والاخرى تمسك
يدها محاولة كتم النزيف منها وهذا ما جعله
فقد عقله وصرخ بها :

_هي وصلت معاكي للدرجة دي يا رقية

؟عاوزة تقتليها

ثم جذبها من ذراعها هاتفا بها بغضب :

_ اوعي تفكري ان اللي قلتيه عن اللي
حصلك زمان ممكن يشفع لك دلوقتي ...لا
انسي ومها هتفضل في رعايتي وتحت
حمايتي وانت لما جنانك يوصل لكدة يبقى
لازم نوديكي مستشفى المجانين يعالجوكي
ويردولك عقلك

ياسمين بصدمة :

_ بابا انت بتقول ايه؟،،ماما مكنتش ...

رقية صارخة :

_ مش عاوزه اسمع ولا كلمة من حد كلكم

اطلعوا برابرا قلت

وهنا دخل احمد الذي عاد للتو من عمله
فشعر برعب وهو يرى مها النازفة وعيونها
المدمعة ولكنها توقفت عن البكاء لصدمتها

من كلام عمها الذي انساها المها فهتف
احمد :

_ في ايه مالكم؟ مالك يا مها؟

فانطلقت ضحكات رقية عالية اذهلت
الجميع وهي تهتف :

_ لا ابدا حاولت اقتلها ايه رايك؟ هتاخذني
عندك امتى المستشفى؟ ههههه ما انت
اكيد عرفت اللي حصل زمان واختك بردوا
صح

والتفت تصرخ بقهر:

_ كشفت سري قدام ولادك يا ابراهيم
وكسرتني قدامهم خذتني للمرة الثانية
وحكيت لهم كل حاجة

احمد محاولا السيطرة عليها :

_ماما اهدي بالله عليكي الموضوع ...

فهمت بقسوة وهي تمسح دموعها بغضب

:

_الموضوع انك هطلق مها بعد ما تولد يا اما

ساعتها تنساني وتشيلني من حياتك

والتفت لابراهيم الجامد قصادها :

_وانت اعمل حسابك يوم ماابنك يتمسك

بمها هطلقني عشان اخرج من حياتكم كلكم

وكمل انت الدور اللي معرفتش تعمله زمان

وبتعوضه دلوقتي ولتاني مرة بيكون على

حسابي

وخرجت من الغرفة متجه لغرفتها مغلقة

الباب خلفها بقوة كادت تهد المكان على

رؤسهم وهنا انفجرت ياسمين هي الاخرى :

_ليه يا بابا اتسرعت؟ ماما كانت بتلحقها

مش بتقتلها

فنظروا لبعضهم بصدمة فخرجت مها من

صدمتها وحكت لهم كل حاجة وهنا زفر

احمد بضيق فقد تعقدت الامور اكثر بينما

لعن ابراهيم تسرعه الاعمى الذي جعلهم

الان في مفترق طرق وكلاهما اصعب من

الآخر

ترى كيف سيتصرف احمد وايهما سيختار؟

كيف سيحل ابراهيم اموره مع رقية؟

انتظروني مع الضربة الجديدة لقلب الرفاعي

(قلب ادهم) باذن الله في الحلقات القادمة

الحلقة الخامسة والثلاثون

بعد مرور عدة ايام قارب فيها ادهم على

الشفاء فأصبح اقوى قليلا وذلك بعد الالتزام

بتعليمات سلمى الصارمة والتي كان
ينفذها بكل حب واحترام لتلك القطة الوديفة
الهادئة والتي سرعان ما تتحول لنمرة شرسة
عند غضبها أما فاطمة فقد اتصلت بهم
لتخبرهم بوصول الحفيد الاول الذكري لتلك
العائلة (أسر مدحت) ابن نجلاء ففرحوا
جميعا بذلك ...

اما سلمى برغم البرود التي كانت تظهره
أمام الجميع الا انها كانت تعاني صراعا داخليا
قويا فهناك شيء ما يجذبها لادهم بقوة
وكأن بينهما رباط قوي يربطهما معا وهناك
شيئا اخر يذكرها بما حدث لها من زواجها
الاول من طبيب وكيف عانت منه وكادت
تفقد حياتها وحياة ابنتها بسببه ..تخبط
..تخبط هو شعور سلمى الداخلي .

اما هدى فلاول مرة في حياتها تشعر
بالسعادة لانها تعيش الان مع بابا وماما مثل
كل الاطفال لاول مرة في حياتها تجرب شعور
الاسرة المتكاملة ...

واما عبد العزيز فكان يشعر بأدهم ويعلم
جيدا ان سلمى امتلكت قلبه ومشاعره
ولكن ما ألم قلبه هو انه كان يشعر بتخبط
سلمى فكر جديا ان يتحدث اليها ولكن على
أي اساس سيفاتها في الموضوع لابد وان
ينتظر حتى يأخذ ادهم الخطوة الاولى لعلها
تستمع اليه والى قلبها ...

في الصباح دلفت سلمى لادهم مع عبد
العزيز فهي لا تدخل غرفته الامع والدها

سلمى بابتسامة :

_ صباح الخير يا دكتور ادهم

ادهم بابتسامة مماثلة :

_صباح الخير يا استاذة

عبد العزيز :

_ازيك دلوقتي يا بني

ادهم :

_الحمد لله يا عمي بقيت كويس واقدر

ارجع بيتي بقى

سلمى بمكر :

_يااه للدرجة دي مش طايق القعدة مع

هدى

هدى بحزن :

_كدة يا بابا عاوز تسيبني ..هو انت معنتش

بتحبني

فنظر ادهم لسلمى بعتاب ثم وجه نظره

لهدى هاتفا :

_ لا ياهدى والله بحبك بس ...

سلمى مقاطعة :

_ لو بتحبها تصبر شوية كمان لحد ما نطمئن

عليك

ادهم :

_ واضح انك عارفة ازاي تستغلي نقطة

ضعفي كويس قوي

سلمى بابتسامة :

_ دي شغلتي ولا نسيت اني محامية يا ادهم

فتوترت وسارعت تهتف بارتباك :

_ اسفة قصدي يا دكتور ادهم

ادهم :

_والله ادهم كويسة قوي من غير دكتور..انا
ممکن اغيرها لو تحبي

فضحكت سلمى بخجل وهتفت بمرح :

_يبقى تبطل انت كمان استاذة دي

كان عبد العزيز يتابع حوارهما معا ومرحهما
مع هدى برضا وقلب يدعو الله ان يجمع
قلبيهما في اقرب وقت حتى جاءت الخادمة
لتعلمهم بقدوم الدكتور حازم لمتابعة ادهم
فاصرع عبد العزيز لاستقباله في حين تناولت
هي صينية الفطور من الخادمة ووضعتها
بجانب ادهم هاتفة :

_يالا علشان تاكل قبل ميعاد العلاج

ادهم بمكر :

_قصدك الحقن

سلمى بضيق :

_مش بحب اسمع الكلمة دي

ادهم :

_انا اسف

سلمى :

_ولا يهمك

فبدأ بتناول طعامه حتى دخل حازم ليتابعه

والذي اراد مشاكسته لانه كان يرى حبه

الواضح لسلمى في عينيه :

_صباح الخير يا مدام سلمى ...اخبارك ايه

ياكبير

ادهم بحنق :

_ ايه كبير دي يا حازم احنا رجالة عصابات ولا

ايه ؟

حازم ضاحكا :

_ خلاص ولا يهملك يابرنس

فضحكت سلمى على مرحهما ولكنها

توقفت عن الضحك وهي ترى نظرات ادهم

الغاضبة فأرادت الخروج ولكن ناداها حازم

هاتفا ليثير غضب العاشق :

_ استني من فضلك ..انا كنت عاوز اعرفك

مواعيد الدوا الجديد

فانتبهت اليه سلمى وهو يخبرها عن الادوية

الجديدة حتى انتهى فهتفت :

_ اهم حاجة ان مفيش حقن مش كدة

حازم :

_ للاسف لا فيه بس نوع تاني اخف شوية

سلمى بضيق :

_ ليه بقى ما هو اتحسن وبقى كويس

حازم :

_ لازم نقضي على الميكروب بقوة والا

هيرجع اقوى من الاول بس متخافيش مش

هتوجعه زي الاولى

سلمى بهمس (وصل لادهم):

_ اتمنى

حازم :

_ نعم !!

سلمى :

_ لا ابدا ولا حاجة عن اذنكم

حازم :

_معلش هتقل عليكي شوية كمان ممكن
تساعديني

سلمى :

_في ايه بالظبط ؟

حازم بمشاكسة لا يعلم انه سيدفع ثمنها
غالي :

_اقنعيه لانه كل مرة يعمل نفسه طفل
ولازم نتحايل عليه شوية

سلمى بعدم فهم :

_نعم !! اقنعه بايه ؟

حازم :

_بالعلاج طبعا

فنظرت سلمى لادهم نظرة فهمها جيد
فهمس لنفسه (وديني وما اعبد لهوريك يا
حازم) واسرع مدافعا عن نفسه :

_ لا انا مش معترض على العلاج انا
اعتراضي عليه هو ..ايده ثقيلة قوي

فضحكت سلمى على تذمره الذي يشبه
الاطفال كثيرا هاتفة :

_ طب والحل

ادهم برجاء :

_ اكرم ارحم هاتولي اكرم

حازم ضاحكا :

_ كان على عيني يا حبيبي اكرم عنده حالة
طارئة ومقدرش يجي

ادهم بحزن :

_ اه يعني مفيش قدامي غيرك

حازم غامزا له :

_ مضطر يا برنس ..استاذة سلمى من فضلك

جهزيه

ادهم بغضب :

_ حازم

حازم :

_ يا عم اهدى دي كلها شكة دبوس

ادهم وقد قارب على التحول ليفتك بحازم :

_ انا مش بهزر دلوقتي

فاتجهت سلمى اليه وجلست امامه على
الفراش وبتردد واضح امسكت يده فالتفت
اليها وهو غاضب ويكاد ينفجر لكنها عندما
نظرت لعينييه وجدتها تعود لهدوئها وخضارها

الهادئ تاهت فيهما وشعرت كمن يسحبها
في دوامة فيهما بل تكاد تقسم انها سمعته
يتحدث اليها عن طريقهما سمعتها منه
بوضوح اذاب عظامها (بحبك ياسلمى
(ولكن الاكثر عجا انها لم تتوارى عنهما بل
قابلت نظراته بنظرات حيرتها وتردها ففهما
ولكن رسالته لعينيها ابدأ لم تتغير فظلت
كما هي تسمعها تتردد من عيناه وتجوب
جوانب عقلها (بحبك ياسلمى) لوهلة شعر
ادهم انها تبادلته مشاعره بل شعر انها على
وشك الاعتراف له حتى انتفض كلاهما على
صوت حازم :

_اددددهم.. خلاص خلصت يابرنس شوفت
بقى ايدي طلعت خفيفة اخيرا وما حسنتش
بحاجة والعرق مهربش زي كل مرة

زفر ادهم بضيق وهو يهمس لنفسه
(خلصت روحك يا بعيد ..بس اقوملك يا
حازم وربنا ما انا عائقك) واسرعت سلمى
بالخروج تريد لملمة اعصابها التي بعثرها
ادهم بنظراته ومحاولة تمالك نفسها من
جديد اما عبد العزيز المتابع لكل ما يحدث
استأذن منهم وخرج تارك ادهم مع حازم
بمفردهم

ادهم :

_حازم بطني بتوجعني قوي

حازم بجدية وهو يقترب منه :

_فين وريني كدة ؟

وبمجرد ان اقترب حتى هجم عليه ادهم
جاذبا اياه من قبة قميصه ومسدا له عدة

لكمات كان يحاول حازم تفاديها وهو يهتف

به :

_يعني يوم ما تفوق تستقوى على مخاليق

ربنا ..يا عم اوعى

ادهم بغل :

_ده انا هقتلك النهاردة واخلص منك

ونظرا لضعف قوى ادهم الذي لم يستعيدها

كاملة استطاع حازم الهرب من تحت يديه

وهو يهتف :

_كل ده ليه ها ؟انت بتحبها وواضح جدا كان

لازم اثبتلك انها كمان بتحبك عشان تاخذ

خطوة بقى ..اشمعنى انا يعني اللي اتحبس

لوحدي لازم تتحبس زي

زفر ادهم بضيق وهو يضطجع على الفراش

هاتفا :

_مش عارف يا حازم سلمى متعقدة من

الدكاترة وممكن ترفض للسبب ده

حازم بجديه :

_اسمع كلامي ومتعلقش نفسك على

الفاضي اطلب ايدها وافقت خير وبركة

موافقتش خلاص ابعد ومتوجعش قلبك

زيادة

ادهم بألم :

_خايف ترفض وتبعدني عن حياتها وعن

هدى

حازم وهو يربت على كتفه :

_انا واثق ان ربنا مش هيخذلك وخلي بالك

ان الحاج عبد العزيز بيحبك واكيد

هيساعدك

ادهم بتردد :

_تفتكر

حازم :

_ايوة اتوكل على الله وخذ خطوة قبل ما حد

يسبقك وياخذها منك

شرد ادهم مفكرا قليلا ولم يشعر بحازم الذي

تركه وخرج وظل هكذا لبعض الوقت حتى

انتبه على عبد العزيز الذي دخل اليه

ليطمئن عن احواله

ادهم الذي حسم امره اخيرا :

_عمي انا طالب ايد بنت حضرتك

عبد العزيز بتعجب :

_كدة على طول من غير مقدمات

ادهم :

_انا بقالي هنا فترة كبيرة واظن حضرتك
تعرف عني كل حاجة واتعرفت على والدي
كمان وانا عارف كل حاجة عن سلمى يبقى
ايه المانع

عبد العزيز :

_طيب اصبر لما تخف الاول

ادهم :

_موافقتك هي اللي هتخليني اخف

عبد العزيز :

_ربنا يقدم اللي فيه الخير ..سبني شوية
امهد لسلمى واشوف رايتها بس خليك فاكر
انها لسة متأثرة بالماضي يعني ممكن تخاف

ادهم :

_عارف بس انا اوعد حضرتك انها هتنساه
بكل اللي حصل فيه ان شاء الله

عبد العزيز :

_ربنا يقدم اللي فيه الخير.. بالمنسبة احنا
كلنا بكرة ان شاء الله هنروح لنجلاء بيتها
واكيد انت معانا

ادهم :

_اه ان شاء الله انا بقيت كويس واقدر
اسوق

عبد العزيز :

_لا تسوق ايه انت هتيجي معانا

ادهم :

_يا عمي ..

قاطعته هدى وهي تركض له قافزة على

الفراش بجواره هاتفة وهي تلهث :

_بابا انا مش عاوزة قول لها لا عشان خاطري

ضمها ادهم لصدرة محاولا تهدئتها هاتفًا :

_طب اهدي وفهميني في ايه ؟

هدى :

_دادة كريمة عاوزة تديني الدوا اللي طعمه

وحش قولها بلاش يا بابا

هنا دخلت كريمة هاتفة :

_يا لا يا هدى بلاش دلح

ادهم :

_ايه الدوا ده يا دادة ؟

كريمة :

_ ده الفيتامينات اللي حضرتك كاتبهولها يا

دكتور

ادهم :

_ اه طيب هاتيه وانا هتصرف

هدى وهو تخبء وجهها في صدره :

_ ارميه يا بابا طعمه وحش قوي

ادهم بحزن مصطنع :

_ طيب خلاص هرقيه واروح بيتي طالما انك

مش بتسمعي كلامي

هدى بفرع :

_ لالا خلاص هاخده بس بلاش تسييني تاني

فأعطاها ادهم الجرعة ونظر لوجهها فرأى

ملامح الامتعاض تغزو وجهها فضحك على

منظرها ثم سارع بدغدغتها لتعلو ضحكاتهما

عنان السماء بما اثلج قلب عبد العزيز وفكر
انها ستكون وسيلة الضغط الراححة في يده ان
ابدت سلمى الرفض

في تلك الفترة كانت رقية تدور حول افكارها
كانت تشعر بالاهانة من جديد فان يعرف
الجميع مامرت به قديما شيء يمكن لها ان
تتحمله ولكن ما لا يمكن تحمله هي نظرة
الشفقة في عيون ابنائها كانت تسأل دوما
نفسها لماذا تغيرت ياسمين فجأة واصبحت
تقضي معها وقتا اطول؟ لماذا زاد اهتمام
احمد المبالغ فيه بها؟ طبعا وما سيكون
السبب سوى الشفقة على حالها الخادمة
نعم امهم الخادمة

عند تلك الفكرة كانت تحطم كل ما تطاله
يدها وهو تصرخ :

_ لا مش خدامة ...انا مش خدامة

اندفعت ياسمين للغرفة فلم يكن احد
بالمنزل غيرها فاحمد ومها في متابعتها
الدورية وابراهيم في الشركة

حاولت جاهدة احتوائها ولكنها كانت تهذي
بتلك العبارة مجددا حتى صرخت فيها
ياسمين :

_ قطع لسان اللي يقول عليكى كدة ..انت
رقية هانم الرفاعي سيدة المجتمع الراقى
...زوجة اكبر رجل اعمال في مصر وام لأكبر
جراح هنا وفي الوطن العربي كله وام لأكبر
دكتور نفسي في مصر وام لمديرة شركات
الرفاعي اكبر مجموعة شركات في البلد مين

في مستواكي يا ماما محدش... انت اعلى
وارفع قدرا من كل زميلاتك في النادي كلهم
بيحسدوكي على وضعك ونفسهم يكون
عندهم نص اللي عندك

هدأت رقية قليلا تنظر لها بدموع هامسة :
_مكنتش عاوزاكم تعرفوا وانزل من نظركوا

ياسمين وهي تسحبها معها للفراش :

_احنا بنتباهي بيكي يا ماما ولينا الفخر
والعزة انك امننا وعمرك ابدما ما تنزلي من
نظرنا... طب تعرفي انا حكيت ليوسف على
الموضوع كله عارف كان رده ايه ؟

رقية بحزن :

_حتى يوسف عرف

ياسمين متابعة :

_قالي يابختك يا ياسمين بوالدتك ويا بخت
عمي ابراهيم بيها ...الست اللي تتحمل كل
ده عشان ولادها وزوجها تبقى جوهرة نادرة
مش أي حد يقدر ينولها ابدأ وياخته اللي
تكون من نصيبه

رقية بتعجب :

_هو قالك كدة

ياسمين بتاكيد :

_اه والله يا ماما حتى نفسه يقرب منك
اكثر وتعتبريه زينا لكن خايف يضايقك
فبيحاول يبعد ...عارفة يا ماما انا بحمد ربنا
الف مرة كل يوم على وجود يوسف في حياتي
...فرق معايا كتير حتى في نظرتي للحياة
...عارفة انا ليه مصممة انه ميغيرش
سكرتيرته عشان

ثم انتبهت ان والدتها قد غرقت في نوم عميق
كانت حرمت منه طوال الايام السابقة
فتنهدت بحزن على حالها وذررتها بالغطاء
جيذا ثم خرجت من الغرفة وهي تقسم انها
لن تسمح لاحد باهانتها مجددا ولو كان
والدها فيكفيها ما فيها وما تحملته زمان ...

منذ ان انتهت متابعتها الدورية وهما في
طريق العودة وكل منهما يلوذ بالصمت
الذي اصبح مسيطر على جوانب حياتهما
منذ تكلمت مها وسألت عن كلمات ابراهيم
لرقية وما كان يقصده وصدها احمد صارخا
انها امور تخصهم وانها لا بد ان تتوقف عن
التصرف كالاطفال وتعي لما يحدث حولها
واخر المناقشة بينهما انه صرخ بها انه

يشتاق لمها القديمة العاقلة الهادئة وليس
تلك المجنونة الطفلة وهذا كان اكبر جرح لها
فصمتت من يومها ولم تعد تحادثه كانت
تنظر للنافذة بشرود تتذكر صمته هو الاخر
منذ ذلك اليوم ولكن ما اثار ابتسامتها هو
تذكرها ملامحه المصدومة منذ قليل
والطبيبة تخبره ضاحكة ان الجنين وضعه
كما في الاشعة كأنه ينام على ظهره واضعا
كلا يديه خلف راسه واحدى اقدمه فوق
الاخرى كمن يتابع التليفزيون وانفجرت
ضاحكة واحمد ينظر لها برهه ثم يحول نظره
للساشة في غباء

اما احمد كان كمن يجلس على صفيح
ساخن هو اراد شغلها عن كلام والديه فادعى
الضييق والشجار معها لكنه يتمنى لو ترجع
لوضعها وتحادثه وتركض وتضحك كما

السابق لكنه انتبه لبسرتها وهي شاردة بعيد
عنه فعلم حينها سبب ابتسامتها ولم يملك
نفسه وانفجر ضاحكا على المشاغب القادم
في الطريق هامسا لنفسه (ياجمال ايامك
الجاية يا احمد والله اخترتك هتكون زميل
لمرضاك في المستشفى على ايد العيلة دي
)ثم انتبه لمحاولة مها هي الاخرى التحكم في
ضحكها فهتف بضيق مصطنع :

_اضحكي ياختي ما انت وابنك خلتوني كتلة
غباء قدام الدكتوراة ..انا مش فاهم طفل ده
ولا لاعيب كرة

فانفجرت مها ضاحكة هاتفة :

_وليه متقولش انها بنت وهتكون شبيهي
وهنقطع نفسك جري وانا احنا الاتنين

احمد مدعيا البكاء :

_يا عيني عليا وعلى بختي هموت بالسكته

القلبية على ايدك انت وعيالك

فتعالتي ضحكها للسماء وشاركها احمد
الضحك متمنيا الا تسال عن شيء فيكفيه
والدته التي انعزلت عن الجميع في انتظار
قراره النهائي

تري ايهما سيختار احمد ؟

هل ستقبل سلمى ان تعيد التجربة مرة
اخرى ؟

مارد فعل رقية على طلب ادهم الزواج من
سلمى ؟

تابعوني في الحلقات القادمة باذن الله

لو قتلتم نفسي التعليقات تعدي 100
ياترى حد هبساعدني احقق امنيتي

الحلقة السادسة والثلاثون (حلقة كاملة

خاصة بادهم فقط)

في صباح اليوم التالي توجهوا جميعا معا كما
امر عبد لعزيز في سيارة واحدة الى منزل
نجلاء ومدحت بالقاهرة ورحبت بهم فاطمة
كثيرا كما فرحت نجلاء بوجودهم لاول مرة في
منزلها وكذلك مدحت وجلسوا جميعا سويا
يتحدثون في كل المواضيع والامر لم يسلم
من مرح مدحت ونجلاء المعتاد حتى رن
هاتف ادهم فاجاب

ادهم :

_السلام عليكم

ياسمين :

_وعليكم السلام ازيك يا ادهم وحشتني

قوي قوي

ادهم :

_ طب اهدي بس انت عارفة انا فين؟؟..انا
عند الدكتورة نجلاء

ياسمين بفرحة :

_ بجد انت هنا في القاهرة ..اه اكيد عشان
تبارك ليها على آسر

ادهم :

_ انت عرفتي منين ؟

ياسمين ضاحكة :

_ انت متعرفش ولا ايه ان انا وهي ومها بقينا
اصحاب جدا من يوم ما عرفتنا عليها المهم
انا جياالك حالا استناني

ادهم بتردد :

_ ياسمين ...هاتي بابا ومها ويوسف معاكي

ياسمين بتوجس :

_دول بس

ادهم :

_مع السلامة يا ياسمين

واغلق المكالمة والتفت ينظر لسلمى
وتعجب عندما لاحظ تعبيرات الشراسة غزت
ملامحها لكنه سرعان ما نبض قلبه بعنف
عند خاطر انها اكيد تشعر بالغيرة من
ياسمين وهي لا تعرف انها اخته

بعد مرور نصف ساعة كان جرس الباب يدق
بعنف فاتجه مدحت ليفتح وهنا تعلق نظر
ادهم بالباب باشتياق ملحوظ اثار حنق
وغضب سلمى وزاد اكثر عندما وجدت ادهم
يقف ويفتح ذراعيه ليستقبل فتاة تلقي

بنفسها بين يديه باكية وهو يضمها بعنف

مربتا على ظهرها ومحاو لا تهدتتها

ياسمين :

_وحشتني قوي يا ادهم

ادهم :

_وانت كمان وحشتيني قوي يا حبيبيتي

...طمينيني عنك اخبارك ايه

هنا همست سلمى بشيء ما لابنتها ثم

تركتها لتندفع هدى غاضبة وهي تدفع

ياسمين بعيدا عن ادهم هاتفة بها :

ابعدي عن بابا ..ده بابا بتاعي انا بس ...مين

دي يا بابا

هنا ضحك عبد العزيز هامسا لنفسه (ابن

الوز عوامبنت ابوكي ياسلمى بصحيح

(ونظرت لها ياسمين ببلاهة ثم التفتت
لادهم بملامح اجرامية وهي تجذبه من قبة
قميصه متصنعة الغضب هاتفة :

_بابا ازاي يعني انت اتجوزت من ورايا يا
سي ادهم ..لا ولحقت خلفت كمان

فضحك الجميع وهتف ادهم ضاحكا :

_يا ستي لسة والله اهدي بس انا حاسس
انك على وشك قتلي

ياسمين بمرح :

_اه طبعا ده انا ...

يوسف مقاطعا :

_يابنتي ارحمي الراجل وسبيه شوية

ادهم معانقا اياه :

_ يوسف يا بن الايه وحشتني يا جو ..ما تلم

ياعم مراتك دي

يوسف بحزن مصطنع :

_ انت اخوها ومش قادر عليها انا اللي هقدر

ياسمين بغرور :

_ انا بعون الله محدش يقدر عليا

فالتفتا الاثنان اليها وكلاهما يرفع احدى

حاجبيه فاردفت :

_ خلاص خلاص ياعم انت وهو انتو هتاكلوني

ثم التفتت لهدى هاتفة بمرح :

_ المهم تعالي يا قمرايه انت قوليلي اسمك

ايه

هدى :

_ انا هدى وانت مين ؟

ياسمين :

_ انا بقى ياسمين او ياسو زي ما انت عاوزه

ادهم غامزا لسلامى :

_ او عمتو

مها بحرج :

_ السلام عليكم

الجميع :

_ وعليكم السلام

ادهم :

_ ازيك يا مها اخبارك ايه واخبار حفيد عيلة

الرفاعي ايه ؟

مها :

_بخير الحمد لله كلنا بخير

ادهم بتعجب :

_مالك يا مها انت زعلانة مني في حاجة ؟

نجلاء سريعا :

_هفهمك بعدين يا ادهم ..اتفضلي يا مها
على فكرة انت جيتي بيتي قبل ما تفقدي
ذاكرتك ولا برده بيتي مش فاكراه

هنا علم ادهم ما حدث لها لكنه ابدا لم
يحتاج ان يسال عن السبب فكان عنده يقين
انه بسبب والدته اكيد فهمس لنفسه (لحد
امتى يا ماما هتقضي علينا واحد ورا الثاني
لحد امتى بس) في الوقت التي احتضنت
فاطمة مها ورحبت بها وبياسمين بحرارة
واستقبل مدحت يوسف فهو من اخبر ادهم
سابقا بسبب اختفائه ولذلك يعرفه جيدا

ثم انتبه ادهم لنفسه وهتف للجميع :

_معلش يا جماعة نسيت اعرفكم دي
ياسمين اختي الصغيرة وجوزها يوسف ومها
بنت عمي وزوجة اخويا ودي بقى عيلتي يا
عمي

ابراهيم من خلفه :

_دي عيلتك بس يا ادهم

فالتفت ادهم ليجد ابيه امامه فاندفع اليه
ليقبل يديه باحترام شديد ثم اندفع في حضن
والده الذي اخذه بين ذراعيه وكأنه يحتاج
لهذا الحضن اكثر من ولده

ادهم :

_وده بقى كبير عيلة الرفاعي والدي وتاج
راسي

ابراهيم وهو يربت على كتفه :

_وده عقل وقلب وضمير عيلة الرفاعي

ياسمين بضيق مصطنع :

_خلاص بقى يا بابا ما انا بردو من عيلة

الرفاعي يعني ولا ايه

ابراهيم :

_لا انت شقاوة العيلة

مها :

_وانا ياعمي

ابراهيم :

_انت الطيبة والقلب الابيض...وبعدين

سبوني بقى اسلم على صاحبي اللي بقالي

كتير مشفتوش

ثم اتجه لعبد العزيز الذي عانقه هو الآخر

باشتياق لجلسة الاصحاب

ابراهيم :

_ ازيك يا حاج عبد العزيز

عبد العزيز :

_ الله يسلمك من كل شر يا حاج ابراهيم

والله وليك وحشة يا راجل

ابراهيم :

_ وانت والله

مدحت :

_ اتفضل يا عمي نورت والله

ابراهيم بحرج :

_ معلش يا بني عملينك ازعاج

مدحت :

_ عيب كدة يا عمي ده بيت ادهم انا عمري
ما انسى جميلو عليا ابدان وان هو السبب في

جوازي

يوسف بمرح :

_ وجوازي انا كمان ايه ياعم ادهم انت

اشتغلت خاطبة ولا ايه

ادهم بمكر :

_ بس يا يوسف بدل ما احكي لياسمين على

البت جاكى في امريكا

ياسمين :

_ نعم نعم جاكى دي مين يا سي يوسف

يوسف بخوف مصطنع :

_ ايه يا ادهم انت بتجلبلي من اختك انت
مش عارف انها بتتحول .. خلاص انا اسف
والله حقتك عليا

ادهم ضاحكا :

_ ايوه كدة اتلم احسنلك

يوسف بضيق مصطنع :

_ اتلمينا

ادهم بجدية :

_ المهم دلوقتي يا جماعة انا بعد اذنك يابابا
وانت ياعمي بنتهز فرصة جمعتنا الحلوة دي
وحابب اقول حاجة

فانتبه له الجميع فقام من مكانه وتوجه
لسلمى وجذبها لتقف امامه وهي مصدومة
ولا تعرف ماذا يحدث ولكنها فوجئت به كما

فوجئ الجميع يخرج علبة صغيرة زرقاء من
جيبه ويفتحها لتجد بها دبلتين وخاتم ماسي
ثم اذهلها عندما نزل امامها على ركبة واحدة
وهو يقول ناظرا عينيها :

_سلمى تقبلي تتجوزيني

صمت تام من الجميع وكأن على رؤوسهم
الطير اما سلمى فشعرت باحساس جميل
مزيج من عدة مشاعر ولكن الغريب ان
الخوف لم يكن احدها ابدا والمسيطر عليها
هو الحرج الشديد الذي الجمها عن الرد
ولكنها تداركت الموقف ونظرت سريرا
لوالدها لتجد عيناه تغيما بالدموع وهو
يشير لها برأسه لتوافق

سلمى بخجل ناظرة للاسفل :

_اللي بابا يشوفه

فالتفت ادهم لعبد العزيز الذي وصل اليهما
وضمها لصدره هاتفا وهو يحاول يغالب
دموعه :

_ الف مبروك يا بنتي ..ربنا يوفقكم
ويسعدكم ياارب

ثم التفت لادهم وعانقه وبارك له هو الاخر
موصيه انه الان سيستلم منه جوهريته
الغاليتان ثم تركه وهنا جذب ادهم يدها
والبسها خاتمها والبسته دبلة وانها
الجميع عليهم بالتهنئة والفرحة حتى هتف
ابراهيم :

_ يا جماعة معلى سامحوني بس انا عندي
طلب من الحاج عبد العزيز واتمنى انك
متردنيش فيه
عبد العزيز :

_ عيب يا حاج ابراهيم انت ما تطلبش انت
تؤمر وامرك مطاع باذن الله

ابراهيم :

_ الامر لله وحده انا دلوقتي راجل مريض
مقدرش على السفر وامنيتي الوحيدة اني
احضر كتب كتاب ادهم قبل ما اموت

ادهم مقاطعا بلهفة :

_ بعد الشر عليك يا بابا متقولش كدة عشان
خاطري

ابراهيم :

_ متخافش يا ادهم الموت يا بني مش شر
ده راحة للي زي

عبد العزيز :

_ربنا يدريك الصحة وطولة العمر يا حاج

ابراهيم

ابراهيم :

_ربنا يباركلك يا حاج عبد العزيز الطلب اللي

انا عاوزه منك انك توافق اننا نكتب كتاب

ادهم وسلمى النهاردة

سلمى بفزع :

_ايه؟؟ازاي ؟

ابراهيم برجاء :

_ارجوكي يا بنتي ده اول طلب اطلبه منك

متحرمينيش من اخر امنييه ليا في الدنيا اني

افرح بادهم انا اطمنت على يا سمين مع

راجل محترم وابن اصول واطمنت على

احمد مع مها بنت اخويا لسة ادهم

ياسمين :

_ايوة يا سلمى عشان خاطري وافقي انا
ويوسف دلوقتي اللي ماسكين الشركة
ومش هنقدر نسيبها ونسافر

مها :

_وانا حامل مينفعش ليا سفر وبصراحة كدة
كلنا نفسنا نفرح بيكو

نجلاء :

_وانا لسة والده وصعب اسافر وانا كدة
وابني مش هيستحمل السفر وافقي يا
سلمى بالله عليكى

نظر الجميع لعبد العزيز ينتظرون جوابه
ولكن ادهم نظر لسلمى ورأى التردد والحيرة
والخوف من تكرار التجربة يعاودانها من
جديد فهتف :

_ قبل ردك يا عمي تسمحلي اتكلم شوية
مع سلمى لوحدنا بعد اذنك

فوافق عبد العزيز وذهب ادهم معها الى
الشرفة التي كانت امام الجميع لكن لا
يسمعون ما يدار بها

ادهم :

_ انا عارف انت حاسة بايه يعني تجربة
جديدة بس بردو من دكتور يمكن يبقى زي
اللي قبله ويمكن لا مش كدة

سلمى بتردد :

_ انا خايفة .. انا ...

ادهم مقاطعا :

_ سلمى انا عاوز اطمنك اولاً انا عمري ما
اقدر أأذيكي انت او هدى عارفة ليه ؟

فنظرت له مستفهمة فتابع :

_ لانني بحبكم فوق ما يمكن انك تتصوري

..انتم دلوقتي عيلتي الصغيرة وثانيا بقى

مش انا الراجل اللي يجبر واحدة انها تعيش

معاه غصب عنها

سلمى بحيرة :

_ يعني ايه ؟

ادهم :

_ يعني انا عاوزك توافقي على كتب الكتاب

عشان والدي بس عاوزك بردو تكوني مطمئنة

انك لو حسيتي في يوم انك مش قادرة

تكملي معايا ده هيكون اخر ما بينا اوعدك

بكدة وبعدين ده مجرد كتب كتاب يعني

هيبقى فيه مدة انت اللي هتحدديها قبل

الفرح...فكري براحتك

وتركها وعاد للجميع ليدخل في حوارتهم
وفكره معلق بها اما هي فشردت قليلا تفكر
وقررت انها آن الاوان لتدخل السرور لقلب
ابيها وابنتها فهمست لنفسها (من حقهم
عليا اني افرحهم وعشان خاطرهم لازم اتغلب
على خوفي يمكن يكون ده العوض لبابا
بالولد اللي كان نفسه فيه وعوض لهدى
بالاب)((بذمتك دي اسبابك بس ياسلمى
هقول ايه بنت عبد العزيز بصحيح))

عادت سلمى لهم من جديد فنظر لها عبد
العزيز باستفهام لتحرك رأسها بإماعة صغيرة
فهمها عبد العزيز فسارع باعلان موافقته
على عقد القران الان وهذا ما اسعد الجميع
ليتهتف مدحت :

_ انا هنزل اجيب المأذون

يوسف :

_ لا انا اللي هجييه

ابراهيم بحزم :

_ لا انت ولا هو .. احمد هو اللي هجييه

فالتفت ادهم اليه بدهشة تحولت لغضب

هاتفا :

_ بابا

ابراهيم مقاطعا :

_ اخوك الكبير لازم يحضر كتب كتابك

فصمت ادهم على مفض في حين اسرع

ابراهيم ليتصل بابنه

احمد بقلق :

_ انتو فين يا بابا رجعت من شغلي ملقتش

حد حتى مها مش هنا

ابراهيم :

_ اهدى واسمعي مها معايا متقلقش
المهم انا عاوزك تجيلي حالا ومعك المأذون

احمد بحيرة :

_ مأذون !! ليه يا بابا مين هيتجوز؟

ابراهيم :

_ ادهم كتب كتابه النهاردة

احمد بذهول :

_ ادهم هيتجوز النهاردة طب اديني العنوان

ابراهيم :

_ هات المأذون على بيت الدكتور مدحت

عارفه

احمد بتفكير :

_اه قصدك بيت الدكتورَة نجلء اللى مها
بتابع عندها اىوة عارفه نصف ساعة بالكثير
وهكون عندكم

واغلق احمد الهاتف لىلتفت لىخرج ولكنه
ىصدم من وجود رقية امامه تنظر له بصدمة
هاتفَة :

_ادهم هىتجوز النهاردة من غيرى !!

احمد بتوتر :

_ماما اهدي بالله علىكى وبلاش انفعال

رقية بغضب :

_صحيح لازم اهدى ايه يعنى لما ابني يتجوز

وانا معرفش عادي ما انتو شىلتوني من

حسابتكم

احمد :

_يا ماما ...

رقية بضيق :

_هات العنوان

احمد :

_العنوان ...اه ..اصل بابا

رقية بوجع :

_خلاص فهتم اتفضل انت

احمد :

_ماما ...

رقية :

_قلت اتفضل انت

فخرج احمد على مضض وسارع الى المأذون

ليحضره معه ودخل به احمد الى الشقة

ليجد اهله وعبد العزيز وفاطمة ولكنه لم
يعرف سلمى ففكر انها يمكن ان تكون
عروسه اخيه لكنه كان يبحث بعينيه عنه
فانتبه على ياسمين التي هتفت بمكر وهي
تشير بعيناها لمكان ما :

_بتدور على حاجة يابو حميد

فتبع اشارتها وبالفعل وجد ادهم يجلس
على احد المقاعد في الشرفة وفي حضنه
طفل رضيع (أسر) ومعه هدى يلعب معها
وهو يضحك بشدة على تدمرها المتواصل
لانه لا يعطيها اسر لتحمله فرفع ادهم عيناه
لتقابل مع عيني احمد المشتاق له حد
الوجع فخرج ادهم من الشرفة وهو يتعمد
ان يبتعد عن عيني اخيه فكلاهما موجوعين
واتجه لسلمى واعطاها أسر ثم اتجه نحو
المأذون ليجلس أمامه مع عبد العزيز ليبدأ

عقد القران وينتهي بقلبت زواجها وهنا اتجه
ادهم بلهفة الى سلمى ليقبل رأسها بحنان
جارف اثار مشاعر كثيرة في قلب سلمى
كانت كفيلة بارتجافها وهطول دموعها التي
لاول مرة تسقط من فرط سعادتها ثم انحنى
بجزعه لاسفل ليحمل هدى والتفت لوالده
المتابع لفرحته بسعادة ادمعت عيناه هو
الاخر بل كان الجميع فرح بتلك المناسبة
العطرة فهتف ادهم :

_بابا دي عيلتي الصغيرة مراتي وبنتي

صوت من خلفه هتف بصرامة صدمت

الجميع :

_والله عال اتجوزت واحدة مطلقة وكمان

معاها بنت يا دكتور !!

ترى من هذا الصوت ؟

ما رد ادهم على هذا الصوت ؟

وما رد سلمى والاهم ما مصير علاقتهما هل
ستستمر ؟

انتظروني مع الاحداث الجديدة ل(قلب ادهم
(قلب الرفاعي في الحلقات القادمة باذن الله

الحلقة السابعة والثلاثون

شعرت رقية بوجع نافذ في قلبها وهي
تهمس لنفسها بقهر (كدة خلاص يا ادهم
خرجتني من حياتك ونسيت ان ليك ام ؟ ااااه
ياوجع قلبي من بعادك يااضي عيني ..نفسى
اضمك في حضني واشبع قلبي من ريحتك
واكل عيني بملامحك يا اغلى من روحى
(ثم انهارت باكية فترة حتى خطرت لها فكرة
فسارعت لغرفتها لتغير ملابسها وهاتفها
على اذنها تتحدث مع مروان صديق ادهم

لتعرف منه عنوان الدكتور مدحت ورقم
هاتف منزله الارضي

ثم اسرعت بالخروج وهي تتصل بالرقم
لتتأكد انه هو الذي سمعت اسمه من احمد
ففتحت المكالمة وكانت ...

فاطمة :

_السلام عليكم

رقية بتوتر :

_وعليكم السلام من فضلك الدكتور ادهم
موجود؟انا زميلته في المستشفى وكنت
حابة اشوفه

فاطمة :

_ايوة يا حبيبتى موجود وكتب كتابه النهاردة
اتفضلى شرفينا فى بيت نجلاء بنتى عارفة
العنوان ؟

رقية :

_ايوة بس ...

فاطمة بضيق :

_بس ياهدى بقى مش عارفة اتكلم ..دقيقة
ياحبيبتى خليكى معايا ...ياسلمى تعالى
خدي بنتك هتتجنن عاوزة تروح لادهم وهما
بيكتبوا الكتاب ومينفعش تروح هناك
دلوقتى

سلمى من بعيد :

_حاضر يا ماما ..تعالى ياهدى بابا ثوانى
وهيكون معانا يا حبيبتى اهدي بقى وبطلى
بكا والا هيزعل منك

عادت فاطمة للمكالمة :

_معلش يا حبيبتي اعذريني البنت متعلقة
بادهم جدا ومش بتفارقه خالص كنا بنقول
ايه ؟

رقية بصدمة :

_مين البنت دي؟ بنته !!

فاطمة :

_لا دي هدى بنت مراته من جوزها الاولاني
قطع وقطعت سيرته اهي دي الحاجة
الوحيدة الحلوة اللي طلعت بيها من الجوازة
دي الله لا يرجعها كانت ايام سودة

فاغلقت رقية المكالمة وهي تحدث نفسها
بصدمة (مطلقة ومعها بنت ..هي دي اللي
انت اختارتها يا ادهم ..دي اللي انت شايفها
الاختيار الصح؟ لكن لا ...انا لازم امنع الجوازة

دي باي شكل)وانطلقت من فورها للعنوان
ولكنها عندما دخلت وجدته يحمل الطفلة
بيد ويحتضن عروسته بالاخري وهو يقول
بفخر :

_بابا دي عيلتي الصغيرة مراتي وبنتي

فهمت رقية بغضب :

_والله عال اتجوزت واحدة مطلقة وكمان

معاها بنت يا دكتور

فالتفت الجميع للصوت ليفاجئ الجميع

برقية تقف امامهم بغضب جارف

احمد :

_ماما من فضلك مش وقته الكلام ده

ادهم بغضب :

_ليه مش وقته يا احمد مش حضرتك اللي
اديتها العنوان ..على العموم شكرا يا اخويا
ياكبير

احمد :

_لا والله يا ادهم انا ...

ادهم مقاطعا بعنف :

_خلصنا ...

والتفت ليواجه والدته هاتفا ببرود :

_حضرتك عاوزه ايه دلوقتي

رقية بحزم :

_لازم تطلقها حالا

ادهم :

_ انا لا يمكن اتنازل عن مراتي وبنتي لاي

سبب

رقية بغضب :

_ حتى لو قلت لك ان يا انا في حياتك يا هي

سلمى :

_ حضرتك ...

ادهم :

_ ولا كلمة يا سلمى من فضلك _ ثم تابع

كلامه لامه : _ يبقى هي يا مدام رقية

رقية :

_ ولد انت اتجننت ايه مدام دي انا امك

ادهم :

_ لا معلى اسف مقدرش اعبر سعادتك

امى ..لان دى هى امى

واتجه نحو فاطمة لىجلس على ركبتيه
امامها وهو يحتضن يدها بين يديه لىقبلهم
بدموع محبوسة ما كان لىسمح لها
بالسقوط ابدأ :

_دى اللى احتوتنى فى عز ضىقتى ودى اللى

قعدت جنبى وانا عيان تدينى الدوا
وتساعدنى اكل فى حين كنت حضرتك
خرجتبنى من حياتك ونسيتى ان لىكى ابن
محتاجك جنبه

رقية بصدمة :

_انا !!!انت بتقول الكلام ده ليا انا يا ادهم

فوقف ادهم هاتفا بانفعال :

_اه لىكى

رقية كانت كمن يشرد في غضب والدة
ابراهيم ثم تنتبه للحاضر حتى حوارها معه
كان غير منتظم وهذا ما لاحظته ياسمين
وغاب عن عقل ادهم فقد اعماه غضبه
فهتفت تردد مثل حماتها عندما طلب منها
ابراهيم ان ياخذ رقية معه للقاهرة :

اعمل حسابك لو نفذت اللي في دماغك
يبقى تنسى ان ليك ام

ولم تسمع رده فشردت بعيدا اما هو فهتف :

_ لالا معلش انا ليا ام عمرها ما هتربط حبي
ليها وحبها ليا على أي شيء ..هي دي ماما
فاطمة لكن بالنسبة لحضرتك فا انا نسيت
من زمان ان ليا ام

رقية وقد عادت من شرودها هاتفة بنفس
النبرة الغليظة :

_والله عال هتسمع كلام شوية الناس البيئة

دوول وتتنازل عن امك

الى هنا وقد طفح الكيل من ابراهيم وان كان

على حبها في قلبه فليذهب للجحيم هو

وقلبه معا ولكنه ابدأ لن يدمر حياة ادهم

للمرة الثانية فصرخ بها بغضب :

_انا تعبت منك وفاض بيا ..الناس دوول

اشرف الف مرة من معارفك واصحابك

...لكن خلاص كدة بقى خلصت يا رقية انت

ط ...

ياسمين صارخة بيبكاء :

_لا يا بابا ارجوك عشان خاطري متوصلش

لكدة

وبدات تترنح فسارع لها يوسف هاتفا :

_مالك يا ياسمين

فنظرت له دامعة العينين ولم تملك من
الحروف ما يساعدها على النطق فتلعثمت
فوجدت من يضمها نعم انها رقية شعرت بها
فضمتها وهي تهمس لها بما لا يسمعه
غيرهما ولكنه وصل ليوسف كاملا :

_متخافيش عليا يا ياسمين انا همشي من
البيت فترة اعيد ترميم نفسي وحياتي واول
ما اجمع نفسي هعرفك مكاني ..خلي بالك
من بابا ومن مواعيد علاجه

ثم قبلت رأسها بحنان وتركتها وياسمين
تهتف من خلفها ببكاء :

_ لا يا ماما لا ارجعي عشان خاطري

ولكنها خرجت فجلس ادهم لاقرب مقعد
وهو يشعر بان طاقته قد انتهت ..يشعر ان
روحه خرجت معها لكنه ابدان لن يضعف

ويتركها تدمر حياته للمرة الثانية ..اما
ياسمين فبكت وهي تنادي عليها وعندما
وجدتها خرجت وابتعدت سارعت تجذب
ادهم من يده هاتفه به بعصبية :

_ ادهم انزل وراها وصالحها بسرعة يا ادهم
ادهم ببرود :

_ اهدي يا ياسمين عشان ضغطك يتظبط
ياسمين :

_ انت مش سامع انا بقول ايه ؟
ادهم بضيق :

_ خلاص يا ياسمين هي نستني واعتبرتني
مش موجود في حياتها خلصنا بقى
ياسمين بغضب اعمي :

_ اول مرة اشوف قلبك اسود كدة

ادهم بصدمة :

_انا يياسمين قلبي اسود

ياسمين بصرامة :

_اه وهتنزل وراها حالا

ادهم بغضب :

_وانا مش نازل الا على المنيا ايه رايك بقى

؟

ياسمين :

_تبقى في الحالة دي تنسى ان ليك اخت

يوسف :

_ياسمين انت اتجننت ؟

صدم الجميع ولم يعرف احدهم كيف
التصرف كانت فاطمة تبكي بحرقة لشعورها

به الان وما يمر به وكذلك سلمى التي لم
تستطع ان تمسك دموعها وبالتأكيد هدى
ايضا اما الباقي فقد الجمتهم الصدمة وخاصة
عندما تعالت ضحكات ادهم ترج المكان
حولهم حتى صرخ كمن فقد عقله او على
وشك ان يفقده :

_جميل قوي ..انسى ان ليا ام وانسى ان ليا
اخ ودلوقتي انسى ان ليا اخت وبعدين كمان
انسى ان ليا اب

والتفت وهو يصرخ وقد غزا التوحش
والقسوة ملامحه بجنون هاتفا :

_الا قولي ياعمي ترضى تجوز بنتك لواحد
من غير اهل ..وانت ياسلمى حددي موقفك
دلوقتي ولا كمان شوية هتيجي انت كمان
وتقوليلي انسى ان ليك زوجة

فاطمة بدموع وهي تحاول جذبه من يده

لينظر لها :

_ انت اقوى من أي موقف واي كلام ودي
ساعة شيطان اهدى يابني ومتاخذش على
كلام اتقال في ساعة غضب

ولكنه افلت يده منها والتفت لابييه الذي كان
ينظر له بدموع شخص عاجز عن حمايته من
ويلات تلك العائلة وهتف فيه :

_ ليه بيعملوا فيا كدة ..قولي يا بابا انا عملت
ايه فيهم غلط ..اتكلم يابابا

واردف وهو يصرخ كمن فقد عقله :

_ ليه كلكم كدة ..انا عمري ما فكرت غير
فيكم ...ولا عملت حساب غير لمصالحكم
...جيت على نفسي كتير عشانكم ...ليه
بتقتلوني كدة ...حد يرد عليا ...ليبيبييه

احمد محاولا احتوائه :

_ اهدى يا ادهم عشان خاطري و...

دفعه ادهم بعنف صارخا به بغضب :

_ ابعدي عني كلكم زي بعض انانيين... كلكم

م... تست.. حقو... ش... اني... اعد... فكم... تا... ني

(كلكم متستحقوش اني اعرفكم تاني)

حروف مبعثرة وكلمات غير مفهومة تلك ما

خرجت من شفتيه حتى فقد طاقته كاملة

وزحف الظلام اليه ليستقبله باشتياق غريب

محاولا الهرب من هذه الحياة التي لا تتوانى

عن صفعه المرة تلو الاخرى

وسقط ادهم فاقدًا لوعيه... سقط الرجل

الذي كان يحميهم ولو على حساب نفسه

...سقط السند والداعم الاول لاحمد طوال

حياته... سقط توأم ياسمين وداعمها وبئر

اسرارها...سقط الاخ والحامي لمها...واخيرا
سقط ضمير عيلة الرفاعي وحكمتها
وياويلك من الايام القادمة ايتها العائلة
بسقوطه والذي ستدفعين ثمنه غاليا جدا
جدا

اسرع احمد اليه ومدحت يتفقدون نبضه
سريعا حتى صرخ احمد:

_ اطلبوا الاسعاف بسرعة لازم يتنقل
المستشفى فورا

فسارع مدحت للهاتف فيما كان يوسف
يحاول احتواء تلك الباكية وهي تصرخ
بهذيان :

_قتلته يايوسف...انا قتلت اخويا ..

كان يحاول قدر استطاعته تهدئتها ولكن
عندما وصلت رجال الاسعاف وتم حمله

صرخت بجنون انها لن تتركه فجذبها معه
يوسف لسيارته وكذلك استقل ابراهيم
السيارة مع عبد العزيز كما استقلت مها مع
احمد سيارته وانطلقوا خلفه اما سلمى فلم
ترضى بديلا من الصعود معه في عربة
الاسعاف ومعها كان مدحت يتابع حالته فيها
اما فاطمة فاصروا عليها ان تظل مع نجلاء
ومعهما هدى فوافقت مرغمة وقلبها
مشتعل خوفا عليه ان يصيبه مكروه
فتوجهت للصلاة بقلب خاشع تدعو الله ان
ينجيه ويزيل عنه كربه

وفي المستشفى تم اجراء الفحوصات اللازمة
لحالته والتي قارب فيها من الانهيار العصبي
فتم حقنه بالمهدئ ليدخل في سبات عميق
ولكن هذا لم يمنع ياسمين من صراخها
المتواصل انها تريد ان تراه بما وترت اعصاب

احمد والذي كان قابضا على اعصابه بارادة
من فولاذ حتى لا يوسعها ضربا لانها كانت
السبب المباشر في حالته تلك وعندما قارب
على الانفجار بها جذبها يوسف بعيدا عنها
ناظرا لمها لمحاولة التدخل وفهمته مها
وتدخلت على الفور محاولة امتصاص غضبه
في حين توجه يوسف لياسمين حدثها بهدوء
واخبرها انها ابدأ لن تدخل لتري ادهم حتى
تهداً وتتوقف عن البكاء والصراخ فيمن
حولها فاستمعت له وادخلها له لتجده نائما
وملامحه قد غزاها الارهاق والتعب وزاد
شحوب وجهه بما جعله يشبه الاموات
شعرت قلبها يتحطم من منظره همست
لنفسها ببكاء (ازاي قدرت اعمل فيك كدة
?...سامحني يا ادهم مكنتش شايفة قصادي
وكنت خايفة على ماما...انت متعرفش
حاجة عن حالتها واللي مرت بيه...لكن...انا

كسرتك وانت كنت قوتي ...خذلتك وانت كنت
سندي وظهري في دنيتي ...ااه ياوجع قلبي
عليك ...ياريتني مت قبل ما اعمل فيك كدة
...يارتني مت (...وانخرطت في بكاء يقطع نياط
القلب ولكنها انتبهت على يد تربت على
كتفها برفق فالتفتت فوجدت سلمى خلفها
تهمس لها بصوت ضعيف :

_هيبقى كويس ..متخافيش ...ادعيله انت

بس

فالقت ياسمين بنفسها في حضنها وتلقتها
سلمى تحاول تهدئتها وهي تمسح دموعها
بين الحين والاخر عجا كيف تغزو دموعها
عينها بتلك الحالة وهي التي كانت لا تبكي
الا نادرا ماذا حدث هل ...حقا ...هل احببته
لتلك الدرجة

ولكنها افاقت من شرودها على دخول احمد
الذي اشار لهما ان يخرجتا كلتاهما دون ادنى
حرف فانصاعتا لرغبته وخرجتا الاثنتان وفي
داخل كلتاهما شعور انهما تركتا قلوبهما لديه

مرت عدة ايام كانت سلمى لا تترك
المستشفى ابدا وكذلك ياسمين واما
يوسف كان يتابع العمل سريعا ويعود اليهم
واحمد كان يتابع مها في الفيلا سريعا
ويعود اليهم اما ابراهيم فكان كمن زاد عمره
اضعاف مضاعفة حتى لقد انحنى كاهله
ورأسه تعج بهموم تنحني لها الجبال رقية
اختفت منذ ذلك اليوم ولا يعلم احد طريقها
وطبعا كانوا يحاولون البحث عنها ومتابعة
ذلك المسجى في الفراش فتكالبت الهموم
اكثر واكثر على عاتق احمد وابراهيم

في صباح احد الايام دخل احمد لرؤية اخيه فوجده مستيقظ حاول التواصل معه بكل الطرق ولكنه فشل كان كمن لا يراهم امامه فكر احمد كثيرا حتى هداه تفكيره لنقطة ضعفه فخرج من المستشفى وعاد ومعه هدى وتركها تدخل له دون وجود احد منهم طبعاً هدى كانت خائفة منهم جداً وعندما ادخلوها كان ادهم جالساً وظهراً لمن يدخل لذلك كانت خائفة ولم تتحرك فظلت مكانها اما ادهم فكان طفح الكيل لديه فهو يريد الخروج والابتعاد عنهم جميعاً ونسيانهم ان استطاع وسمع صوت الباب يفتح فلم يلتفت فظل على وضعه ولكن اثار غيظه عدم تحرك الداخل من مكانه فدفع بيده الادوية على الطاولة بجانب السرير فصرخت هدى خائفة فالتفت من فوره فوجدها امامه

فوقف سرّيعا وهمس كمن لا يصدق

وجودها امامه :

_هدى

فاندفعت اليه باكية وهي تهتف :

_بابا...انا كنت خايفة منهم...خليني معاك

فضمها لصدره يداوي جراح قلبه بها هامسا :

_متخافيش مش هسيبك تاني معاهم

...هنرجع كلنا على بيتنا

كان الموقف كله امام المتابعين من خارج

الغرفة فهتف احمد :

_كدة انا اطمنت..صحيح هو كدة خرجنا كلنا

من حياته بس يكفي انه الحمد لله كويس

ابراهيم وهو يزيل دموعه بطرف ابهامه :

_عندك حق يا بني كفاية انه كويس هو شاف
مننا كتير..خليه يرتاح بقى في حياته الجديدة

احمد :

_ادخليله يا سلمى عاوز اطمئن ان ردة الفعل
دي مش لهدى بي

فأومأت سلمى برأسها ودخلت على
استحياء لغرفته فرفع نظره اليها وهو جالس
على الفراش وهدى في حضنه تحكي له ما
مر بها في اليومين السابقين لكنه مجرد ان
راى سلمى حتى هام بها ولم يعد يسمع ما
تقوله هدى حتى رفعت سلمى عينيها اليه
وتلاقت العيون في حوار صامت انتهى
بابتسامته وهو يفرد يده الاخرى لها لتتجه
اليه وتجلس على طرف الفراش وهنا لم
تستطع السيطرة على دموعها فبكت فلم
يملك نفسه الا وهو يحتضنها بيده الاخرى

لتكون كلتاها داخل صدره وعندما تعالت
شهقاتها ما جعل هدى تبكي هي الاخرى
هتف بمرح :

_ليه الدموع دي بس انا لسة ماموتش على
فكره

فضربته سلمى في كتفه هاتفة بحنق :

_انت رخم على فكرة

فتعالت ضحكاته وهو يهتف بها :

_رخم !!هي دي حمد الله على السلامة
بتاعتك ...لا ده انا لازم اعلمك الادب من اول
وجديد

سلمى متصنعة الغضب :

_نعم !!تعلم مين الادب ده انا ...

فقاطعها ادهم على حين غرة بان التقط
شفتيها بشفتيه وهو يخبى وجه هدى في
صدره لحظات غابا كلاهما فيها عن الدنيا وما
فيها ولم يتركها الا لاحتياجهما للهواء فابتعد
عنها قليلا ونظر لها وجدها في حالة من
الصدمة تكاد لا تصدق ما فعله فهتف بمرح
غامزا لها :

_ ده بقى اول درس في الادب الخاص بيا
فضربته سلمى مرة اخرى على كتفه وهو
يضحك بقوة كانت سلمى تعلم انه مجروح
حد الوجع لكنه يحاول التظاهر انه بخير وان
ما حدث لم يفرق معه كانت تعلم انه يدعي
اللامبالاة وهو في داخله يحترق لذلك حاولت
مجاراته ولم تظهر له انها تعلم بتمثيله حتى
لا تزيد من جرحه وبرغم ذلك الا انها لا

تستطيع ان تنكر انها تجرب معه مشاعر لم
تمر بها من قبل تخوضها معه لأول مرة

*

في ذلك اليوم مجرد ان خرجت رقية من
منزل مدحت حتى رجعت لمنزلها وجمعت
اغراضها وسافرت فورا لمحافظة المنصورة
حيث منزل والدها الذي تركته منذ اكثر من
30 عاما فقد شعرت انها لا بد وان تعود
لاصلها حتى تكسر البللورة التي غلفت بها
نفسها بللورة التعالي والغرور والارستقراط
تلك الطبقة التي كانت تعاملها بها والدة
ابراهيم وتفرض سيطرتها على حياتها من
خلالها....كانت تريد ان تعود رقية الفتاة
البسيطة التي تعلق بها ابراهيم ابن صاحب
اكبر اراضي في المنصورة وتزوجها رغما عن

انف عائلته ولكنها من مر وقسوة ما رأته
على ايديهم تحولت لمثلهم وفعلت بابنائها
المثل لذلك كان عليها العودة لتفكر وتحاول
ان تجد نفسها من جديد ولكنها يجب ان
تترك ذلك المنزل في اسرع وقت فقد يبحث
عنها هنا ابراهيم وهذا ما لا تريده ابدا على
الاقل في الوقت الحالي ولم تكذ تخرج من
افكارها حتى عاجلها الطرق على الباب
فخافت قليلا لكنها سرعان ما استجمعت
شجاعته وفتحت الباب وتبعثرت حروفها
خوفا ممن وجدته امامها

تري من رات رقية ؟

وهل ستعود اليهم من جديد ؟

هل انتهت علاقة ادهم بعائلة الرفاعي للابد ؟

الاهم هنا ايهما اشد وجعا جرح الاهل ام جرح
الحبيب؟؟ سؤال لاتوجد اجابة له الا عند
... (قلب الرفاعي)

تابعوني في الحلقات القادمة باذن الله

الحلقة الثامنة والثلاثون

مرحلة جديدة بدأت على جميع أبطالنا فا
ابراهيم واحمد وياسمين ومها بدأت مرحلة
جديدة من حياتهم تخلو من رقية التي
اختفت منذ ذلك اليوم وباءت كل محاولاتهم
بالبحث عنها بالفشل الذريع حتى ابراهيم
الذي ذهب بنفسه للمنصورة باحثا عنها
هناك سواء عند بيتهم القديم او عند بيت
والديها ولكنه لم يجد لها أي اثر بما احزن
قلبه على فراقها صحيح انه في لحظة تهور
كان على وشك طلاقها ولكنه كان يكفيه

انيعلم انها بخير وابنائها معها لكن الان لا
يعرف عنها أي شيء فقد رحلت ولا اثر لها
اما ادهم فعاد للمنيا مع عائلته الصغيرة
..رجع ليعيش في شقته ولكنه كان دائم
الزيارة لهدى وسلمى والتي قضا معهما
اسعد ايام حياته بمرح هدى المعتاد
والجانب الاخر لنمرته التي لم يعرفه احد وهو
طفولتها والتي اكتشف انها اكثر طفولة من
ابنتها وهذا ما جعله يشعر انه اب لطفلتين
وليست واحدة ابدا وكأن الله عوضهم جميعا
ببعض ..

في ذلك اليوم تحديدا كان ادهم يجلس على
احد المقاعد بالحديقة بفيلا عبد العزيز
وامامه كانت سلمى تضحك على تعبيرات
وجهه وهو يحاول اقناعها بتقديم موعد

الزفاف وهي ترفض ضاحكة حتى انها
حاولت استفزازه وهي تخبره ببرود انه لن
يحدث قبل عامين على الاقل لتجد ملامحه
تغيرت فورا وقبل ان تنطق كان يهدر بها
مصطنع الجدية :

_عارفة ياسلمى لو قلتى كدة تاني انا
هخطفك حالا ومش مهم نعمل فرح وابوكي
موافق ايه رايك
سلمى بضيق :

_طيب سنة واحدة

ادهم وهو يهم بالوقوف :

_شكلك مفكراني بهزر..حالا يا حبيبتى
هثبتلك

فاندفعت تمسك يده تجبره على الجلوس
هاتفه :

_ طب خلاص 6شهور ومش هقلل يوم انا

بقولك اهو

ادهم ضاحكا :

_ حبيبتي انا لو ضغط شوية كمان ممكن

اخليه النهاردة بالليل

سلمى بضيق :

_ ادهم متخلنيش اعند عليك وانت عارفني

لما بقلب

ادهم ضاحكا :

_ اه طبعا عارف فاكرة اول مرة شوفتك كنت

عاملة زي البركان والله كنت خايف لتنفجري

فنظرت له عابسة وهمست :

_ انا بركان يا ادهم ...

فهمس :

_واحلې بركان في حياتي سلمى انا ...

قاطعہ ركض هدى تجاههم تلث هاتفة

بخوف :

_بابا خبيني ..جدو هيضر بني

ادهم ضاما لها :

_متخافيش يا حبيبيتي ...اهدي وفهميني

هيضر بك ليه

هدى :

_عشان ...دخلت .اوضته ...ولعبت بورقه

سلمى بضيق :

_بردو يا هدى هو انا مش قولتلك

متدخليش اوضة جدو تاني

هدى :

_ اخر مرة يا ماما ...بس متخليش جدو

يضر بني

ادهم :

_محدث هيضربك متخافيش بس لازم

تعذري لجدو حالا

عبد العزيز بغضب :

_البنت دي لازم تنضرب ...الورق كله عملته

مراكب

سلمى متجهه اليه :

_ خلاص يا بابا حقك عليا هي معدتش

هتكررها

عبد العزيز بتصميم :

_لاء يعني لاء ... هتضرب يعني هتضرب

ادهم متوجها له ومخفيا هدى خلفه :

_يا عمي عشان خاطرني انا

عبد العزيز :

_لاء يعني لاء

ادهم بحزن :

_طيب هي فعلا غلطت بس ممكن بعد

اذنك انا اللي هضربها

وعندما التفت لها ركضت هدى لآخر الحديقة

مختبئة خلف احد الاشجار فركض ادهم

خلفها ولم يمر سوى عدة ثواني وسمع عبد

العزيز وسلمى صياحها وتأوهاتنا العالية

وهو يهدر بها صارخا بعنف وهنا نظرت

سلمى لعبد العزيز برعب هاتفة :

_بابا ده هيموتها من الضرب

عبد العزيز :

_ الحقيه يابنتي قبل ماتموت في ايده

فركضت سلمى لمكانهم خلف تلك الشجرة
العملاقة لتجده جالسا ارضا بجانب هدى
وهو يضحك معها ثم يتحدث صارخا معنفا
لها بصوت عالي فتضحك هدى وهي تكتم
ضحكتها بيدها ثم تصرخ بصوت عالي كمن
نالت ضرب مبرح ثم هتف بها ادهم :

_ هدى يالا على جدو اعتذري له عن اللي
حصل ومعدش يكرر تاني والا والله هزعل
منك ومش هاجي هنا تاني
هدى وهي تحتضن عنقه :

_ حاضر... خلاص اسفة مش هعمل كدة تاني
واسرعت تركض نحو جدها ووقف ادهم
والتفت ليعود فوجد سلمى امامه هاتفة به :

_ هو ده العقاب ؟

ادهم :

_دي طفلة مينفعش تضرب حرام

سلمى :

_بس هي غلطت

ادهم :

_تمام معاكي يبقى تتعاقب بس مش
بالضرب يعني مثلا نحرمها من خروجة ..من
اكله بتحبها ..من لعبة مميزة عندها ...فهماني

سلمى :

_تصدق انا فكرتك فعلا بتضربها

ادهم بمكر مدعيا الحزن :

_ياااه ...هو انا في نظرك وحش قوي كدة

سلمى سريعا :

_ لا والله ما اقصد ..انا ..انا اسفة

ادهم مقتربا منها هامسا :

_اومال انت شيفاني ازاي ؟

سلمى بتوتر وهي ترجع للخلف :

_انت ..انت انسان محترم و...

فاعتقل ادهم خصرها حتى يمنع هروبها ثم

همس بجانب شفاهها :

_وايه كمان

سلمى وقد تاهت في عينيه وانفاسه التي

تضرب وجهها :

_ها ...

ادهم بهيام امتلك قلبها هامسا :

_بحبك يا سلمى

توترت اكثر وقد اوشك قلبها على الخروج
من مكانه من فرط انفعاله فحاولت الهرب
ولكنه لم يسمح لها فقد وقعت اسيرة بين
يدي العاشق المتيم فاطبق على شفيتها
بشفتيه جاذبا اياها اكثر لتضع عفويا يديها
على صدره فترتجف اصابعها من ملمس
ذلك الشيء الذي يهدر كمضخة عظمي بين
ضلوعه وانفصل العاشقان عن الكون
ولكنهما اجفلا عندما سمعا صياح عبد
العزیز مناديا عليهما فابتعدا يلهثان ينظران
لبعضهما نظرات كانت اقوى واعنف من كل
كلمات العشق على وجه البسيطة
وعادا لمكان عبد العزیز واصابعهما
المتشابكة اكبر دليل على تشابك قلوبهما
وهذا بالطبع لم يخف على عبد العزیز والذي
حمد الله ان ساعده على الاطمئنان على

سلمى من نوائب الدهر طالما معها رجل
عاشق كا ادهم ولا يعلم ان نوائب الدهر
كانت تستعد لتسد لهما قذائفها الملتهبة

مرت عدة ايام على ذلك الحال حتى شعر
ادهم بامتلاك سلمى لقلبه كاملا بل انها
تبادلته نفس مشاعره فاصر عليها تحديد
موعد للزفاف ولكنه فوجئ ...

ادهم :

_يا سلمى انا حاسس انك مخبية حاجة
..ارجوكي قولي ومتخبيش عليا حاجة وانا
اوعدك اني هتفهمك

سلمى متجنبه النظر له :

_يا ادهم صدقني مفيش حاجة كل الحكاية
ان معايا قضيتين مهمين وعاوزه اخلصهم
قبل الفرحة

ادهم :

_طب ما احنا متفقين انك هتشتغلي بعد
الجواز يبقى ايه اللي يمنع انك تخلصيهم
بعد الفرحة

سلمى :

_مينفعش صدقني

ادهم زافرا بضيق :

_طيب هما هيخلصوا امتي

سلمى :

_والله لسة مقدرش احدد دوول قضيتين
كبار قوي وصعب احدد هيحتاجوا وقت اد
ايه

ادهم بضيق :

_خلاص يا سلمى براحتك ..انا ماشي بعد
اذنكم

سلمى :

_ادهم انت زعلان ..والله انا مقصدش ازعلك
لكن غصب عني

ادهم :

_لا مش زعلان عادي عن اذنكم

خرج ادهم من الفيلا وعقله يكاد ينفجر من
كثرة التفكير فأسبابها واهية وغير مقنعة

بالمرة فما هو السبب الذي تخفيه عنه ..لا

يعلم ...

اما عبد العزيز الذي كان يتابع الحوار الدائر

امامه بصمت هتف بعد خروج ادهم :

_ليه ما حكيتلوش الحقيقة

سلمى :

_مقدرش يا بابا هقوله ايه ؟

عبد العزيز :

_يعني ايه هتقوليلوا ايه قولي الحقيقة

سلمى :

_انت عاوزني اقوله ان جوازي منه هيخرجني

من حلم حياتي ...ان جوازي منه هيكون

خروجي رسمي من الجمعية اللي كانت

فكرتي وقامت على اكتافي

عبد العزيز :

_ طب والحل ما هو في الاخر هيعرف

سلمى :

_ لا مش هيعرف مش عاوزه احسسه بالذنب

..انا فعلا هخلص القضيتين اللي معايا

وبعدين هرجع تاني لمكتبي وهتنازل عن

الجمعية

عبد العزيز :

_ طب ما تعملي كدة دلوقتي

سلمى :

_ القضيتين دوول مهمين جدا يابابا واحدة

منهم اتعرضت لنفس اللي انا دوقتوا

والثانية جوزها رجل اعمال كبير ومحدث ان

شاء الله هيقدر على الاتنين غيري ...انا

عايزاك بس يا بابا تتكلم معاه وتفهمه اني
مش بندم على ارتباطي بيه زي ما هو فاهم
وان شاء الله كلها مدة بيطة وهتمم كل
حاجة

عبد العزيز :

_ في الحالة دي هيكون كلامك انت معاه
افضل مني ياسلمى ...روحيلو يابنتي
واتكلمي معاه ادهم قلبه طيب وهيفهمك

سلمى :

_ حاضر يا بابا بكرة ان شاء الله الصبح
هروحلو المستشفى واعزمه بالمره على
الغدا ايه رايك

عبد العزيز :

_ تمام قوي كدة ربنا يهدي سرك معاه
يابنتي ويسعدكم

في صباح اليوم التالي في المستشفى كان
ادهم جالسا وراء مكتبه شارد التفكير في
اسبابها للتأجيل وما يمكن ان تكون تخفيه
عنه ولكنه انتبه على طرقات على باب
المكتب فهتف :

_ادخلي يا سناء

سلمى بعدما دخلت :

_ولو مش سناء متدخلش

فقام ادهم من مكانه ليسلم عليها ورحب بها
ببرود ودعاها للجلوس وهو يتحدث معها
برسمية شديدة جديدة عليه فهتفت :

_ادهم ممكن اتكلم معاك ضروري

ادهم ببرود :

_مش هينفع...انا عندي مرور على الحالات

اللي عندي دلوقتي

سلمى :

_انت بتتهرب مني صح ؟

ادهم :

_ليه يعني ؟

سلمى :

_لانك زعلان مني وعشان كدة مش عاوز

تواجهني

فقام ادهم من مكانه واتجه لنافذة مكتبه

وهو يدس يديه في جيوبه هاتفا ببرود :

_لا خالص..عادي يعني محصلش حاجة

مهمة لده كله

سلمى بقهر :

_هو اتفاقنا على ميعاد فرحنا مش مهم
عندك

فضحك ادهم ساخرا هاتفا وهو ينظر لها :

_اه طبعا اصل انا عندي شغل مهم
ومقدرش اسيبه عشان حاجة تافهة زي
الفرح

فلمعت عيناها بالدموع والتي للعجب
اصبحت تظهر سريعا من مجرد كلمة من
ادهم والذي واضح انه امتلك فيها الكثير
حتى دموعها عند هذا لم يتحمل ادهم
فالتفت سريعا ينظر للنافذة حتى لا يضعف
امام تلك اللائى الي تأسر قلبه فهمست
سلمى بصوت مختنق بدمزعاها :

_ادهم... انا... انا ..بحبك

فتوقف قلبه وتتسع عيناه ليلتفت لها
بذهول فهذه اول مرة تعترف بحبها له مقابل
اعترافه لها الذي طالما قاله لها ولا يجد منها
في المقابل سوى الصمت القاتل وها هي
الان تصرح بحبها ولكنه تنبه على صوتها
المتلعثم :

_ انا ... اسفة ... بس

لحظات قليلة كانت سلمى محاصرة بين
ذراعيه هاتفا بها :

_ بحبك يا سلمى ... بحبك يا اغلى انسان في
حياتي

سلمى بدموع :

_ وانا كمان

ادهم وهو يقربها اكثر وان اتحت له الفرصة
لسجنها داخل ضلوعه لتسكن قلبه هاتفا :

_انت ايه ؟

سلمى بخجل وهي تخفض راسها لاسفل :

_انا .. ب ح ب ك

فحضنها ادهم بقوة دافنا راسها في صدره

وهو يهتف :

_ياااه يا سلمى أد إيه كنت مشتاق اسمع

الكلمة دي منك ...تعرفني اني حاسس اني زي

البيبي المولود اللي اول مرة يدخل الدنيا

بس البيبي بيحي بصرخة انا بقى جاي

بفرحة

سلمى وهي تزيل دموعها بظهر كفها

: كالاطفال :

_ربنا يباركلي فيك يا ادهم

ادهم وهو يزيل باقي دموعها :

_ويباركلي فيكي يا قلب ادهم

سلمى :

_يعني خلاص مش زعلان وهتصبر عليا

شوية

ادهم :

_مش زعلان ممكن لكن اصبر موعديش

اني هصبر كثير...انا نفسي بقى استقر

ياسلمى واعيش حياتي معاكي انت وهدى

واطفالنا الجايين ان شاء الله

سلمى :

_ان شاء الله ربنا هيحقق لنا كل احلامنا

الجاية

ادهم غامزا :

_طب مفيش تصبيرة كدة على الماشي

سلمى وهي تدفعه من كتفه :

_ عيب يا دكتور

ادهم :

_ طب الدكتور محتاج المسكن ياقلب

الدكتور

سلمى :

_ ادهم بلاش جنان حد يدخل علينا

ادهم برجاء :

_ تصبيرة صغيرة يا سلمى متبقيش بخيلة

فارتفع سلمى على اطراف اصابعها وقبلته

قبلة صغيرة في وجنته ثم اسرعت تجاه الباب

وهو تضحك على معالم وجهه المغتظة

فهتف بها :

_ سلمى انت كدة بتضحكي عليا

سلمى :

_ خلاص بقى هستناك النهاردة على الغدا

متتأخرش

ادهم مدعيا الحزن :

_ مش هاجي

ثم اردف بمكر وهو يسرع نحوها :

_ الا لما اخذ حقي

فهرولت للباب وهي تهتف :

_ لالا ...

ولكنه استطاع ان يلحق بها قبل ان تفتح
الباب واندفع ليلتهم شفتيها في قبلة اثار
فيه مشاعر قوية كلما استزاد منها لتهدأ
مشاعره زادته اشتعالا وتركته يتخبط في
نيران اشتعلت بقلبه وكذلك هي ولكنهما

ابتعدا سريعا نظرا لطرق سناء الباب فأذن
لها ادهم بالدخول فاخبرته انهم يحتاجون
اليه لحالة طارئة فهتفت سلمى :

_انا همشي انا وهستناك على الغدا ..اوعى
تتأخر ..سلام

ادهم :

_ان شاء الله مش هتأخر مع السلامة
وعاد ادهم لعمله بهمة ونشاط بينما ذهبت
سلمى من فورها لمكتبها لتدرس القضيتين
لتحاول الانتهاء منهما سريعا لتنعم بحياتها
مع من امتلكها ولا يعلمان كلاهما ان
حياتهما معا على وشك الاصطدام بأول
نوائب الدهر

لن احدد اسئلة تلك المرة ولكن يكفي ان
اقول انتظروني في الحلقة القادمة مع جرح
جديد لقلب الرفاعي

الحلقة التاسعة والثلاثون

مرت عدة ساعات وسلمى في مكتبها تعكف
على تلك القضايا تحاول ايجاد الثغرات
القانونية بها عليها تظفر براحة بالها وسعادتها
المنتظرة مع ادهم ولكنها فجأة استوعبت
انها بالفعل تأخرت كثيرا عن موعد الغداء
ولابد ان يكون ادهم الان ينتظرها فسارعت
تجمع اغراضها لتعود للفيلا سريعا وهي
تمني نفسها بأخذ حمام دافئ يجدد نشاطها
قبل مجيء ادهم لتكون في استقباله ولكنها
لم تعلم انه قد الغى كل مواعيده ما عدا
المهمة فقط ليذهب اليها سريعا وعندما لم
يجدها وعرف انها في المكتب لم يهاتفها بل

ترك لها المجال لتنهى تلك القضايا الحجرة
العثرة امام زواجه وحتى يفاجئها قد ركن
سيارته خلف الفيلا لئلا تعلم بوجوده
بالداخل

كان حينها يجلس مع هدى في حديقة المنزل
يلعب معها بعيدا عن مدخل الفيلا حتى رآها
تدخل بسيارتها وتخرج منها ويبدو عليها
ملامح التعب والارهاق فتألم لمنظرها ولام
نفسه انه يضغط عليها في حين انها تفعل
مافي وسعها ليكونا معا فقرر ان يتركها تنعم
بحمام دافئ ثم يقابلها وقبل ان يبتعد
فوجيء بسيارة تدخل الى الفيلا بقوة قبل
دخول سلمى من باب الفيلا ولكن ما
استرعى انتباهه هو اتجاه سلمى سريعا
لتلك السيارة وكان يبدو عليها التوتر
والارتباك اما السيارة فقد ترجل منها ثلاث

سيدات في عمر سلمى او اكبر قليلا واتجهن
نحوها وعلى وجوههن علامات الغضب
والاستياء الشديد فقرر ادهم الاقتراب ليعلم
من هن ؟ ولم هذا الغضب الواضح تجاه
سلمى وعندما اقترب اكثر سمع حوارهن

سلمى بتوتر :

_ اهلا اهلا يا بنات نورتوا اتفضلوا

رشا بغضب :

_ نتفضل فين يا سلمى ..انت خنتي العهد

اللي بينا وجاية تقوليلنا اتفضلوا

سلمى :

_ لا انت مش فاهمة ...

سحر مقاطعة :

_مش فاهمة ايه بالظبط هو انت مش

اتجوزتي بردوا ولا احنا سمعنا غلط

مروة :

_يا جماعة سيبوها تتكلم اكيد في حاجة غلط

في الموضوع

سلمى :

_يا جماعة صدقوني ده مش جواز ..ده مجرد

كتب كتاب بس والله

رشا ساخرة :

_والفرح امتى ان شاء الله يا عروسة

سلمى بتلعثم :

_مفيش فرح يارشا دي حكاية كدة هتاخذ

شوية وقت وتنتهي

سحر :

_يعني ايه انا مش فاهمة ؟

سلمى بتوتر :

_يعني انا اضطريت اوافق والدي على طلبه

ده يومين كدة وافض الموضوع يعني مش

اكثر

مروة :

_يعني مش هتتجوزي وتسيبي الجمعية

سلمى :

_لا اتجوز ايه انا لا يمكن اربط مصيري

وحياتي براجل ابداء..انا...انا حرة وهعيش

عمري كله حرة..حياتي في ايدي انا بس

رشا :

_متأكدة يا سلمى

سلمى :

_ اكيد يا رشا ميكونش عندك فكر اطمني

سحر :

_ خلاص يا جماعة طالما الحكاية كدة خلينا

نمشي بقى .. احنا على العموم مسافرين

الاقصر عندنا هناك 4 قضايا على ما نرجع

تكوني خلصتي القضايا اللي معاكي

سلمى بابتسامة حزينة :

_ ان شاء الله مع السلامة ربنا يوفقكم

واتجهن الثلاث فتيات لسيارتهن ليخرجن من

الفيلا لتتنهد سلمى بارتياح وتلفت لتعود

للفيلا ولكنها تتجمد مكانها بصدمة عندما

وجدت ادهم امامها ينظر لها بلوم وعتاب

وقد سمع كل كلامها فشعرت بنصل حاد

غرز بقوة في قلبها وهي تشعر بقلبه الان وما

فيه فجرت عليه سلمى لتمسك بكف يده
وهي تهتف بتلعثم واضح :

_ ادهم ارجوك اسمعني الاول انا ...

ولكنه نفض يدها بقوة كمن ينفذ حية
سامة وتركها واتجه من فوره لسيارته حاولت
هي اللحاق به ولكنه لم يتوقف بل اسرع
وخرج بسيارته بقوة من الفيلا كمن يهرب
من شياطين الارض .

وهنا خرج عبد العزيز من الفيلا على صوت
السيارة ليجد ابنته تجلس على ركبتها ارضا
تبكي بانهيار فانقبض قلبه واسرع اليها
ليساعدها على النهوض وهي تصرخ بانهيار :

_ ادهم راح ... ادهم راح يا بابا

عبد العزيز وهو يحاول تهدئتها :

_ طيب بس قومي معايا واحكي لي ايه اللي
حصل وانا هتصرف... قومي يا بنتي قومي

فاستندت سلمى على ساعد والدها وهي
تشعر بان الكون كله إنهار على رأسها ..كانت
تشعر بخيبة أمل ولكنها ليست من أي
شخص بل منها هي لنفسها ولادهم وهدى
فهي بيدها من قضت على سعادتها
وسعادة ابنتها في وجود زوج واب مثل ادهم
في حياتهما

استقرت سلمى في حضن عبد العزيز يضمها
بذراعه عل شهقاتها تهدأ قليلا ويستطيع
فهم ما حدث منها فحكى له بصوت متقطع
من بكائها الذي لم يتوقف لحظة كل ما
حدث فانفعل غاضبا وكان على وشك
صفعها وهو يسب ويلعن تلك الجمعية
التي لم تجلب له او لابنته وحفيدته سوى

الدمار والخراب بمجرد فتحها ولكنه حاول
جاهدا التحكم بعصبيته وسارع بالاتصال
بادهم فلم يرد ادهم عليه حتى انقطع
الاتصال وعندما حاول ثانياً فوجئ بالهاتف
مغلق وانهار الجميع قلقاً على ذلك الرجل
الطيب الذي كان يقف مع الجميع ولكنه
تلقى الخيانة والغدر والصفعات على قلبه
الواحدة تلو الاخرى

كان ادهم شارد الذهن يجوب الشوارع
والطرقات بسيارته لا يعلم اين هو ولا اين
سيذهب بل كان عقله غير واعي بالمرة اما
قلبه فقد شعر باحتراقه .. أين الخطأ ؟ فيه
هو أم فيمن حوله ؟ هل يعقل ان يكون
الجميع على خطأ .. أمه .. أخيه .. أخته ... سلمى

..وقبلهم جميعا زيزي؟؟؟أيكون هو الوحيد
الذي على صواب ضد الجميع؟؟

اخذه تفكيره حتى وجد نفسه بعد عدد كبير
من الساعات أمام شقته فدخلها وذهب فورا
لغرفة نومه وسريعا كان في السرير لن نقول
نائم بل ربما فاقد للوعي فهذا هو أفضل ما
حدث له بعد تلك الساعات العصبية فرحمة
الله الواسعة اسعفته بفقدان الوعي قبل ان
يفقد عقله على حق من كثرة تفكيره

ظل ادهم ملازم شقته حوالي 7 أيام لا يعلم
احد عنه شيء ومن حاول زيارته لم يكلف
نفسه عناء معرفة من بالباب فلم يستقبل
احد ..ولم يتكلم مع احد غير واحد فقط كان
دائم الحديث معه هو الله عز وجل كان
جالس ليله ونهاره على سجادة صلاته يصلي
بخشوع ويبكي بحرقه على حاله وغدر كل

من حوله به تضرع الى الله كثيرا ان يلهمه
القوة والشجاعة لما هو آت كما دعاه بحرقه
ليخرج حبها من قلبه حتى يتمكن من بدء
حياة جديدة بعيدا عن ذلك الجنس الذي أراه
الجحيم بذاته

بعد تلك الفترة عاد ادهم لعمله الذي حاول
دفن نفسه فيه معظم ساعات اليوم ولا
يعود لشقته الا بعد منتصف الليل وليعاود
الذهاب في الصباح الباكر صحيح أثر ذلك
على مظهره بشكل ملحوظ فلقد فقد الكثير
من وزنه واحاطت الهالات السوداء بعينيه
وشحب وجهه كثيرا لكنه لم يهتم ...

اصبح قليل التعامل مع الجميع خارج حدود
العمل الا فاطمة التي لم ينسى واجبه
تجاهها فكان يزورها من حين لآخر ولم

يخبرها بشيء ولم تطرق هي للموضوع
حتى يهدأ قليلا وتتكلم معه لتعرف عما
ينوي عمله

كثيرا في تلك الفترة حاول عبد العزيز زيارته
في المستشفى والتحدث اليه ولكنه كان
يعتذر له ويتهرب منه بحجة عمله وانشغاله
وكان يرى هدى معه فيلاعبها قليلا محاولا
تعويضها عن غيابه المفاجئ بل وحفر
ملامحها داخل قلبه الموجه على فراقها
القريب ثم يختفي وراء غرف العمليات
والجراحات ودراسته التي عاد اليها من جديد
ليشغل كل وقته عن التفكير في تلك التي
تحدى أمه لأجلها وهي بسهولة تخلت عنه
وخدعته واطاحت به بقوة رافضة حبه وقلبه
الذي عشقها بحق ...

مرت الايام تلو الايام حتى صارت اشهر قليلة
والحال على ما هو عليه حتى حسم ادهم
امره انه لا أمامه سوى طلاقها ليعود اوحدته
من جديد واثناء شروده ذاك وجد من يقتحم
مكتبه فانتفض واقفا على اثر ذلك ليفاجئ
بعبد العزيز يهتف به بجزع :

_الحقني يا ادهم...الحقني يا بني

ادهم وقد فزع من منظره فتهتف :

_في ايه يا عمي؟ هدى كويسة؟

عبد العزيز :

_سلمى بتموت...بنتي بتموت يا ادهم

ادهم بصدمة :

_ايه انت بتقول ايه؟؟؟...هي فين؟؟

عبد العزيز :

_هنا في الطوارئ

فاندفع ادهم يركض من مكتبه للطوارئ
فلقد تحرك قلبه ونسي عقله ما حدث وما
عاد يدوي في جنبات عقله الا تلك الكلمات
والتي كادت توقف قلبه عن النبض
(سلمى بتموت))

اقتحم ادهم الغرفة ليجدها على الفراش تئن
من الألم ومعها حازم فتهد بلهفة :

_مالك يا سلمى في ايه

فتحت سلمى عينيها على صوته ونظرت له
برجاء هامسة بألم :

_ادهم...انا بموت

وتعالت نبضات قلبيهما ودار حوارهم
المعتاد باعينهم

اشتقت اليك وحياتي في اكتئاب
تكاد روحي تخرج مني بعذاب
قلبي يئن الما بلا سابقة حساب
ادعوك كل ليلة وانا جي طيفك الخلاب
اين وعدك بحبي يا سارق الالباب
ابتعدت ونسيت واغلقت كل الابواب
وكأن ما كان بيننا يوما صار سراب



أرى الجميع يهرولون لنجدتي باشفاق
والألم يكاد يحطم ضلوعي بارهاق
وقلبي يعتصره ألم روحي بازهاق
أتألم وأهمس باسمك علك تلمي ندائي
بعناق

كررت همسي مع آهاتي بوجع مشتاق



فقدت الأمل في ظهورك أمامي

واستسلمت بخضوع لآلامي

وأغمضت عيني أرحب بظلامي

حتى سمعت صوتك ينادي

سلمى حبيبتي وسر نبضاتي

كوني معي واغفري ذلّاتي

لن ابتعد واهرب يا كل حياتي



استمعت وانا أشعر بالمي الحارق ذاب

بعذب أصواتك

وفتحت عيني أشبع نهم قلبي من عطر
أنفاسك

أشعر بعودة روحي لجسدي من طيب
لمساتك

همست أناجيك... أدهم... فالتفت تشملني
بذراعك

تهمس بحبك لي أمام الجميع دون كبريائك
وتطالبني بالتحمل والصبر على ألمي
الحارق

أما تعلم أنك دائي وبلسم دوائي العاشق
استسلمت لك دون رهبة أو خوف كما
السابق

وتركت حياتي بين يديك خاضعة لدوائك
وأنا أرى قلقك ولهفتك في همساتك

خاطرة بقلمي (لميس عبد الوهاب)

قطع ادهم نظراتهما عندما لاحظ ان ألمها
يزيد واتجه لحازم هاتفًا :

_حازم ...

حازم مقاطعا وهو يجذبه معه لخارج الغرفة :

_اهدى وتعالى معايا

ادهم :

_فهمني اول فيه ايه ؟

حازم :

_تعالى معايا بس وانا هفهمك كل حاجة

وخرج ادهم من الغرفة ومعه عبد العزيز
وحازم واتجهوا لمكتب حازم في حين اسرع
عدد من الممرضات لسلمى لحقنها بأدوية
مسكنة لتهدأ نوبات الالم قليلا

اما في مكتب حازم فكان يجلس امامه ادهم
وعبد العزيز ليخبرهم بحالتها
ادهم بنفاذ صبر :

_ فهمني يا حازم ابوس ايدك في ايه ؟
حازم :

_ بص يا ادهم انا مش متأكد بس اللي اقدر
اعمله حاليا ننعمل شوية تحاليل و...و...
ادهم بغضب :

_ و ايه ما تتكلم على طول
حازم :

_منظار على المعدة
وقف ادهم مصدوما ثم همس :

_انت شاكك في ايه ؟

حازم :

_الحالة ألم حاد في البطن ...حرقة في المعدة
...غثيان وقيء شديد

ادهم :

_يانهار اسود ...انت قصدك ...

حازم :

_ايوة ...جرثومة المعدة او حافة شبيهه بيها
لكن متقلقش انت عارف اكثر مني ان علاج
المرض ده له علاج دلوقتي ومعدش صعب
زي الاول

ادهم كمن يحادث نفسه :

_لا مينفعش لازم تسافر

عبد العزيز :

_ انا مش فاهم حاجة ..حد يفهمني بنتي

مالها ؟

ادهم :

_ سلمى لازم تسافر يا عمي

عبد العزيز :

_ وانا جاهز من جنيه لمليون بس تقوم من

مرضها ده

ادهم بغضب :

_ بنتك متجوزة راجل يا عمي هو أولى بيها

عبد العزيز بصدق :

_ عارف يا بني والله بس دي بنتي الوحيدة

وانا اللي حاسه منكم انها ممكن تروح مني

في أي لحظة ...انا ممكن اموت لو بنتي

جرالها حاجة

ادهم وهو يربت على كتفه :

_متخافش يا عمي انا عمري ما هسمح ان
يجرالها حاجة...ان شاء الله هتبقى بخير

قطع كلامهم دقائق سريعة على مكتب حازم
الذي اذن بالدخول للطارق فكانت احدى
الممرضات هاتفه :

_دكتور حازم مدام سلمى رافضة أي علاج
ومصممة تخرج من المستشفى

وبدون أي كلام كان ادهم يركض لغرفتها
وورائه عبد العزيز وعندما دخل وجدها
تضغط على نفسها وتحاول النهوض
ورافضة اقترباب أي من الممرضات الاي
اجتمعن حولها لمحاولة حقنها بالمسكن

ادهم بحزم :

_الكل يتفضل برا

انصاع الجميع لرغبته ولم يبقى معها سوى
ادهم وعبد العزيز وهنا هتف ادهم بغضب :

_ اقدر اعرف حضرتك راحة فين بالضبط

سلمى بألم تحاول السيطرة عليه :

_ انا لازم اخرج من هنا

عبد العزيز :

_ يا بنتي اسمعي الكلام مينفعش تخرجي

سلمى :

_ بابا من فضلك ساعدني

وعندما اقترب منها ليساعدها وقف ادهم في

وجهه هاتفا :

_ لو سمحت يا عمي دي مراتي وانا أولى بيها

عبد العزيز بتردد:

_بس يا بني ...

ادهم :

_من فضلك يا عمي سبلي الموضوع ده

عبد العزيز :

_اللي تشوفه صح اعمله انا واثق فيك

يا بني وفي عقلك

سلمى بصوت متعب هامس :

_بابا...ساعدي

ادهم وهو يتجه لها :

_حضرتك مش هتخرجي من هنا ومن الأول

كدة عشان نبقى على نور انت هتفضلي هنا

تحت ملاحظتي ومش هتخرجي الا لما احدد

انا..تمام ؟

سلمى بدموع :

_ارجوك يا ادهم ساعدني وبلاش تنتقم مني

انت مش فاهم حاجة

ادهم وهو يعيدها للسريدر بهدوء :

_احنا هننسى الموضوع ده دلوقتي ونهتم

بحالتك أول مفهوم

سلمى بألم ما عادت تستطيع السيطرة عليه

:

_الألم بيزيد يا ادهم...اااااااااه

فسارع لتكوين المحاليل ولكنها رفضت

بعند هاتفة :

_للا عشان خاطري...ااه..ارحميني ابوس

ايدك

ادهم :

_سلمى ده الحل الوحيد للألم ده بلاش عند

سلمى بانهييار :

_ لا لا مقدرش ... ااااه ..اد..هم...انا...بت...خناق

فضغط على زر بجانب سريرها ولم تمر
سوى لحظات كانت ممرضتان معه بالغرفة

ادهم بحزم :

_ فاتن ركبي المحلول ده حالا

سلمى بغضب :

_ لا..محدثش ...يقرب ..مني ..ااه

..ابع..دوا..عن..ي

دون كلمة واحدة كان ادهم احكم سيطرته
الكاملة عليها وثبتها جيدا في الفراش وضغط
على يديها بقوة حتى استطاعت تلك
الممرضة من حقنها بالمحلول لتصرخ
سلمى بقهر وألم فينتفض قلبه بين ضلوعه

ألما عليها ولكنه استطاع ان يحكم سيطرته
على مشاعره بإرادة من فولاذ فلم يظهر على
ملامحه أي شيء حتى انتهت الممرضتان
من عملهما ويغادرا سريعا بناء على رغبة
ادهم ولكنه ظل ممسكا بها حتى لا تتهور
وتؤذي نفسها

سلمى بتعب وهمس :

_ ااه ..بابا ...خذي من هنا ..بابا انا ..ماليش
غيرك ...عشان ..خاطري ..سا عدني

عبد العزيز :

_ يا بنتي جوزك عاوز مصلحتك

سلمى ببكاء :

_ لا ..يا ..ب..ا..ب....

وراحت سلمى في سبات عميق من أثر
المسكن القوي الذي تلقاه وريدها ليسكن
الألم فورا وتنام اثر تعبها فيخفف ادهم من
يديه حولها ثم يتركها بعدما اطمأن عليها
فكر ان يظل بجانبها حتى تستيقظ ولكن
دموع عبد العزيز الذي اغرقت وجهه لم
يتحملها كما انه عليه الان التجهيز لرحلتهما
القادمة والتي كان يتمنى ان يذهبها معها
لكن لسبب اخر غير مرضها

ترى اين رحلة ادهم القادمة ؟

وهل ستوافق سلمى على الذهاب معه ؟

تغيرات كثيرة طرأت في تلك الفترة على

يوسف ترى ما سببها ؟

انتظروني في الحلقات القادمة باذن الله

الحلقة الاربعون

ظل حبيس غرفة مكتبه يدور حول افكاره
حتى تناول هاتفه واجرى المكالمة التي لم
يجريها من عدة سنوات حتى فتح الاتصال

ادهم :

_السلام عليكم

طارق :

_وعليكم السلام مين معايا

ادهم :

_ازيك يا دكتور طارق ..انا الدكتور ادهم

الرفاعي

طارق :

_دكتور ادهم الرفاعي معقول ؟؟!...ده انا

فقدت الامل اني اسمع صوتك

ادهم :

_ليه بس يا د/طارق ده انت على بالي على

طول

طارق :

_يا راجل !..لو كنت على بالك كنت سألت
..ده انا بقالي سنتين مسمعتش صوتك بس

ايه اللي فكرك بيا لعله خير

ادهم :

_محتاجك قوي يا د/طارق

طارق بجدية :

_فيه ايه يا ادهم خير ؟

ادهم بحزن :

_مراي عندها اشتباه في جرثومة المعدة
وبتمنى انك توافق على علاجها في مركزك

طارق :

_ اكد طبعا يا ادهم دي مش محتاجة سؤال
منك وبعدين انت ناسي ان العلاج الموجود
في المركز دلوقتي ده بفضل ابحاثك ودراسة
الماجستير بتاعتك اللي سلمتها لي انفذها
هنا لما مقدرتش تنفذها في مصر

ادهم :

_ بردو لولا تعب حضرتك مكنش البحث ده
طلع للنور واستفاد منه الناس بس انا لازم
اكون معاها ومشرف على حالتها كمان

طارق :

_ بس ده صعب يا ادهم المركز عندنا لا
يسمح بالمرافق

ادهم :

_ طيب والحل انا لا يمكن اسببها استحالة
...ارجوك يا د/طارق ساعدني

طارق :

_ مفيش غير حل واحد انك توافق على
عرض مجلس الادارة في العمل معنا وبكدة
هتبقى معاها وتحت اشرافك كمان

ادهم متنهدا بارتياح :

_ موافق بس مدة العقد مش هتزيد عن
6شهور بس

طارق بتعجب :

_ يا ادهم الناس بتترجنا اننا نزود مدة العقد
وانت بتقللها

ادهم :

_ انا اللي يهمني مراتي يا د/طارق مش
الفلوس ولا العقد ولا أي شيء من ده

طارق :

_ خلاص تمام اتفقنا ظبط ورقك وورق
المدام وانا هظبط لك كل حاجة هنا بس
ياريت في اسرع وقت عشان تبدأ مراحل
العلاج قبل توغل المرض اكثر

ادهم :

_ ان شاء الله متشكر قوي يا دكتور

طارق :

_ لا شكر على واجب انت اخويا يا ادهم ..يالا

اشوفك قريب مع السلامة

وانتهت المكالمة وبدأت الرحلة ...

*

عاد ادهم لغرفة سلمى التي كانت مازالت
نائمة فاشار لعبد العزيز بالخروج وترك معها

ممرضة تلازمها وعندما وصلا لمكتب ادهم
عرض عليه كل ما نوى عليه وتفصيل
رحلته مع سلمى التي بدأ يجهز لها

عبد العزيز :

_هتسافروا فين ؟

ادهم :

_السعودية

عبد العزيز :

_امتى ان شاء الله

ادهم :

_حضرتك ابدأ في تجهيز ورقها وياريت لو
تتصل بوالدي يبعثلي جواز سفري ...معلش
يا عمي انا هسيب تجهيز الورق على
حضرتك لاني مينفعش اسيبها لوحدها

عبد العزيز :

_متقلقش يا بني انا هبدأ في التنفيذ من بكرة
ان شاء الله بس انا كنت عاوز اتكلم معاك

الاول

ادهم :

_خير يا عمي

فسرد له عبد العزيز ملابسات الموقف الذي
كان امامه والذي ضغط على اعصابه وكاد
يفقده قلبه

ادهم بصدمة :

_يعني شروط الجمعية الغبية دي انها
متجوزش

عبد العزيز :

_ايوة عشان كدة قالت لهم الكلام ده على ما
تخلص القضيتين اللي معاها انما هي والله
العظيم بتحبك

ادهم :

_ خلاص يا عمي خلينا دلوقتي في صحتها
وانا هعرف اصالحا بطريقتي

وخرج عبد العزيز وبدأ رحلة طويلة مع
الاوراق والتصاريح لسفر سلمى وادهم
وذلك طبعا كان بمساعدة ...

**

جلس ابراهيم لاقرب مقعد بعد انتهائه من
محادثته مع عبد العزيز الذي اعلمه خلالها

بكافة التغيرات التي طرأت على حياتهم
...وضع يده على قلبه الذي بدأ ينتفض داخل
ضلوعه بألم وهو يهمس لنفسه (امتى
هترياح يا ادهم...استغفر الله العظيم وكأن
مكتوب عليك قلة الراحة والفرح في حياتك
يابني...يارب اكرمه من عندك واشفيله
مراته...يارب هونها عليه وقويه وارزقه الصبر
والقوة على التحمل..ياارب)

ثم قام مستندا بالاثاث في حجرته التي عاد
اليها بعد غياب رقية وخرج يبحث عن احمد
حتى وجده شاردا في غرفة المكتب فاسرع
لاقرب مقعد وجلس متنهدا وهو يمسد
جانب صدره محاولا تمالك نفسه

ابراهيم :

_احمد...احمد

احمد :

_ها...بتكلمني يا بابا

ابراهيم :

_مالك يا احمد ايه اللي شاغلك كدة

احمد زافرا بضيق :

_حاجات كتير يا بابا اولها طبعا ماما اللي
مش عارفين هي فين لحد دلوقتي وخايف
عليها جدا لانها مكنتش بتفكر بعقلانية في
اواخر ايامها معانا وثانيا مها الصداق بدأ يزيد
عندها كتير ودي اشارة على قرب رجوع
الذاكرة وخايف من مواجهتها ساعتها وثالثا
حضرتك كل يوم بتتعب عن اليوم اللي قبله
بتحاول تداري لكن انا ملاحظك وعارف ان
اختفاء ماما مآثر عليك جامد ورابعا ياسمين
اللي رجعت لحالة التوهان تاني واللي مش

عارف لها أي سبب واخيرا ادهم اللي
معرفش عنه أي حاجة ومش عارف ليه
حاسس ان فيه حاجة بس خايف اقرب
يصدني

ابراهيم :

_ شلت الهم من بدري يا احمد

احمد :

_ المهم عندي انتوا يا بابا نفسي المشاكل
دي كلها تتحل بقى ونرجع زي زمان

ابراهيم :

_ ان شاء الله يابني ربنا كرمه كبير وانا عندي
ثقة فيه انه هيساعدنا نعدي الازمة دي على
خير ان شاء لله

احمد :

_يارب يا بابا ...يارب

ابراهيم :

_بالحق كنت عاوزك تدور في اوضة اخوك

عن جواز سفره

احمد :

_ليه هو مسافر؟

ابراهيم :

-ايوة هيسافر مع سلمى لمركز الدكتور

طارق العريني لانها تعبانة قوي ...ربنا يتولاها

احمد :

_ياساتر يارب طب مش لازم نزورها

ابراهيم :

_ لا مش هينفع يابني هو حتى مكلمنيش
خلا الحاج عبد العزيز اللي يكلمني ويبلغني
سيبه براحته لعله يرجع من سفره هادي
ونقدر نحل الخلافات دي بقى

احمد :

_ خلاص حاضر يابابا ان شاء الله انا هروح
اشوف الجواز وهساعد الحاج عبد العزيز في
تجهيز الورق

ابراهيم :

_ ربنا يباركلك يابني ويكرمك من عنده

كانت تدور في غرفة مكتبها كاليث الحبيس
تشعر برأسها ستنفجر من كثرة التفكير من
امس عندما اخبرتها تغريد سكرتيرة يوسف

بخروجه من المجموعة قبل موعد انصرافهم
بساعتين وعودته على الميعاد وطلبه منها
الا تخبر احد بغيابه وهذا ما اثار توجس
ياسمين فتغريد تنقل لها كل تحركات
ومكالمات يوسف بالتفصيل ولذلك هي
اجبرته على قبولها برغم قلة خبرتها
كسكرتيرة ولكن السؤال الاله الان اين
يذهب يوسف؟ انها ليست المرة الاولى
لاختفائه المفاجئ هذا ولكنها يجب ان تعلم
قاطعها رنين هاتف المكتب فاسرعت
لتجيب وكان المتصل تغريد لتخبرها بما
جعلها كلوح من حجر ثم همست بضياح :

_انت متاكدة ياتغريد؟

تغريد :

_ايوة والله يا استاذة طلب مني كدة

ياسمين :

_ طيب خلاص اقفلي وارجعي لشغلك
واياك حد يعرف اني عرفت حاجة

واغلقت الهاتف وهي تشعر بدوار فاسرعت
لتجلس على اقرب مقعد تفكر لم سحب
يوسف كل ذلك المبلغ من حسابه وفييم
استخدمه ولولا اشعار البنك الذي وصل ليد
تغريد ما كانت عرفت بل والادهى انه امرها
الا تخبر ياسمين بذلك ..ضياح ما كانت تشعر
به حتى سمعت طرق على الباب ليدخل
يوسف منه ووجه عابس كالعادة ولكنه قبل
ان ينطق بحرف عاجلته ياسمين :

_كنت فين امبارح يا يوسف ؟

يوسف بتوتر :

_كنت في مكتبي يا ياسمين هكون فين

يعني ؟

ياسمين :

_انا قصدي لما خرجت من الشركة ..كنت

فين

يوسف :

_ها ..اه ..كنت ..كنت عند جماعة معارف

بابا عندهم ظروف كدة وبابا بعثني ليهم

بالنيابة عنه ..انت عارفة انه معدش بيقدر

على السفر زي الاول

ياسمين :

_فين الجماعة دوول

يوسف بضيق :

_في ايه يا ياسمين هو تحقيق ولا ايه

ياسمين :

_الله وانت زعلان ليه حرام اني اسال جوزي
كان فين ؟

يوسف ساخرا :

_حلوة جوزي دي ...بس من فضلك كملها
(مع ايقاف التنفيذ)

ياسمين بضيق :

_مش هنرجع للموضوع ده تاني ..انا قلتلك
مليون مرة انا مش هتجوز من غير ادهم
وامي واضح

يوسف واقفا :

_واضح ياستي انا رايح اشوف شغلي عن
اذنك

وخرج يوسف من مكتبها وتركها في حيرتها
عن سبب تغييره والمكان الذي يختفي فيه
بالساعات وعند سؤاله يتهرب ويخرج سريعا
فأين تذهب يا يوسف ...

اما يوسف فعندما خرج من عندها همس
لنفسه (سامحيني يا ياسمين بحبها
ومقدرش اتخلي عنها ياارب قويني على
اللي جاي)

*

بعد عدة ايام في غرفة مكتبه كان يحاول
تطبيق كافة أموره بالطريق طويل ويحتاج
منه كل ذره من تركيزه عدة طرقات على
الباب ثم دخل عبد العزيز هاتفا :

_ صباح الخير يا بني

ادهم :

_ صباح الخير ياعمي ..اتفضل

عبد العزيز :

_ سلمى عاملة ايه دلوقتي يابني

ادهم :

_ الحمد لله ياعمي بدأت تنتظم في علاجها

بس طمني اخبار الورق ايه فيه صعوبة ولا

حاجة

عبد العزيز :

_ لا الحمد لله كله تمام البركة في اخوك والله

..الله يباركله لولاه مكنتش قدرت اخلص كل

الورق في الوقت القليل ده

ادهم بتعجب :

_ احمد !!

عبد العزيز :

_ ايوۃ يابني والله ده بيحبك قوي ...ربنا يبعد
عنكم الشيطان

ادهم :

_ الحمد لله على كل حال

عبد العزيز :

_ المهم دلوقتي فيه مشكلة

ادهم :

_ ايه هي ؟

عبد العزيز :

_ سلمى استحالة توافق على السفر ..انت
عارف انها بتكره السفر وبتخاف منه زيه زي
الحقن والمستشفيات بالظبط

ادهم :

_عارف وفكرت ولقيت الحل الوحيد قدامي

هو

ولخص ادهم فكرته لعبد العزيز وطلب منه

موافقته على تنفيذها فوافق عبد العزي

رغبة في علاج ابنته التي اكد له ادهم ان

العلاج الامثل لن يكون الا في مركز الدكتور

طارق العريني

ترى اين يذهب يوسف؟ وهل سيتخلى عن

ياسمين؟ ام ستوافق ياسمين على مشاركة

اخرى فيه؟

كيف سيقنع ادهم سلمى بالسفر معه؟

انتظروني في الحلقة القادمة باذن الله

الحلقة الواحدة والاربعون

اتجها الاثنان معا لغرفة سلمى في

المستشفى وهناك

عبد العزيز :

_السلام عليكم ..ازيك يا سلمى دلوقتي

سلمى :

_وعليكم السلام ..الحمد لله يا بابا ..مشي

هخرج من هنا بقى انا اعصابي تعبت ؟

ادهم :

_لسة شوية يا سلمى

سلمى :

_لو سمحت سبني اخرج بموافقتك بدل ما

اخرج غصب عنك

ادهم :

_مفيش داعي لكل ده ..انا كنت عاوز اتكلم

معاكي شوية ممكن ؟

سلمى :

_لا مش ممكن ..انا مش عاوزة اسمع منك

أي حاجة

عبد العزيز :

_يابنتي اسمعيه عشان خاطري

سلمى :

_يا بابا من فضلك سبني براحتي

ادهم :

_لا يا سلمى مش هسيبك ..انا ..انا اسف

عن سؤ الفهم اللي حصل انا فهمت كل

حاجة من عمي

سلمى ساخرة :

_والله!!..اخيرا فهمت طب كويس
..والمطلوب مني ايه دلوقتي

ادهم :

_ياسلمى بلاش تقسي عليا كدة

سلمى :

_وانت مقستش عليا وانا بجري وراك
واحاول افهمك وانت مشيت ولا عبرتني؟!
حتى الراجل الكبير اللي فضل يحاول يتصل
بيك مكلفتش خاطرك ترد عليه !!

ادهم :

_انا اتأسفت لعمي وهو قبل اعتذارى

سلمى :

_لكن انا لا يا دكتور

ادهم :

_ طبب انا كنت عاوز اصالحك برحلة انا عارف

انك مش هتقدري ترفضها

سلمى :

_ لا هرفضها يا دكتور ايا كانت

ادهم :

_ حتى لو كانت عمرة يا سلمى

سلمى :

_ ايه !!..عمرة !!

ادهم :

_ ايوه ..انا حجزت التذاكر و جهزت ورقنا

هنسافر انا وانت في خلال اسبوع

سلمى بتردد و حيرة :

_ بس ...ازاي اسافر معاك لوحدنا

عبد العزيز :

_ ده جوزك يابنتي يعني عادي اما تسافري
معاه

سلمى :

_ طب وانت يا بابا ؟

عبد العزيز :

_ انا مالي ؟.. انا كويس الحمد لله وبعدين انا
لازم استنى هنا عشان هدى واما ترجعوا
بالسلامة ان شاء الله هبقى ارواح انا

فلمعت عيني سلمى بالدموع سرعان ما
كانت تجري على وجنتيها فسارع ادهم الذي
تقلص قلبه لمرأى دموعها فهتف :

_ ليه الدموع دي بس ؟

سلمى :

_كان نفسي قوي في الرحلة دي يا ادهم

ادهم مغيرا لمجرى الحوار :

_يعني مش زعلانة مني خلاص ؟

فأومأت برأسها موافقة دون كلام فهمس

عبد العزيز :

_ربنا يهدي سركم يا ولاد ..انا هقوم انا بقى

اروح لهدى لحسن بقت بتزعل قوي لما

تقعد لوحدها كتير

سلمى :

_وحشتني قوي يا بابا ابقى هاتها معاك

عبد العزيز :

_بكرة ان شاء الله هجيبيها لك يالا سلام يا

حبيبتي

سلمى :

_ مع السلامة

وخرج عبد العزيز من الغرفة تاركا بها قلبين
الاول يعتصره الالم لكذبتة الذي اضطر اليها
اضافة الى ما يعرفه من معاناة سلمى
القادمة لا محالة .. وقلبا اخر يكاد يحلق في
الفضاء فرحا وسعادة بمن احبها حتى انه
يحاول استمالتها بتحقيق كل احلامها ولا
تعلم مصيرها المؤلم خلال ايام فقط ...

هنا اتجه ادهم ليجلس بجانبها على الفراش
فهمست بخجل :

_ ادهم مينفعش تقعد هنا

ادهم بجدية زائفة :

_ ليه يعني واحد وقاعد جنب مراته عادي

سلمى :

_حد يدخل علينا

ادهم :

_ولا يهمني...المهم عندي انت

سلمى بسعادة طاغية ذبحته في الصميم :

_انا فرحانة قوي يا ادهم

ادهم محاولا التحكم في تعبيراته :

_عارف ياقلب ادهم وحاسس بيكي

سلمى :

_تعرف..كان نفسي قوي هدى تبقى معنا

في الرحلة دي

ادهم :

_ان شاء الله المرة الجاية ناخذها هي

واخواتها معنا

سلمى كمن يصارع ليخرج الكلام ألما :

_ ان .. شاء .الله

ادهم بقلق :

_ سلمى ..مالك ؟انت كويسة ؟

سلمى وهي تضغط بقوة على معدتها عليها

تخفف من ذلك الالم الحارق :

_ بطني بتوجعني قوي يا ادهم حاسة انها

بتتحرق من جوا

سارع ادهم بضغط الزر بجانب فراشها

فهمست بألم :

_ انت ...انت بتعمل ..ايه ؟

ادهم محاولا التحكم في عصبيتها المفرطة

من مرضها النفسي :

_متخافيش ..اهدي بس عشان خاطري

سلمى :

_ لا..لا...ادهم ..انا هستحمل الألم خلاص

ادهم محاولا احتوائها :

_ اسمعيني حبيبتى ...انت اقوى من عقدتك

دي لازم تظهرى ارادتك اللي انا عارف انها

اقوى من الفولاذ

سلمى بألم :

_ مش هقدر ..يا ..ادهم

هنا دخلت للغرفة احدى الممرضات والذي

سارع ادهم بمحادثتها بجدية بالغة :

_ نرمين ..حقنة (...بسرعة

سلمى :

_ لا يا دهم ..عشان خاطري ...اااااه

لم يرد ادهم لدخول الممرضة ومعها تلك
الحقنة التي اثارت اعصاب سلمى لابعد حد
وهنا سارع ادهم بملئها بالدواء هاتفا :

_يا لا ياسلمى

سلمى بعند :

_لا...لا..ابدا..اااه

ادهم :

_سلمى اهدى عشان خاطري واثأكدي اني
عمري ما اكون سبب في ألمك ابدا..صدقيني

سلمى بخفوت :

_الألم هيموتني يا ادهم

ادهم بحزم :

_سلمى ..بوصيلي

رفعت نظرها اليه وبرغم كل ألمها ودموعها
التي جعلت الصورة مشوشة امامها الا انها
ابدا لا تستطيع ان تخلف ذلك العالم الذي
دوما تتيه به داخل عيناه..كانت لحظات
فقط فقدت فيها سلمى الشعور بكل من
حولها حتى ذلك الألم...لحظات كان أدهم
على ثقة انها ستلهيها عن ألمها فقد كان
يعرف جيدا ان رابط حبهما اقوى سند
ومساعد لها في تلك الازمة...لحظات كانت
اكثر من كافية لينجز ادهم حقنها متجنبيا
هستيريته التي تواجهه بها دوما عندما
يشعر انها تاهت عن عيناه فيحاول جاهدا
اعادتها لمرساها من جديد

ادهم هامسا وهو يعود لمكانه بجانبها بعد

خروج الممرضة :

_ خلاص خلصت

سلمى بألم مازل متشبثا بها :

_ خلصت ايه ؟مش فاهمة

ادهم :

_الحقنة يا حبيبتي خلاص خديتها

سلمى بذهول :

_انا !! لا انا ما خدتش حاجة

ادهم :

_ لا خديتها بس انا ليا طريقي اللي تخليكي

متحسيسش بأي ألم

سلمى وقد بدأ مفعول المسكن :

_بجد يا ادهم ؟

ادهم :

_اه والله بجد ..حبيبتي مش انا قلتك
اوثقي فيا وانا ان شاء الله هحميكي من أي
ألم حتى لو هتحمله انا عنك

سلمى :

_واثقة فيك يا عمري

ادهم :

_انت قلتي ايه ؟

سلمى وقد غلبها النعاس :

_انا عاوزه انام

ادهم متذمرا :

_لا سلمى قولها اول حرام عليكي

سلمى هامسة :

_بلاش طمع كفاية مرة واحدة ..سبني انام

ادهم وهو يقبل راسها :

_ نامي يا حياتي ولا يهملك

وعندما هم بالخروج وجد من تتعلق بيده

هامسة وهي شبة نائمة :

_ ب..حب..ك

ادهم :

_ وانا بموت فيكي ...وسلام بقى عشان لو

قعدت شوية كمان هتهور وشكلنا هيبقى

وحش في المستشفى

فضحكت سلمى وهي تستسلم لغفوتها من

أثار المسكن فخرج ادهم من غرفتها لتنقلب

ابتسامته فورا لعبوس شديد حتى اغلق

عينيه لثواني وهو يشعر بالقهر لما ستضطر

لمواجهته خلال اسبوع ولكنه لا بد ان

يتماسك حتى يستطيع مساعدتها في الايام
السوداء القادمة لا محالة .

مر الاسبوع سريعا حاولت سلمى اقناع
ادهم بالسفر من مطار القاهرة حتى يتمكنوا
اهله من رؤيته قبل سفره ولكنه رفض بشدة
واصر على السفر من مطار شرم الشيخ
وحدث ما تم التخطيط له كاملا بمجرد
ركوبهم الطائرة واقلاعها حتى اتجه ادهم
لغرفة المضيفات غاب بها قليلا وعاد ومعه
كوب عصير لسلمى التي رفضته في بادئ
الامر خاصة ان ذلك المرض قد اثر كثيرا على
شهيتها ولكن باصرار شديد من ادهم
خضعت له ووافقت على احتسائه مرغمة
وبمجرد انتهاء الكوب كانت سلمى فقدت
الوعي تماما بعد ان وضع ادهم بالعصير

مخدرا سيبقيها مخدرة لعدة ساعات وهو
الامر الذي اخبر به المضيفات متعللا انها
لديها رهاب الطائرات ..

وليس خافيا على احد ان ذلك الاجراء كان
بالاتفاق مع الدكتور طارق العريني والذي
بمجرد وصول الطائرة للمطار حتى كان هناك
سيارة اسعاف مجهزة لنقل سلمى الغافية
مباشرة الى المركز وفي اثر السيارة كانت
سيارة الدكتور طارق تلحقها بعد انجاز كافة
الاجراءات على وجه السرعة فليس الدكتور
طارق العريني بالشخص الهين في البلاد .

في المركز كان الجميع على قدم وساق
لاستقبال احدى المريضات التي تتبع
مباشرة للدكتور طارق والذي كان اجري
اجتماعا طارئا قبل وصول ادهم وسلمى

لاعلام الجميع ان الدكتور ادهم وزوجته من
الشخصيات المهمة جدا لذلك امر الجميع
بان يكونوا على اهبة الاستعداد لاي طارئ
خاص بها .

بعد وصول سلمى للمركز واطمئنان ادهم
عليها توجه مع الدكتور طارق لغرفة مكتبه
والذي سأله :

_ها ..اطمنت على مدام سلمى ؟

ادهم :

_ايوة انا مش عارف اشكرك ازاي يا د/طارق

طارق :

_مفيش شكر بين الاخوات يا ادهم ...وبطل
د/طارق دي انا مش اكبر منك بكتير هما
كلهم 7أو8 سنين يعني مش كتير

ادهم :

_ انت اكبر مقاما واخلاقا يا دكتور

طارق :

_ لسة زي ما انت ...اخلاقك نادرة في الزمن ده
يا بني والله ..المهم هنعمل ايه دلوقتي

ادهم بجدية :

_ اولاً انا عاوز اقعد مع حضرتك عشان نحدد
نظام ومراحل العلاج ...ثانياً كنت عاوز اعرف
التكاليف كاملة ...ثالثاً ...

طارق مقاطعاً :

_ استنى ..استنى ...انت داخل عليا حامي
كدة ليه ؟اهدى بس شوية ...اولاً بقى نظام
العلاج ومراحله هحتاج نعمل اشعات
وعملية منظار اول عشان نعرف المرض

وصل لاي مرحلة وعلى اساسها هنعهد
العلاج...ثانيا بالنسبة للتكاليف فا انت ليك
في المركز ولا نسيت

ادهم :

_يا دكتور طارق لو سمحت ..انا ...

طارق مقاطعا :

_يابني انت ناسي ان ليك نسبة من الارباح
السنوية بناء على ابحاثك اللي بنطبقها هنا

ادهم :

_بس ..

طارق :

_مبسش ولا حاجة التكاليف هتتخصم من
الارباح مفيش نقاش وملهاش دخل براتب
شغلك الفترة دي هنا

ادهم :

_متشكر يا دكتور

طارق :

_ماقولنا بلاش رسميات بقى المهم ..انت

هتتقعد فين ؟

ادهم :

_انا مش هسيب المركز طول ما سلمى فيه

طارق :

_كنت واثق انك هتقول كدة ..عشان كدة انا

خصصت لمدام سلمى جناح فيه اوضتين

وحمام داخلي عشان تبقى معاها ...بس

دلوقتي لازم تبقى جنبها وتفهمها الموضوع

بالراحة لانها هتتصدم

ادهم وهو ينظر لساعته :

_عندك حق لازم ادخل ليها لان مفعول
المنوم هيخلص كمان10 دقائق ولازم اكون
جنبها ..عن اذنك

طارق :

_اتفضل

دخل ادهم الغرفة لسلمى وجدها غافية كما
هي فجلس على مقعد بجانب السرير وهو
يدعو الله من قلبه ان تمر تلك الفترة على
خير...بعد عدة دقائق بدأت سلمى تتململ
في نومها محاولة استعادة وعيها فهب ادهم
واقفا بجانبها منتظرا ان تستعيد كامل وعيها
ليبدأ حديثه معها فهمست بتلعثم من اثر
المنوم :

_ادهم ...ادهم احنا فين ؟..وايه اللي حصل ؟

ادهم بهدوء :

_ سلمى حبيبتى عاملة ايه دلوقتي ؟

سلمى وهى تتحسس جبينها :

_ حاسة بدوخة خفيفة كدة ..بس احنا فين
...انا فاكرة احنا كنا ..كنا في الطيارة مش كدة ؟

ادهم وهو يجلس بجانبها على الفراش
ويقبل رأسها هامسا :

_ حبيبتى لازم تعرفى ان أي حاجة بعملها او
هعملها بعد كدة عشان صحتك ومصحتك
يا سلمى ...ولازم تكوني متأكدة انك اغلى
حاجة عندي في الدنيا دي

سلمى بقلق :

_ انا مش فاهمة حاجة ..انا فين ؟

ادهم :

_ قبل كل ده انا عاوزك تعرفي ان مرضك
مش نزلة معوية زي ما فهمتك انت عندك
مرض اسمه جرثومة المعدة ومن غير أي
كلام علمي الجرثومة دي بتعيش في المعدة
وبتسبب الالم الحارق اللي بتحسي بيه ...في
مصر مفيش علاج غير الاقراص ودي
بتقضي عليها بنسبة بسيطة جدا ويكون
نسبة الاصابة بيها تاني كبيرة جدا عشان كدة
انا جبتك هنا

سلمى بتوتر :

_ جرثومة ...ادهم انا فين ؟

ادهم وهو يحتوي انتفاضة يديها بين يديه :

_ حبيبتي احنا في السعودية في مركز د/طارق

العريني ...ده اكبر مركز في الشرق الاوسط

ومتخصص في علاج الحالات دي وبيقضي

على الجرثومة دي بنسبة اكبر من العلاج
المتوفر حاليا في مصر

سلمى بصدمة :

_دقيقة واحدة...ات ضحكت عليا
!!..خدعتني !!هي دي العمرة...جبتني هنا
غصب عني وانت عارف اني هرفض

ادهم :

_سلمى ارجوكي اهدي انا ...

فقاطعته غاضبة وهي تنفض يده بعيدا عنها

:

_انت كداب...خدعتني بعد ما وثقت فيك
...انا ..انا مش هستنى هنا دقيقة واحدة

وهمت بالقيام من السرير والخروج من
الغرفة حاول ادهم تهدئتها ولكنها لم تسمع

اليه وعندما وصلت لباب الجناح الذي كان
يحاول ادهم ان يسده بجسده ليمنعها من
الخروج ..دخلت احدى الممرضات طالبة منه
الذهاب فورا للدكتور طارق وترك سلمى
لتجهيزها لعمل كافة الاشعات والتحاليل
المطلوبة اضافة للمنظار...فتراجعت سلمى
للخلف وهي تشعر بالذعر حتى ارتطمت
بصدر ادهم وسرعان ما كانت تتمسك بيده
باستجداء قطع نياط قلبه

سلمى برجاء :

_ ادهم ..متسبنيش ..انا خايفة ...عشان
خاطري

ادهم :

_ حبييتي متخافيش انا مش هسيبك ابدا

ووجه اوامره للممرضة بالخروج فامتثلت
لاوامره فورا وتركتهم فالتفت لسلمى هاتفا :

_ حبيبي لازم تعملي الاشعات والتحليل
هنا عشان نعرف الجرثومة دي وصلت لاي
مرحلة

سلمى ببكاء :

_ ارجوك خليني اخرج من هنا انا عاوزة اعمل
العمرة الاول عشان لو مت ابقى ...

ادهم مقاطعا :

_ شششششش مش عاوزك تقولي كدة تاني
واحنا ان شاء الله هنعمل العمرة زي ما
وعدتك بمجرد ما تخفي .. ان شاء ربنا مش
هنرجع مصر الا لما تعملها صدقيني

واجلسها على السرير محاولا تهدئتها وطلب
منها ان تنتظره حتى يعود خافت قليلا لكنها

انصاعت لامره عندما خطرت في بالها فكرة
عرفت انها لن تستطيع تنفيذها الا اذا تركها
ادهم وكان فيها الخلاص ...

خرج ادهم من الغرفة واتجه لمكتب طارق
تحدث معه قليلا ثم عادا معا لغرفة سلمى
ليجري طارق الكشف المبدئي عليها ولكنهما
لم يجداها فتوتر ادهم خوفا من هروبها منه
بينما غضب طارق لعدم انتباه الامن لها وهذا
ما لم يكن يسمح به في المركز من اهمال
خاصة وقد ابلغ الجميع بها وبضرورة الحذر
في التعامل معها وهنا اندفع كلا منهما في
اتجاه بحثا عنها ولمعرفة ادهم بطريقة
تفكيرها وطرقها الملتوية في خداع أي
شخص لاستخلاص ما تريده منه من
معلومات علم انها عرفت اكد طريقها
للخروج من المركز فركض بكامل طاقته نحو

البوابة الخارجية وهناك صدق حدسه عندما
وجدها تكاد تخرج من المركز ...

بعد تعب واصطناع ابتسامة مجاملة
ومحاولة منها في كبت دموعها واحساسها
بالخيانة والذي كان يستنزف كل طاقتها
استطاعت اخيرا ان تصل للبوابة الخارجية
والتي ستعبرها متجه فورا للسفارة المصرية
ومنها لمصر مباشرة وكأنه مكتوب عليك
ياسلمى الحياة والتنقل من سفارة لآخرى
وفي كل الحالات هاربة من ألم وجرح ابشع
من سابقه فيكفي تلك المرة ألما حبها
الجارف لادهم والذي خدعها بمساعدة والدها
بدم بارد وكأنه ...هنا قاطع افكارها وشرودها
يدين قويين التفا حولها ليلصقا ظهرها بصدر

قوي فجفلت وارتعبت وهمت بالصراخ
عندما وجدت من يهمس بجانب أذنها :

_ اهدي يا سلمى انا ادهم

على العكس تماما فلم يزيد لها معرفتها
بهويته الا عنفها وحركتها العصبية ومقاومتها
له بكل قوة وهي تصرخ به :

_ سبني ..سبني يا ادهم ...بقولك سبني في
حالي بقى حرام عليك

حاول جاهدا السيطرة على حركتها العصبية
ولكنه ابدا لم يستطع تحمل دموعها والتي
انهمرت في غفلة منها لتحرق قلبه كليا
فهمس :

_ سلمى اهدي عشان خاطري وانا هسيبك
زي ما انت عاوزه بس اهدي

فتنفست بقوة وسكنت حركتها فتركها بحذر

والتف ليواجهها بهدوء:

_ممكن اعرف انت رايحة فين دلوقتي

اخذت نفس عميق محاولة التحكم في نوبة

بكائها وهتفت بهدوء :

_هروح على السفارة المصرية وهرجع على

مصر

خلال تلك المدة كان طارق قد رآهم من

احدى نوافذ المركز فاتجه من فوره اليهم

وهتف فور ان وصل اليهم :

_مدام سلمى من فضلك ممكن تتفضلي

معايا في مكتبي تتكلم شوية ولو عاوزه

تخرجي بعدها انا بنفسي اللي هخرجك من

هنا

سلمى بتردد وحيرة :

_ انت مين ؟

طارق :

_ انا الدكتور طارق العريني مدير المركز

وصديق شخصي لادهم

نظرت اليه قليلا بحيرة ثم التفتت لتنظر
لادهم عليها تستمد منه جزء من أمنها وثقتها
المفقودة منذ استعادت وعيها لكنها وجدت
ممرضة تتحدث اليه بجديه بناء على
تعليمات طارق لها ثم ناولته الشيء الوحيد
الذي يعادل الموت لسلمى (حقنة) مجرد
حقنة لكنها اطارت بهدوئها وتعقلها تراجعت
للخلف بعنف وشراسة ساعدها على
ظهورها شيئا الاول كمية المسكن التي
حقنها بها ادهم قبل سفرهم والتي اتت
بمفعولها بتسكين الالم مما ساعدها على
حرية الحركة دون الشعور بالالم اما الشيء

الثاني فهو معاناة سلمى من الفوبيا المرضية
والتي تكاد تنهي حياتها في احدى المرات
دون مبالغة ...

ترك ادهم المحقن من يده للمرضة فورا
وجذبها اليه محاولا السيطرة عليها والتحدث
اليها بتعقل ولكن كانت محاولاته دون فائدة
فنظر لطارق نظرة فهما الاخر فورا واحكم
ادهم سيطرته عليها مطبقا على احدى يديها
في حين تكفلت الممرضة بيدها الاخرى
لتخضعها لطارق الذي سارع بغرس تلك
الحقنة في وريدها سريريا خوفا من اصابتها
بازمة قلبية محتملة ...

جاهدت سلمى لتتخلص من ادهم حقا
جاهدت بكل قوتها الا انه كان كالجبل لم
يتزحزح خطوة واحدة حتى غرست تلك
الحقنة في وريدها صرخت بكل قوتها

..صرخت ألما ..رهبة رعب كاد يوقف قلبها
...بل صرخت قهرا ..ورفضا ...لكنها سرعان ما
غابت عن الوعي بتأثير ذلك المنوم لتسقط
بين يدي ادهم الذي سارع بحملها وضمها
لصدره في محاولة منه لتهدئة قلبه ...وتم
نقلها سريعا لتجهيزها للاشعة والتحليل
حتى انتهى كل شيء اثناء اغمائها فتم
اعادتها لغرفتها وجلس ادهم مع طارق
لتحديد العلاج المناسب

طارق :

_كدة احنا عملنا كل حاجة والنتائج هتحدد

هنبدأ منين

ادهم بارهاق :

_اظن انك شوفت بنفسك ان الموضوع

مش سهل ابدا

طارق :

_اه تقصد البايو فوبيا صحيح ؟

ادهم :

_ايوة ..

طارق :

_ادهم احنا لسة في اول الطريق مش عايزك

تضعف ..هي دلوقتي محتاجة قوتك

وصبرك

ادهم :

_عارف بس غصب عني مش قادر اشوفها

كدة

طارق :

_استعين بالله وان شاء الله ربنا هيكتبلها

الشفاف

ادهم :

_يارب

ودخلت احدى الممرضات ومعها نتيجة
الفحوصات والتي درسها ادهم وطارق سويا
لتحديد مراحل العلاج وبدأت سلمى رحلة
العذاب التي كانت تتضمن جرعات مكثفة
من الادوية التي جعلتها تفقد شهيتها كليا
مع استمرار الغثيان والقيء بقوة ما جعلها
تفقد الكثير من الوزن كما فقدت قدرتها
على الوقوف وترك السرير ولو للحظات دون
مساعدة من احدى الممرضات فكانت
ملازمة للسرير..وهذا ما جعل ادهم يعتصر
قلبه الالم من رؤيتها هكذا حتى فقد شهيته
هو الاخر والكثير من وزنه ولكنه كان يحاول
التماسك من اجلها ولاجلها فقط ...

ترى ما التحدي الجديد الذي سيواجه علاقة

احمد بمها ؟

كيف ستتراجع علاقة ياسمين ويوسف الى

النهاية ؟

انتظروني في الحلقات القادمة باذن الله

الحلقة الثانية والاربعون

مرت ثلاثة اشهر حملت بين طياتها الكثير

من الفرح والاكثر من الالم على الجميع

..كانت الايام تدور بالفعل بكل ابطالنا خلال

تلك الفترة بما جعل كل فرد مشغول بحاله

عمن حوله حتى من هم يقبعون في الغرفة

المجاورة له ولنقترب قليلا لنلقي نظرة على

عائلة الرفاعي

كان يجلس في غرفة الجلوس بفيلتهم كمن

يجلس على صفيح ساخن وهو ينتظر عودة

مها من متابعتها الدورية لدى نجلاء والتي
اصدرت أمرها لمها ب الا تحضر احمد معها
فكلما اجتمعا معا تشاجرا وكأنهما ألد
الاعداء ولذلك خضع احمد لرغبة مها في عدم
حضوره معها...فكان ينظر في ساعته من
حين لآخر لاعنا نجلاء واليوم الذي عرفها فيه
اخرجه من افكاره هتافها المرح :

_ احمد ..انا جيت

احمد وهو يحتويها بين يديه :

_ خير يا حبيبي عملت ايه طمنييني

مها :

_ الحمد لله انا كويسة واخيرا عرفت نوع

المولود

احمد بلهفة :

_ها قولي بنت ولا ولد ؟

مها :

_قولي اول انت نفسك في ايه ؟

احمد برضا :

_والله انا راضي بكل اللي ربنا كاتبهولنا
..بس انا نفسي في ولد

مها وهي تطوق عنقه بيديها :

_وربنا حقق لك حلمك يا حبيبي ..انا حامل
في ولد

احمد بفرحة وهو يضمها له :

_بجد يا مها ...الحمد لله ..الحمد لله

مها :

_الحمد لله ها قولي بقى هتسميه ايه ؟

احمد بشرود :

_انا نفسي في ادهم

مها بتأثر :

_ان شاء الله يرجع هو وسلمى بالسلامة

احمد :

_يارب يا مها ..وحشني قوي

مها :

_ربنا ما يحرمكم من بعض ويلم شملكم

عن قريب

وهنا اعلن هاتف مها عن وصول رسالة
فذهبت اليه لتفاجئ بالتالي ((لو عاوزه تعرفي
جوزك مش راضي يعالجك من فقدان
الذاكرة اللي عندك ليه قابليني حالا في

النادي ..واوعي جوزك يعرف ..انا هايدي

((الرشيدي))

هتف احمد بقلق وهويلاحظ تشنج جسدها :

_مالك يا مها فيها ايه الرسالة دي ؟

مها بتوتر وهي تغلق الهاتف :

_ايه ..لا مفيش دي رسالة من شركة

المحمول ..المهم انا كنت عاوزه السواق

يوصلني للنادي دلوقتي

احمد :

_ليه يا حبيبتي مش احنا متفقين اننا

هنتغدى برا مجرد ما ترجعي

مها :

_معلش حبيبي ..اصل نجلاء عزمطني على

الغدا هناك واحرجت ارفض

احمد :

_ طيب خلاص انا هوصلك بنفسي

مها :

_ لا لا .. اقصد مفيش داعي انت عارف نجلاء
واحدة منك موقف وانا مش عاوزاك تضايق

احمد :

_ عندك حق هي فعلا مستفزة ... طيب
هوصلك وارجع انا مش هدخل معاكي

مها :

_ تسلملي حبيبي

احمد غامزا بمكر :

_ تسلملي كدة حاف

مها وقد توردت وجنتاها :

_وبعدين بقى ...مش ناوي تعقل يا دكتور

فضحك احمد هاتفا :

_اتعلمت الجنان منك ياقلبي

فهمست بتوتر :

_بجد انا قلبك

فضمها لصدره هامسا :

_عندك شك في كدة ؟

مها وهي تحاول ان تخترق عقله هي تنظر

لعيناه مباشرة :

_انت مخبي عليا حاجة يا احمد ؟

فتركها بتوتر والتفت ليعطيها ظهره هاتفا

بتوتر :

_ليه بتقولي كدة ؟

مها بهدوء :

_عادي سؤال خطر على بالي

احمد :

_لا مش مخبي حاجة ..هخبي ايه يعني
..المهم يالا بينا عشان ترجعي بدري

فخرجت معه وقلبها يخبرها انها ابدان تعود
كما كانت ...تشعر بسوء تلك الخرجة ولا
تعرف لها سبب اما احمد فقد اوصلها بيده
لمكان انهيارها وفقدانها ولو كان يعلم بما
هو يوصلها اليه بيده لكان حبسها وراء الف
باب لا ان يسلمها بيده

دخلت مها النادي وهي متوترة شاردة في
افكارها فكيف تعرف من هي هايدي
الرشيدي تلك؟ انها لا تتذكرها فكيف

ستصل لها حتى تنبهت لمن تلوح لها من
مكانها فاقتربت منها لتعرفها فورا انها
صديقة ياسمين التي زارتهم من مدة ولكنها
ابدا لم ترتاح لطريقة تعاملها مع احمد

مها :

_ممكن اعرف انت قصدك ايه بالرسالة دي
؟

هايدي :

_اهدي بس وانا هفهمك كل حاجة

واخرجت من حقيبتها ورقة سلمتها لمها
التي بمجرد ان نظرت لها حتى انتابها حالة
من الجمود صحيح تشعر بقلبها على وشك
التوقف...صحيح تشعر بنار حارقة تكاد
تحرق الكوكب بأكمله لكنها ابدا لن تظهر
ضعفها امام تلك الحفيرة لن تكون ابنة

الرفاعي ان اتاحت لها الفرصة لتشمت
وتسخر منها ..فالقت بالورقة باهمال على
المنضدة هاتفة بازدراء :

_انت مراته ؟..ازاي قبلتي تجوزيه وهو
متجوز ومراته حامل ..لدرجة دي معنديكيش
كرامة

هايدي بهدوء :

_ايوة انا كنت مراته ..بس قبل ما تظلميني
لازم تعرفي هو قالي ايه عشان اوافق اتجوزو
وانت على ذمته

لم تتغير تعبيرات مها مازالت تعبيرات
وجهها تحمل كافة معالم الازدراء والاشمئزاز
فاستطردت هايدي تنوي انهاء علاقة احمد
بمها فكما تركها ستجبره على ترك مها
وخاصة انها انتظرت شهور لتتصرف رقية

ولكنها بلا فائدة سافرت وتركتها اذن كان
عليها ان تتصرف وحدها فهتفت :

_ انا اسفة بس هو قالي انه اتجوزك علشان
يستر على غلطة غلطيتها مع شخص غلط
معاكي وبعدها هرب وسابك حامل منه
وعشان انت بنت عمه قرر انه يحمي عرض
عمه وشرفه

هنا استطاعت هايدي ان تحقق هدفها فقد
تصدعت ملامح الجمود على وجهها وحل
محلها تعبيرات الصدمة والذهول...هنا
توقف الزمان حولها وكأن كوكب الارض
بأكمله اختفى من حولها...استقامت منها من
جلستها ببطء وهي تهمس بضياح:

_ ا..انا...عم...عملت كدة ؟

نار اشتعلت في جسدها صاحبها ألم ..الكثير
من الألم في كل انحاء جسدها كانت ضائعة
بحق وخاصة انها لا تتذكر أتكك الحقيقة وفي
داخلها ينمو طفل من علاقة محرمة ...أتكك
كانت اخلاقها ؟..مستحيل تنبته على يد
هايدي على كتفها تربت عليها برفق
وتساعدها على الجلوس واضعة اخر مسمار
في نعش علاقة احمد ومها هاتفة بمحبة
ورفق زائفين :

_ لا يا حبيبتي ابدا ..انت اشرف من الشرف انا
اتأكدت من كدة كويس وعرفت انه اتجوزك
بنت والطفل اللي انت حامل فيه ده من
صلبه هو اللي كداب وعشان كدة مجرد ما
عرفت طلبت الطلاق وانفصلت عنه فورا
ودي قسيمة طلاقنا

ووضعت امامها ورقة اخرى لكن مها لم تهتم
ان تراها انها بالفعل لم تكن ترى امامها ربما
بسبب موعها التي اغرقت وجهها ربما
بسبب رؤية ضايقة مشوشة كانت تعيد لها
لمحات من الماضي من رفض والدها مجرد
تفكيرها في احمد (مها اسمعي كلامي
يابنتي .. هو هيجرحك كثير ... انسيه عشان
خاطري وبكرة تجوزي الاحسن منه .. اسمعي
كلامي احمد انسان سلبي هيهينك .. وامه
مش هتسيبك في حالك ...)

كانت تسير متعثرة تستند على الجدار
بجانباها والافكار كالعواصف داخل رأسها
كيف استطاع ان يتهمها بتلك التهمة القذرة
؟كيف وافق عمها على فعلته تلك ؟ بل لم
وافق والدها على زواجه منها ؟لم ؟؟؟ ااااه
...يالله أما من نهاية لهذا الالم الذي يفتك

بجسدها بل ويعتصر روحها عصرا... وضعت
يدها على بطنها تستشعر حركة طفلها
العصبية هو الاخر وكأنه يرفض ما تتعرض
له امه من ظلم وجبروت من أناس فقدوا
الرحمة وتحولت قلوبهم لحجر صوان
...اخرجت هاتفها بتعب بلغ حده وضغطت
ازاره برجاء هامس ان ينجي الله وليدها
ولتذهب هي ووالده للجحيم

نجلاء بمرح :

_ ايه يا مها لحقت اوحشك ؟

مها بصوت متعب هامس :

_ الحقيني يا ..نجلاء ..ابني في خطر

نجلاء بذعر :

_مها انت فين ردي عليا

لم يصلها سوى صوت ارتطام قوي ومن ثم
عدة همهمات لم تفهم منها شيء فركضت
الى مكتب مدحت هاتفه بتوتر وعصبية :

_مدحت الحقني ..مها في خطر وانا مش
عارفة اتصرف

فجذبها مدحت هاتفها بها :

_اطلبي تجهيز عربية اسعاف من محمولي
بسرعة

ثم جذب منها هاتفها وهو يركض معها
لمكان الخروج الطارئ من المستشفى وهو
يصرخ بالهاتف الذي تنبه له احد الاشخاص
حول مها فجذبه وهنا استطاع مدحت ان
يعرف منه اين هم تحديدا وفي خلال 10
دقائق كانت سيارة الاسعاف تعود بمها
ونجلاء ومدحت للمستشفى سريعا وفي

داخل غرفة الطوارئ بعد الكشف السريع
عليها سارعت نجلاء لهاتفها لتتصل باحمد
هاتفه بسرعة :

_احمد تعالى المستشفى فورا

احمد بقلق :

_ليه في ايه ؟

نجلاء :

_مها في خطر ومحتاجينك هنا فورا

فانتفض واقفا من مقعدة وهو يشير لوالده

ان مها في خطر فركضا الاثنان معا

للمستشفى في حين كان مدحت يحاول

مساندة نجلاء فهي ابدأ لم تعتبر مها مجرد

حالة لديها انها تعتبرها اختها بعدما اخبرتها

فاطمة عنها ثم تقربت منها ورأت بعينها

ماتحمل تلك الفتاة من قلب ينافس الحليب

في بياضه وروح تقاسم الطيبة والنقاء بها
معا فأحببتها كأخت لم تحظى بها يوما هذا
بالاضافة لهدوء مها وسكونها ما يستفز لدى
نجلاء نزعة الحماية وهذا كان سبب خلافها
الدائم مع احمد

دقائق ووصل احمد لاهتا من فرط انفعاله
هاتفا :

_ حد يفهمني مرتي مالها ؟

نجلاء بجدية :

_ محتاجينك تمضي على الاقرار ده

احمد بعدم فهم :

_ اقرار ايه مش فاهم

نجلاء :

_مها الضغط عالي جدا عندها بشكل صعب
الحمل يستمر معاه لانه فيه خطر على
حياتها ولو عملنا عملية دلوقتي وخرجنا
الطفل هيكون فيه خطر على حياته وهنا لازم
حضرتك تختار الام ولا الجنين

احمد بلهفة :

_مها...ارجوكي يا نجلاء انا مش عاوز غير مها
وسارع بتوقيع الورقة دون قراءتها واعطائها
لها وكأنه يسلمها مفتاح حياته كلها بين
يديها فاخذتها واتجهت لغرفة الجراحة
صامتة ولكن قلبها كان لا يتوقف عن الدعاء
الصامت لاختها الحنونة مها بالنجاة هي
وطفلها ...

كانت في جلستها المعتادة امام نافذة مكتبها
من يراها يظن انها تتابع لعب الاطفال امامها
في الجهة المقابلة للشارع وهم يلعبون الكرة
في احدى الحدائق العامة ولكنها كانت بعيدة
جدا بتفكيرها في ذلك الذي انقلب حاله رأسا
على عقب صحيح هو مازال يحبها ويمطرها
بكلمات الغزل المعتادة لكنها تشعر انه
يخفي عنها امراا جلا وكلما حاولت سؤاله
يتهرب كالعادة شهور مرت وهي على
وضعها ولا تعرف كيف التصرف معه قاطع
شرودها طرقات على الباب ثم دلوف تغريد
بتوتر وارتباك كالعادة فتأففت ياسمين
ونهدت لتجلس على مقعد مكتبها في
مواجهتها

ياسمين :

_خير يا تغريد

تغريد :

_ا..اصل...ال..الاستاذ...يوسف..كان

ياسمين بنفاذ صبر :

_اتكلمي على طول ياتغريد انا مش فاضية

تغريد حاضر...الاستاذ...يوسف عمل مكالمة
من شوية وانا سجلتها على محمولي و..كان
لازم حضرتك تسمعيها

واتبعت كلماتها بتشغيل الهاتف لينطلق
صوت يوسف من خلاله ((حبيبي...هههههه
والله حبيبي...عارف والله اني مقصر معاكي
بس كان عندي شغل كثير...سامحيني
عشان خاطري...عارف ان قلبك مفيش
اطيب منه وهيسامحني...قوليلي عاملة ايه
...انا الحمد لله...لا بلاش النهاردة معلش انا
حاسس ان ياسمين بدأت تشك فيا...لا انت

تغريد :

_ح...ح...حاضر

وانطلقت تخرج قبل ان تقتلها ياسمين التي
كانت تشعر كمن طعنها بخنجر حاد في
منتصف قلبها شعرت بالخيانة والخداع
سلاحان يصفعاها بقوة لكنها صمدت
مسحت دموعها بقوة وهي تهمس لنفسها
(الليلة يا يوسف يا اناك من براءتك وعندها
هكمل حياتي معاك على الثقة والامان يا
اناك انك بتخوني وعندها هخلعك من حياتي
كلها بعد ما ادوس على قلبي واقتله بايدي
(وسارعت لها تفها تجري مكالمة أجلتها
كثيرا ولكن حان الان اوانها ...

ثواني وجاءها الصوت الهادي هاتفا :

_السلام عليكم ورحمة الله

ياسمين :

_وعليكم السلام ..ازيك ياعم رجب ..اخبارك

ايه ؟

رجب بمحبة :

_الحمد لله يابنتي في نعمة ..طميني عنك

انت والدكتور ادهم والدكتور احمد ووالدك

ووالدتك

ياسمين :

_الحمد لله كلنا كويسين ...بس انا كنت

محتاجة منك خدمة ياعم رجب

رجب بطيبة :

_اؤمريني يابنتي ..انا في خدمتك

ياسمين :

_ الامر لله ياعم رجب ..ربنا يباركلي فيك
ياارب ..بصراحة هو الموضوع محرج شوية

رجب :

_ انت بنتي يياسمين ولا نسييتي اني مربيكي
على ايديا انت واخواتك ولولا تعب صحي
انا مكنتش سبتكوا ابدا وكنت فضلت
السواق الخصوصي بتاعكم

ياسمين :

_ كانت احلى ايام والله ياعم رجب

رجب :

_ قولي يابنتي اللي انت عاوزاه ومتتخرجيش
من حاجة

ياسمين :

_ انا عاوزه حد يراقب يوسف يشوفه بيروح
فين ..وقبل ما تفهمني غلط هقولك انني
شاكة انه يعرف واحدة تانية ويمكن مرتبط
بيها كمان

رجب بعد برهة :

_ حاضر يابنتي ولا يهملك انا عشر دقائق
وهكون عندك ولما ينزل هكون وراه لحد ما
يرجع بيته متقلقيش ولو اني عارف انه لا
يمكن يعمل كدة

ياسمين :

_ لازم اتأكد ياعم رجب ..معلش سامحنى
مقدرتش اخلي حد من سواقين الشركة
يقوم بالمهمة دي عشان هو عارفهم كلهم

رجب :

_ خلاص متشيليش هم انا هاجي بالتاكسي
بتاع ابني ومحدث هيعرف حاجة

ياسمين :

_ ربنا يباركلي في عمرك وصحتك يارب
متشكرة قوي يا عم رجب

رجب :

_ الشكر لله يابنتي يالا مسافة السكة
وهكون عندك

اغلقت الهاتف وزفرت بضيق وقلبها يقرع
داخل صدرها كمن تنتظر نتيجة حياتها كلها
اما النجاة واما الموت غرقا في الاحزان
هل يوسف برئ ام حفر نهاية علاقتهما بيده

؟

ترى مامصير مها واحمد ؟

وما مصير سلمى مع ذلك المرض؟

انتظروني مع احداث اكثر تشويق في الحلقات

القادمة باذن الله

الحلقة الثالثة والاربعون

دخلت نجلاء غرفة العمليات وانهار احمد

على المقعد بجانب الغرفة وهو يكاد يموت

قهرها وألما اخرجته من شروده احدى

الممرضات هاتفة:

_دكتور احمد دي المتعلقات اللي كانت مع

مدام مها في الاسعاف

ثم ناولته حقيبة يدها وهاتفها فهتف بتعجب

:

_اسعاف !!

: الممرضة :

_ايوة حضرتك الاسعاف جابها من نادي
(..)حتى الدكتور نجلء والدكتور مدحت
راحوا مع الاسعاف بنفسهم على هناك

احمد :

_راحت مع الاسعاف ازاي هي مش كانت
هناك مع مها

الممرضة :

_لا حضرتك الدكتور نجلء كانت هنا ونزلت
مع الاسعاف

ثم تركته وانصرفت غارقا في التفكير حتى
رفع راسه لوالده المتابع للموقف كله فهتف

:

_يعني مها كانت مع مين وصلها للحالة دي

؟

احمد :

_مش عارف ياابا هي كانت مبسوفة قوي
ان نجلاء قالتلها انها هتجيب ولد وبعدين ...
هنا تذكر الرسالة فاخرجه سريعا من حقيبتها
وفتح الرسائل وفوجئ برسالة هايدي فهب
واقفا صارخا :

_اقسم بالله لو مراتي جرالها حاجة لأقتلها
فورا ومش هيهمني حد

فانتفض ابوه واقفا محاولا تهدئته :

_اهدى يا احمد وخلينا في مها دلوقتي وانا
اللي هتصرف

جذبه واجلسه من جديد ضد ارادته فقد كان
يعلم انه ان تركه سيرتكب جريمة بالفعل
فقد كان كل عضلات جسده تنتفض غضبا

وهو على يقين ان احمد قد وصل لآخر

مراحل صبره ...

ساعتين مروا كانوا اسؤ ساعات احمد في
حياته حتى فتح الباب اخيرا وخرجت نجلاء

هاتفه :

_الحمد لله

ابراهيم :

_طميني يابنتي اخبارها ايه ؟

نجلاء :

_الحمد لله قدرنا نلحقها

احمد كمن تنفس الان فقط :

_الحمد لله ..الف حمد وشكر ليك ياارب

نجلاء :

_واحب اطمنكم ان البيبي بخير الحمد لله
..بس هيستنى معانا شوية في الحضانة لانه
نازل بدري عن ميعاده دي كانت في السابع

احمد :

_اللهم لك الحمد والشكر...انا هنزل اصلي
ركعتين شكر لله على مامها تفوق

وخرج احمد ومعه ابراهيم وانتقلت مها
لغرفتها ولكن ترى هل تعود مها كما كانت ؟

كانت تدور داخل غرفة مكتبها كمن تدور في
حلقات مفرغة كل عضلات جسدها متشنجة
مشحونة بشحنات كهربية غاضبة قادرة على
اشعال الشركة والمدينة بأكملها لكنها كانت
تسيطر على نفسها بارادة من حديد لاتريد
ان تظلمه كالمرءة السابقة ...بل هي مازال

عندها الامل انه ابدا لن يخونها...مازال حلمها
بحبه وسيطرتها اللانهائية على قلبه يراودها
...فقط ما زال لديها بصيص من امل ...

لحظات وعلي رنين هاتف مكتبها فاسرعت
لتجيب :

_السلام عليكم

تغريد :

_..ياسمين هانم ..الاستاذ يوسف خرج حالا
من مكتبه وقالى انه مش راجع تاني النهاردة

ياسمين :

_ماشي

واغلقت الهاتف وسارعت لهاتفها الشخصي

:

_السلام عليكم ..عم رجب يوسف نازل

دلوقتي

: رجب :

_متقلقيش يابنتي شوفته وهطلع وراه حالا

يالا سلام

واغلق الهاتف وبدأ العد التنازلي لحياتها

القادمة

جالسة في شرفتها المطلة على اراضيها
الزراعية تتذكر حياتها السابقة ونجلاء مازالت
طفلة تلهو هنا وهناك مع سلمى وحولهما
كانت هي وزوجها وعبد العزيز وزوجته
..ذكريات لن تعود ابدا لكنها كانت المعين

لها على مواصلة حياتها قاطع شرودها
هاتفها فسارعت بالرد عندما وجدتها نجلاء :
_ صباح الخير يانوجا .. ازي الواد اسر وحشني
قوي

نجلاء :

_ صباح الفل ياست الكل ... لو كان الواد اسر
وحشك كنت جيتي عشان تشوفيه
فاطمة :

_ المشوار طويل يابنتي وانت عارفة صحتي
على ادي
نجلاء :

_ لا يا ماما ما انت هتيجي عشان بنتك
التانية ولدت
فاطمة :

_مها!!..مها ولدت امتى ؟

نجلء :

_من شوية هي الحمد لله كويسة بس انا

قلقانة لانها ولدت قبل ميعادها

فاطمة :

_عادي يابنتي مافي ستات كتير بيولدوا في

السابع هو انا اللي هعرفك يا دكتورة

نجلء :

_ياماما مها كانت بتكلمني وبتعيط

وبستنجد بيا وفجأة اغمى عليها وضغطها

كان عالي جدا فاضطرينا نولدها قبل ميعادها

فاطمة :

_ياحبييتي يابنتي ..تبقى اكيد افكرت اللي

جوزها عمله

نجلء :

_احتمال مش بعيد...عشان كدة لازم تيجي
يا ماما انت اقرب واحدة ليها

فاطمة :

_حاضر يا بنتي مسافة السكة وهكون
عندكم مع السلامة

تشعر بكل عضلات جسدها متعبة بشدة كل
جسدها يؤلمها لكنها تثابر على المضي
فوجدت رقية امامها تتهمها في شرفها فبكت
كما لم تبكي من قبل فوجدت ادهم يربت
على كتفها بحنان مباركا لها بحملها ومن
خلفه كانت ياسمين تركض نحوها فرحة
بكونها ستصير عمة اخيرا وصوت عمها
الحنون يهتف بالحمد والشكر لله على

فضله... لحظات ووجدت احمد في ابهى حلة
رمادية اللون متألق كنجوم السينما يبتسم
لكن ليس لها لاخرى نعم لهايدي ممسكا
بيدها بين يديه تاركا لها حاولت النداء له
الاعتراض لكنها كانت كالهواء امامه تحركت
لتبتعد وهي تبكي فوجدت فاطمة تضمها
لصدرها محاولة طمأنتها انها معها دائما وابدأ
وهذا ما كانت فعلا تحتاجه حزن يضمها
يشعرها بالامان بعد ان فقدته ...

لحظات وبدأت تستعيد وعيها كانت تلهث
كمن كان في ماراثون للجري لم تكن تشعر
بعدد الساعات الماضية لم تهتم بعبارات
الحمد على سلامتها كما لم تهتم بعبارات
التهنئة وعلى أي شيء يهنؤها على حياة
ضاعت وتدمرت ام على زوج خائن ام على
طفل بلا اب لقد تذكرت كل شيء حتى فترة

فقدانها لذاكراتها استرجعتها حتى حوار
هايدي الذي ذبحها في الصميم لكنها تنبعت
على شفيتين يقبلان جبينها فرجعت برأسها
للخلف ناظرة له بعيون فاقدة للروح هامة
:

_ابعد عني ومتلمسنيش

فابتعد احمد ذاهلا في حين هتف ابراهيم :

_حمد الله على سلامتك يابنتي ..عاملة ايه
دلوقتي ؟

فتحولت بنظرها لعمها هاتفة بدموع لم
تستطع السيطرة عليها اكثر :

_ازيك ياعمي ..ياسندي وقوتي بعد بابا الله
يرحمه ..يالبي كنت بعترك في مكانته ياعمي

ابراهيم بقلق :

_وهفضل كدة لحد اخر يوم في عمري يا مها
...مالك يابنتي ؟

مها :

_طيب تسمحلي ياعمي اقولك ..هي دي
الامانة اللي بابا سلمهالك ؟

ابراهيم :

_مها !!

مها مقاطعة :

_اه بابا ادالك امانة تحافظ عليها وانت هنتها
ودوست عليها ياعمي ياكبير

احمد بغضب :

_مها انت ازاي تكلمي بابا كدة ؟انت اتجننتي
؟

مها بغضب :

_ انت ملكش كلام معايا انت فاهم

ابراهيم :

_ يابنتي اهدي وانا هعملك اللي انت عاوزاه

...بس اهدي عشان صحتك

مها بهدؤ كاذب عكس ما يشتعل في قلبها

من جمر :

_ ماشي ياعمي وانا مصدقك لو سمحت

طلقني من احمد

احمد :

_ انت بتقولي ايه ؟

مها متجاهلة احمد :

_ ها ياعمي هتعملي اللي انا عاوزاه

احمد :

_يامها اسمعيني متظلمنيش

مها بسخرية مريرة :

_انت اللي بتتكلم عن الظلم يا اخي حرام
عليك ..طعنتني في شرفي ..وفي كرامتي ...وفي
انوئتي وجاي تتكلم عن الظلم

احمد بوجع :

_انا يا مها !!..انا ...انا بحبك

مها بعصبية :

_وانا بكرهك وبكره نفسي اني صدقتك في
يوم من الايام وبكره الدنيا اللي جمعتني بيك
واقولك على حاجة كمان وبكره ابني لانه
حتة منك ...اخرج برا ..برا ...مش عاوزه اشوف
حد..سيبوني في حالي بقى ..سبوني

وانخرطت في البكاء فدخلت نجلاء الغرفة
وحاولت قدر استطاعتها التحكم في اعصابها
والا تهجم على احمد لتنشب اظافرها في
وجهه لكثرة مصائبه في حق تلك المسكينة
فهتفت :

_ياجماعة من فضلكوا اطلعوا برا دلوقتي
...مها اهدي حرام عليكى نفسك انت لسة
والده ...طب عشان خاطر ابنك
مها :

_خرجيهم برا مش عاوزه اشوف حد منهم
نجلاء :

_خلاص اهدي كلهم خرجوا
مها :

_ انا معدليش حد غيرك يانجلاء اقفي جنبي

ارجوكي

فاطمة التي دخلت الغرفة :

_ مالكيش حد ازاي انت هبلة يابت وانا رحت

فين ؟

مها :

_ ماما فاطمة !!

فاطمة وهي تحتضنها :

_ اهدي وبطلي بكا واللي انت عاوزاه انا

هعمله بس دموعك دي متنزلش تاني

فتعلقت بها مها وهي تبكي شاكرة لله ان

عوضها بتلك السيدة الحنون عن اقارب

ليسوا بلا فائدة بل جردوها من كل كرامة

وكبرياء لديها ولم يتوانوا عن صفعها
بمصائبهم المرة تلو الاخرى

هنا هتفت نجلاء :

_ياسلام يعني اطلع انا منها

فاطمة وهي تساعد مها على الاعتدال قليلا :

_ايوة يا ختي روحي شو في شغلك وسبيني

مع بنتي حبيبيتي

لكنها جلست على احد المقاعد كما جلست
مها التي بدأت تحكي لهما اخر مقابلة لها
مع هايدي فاستمعا بهدوء ظاهري وفي
داخلهما مشاعر مختلفة فاطمة كانت تقرر
ان مها لابد وان تبتعد عن الجميع حتى
تستعيد ثقتها بنفسها واما نجلاء فكانت
تحاول الا تخرج لتلك الهايدي لتجعل من
شعرها كرة تلعب بها قطتها وعندما انتهت

مها ساعدتها نجلاء بمهدئ لتنام وترتاح
وخرجت من الغرفة وهي مطمئنة ان مها
الان في ايدي امينة ...

في خارج الغرفة كان احمد وابراهيم ينتظراها
باعصاب محترقة لمحاولة فهم ماحدث
فحككت لهما نجلاء باختصار ماحدث من
هايدي اضافة الى رجوع ذاكرتها كاملة هنا
فقد احمد كل وقاره بل لاول مرة تراه نجلاء
بتلك الحالة وهو يقسم انه سيقتلها ووالده
متعلقا به محاولا السيطرة عليه حتى تدخل
مروان ومدحت جاذبينه لاحدى الغرف
وهناك اقنعه والده بصعوبة بالغة انه لايد
والا يترك مها لاي سبب كان وهو سيتصرف
بما يغلق موضوع هايدي هذا للابد فرضخ
اخيرا لوالده ...

برغم انه تمكن اخيرا من تهدئة ابنه لكنه كان يغلي من الغضب كانت صورة شريف امامه دائما يلومه انه لم يحافظ على امانته له وتركها لعبة في يد رقية وهايدي يتقاذفها بينهما دون وجه حق وهو فعلا ماحدث حبه لرقية كان يمنعه من التعامل معها بشدة...ولكن من يعذره على ذلك حتى رقية نفسها تركته تائها وسط جبال من المشاكل وتخلت عنه فلا يعلم لها طريق ولكنه لا بد ان يصمد ويحاول التعامل بعقلانية مع الامور حتى لاتزيد تعقيد اكثر واكثر...هنا وجد نفسه امام فيلا جمال الرشيدي فدخل اليه مشحون بألمه وغضبه جلس معه فترة لاتتعدى العشر دقائق وخرج بعدها من

هناك قاسما انه ان تدخلت هايدي في
حياتهم ثانيًا لن يردعها غيره ولن يعمل أي
حساب لوالدها صديقه الوحيد

في حين مجرد خروجه من عندهم صرخ
جمال بعصبية مناديا لابنته التي جاءت ركضا
فما كان منه الا ان صفعها بقوة صفقة
اوقعتها ارضا فتدخلت والدتها على الفور
هاتفه وهي تحاول منعه من الاجهاز عليها
مكملا :

_ في ايه يا جمال اهدى بس وفهمني

جمال بغضب :

_ الهانم المحترمة بنتك راحت لمها زوجة
احمد الرفاعي وقالتها كلام محصلش اصلا
عشان توقع بينهم والنتيجة البنت كانت

هتروح فيها وابنها بين الحيا والموت وانا

بقيت مش مربي بنتي

سوسن :

_انت عملت كدة ؟

هايدي بعد ان وقفت :

_ايوة عملت كدة كان لازم ارد له اللي عمله

معايا

جمال :

_اللي حصل كله كان بسببك انت والهانم

والدته هو مكنش له أي دخل فيه ...بس كدة

خلاص ياهايدي اسمعي هتوافقي على

العريس اللي جالك وهتقطعي علاقتك باي

حاجة تخص احمد انت فاهمة ...والا وعزة

وجلال الله انت عارفة انا ممكن اعمل فيكي

ايه كويس قوي

سوسن :

_ خلاص يا جمال اهدى عشان خاطري ..هي
خلاص اكيد اتعلمت الدرس كويس ومش
هتغلط الغلط ده تاني

وهنا خرجت هايدي من مكتب والدها وهي
تعرف انها ابدأ لن تجرؤ على الاعتراض
وتغلق صفحة جمال الرشيدى نهائيا من
حياة عائلة الرفاعي

مرت الساعات وياسمين تكاد تحترق من
الانتظار حتى تصاعد رنين هاتفها فسارعت
اليه لتجيب بلهفة :

_ايوة ياعم رجب طمني راح فين ؟

رجب بحزن :

_والله ماعارف اقولك ايه يابنتي

ياسمين بدموع لم تستطع التحكم بها :

_قولي الحقيقة ياعم رجب عشان خاطري

رجب :

_راح منطقة شعبية شوية واشترى من

محلات المنطقة اكل كتير خضار وفاكهة

وجبن يعني تقريبا كدة تموين بيت وفضل

في البيت ده وقت طويل وبعدها لسة مروح

بيته دلوقتي

ياسمين بألم :

_معرفتش بيت مين ده ؟

رجب :

_سألت واحد من البقالين في المنطقة عنه

قالي ...قالي ...

ياسمين بقلق :

_ قالك ايه ياعم رجب ؟

رجب :

_ لا حول ولا قوة الا بالله ...قالي انه عريس

جديد ساكن عندهم

وسقط الهاتف من يدها كما سقطت حياتها

ولن تقوم من جديد ابدا اغمضت عيناها

كمن تحاول ايهاام نفسها انها تحلم ولكنه

ليس بحلم انه اسؤ كوابيسها ..هنا وفي تلك

اللحظة انتهت ياسمين كما انتهت علاقتها

بحب حياتها فلا مجال للانكار او انها تكون

ظالمته ..هنا انتهى كل شيء ..كل شيء ...

مامصير يوسف وياسمين ؟ومها واحمد

؟وادهم وسلمى ؟

للناس اللي بتقول فيها نكد كتير احب
اقولكم ان حياتنا الواقعية كلها نكد كدة دي
احداث واقعية واما اللي بيسألوا عن الفرح
والسعادة هقولكم ان طالما النكد والحزن
كتير لازم تعرفوا ان عوض ربنا لازم يجي في
النهاية طالما الاحداث واقعية

انتظروني في الحلقات القادمة باذن الله مع
احداث من نوع جديد

الحلقة الرابعة والاربعون

جلس ابراهيم في الفيلا وحيدا يسترجع حياته
كاملة يشعر بشوق وحنين جارف لشريكة
حياته التي لايعرفون عنها أي شيء من مدة
طويلة...شعر بحنين لقلب عائلة الرفاعي
ادهم ولده الحبيب الذي كانوا يسمونه رجل
المهام الصعبة لمواجهته لاي مشكلة تمر
بهم بحكمة وعقل...شعر بان الامور تخرج

عن السيطرة وانه لأول مرة عاجز عن جمع
اسرته او حمايتها من نواذب الدهر وكم آلمه
هذا الشعور المقيت واستنزف كل قواه ...

تنبه من افكاره على احمد الذي دخل عليه
متهدل الكتفين يسير ببطء شديد كمن يجر
قدميه جرا حتى وصل لعنده فالقى بجسده
على المقعد المجاور له كان كرجل تعدى
الثمانين من عمره كما كسا وجهه ملامح
الالم والقهر بكل صورته

احمد :

_ مساء الخير يا بابا

ايراهيم :

_ مساء الخير يا بني ... طمني اخبارها ايه ؟

احمد :

_زي ماهي رافضة تسمعني او حتى
تشوفني ومصممة على الطلاق

كاد ابراهيم ان يرد عليه بما يصبره على بلواه
والتي كانت السبب المباشر بها والدته
المختفية ولكن منعه من ذلك دخول
ياسمين عليهم بوجه اثار الرعب في كلاهما
فانتفضا واقفين وهنا هتف ابراهيم :

_مالك يياسمين ؟

ياسمين ببكاء :

_بابا انا عاوزه اطلق

ابراهيم :

_نعم !! ليه انت كمان ؟

ياسمين ببكاء :

_بابا ...يوسف متجوز عليا

ابراهيم محاولا تمالك اعصابه :

_عرفتي منين يا ياسمين

احمد بنفاذ صبر كمن يفرغ شحنة غضبة

كلها مرة واحدة :

_انت لسة هتسال يابابا ...ده لازم يطلقها

غصب عنه ..هو اتجنن عشان يتجوز عليها

ابراهيم بغضب :

_يبقى انت اتجننت لما اتجوزت على مها

احمد بتلعثم من هجوم والده :

_انا ...انا ظروفى غيره

ابراهيم :

_وانت عرفت ظروفه منين عشان تقارنها

بيك ؟

احمد :

_يا بابا... انا

ابراهيم مقاطعا :

_متظلمش يا احمد عشان متتعرضش

للظلم... لازم نعرف كل حاجة الاول

ثم وجه كلامه لياسمين :

_ها فهميني عرفتي ازاي يا ياسمين ؟

فحككت لهما ياسمين تغيراته وكيف وصلت

لخبر زواجه وسط شهقات بكائها التي كانت

كسياط حارق على قلبيهما ولكن ابراهيم

كان اكثر تحكما في اعصابه من احمد فهتف :

_يعني انت بعتي رجب يراقب جوزك !!؟

ياسمين :

_كان لازم اعرف مخبي عليا ايه

احمد :

_ها يا بابا اتاكدت دلوقتي ولا لسة ؟

ابراهيم :

_لا لسة يا احمد اسمعي يا ياسمين انا

هتكلم معاه واشوف ده معناه ايه

احمد :

_هينكر يا بابا انا شايف اننا نعامله عادي

لحد ما يروح هناك تاني وهناك نواجهه بكل

حاجة عشان ميقدرش ينكر

ابراهيم :

_يابني ...

ياسمين مقاطعة :

_معلش يا بابا انا شايفة ان ده الحل الوحيد

...عن اذنكم

وتركتهما وصعدت لغرفتها تبكي على حبها
الضائع مع شخص نذل غدر بها وبقلبها
في حين سعد احمد هو الاخر وقلبه يبكي
مرارة فقدان مها ورحيلها عن حياته الوشيك

...

اما ابراهيم فكان يشعر ان حياته قد انتهت
فها هي اسرته التي كان يعمل ويكد حتى
تعيش في سعادة وهناء... اين السعادة الان
... في شريكته التي اختفت أم ابناؤه الثلاثة
الذين انهارت حياتهم شيئا فشيئا... هنا نزلت
دموعه ولكنه اصر بينه وبين نفسه انه ابدًا
لن يستسلم وسيحارب لآخر نفس من اجل
ابناؤه وسيستعين بالذي لم يخذله يوما
داعيا الله ان يساعده في معركته الحاسمة
والفاصلة في تجنب ابناؤه مرارة الفقد
والحرمان ...

كالعادة التي اصبحت ملازمة لها في الاونة
الاخيرة استيقظت سلمى من نومها صباحا
وهي تعاني حالة من الوهن والضعف
الشديد فلم تكن تقوى على مغادرة الفراش
وحدها...وكالعادة ضغطت زر بجانب سريرها
لتطلب المساعدة من الممرضات في دخول
حمامها لحظات وجاءت ممرضة واحدة
فطلبت منها سلمى ان تحضر اخرى معها
لمساعدتها فاومات الممرضة وخرجت
لتحضر اخرى ومر الكثير من الوقت ولم
يحضر احد شعرت بحاجتها الملحة لدخول
الحمام تزيد قررت ان تحاول هي وتستند
بالاثاث ولكنها عندما حاولت انهارت ارضا
فقد كان جسدها اضعف من ان تحتمل
عليه من اثار جرعات الدواء المكثفة التي

تخضع لها حاولت الزحف ولكن خانها
جسدها المسدح ارضا فبكت ...بكت كما لم
تبكي من قبل ..بكت قهرا وذلا كانت تضرب
الارض بيدها داعية الله ان يرحمها وينهي
حياتها في التو واللحظة ولكن المفاجأة
الحقيقية والصدمة التي كادت تودي بعقلها
هي ظهور ادهم في ذلك الوقت بالذات
ليطمئن عليها ...

كان يدعو الله من قلبه ان تنهي علاجها
بسلام وهو يعرف يقينا مقدار ألمها وخاصة
بمرضها النفسي المسيطر عليها كان يعرف
مقدار ما يجبرها عليه يوميا ولكنه كان
يعرف ان ارادتها اقوى من أي مرض لذلك
كان يحاول مساعدتها ومساندتها بل
نستطيع ان نقول انه كان ملازم لها واليوم
هو الموعد الدوري لاجراء التحاليل

والاشعات الدورية لمعرفة مدى تقبل
جسدها للعلاج دخل وهو يرسم ابتسامة
ناعمة على وجهه ولكنه فوجئ بها مسدحة
على الارض فاسرع اليها ولكن قبل ان يصل
كانت تصرخ به بهستيريا وانهيأر واضحين الا
يقترب منها واخفت وجهها بين يديها وهي
تنتحب بعنف ...لم يفهم في بادئ الامر ما
حدث لها فثبت مكانه لثواني قليلة ولكنه
فهم كل شيء عندما اقترب منها ولاحظ
ملابسها المبللة ...عرف انها فقدت القدرة
على التحكم بجسدها عرف مدى الهشاشة
والضعف للذان انتابها ففرت من عينيه
دمعة واحدة على انسانة كان يسميها هو
نمرة لشراستها وقوتها وعنفوانها ...ولكنه
سرعان ما مسح تلك الدمعة قبل ان تراها
واقترب وجلس على ركبته بجانبها وجذبها
من يديها اللتان تغطي بهما وجهها خجلا

خذلانا منه وسرعان ما كان يحتويها بين يديه
فدفنت وجهها في صدره فكأنها تهرب منه
اليه تركها تفرغ ضيقها داخل صدره لكنه تنبه
الى ارتفاع درجة حرارتها وهذا ما لم يسمح به
لتعارضه مع ادويتها فسارع بحملها متجاهلا
تماما اعتراضها واسرع بها الى الحمام
ليوقفها امامه مستندة على صدره وذراعه
تحاوط خصرها حتى تثبت ولا تقع منه
وباليد الاخرى فتح المياة فوقها فانتفض
جسدها في بادئ الامر ولكنه تمكن من
تثبيتها جيدا تحت رشاش المياة حتى
تنخفض درجة حرارتها...دقائق كانت فاصلة
حتى رفعت وجهها الذي كانت مازالت دافنة
له في صدره نظرت اليه نظرة دامعة ذبخته
في الصميم كان يشعر ان الدماء تغلى
بعروقه هنا تنبه لاثنتين من الممرضات
يقفان امامه فصرخ بهما غاضبا متوعدا

انهما سينالا منه مالم يتوقعا مقسما انهما
سيحرمان من روايتهما كاملة لتأخرهما عليها
ثم تركها برفقتهما ليبدلا لها ملابسها المبتلة
وخرج متجها لغرفته ليبدل ملابسه التي
ابتلت تماما لوقوفه معها تحت المياة وخرج
من الجناح تماما وهو يشعر بها وبعجزه عن
دفع هذا البلاء عنها لكنه تماسك بارادة من
فولاذ ودخل اليها مجدداا بعد مرور ما يقارب
النصف ساعة وهو يعلم ان مواجهتها في
ذلك الوقت تحديدا ستكون صعبة جدا عليه
وعليها لكنه سيتسلح بالداعم الاقوى لها
والذي هو على تمام الثقة بقوته في التأثير
عليها الا وهو رابط حبهما فتنهد مستجمعا
قوته ودخل لها

**

دخلت لتطمئن عليها وتبشرها ان الرفاعي
الصغير في اتم صحة وحال وكأنه كعمه في
القوة والمثابرة

نجلاء :

_ صباح الخير يا مها عاملة ايه النهاردة

مها :

_ الحمد لله قوليلي هخرج من هنا امتي ؟

نجلاء وهي تفحصها :

_ والله انا شايفة ان الوضع احسن ..يعني لو

عاوزه تخرجي النهاردة ممكن

مها :

_ وادهم ؟

نجلاء :

_ بردو الدكتور بتاعه قالي انه الحمد لله بقى

كويس يعني يقدر يخرج معاكي

مها :

_ الحمد لله خلاص انا هغير هدومي واخذ

ابني واخرج

فاطمة :

_ هتروحي فين يابنتي

مها :

_ مش عارفة يا ماما عاوزه اروح بيت بابا بس

خايفة احمد يعرف مكاني وانا محتاجة ابعد

فاطمة :

_ خلاص تعالي عندي في المنيا ومتشليش

هم

نجلاء :

_ احمد لما يعرف انك اختفيتي هيقلب
الدنيا وهيدور في كل حته حتى عندك يا ماما
فاطمة :

_ اسمعي كلامي يا مها واديلو فرصة يتكلم
ويشرح لك كل حاجة وبعدهاقرري لكن
متهربيش كدة من المواجهه كدة غلط
نجلاء :

_ وانا شايفة كدة بردو انت مشوفتهوش كان
عامل ازاي لما عرف بكلام هايدي ...تصدقي
بالله انا كنت خايفة على مدحت وهو بيهديه
لياكله لكمة تجيبه الارض

فضحكت فاطمة وهي تهتف بمرح :

_ ليه يابت ده مدحت طول بعرض بردو

نجلاء :

_ طول بعرض مين اسكتي يا ماما والله
العظيم امبارح كان عامل زي القطة جنب
تنين قصاد احمد

فضحكت فاطمة وكذلك مها حتى هتف
صوت من خلف نجلاء وهو يحاوط عنقها
بيديه كمن يخنقها :

_ انا قطة ...يعني اخنقك دلوقتي عشان
اخلى من لسانك ده

نجلاء متحررة منه هاتفة بجدية زائفة وهي
تستند لذراعه:

_ طب قول ورحمة ابوك انت كنت قادر على
احمد امبارح
مدحت بمرح :

_ انت عبيطة يابنتي ومين يقدر على هولاكو

فضحكت فاطمة ونجلاء وكذلك مها ولكنها
كانت ضحكة جوفاء خالية من أي شعور
بالفرح ولاحظها مدحت فهتف بجدية :

_ اسمعي يا مها يعلم ربنا انا بعترك زي
اختي بالظبط ويكفي ان ادهم موصيني
عليكي قبل ما يسافر .. اللي عاوز ا قوله انني
معاكي في أي قرار هتاخديه لكن لو عاوزة
نصيحتي اديلو فرصة يتكلم لانه واضح انه
بيحبك جدا

توردت وجنتى مها خجلا لحظات من
الصمت ثم هتفت :

_ يا جماعة انا مقدرة شعوركم النبيل انكم
عاوزين تساعدوني بس انا فعلا محتاجة ابعدهم
اهدى وافكر في الامور بروية وبعدها اوعدكم
اني هسمعه بس ساعتها هقدر اوزن الامور
بعقل لكن دلوقتي انا مجروحة قوي

فاطمة بحزم :

_ خلاص طالما ده قرارك انت هتيجي معايا
واطمني محدش هيقدر يوصلك متخافيش

هنا وقف مدحت هاتفا :

_ تمام انا هروح اخلص شوية تقارير على ما
تجهزوا عشان اوصلكم

مها بحرج :

_ مالوش لازمة يادكتور احنا ...

مدحت :

_ ولا كلمة زيادة مفيش كلام من ده بين
الاخوات ولا ايه يا ماما

فاطمة :

_ عندك حق يا حبيبي

وخرج مدحت ونجلاء وجهزت مها نفسها
وهي لا تعلم وجهتها التي لا تعلمها سوي
فاطمة ...

اين ذهبت مها ؟

وماذا سيفعل ابراهيم لحل مشاكل ابنائه ؟
كيف سيتصرف احمد بعد معرفته باختفاء
مها ؟

انتظروني في الحلقات القادمة باذن الله

الحلقة الخامسة والاربعون

دخل ادهم لسلمى بهدوء وجدها تجلس
على فراشها بوجه شاحب شاردة في الفراغ
عينها محمرتان بشكل عصف بقلبه اراد
بشدة ان يحتويها بين يديه ان يسجنها داخل
قلبه مانعا عنها كل ما يؤثر عليها بهذا
الشكل هنا انتبهت هي اليه فنظرت له

لثواني قبل ان تمتلئ عينيها بالدموع فتسارع
باخفاء وجهها عنه بيديها وهي تنتحب من
جديد هاتفة من وسط بكائها :

_ انا عاوزه اموت ...عاوزه اموت ...كفاية ذل
وقهر بقى ...لو بتحبني يا ادهم سبيني
عشان خاطري ارحمني وسبني اموت

انتفض ادهم غاضبا من تصريحها هذا
والذي تقلص قلبه لمجرد التفكير به ف جذب
يديها بعنف هادرا بها :

_ اسكتي ...ايه الجنان ده ؟...انت مش عارفة
ان كلامك ده حرام ويعتبر كفر
سلمى هامسة بتعب :

_ ارجوك سبني لو حدي

لم يجد رد عليها افضل من تحقيق امنيته
بمجرد ان دخل غرفتها فضمها لصدره فترة

من الوقت حتى بدأت تهدأ فقبل راسها
بحنان ثم رفع وجهها ليقابل عيناها هاتفا
بهدهؤ :

_ بصي يا سلمى اللي حصل من شوية ده
شيء طبيعي يا حبيبتي ..ده من اثار
الجرعات المكثفة اللي بتاخذها من ادويتك
...وكل مريض بنفس المرض بيمر بالمرحلة
ديوبعدين انا جوزك يعني مينفعش
تخجلي مني

سلمى وهي تحني راسها خجلا وذلا :

_ حتى لو جوزي مينفعش يشوفني كدة

ادهم وهو يرفع وجهها لتنظر اليه :

_ جوزك ممكن يشوفك باي وضع ان كان

لكن لو حبيبك بقى فا مقدرش اقولك

المفروض يشوفك ازاي

فرفعت نظرها اليه لتجده يغمز لها بمكر
وعلى وجهه ابتسامة زادته وسامة واطارت
بعقلها وجعلتها تبتسم بلا وعي ولكن
سرعان ما انتبهت لمعنى كلامه فضربته
على كتفه هامسة :

_عيب كدة انت ...

ولكن سرعان ما كان يبتلع باقي جملتها بين
شفتيه في قبلة حارة استطاع بها ان يقضي
على ذكريات الدقائق الماضية لتقاومه هي
في بادئ الامر ولكن سرعان ما رضخت
واستسلمت له فهي بحاجة لحبة بشدة فهو
الشيء الوحيد الذي يعطيها القوة لتستمر
في رحلة عذابها ومعاناتها تلك...تركها وابتعد
لحاجتهما للهواء وهتف غامزا :

_هو ده

سلمى بخجل واضح ووجنتان متوردتان :

_انت قليل الادب على فكرة

ادهم ضاحكا :

_لا لسة قلة الادب مش دلوقتي قدام شوية

فضربته مرة اخرى على كتفه فضحك
وكذلك هي فرضا واطمأن قلبه انه استطاع
ان ينسيها ما حدث هنا هتف بهدوء حذر :

_حببتي المفروض تجهزي عشان الاشعة
والفحوصات الدورية

سلمى بضيق :

_امتى هخلص من الكابوس ده بقى ؟

ادهم :

_هانت يا حببتي خلاص قربنا والله

سلمى بيأس :

_ انا بقالي هنا شهور وانت بتقولي كدة انا

زهقت

ادهم :

_ طب ايه رايك لو نخرج اخر الاسبوع نتفرج

على البلد وتفسح ونغير جو

سلمى بحماس :

_ بجد يا ادهم ياريت والله

ادهم :

_ خلاص انا هظبط كل حاجة بس بشرط

سلمى بترقب :

_ ايه تاني ؟

ادهم :

_ لازم تاكلي كويس ياسلمى والا مش
هتقدرى تخرجى وطارق مش هيسمح
بخروجك

سلمى :

_ مش انا تحت رعايتك انت هو ماله بقى ؟

ادهم بصبر :

_ حبيبتي هو المشرف على علاجك وانا بنفذ
تعليماته هو متخصص اكثر مني

سلمى :

_ يعني ايه بقى مش هخرج

ادهم :

_ قدامك اسبوع عايزك تاكلي أي حاجة وكل
حاجة لحد ما تقدرى تقفي على رجليكي

وقتها هنخرج انما لو ماكلتيش مش هينفع
اخاطر بيكي يا سلمى

سلمى :

_ حاضر هحاول

ادهم :

_ طب يالا عشان الفحوصات

وبدأت سلمى مرحلة جديدة من العلاج كانت
اقوى واقسى من المرحلة السابقة جعلتها
تنهار اكثر صحيح ان المرض بدأ ينحسر
وبدأت قوتها وسيطرتها على جسدها تزيد
ولكن ألم الدواء كان غير محتمل بالمرّة
وكالمعتاد وقوف ادهم بجانبها ساعدها كثيرا
على اجتياز تلك المرحلة الصعبة وبالطبع لم
تخرج سلمى من المركز فلم يوافق ادهم
على المخاطرة بها ولكنه اتخذها سبب

ليقوي لديها الحافز لتأكل وتستعيد شيئاً

من قوتها من جديد

اسبوعان مرا على اختفاء مها ووليدها هي
الاخرى الا يكفيه اختفاء والدته وادهم من
حياته لتتبعهما مها وولده كان يجوب طرقات
المدينة بسيارته يبحث عنهما في كل مكان
متذكر جنونه عندما علم باختفائها واقتحامه
لغرفة نجلاء صارخا بها ثم مترجيا ان تجيبه
وتخبره عن مكانها ولكن نجلاء انكرت أي
معرفة بمكانها... اسوعان وهو يلاحق كل
سمسار في المدينة للبحث عنها بحث تقريبا
في كل الفنادق... الشقق المفروشة
... الايجار... التملك... لم يترك مكان حتى
منزل والدها في المنصورة وكل اقاربهم هناك
... لا لم يكتفي عند هذا الحد بل سافر للمنيا

وبحث هناك عند ماما فاطمة وهو على امل
ان يجدها بلا جدوى قابل الحاج عبد العزيز
وايضا بلا جدوى وكأنها كانت كالحلم الجميل
في حياته وانتهى باستيقاظه على واقعه
الاشد مرارة من الحنظل هنا وجد نفسه امام
بيتهم الخرب الذي اصبح اشبه بالمقابر عنه
منزل احياء كانوا اسرة سعيدة ذات يوم
ولكن هيهات ان تعود تلك السعادة يوما ...

خرج من سيارته متوجها للداخل ليقابل
والده الذي وقف مجرد ان راه هاتفا :

_ها عملت ايه طمني يا احمد لقيتها ؟

احمد وهو يلقي بجسده على اقرب مقعد :

_لا ..مها راحت زي كل حاجة حلوة وجميلة

ما بتضيع من حياتي

ابراهيم مربتا على كتفه :

_ اصبر يا بني ان شاء الله هنلقيا

احمد ببيكاء لاول مرة تخونه دموعه فلا
يستطيع التحكم بها :

_ ملحقتش اشبع من ابني يا بابا... ملحقتش
اضمه لصدري واشم ريحته... ملحقتش
احفظ ملامحه

ابراهيم وقلبه يعتصره الالم :

_ يابني وحد الله... ان شاء الله ربنا يهديها
وهنعرف مكانها... خلي عندك ثقة في الله انه
مش هيخذلنا ابدا

احمد :

_ لا اله الا الله... لا اله الا الله

ظل يرددھا وهو يتجه الى غرفته ببيكاء كان
كسد انهار من كثرة ما يحمل من ضغوط

مجرد ان انفرد في غرفته وهاجمته ذكرياته
معها بقسوة وجد يده تتمسك بالهاتف
ليتصل دون ارادة حقيقية منه كما كان بلا
وعي لما يجري حوله حتى فتح الخط
فهمس كمن يفقد حياته رويدا رويدا :

_انا بموت يا ادهم

ادهم بفرع :

_احمد...في ايه مالك ؟

احمد :

_ابني راح...ومها راحت..وانت بعدت كلكم

سبتوني يا ادهم...هو انا وحش قوي كدة ؟

ادهم وقلبه يكاد يخرج من مكانه :

_اهدى يا احمد وفهمني ايه اللي حصل ؟

احمد :

_اللي حصل اني موجوع...موجووووع قوي
يا ادهم...قلبي بيوجعني...محتاجك قوي يا
اخ..و..يا

ادهم بلهفة :

_احمد...احمد رد عليا ...

اغلق ادهم الاتصال وسارع بطلب رقم اخر
في سرعة وقلبه كاد يقف عن النبض من
فرط خوفه وذعره مما يحدث الان مع اخيه
هنا فتح الخط

ابراهيم بلهفة :

_ادهم وحشتني قوي يا بني عامل ايه
؟وسلمى اخبارها ايه ؟و...

ادهم مقاطعا :

_بابا ... احمد كان بيكلمني دلوقتي وفجأة

صرخ طمني عليه يا بابا ارجوك

ابراهيم منتفضا من مكانه :

_ايه؟..ابني

وركض الى غرفة احمد ليقتحمها ليجده

ملقى على الارض ينزف من انفه وفمه

ابراهيم بهستيريا وهو يعود للهاتف :

_ابني ..الحقني يا ادهم اخوك مرمي على

الارض وبينزف اخوك بيموت

ادهم :

_اهدى يا بابا وانا هتصرف خليك معاه

اغلق الاتصال دون ان يستمع رد والده

واجرى مكالمة اخرى

مروان :

_ازيك يا ادهم ...انت فين يا بني مختفي من

مدة و....

ادهم مقاطعا :

_معلش يا مروان مش وقته الكلام ده الحق

اخويا احمد

مروان بجدية :

_ماله احمد هو فين ؟

ادهم :

_في فيلتنا ابعت عربية اسعاف على هناك

فورا هو بينزف ومغمى عليه على الاغلب

ضغطة ارتفع كثير...بسرعة يا مروان الله

يخليك وابقى طمني .

ثم اغلق الاتصال واجرى مكالمة اخرى حتى

فتح الخط :

نجلاء :

_السلام عليكم

ادهم :

_وعليكم السلام ازيك يا نجلاء انت ومدحت

واسر

نجلاء :

_ادهم ازيك انت وازي سلمى طمني عنها

ادهم :

_الحمد لله بخير...المهم انا عاوزك بالراحة

كدة تفهميني ايه اللي حصل لمها

نجلاء بتلعنتم :

_ايه مفيش هو

ادهم بجديّة :

_ نجلء اخويا حاليا بين الحيا والموت واللي
فهمته ان مها مش موجودة معاه وانت
اقرب حد ليها بهدوء كدة احكي لي ايه اللي
حصل في غياي

لم تجد نجلء بد من اخباره بما حدث
فسردت له كل شيء حتى لحظة خروج مها
من المستشفى كم تألم قلبه وهو يستمع
لمعانة اخيه وحده وهو بعيد عاجز عن
مساندته لكن هذا الوقت انتهى وان كانوا لا
يريدونه بينهم كما اخبروه بها باكثر من
طريقة فهو لن يكون ادهم الرفاعي ان تركهم
في محنتهم وليبدأ بأخيه ...

فانهى الاتصال وكله عزم على التدخل وان
كان ضد ارادتهم واجرى الاتصال حتى فتح
الاتصال فهتف :

_ وصلت يا مروان ولا لسة ؟

مروان :

_وصلت يا ادهم متقلقش زي ما انت قلت
ضغطة فعلا كان مرتفع جدا ..بس انا اخدته
المستشفى عشان يكون تحت الملاحظة
اكثر

ادهم بارتياح :

_ربنا يكرمك يا مروان بس انا عاوز منك
خدمة

مروان :

_خير

ادهم وكله تصميم :

_هقولك

واغلق الاتصال ليجري مكالمة اخرى :

فاطمة :

_ السلام عليكم

ادهم :

_ وعليكم السلام ازيك يا ماما

فاطمة :

_ ادهم يا حبيبي يابني ازيك يا ادهم ..عامل

ايه ؟واخبار سلمى ايه ؟

ادهم بحزن :

_ مش كويس خالص ياماما

فاطمة بذعر :

_ ليه يابني سلمى جرالها حاجة ؟

ادهم :

_ لا سلمى كويسة الحمد لله ...بس ...بس

فاطمة :

_ في ايه يا ادهم متقلقنيش

ادهم :

_ احمد اخويا بيموت وحالته حرجة وانا مش

عارف اساعده

فاطمة :

_ ياخبر اسود ... احمد ماله جراه ايه

هنا انتبهت تلك الشاردة التي كانت تجلس

بجانبها بجسدها انما بعيدة عنها كأنها في

عالم اخر لكنها انتبهت لاسمه فسمعت

مايقال بتركيز اقوى

ادهم :

_ مها اختفت وهو منهار وفجأة ... فجأة ...

فاطمة بنفاز صبر :

_ كمل جراه ايه ؟

ادهم :

_احمد في العناية المركزة حالته صعبة
...الدكتور قالي انه ...انه بين الحيا والموت

فاطمة بصدمة :

_موت !!!

هنا ما عاد للتعقل من سبيل هذا احمد
الذي يتحدثان عنه حبيبها زوجها والد ابنها
بل هو نصفها الاخر قلبها على ادق وصف
فاختطفت الهاتف من فاطمة وهي تصرخ

بهستيريا :

_احمد ماله يا ادهم ؟

ادهم :

_ احمد بيحبك يا مها ومقدرش على بعدك
انت وابنه ..احمد في العناية المركزةيا
تلحقي تشوفيه للمرة الاخيرة يا متلحقيش

مها بصراخ كمن ذهب عقلها :

_ لا لا احمد كويس انا عارفة ...احمد لا يمكن
يسبني ويسيب ابنه وتركت الهاتف
واسرعت لتغير ملابسها

ادهم :

_مها ...مها رحت فين

فاطمة :

_ايوة يابني انا معاك انا هروح اجهز ما انا
مش هينفع اسيبها لوحدها وهي بالحالة دي

ادهم :

_ ابقني طمنييني عليكوا اما توصلوا يا ماما

فاطمة:

_ حاضر يا بني مع السلامة

انهى الاتصال وقبل ان يعاود الكرة هتف

طارق بغیظ :

_ انا شايف انك تفتح سنترال افضل

ادهم بعدم فهم :

_ نعم !!

طارق :

_ دي المكالمة الكام خلال دقائق ..انت مين

يا بني بالظبط

ادهم بابتسامه حنين :

_ انا قلب وعقل عيلة الرفاعي

طارق بجدية :

_ طيب يا قلب عيلة الرفاعي ركز معايا شوية

عشان نتائج سلمى طلعت

ادهم بانتبأة :

_ خير يا طارق هنغير العلاج ؟

طارق :

_ ايوه بس احب اطمنك انها المرحلة الاخيرة

ادهم بفرحة :

_ بجد !!!...الحمد لله ...الحمد ياارب

طارق :

_ مش عاوز أأثر على فرحتك دي بس ...بس

ادهم بتوجس :

_ في ايه انا مش مطمئن

طارق :

_ ده العلاج الجديد

هنا مجرد ان نظر ادهم للورقة حتى شحب

وجهه وسرعان ما اختفت الفرحة من

ملامحه وهتف :

_ طب مفيش بديل

طارق :

_ البديل اضعف هيطول مدة اقامتها هنا

ادهم :

_ والحل انا مش هقدر

طارق :

_ انت الوحيد اللي تقدر تعمل ده .. ادهم لازم

تتماسك وتتحكم في مشاعرك الفترة الجاية

عشانها هي قبل أي حاجة تانية

ادهم :

_هحاول

طارق وهو يربت على كتفه :

_لا مش هتحاول ..هتقدر ان شاء الله

ادهم :

_ياااارب

وخرج من الغرفة وعقله مشوش وقلبه
يعتصره الالم وهو يعلم ان سلمى ستحمله
هو نتيجة كل ما سيحدث فدعا الله من قلبه
ان يلهمه القوة ويلهمها هي الصبر وقوة
التحمل

هل ستلحق مها ان ترى احمد؟ ام سيكون
الوان قد فات ؟

مصير علاقة ياسمين ويوسف هل انتهت ام
مازال هناك فصل اخير؟

هل سيتمكن ابراهيم من جمع عائلته من
جديد؟ ام فات الاوان ؟

انتظروني في الحلقات القادمة باذن الله

الحلقة السادسة والاربعون

اسبوعين وهي تحاول التحمل بقدر
استطاعتها كان لابد ان تصمت فالوقت الان
غير مناسب بالمرّة لتظهر رد فعلها على
زواجه بغيرها الان الكل متوتر وقلق من
غياب مها وطفلها الان ليس الوقت المناسب
بالمرّة ولكنها في الاخر بشر لا تستطيع الصبر
اكثر وهي تراه يغازلها ويبثها حبه وكأنها
الوحيدة في حياته لذلك وقبل ان تفقد
اعصابها فتنشب اظافرها في وجهه او تسد
له لكلمات مركزة على قلبه الخائن بقدر
قهرها من خيانتة عمدت ياسمين الى الابتعاد
تماما عن التواجد مع يوسف بمفردهما في

الشركة كانت تتحجج باجتماعات او لقاءات
حتى لا تتواجد معه واما المنزل فهو كان
قليل الزيارة لانه يعرف الظروف التي يمر بها
الجميع لذلك هو الاخر صبر وتحمل جفائها
واعطى لها المساحة الكافية للحرية اما
تقترب واما تبتعد فيبدو انه كان يعلم هو
الاخر بما يشغلها فلم يضغط عليها وهكذا
كانت الامور في الظاهر بينهما على وضعها
اما في قلوبهما كانت الفجوة تزيد اكثر واكثر

...

خرج ادهم من مكتب طارق تعلى كاهله
الهموم...مر على عدد من الحالات التي
يشرف عليها حتى موعد ادوية سلمى فعاد
اليها وقف قليلا على باب الغرفة يحاول ان

يمحي أي تعبيرات من ضيقة ويرسم على
وجهه الابتسامة لثلا تشعر بمدى ضيقه تنهد
ثم فتح الباب ودخل هاتفا بمرح :

_ مساء الخير على احلى عيون في الدنيا

ولكن سلمى لم ترد عليه واكتفت بنظرة
ضيق ساخطة فهتف بمرح :

_ لا لا مقدرش على زعل الجميل مني ابدا

وجلس بجانبها وعندما حاول ان يقبل راسها
ابتعدت ودفعته بعيدا فهتف :

_ مالك ياسلمى ؟

سلمى :

_ مفيش اصل فيه واحد وعدني وخلف

ادهم :

_ انا وعدتك وخلفت

سلمى :

_ايوة ..انت مش قلت انك هتخرجني من
السجن ده ...ها نفذت وعدك يا دكتور

ادهم :

_انا اسف ياسلمى بس انت كنت لسة
تعبانة ومكنش ينفع اخاطر

سلمى بعصبية :

_تخاطر ...تخاطر ...انا عاوزه افهم هو خروجي
يعتبر مخاطرة ليه ؟

ادهم بصبر :

_عشان يا حبيبتي الدوا اللي بتاخذيه بيأثر
على مناعة الجسم فيضعفها

سلمى :

_يعني انا هفضل محبوسة هنا كتير

ادهم :

_والله هانت وخلص قربنا نخلص

سلمى :

_انت كل مرة بتقولي كدة...ادهم لو سمحت

سبني لوحدي

ادهم :

_طب هقولك ...

سلمى :

_لو سمحت سبني لوحدي

هنا دخلت الممرضة ومعها العربة الصغيرة

التي تحتوي على جرعات ادوية سلمى

والتي بمجرد ان راتها حتى دب الرعب في

اوصالها

سلمى بفزع :

_ لا لا كفاية بقى حرام

ادهم :

_ سلمى مش انت واثقة فيا مش هتحسي

باي الم زي المرات اللي فاتت صدقيني

سلمى :

_ انا تعبت حرام كفاية بقى

ادهم :

_ خلاص دي اخر مرة وبعد كدة هنبداً علاج

تاني في اخر مرحلة

سلمى بتردد :

_ كل مرة بتقولي كدة

ادهم :

_ لا بجد معدش الا اخر مرحلة خلينا بس
ناخذ اخر جرعة في المرحلة دي وبعدين
نتكلم

هنا سارعت الممرضة بتجهيزها وبدأ ادهم
اعطائها دوائها المؤلم حتى انتهى

سلمى :

_ خلاص كدة اتتهينا ؟

ادهم مقبلا راسها :

_ خلاص ياقلبي كدة معدش غير اخر مرحلة
في العلاج ودي هنبداها ان شاء الله من بكرة
اما النهاردة بقى فلوسمحتي عاوز اشوف
برنسيسة جاهزة للخروج بعد 15 دقيقة
بالظبط

سلمى :

_بجد هـنـخـرج

ادهـم :

_بجد بس لو زادوا عن 15 دقيقة هـخـرج

واسيبك انت حرة

سلمى وهي تقفز من السرير :

_لا خلاص ده انا جاهزة من امبارح اصلا

وخرج ادهم من غرفتها باسمـا على تصرفاتها

الطفولية ولكن سرعان ما خبت ابتسامته

من قلقه من القادم هنا اسرع الى طارق

ليخبره بخروجهما ثم اتصل بمروان

للاطمئنان على اخيه

ادهـم :

_احمد عامل ايه دلوقتي يا مروان

مروان :

_ الحمد لله الضغط اتضبط وانا عملت زي ما
قتلي اديتلو منوم هيخليه ينام ل4 ساعات
فات منهم ساعتين ونص

ادهم :

_ طب كويس تمام قوي كدة

مروان :

_ بس انا عاوز افهم ليه المنوم

ادهم :

_ عشان لما مراته تيجي تصدق انه تعب
وانه حالته خطر ساعتها يمكن تحن عليه
وتبطل جنان

مروان :

_ ياابن الايه... يخرب عقلك دماغك دي سم

ادهم :

_انا دماغي سم ..طب اجري يا ض من هنا

مروان ضاحكا :

_وحشتني قوي يا ادهم ووحشني هزارك يا

جدع

ادهم :

_وانت كمان والله يا مروان ان شاء الله اما

ارجع هرجع كل حاجة زي زمان

مروان :

_بجد يا ادهم هترجع هنا تاني

ادهم :

_لا انا لا يمكن اسيب المنيا ...بس هرجع للي

سبتهم في القاهرة

مروان :

_ ماشي ياسيدي سلام بقى دلوقتي عشان
يظهر زوجة اخوك وصلت... انا سامع مناحة

برا

ادهم :

_ مروان بالراحة عليها دي لسة والدة مش
حمل صدمات

مروان :

_ متخافش ان شاء الله خير.. سلام

وانهى المكالمة والتفت ليجد امامه حورية
من حوريات البحور الذي كان دوما شغوفا
بالقراءة عنهن في مراهقته... وجدها من
اليسير عليها ان تسلب لب كل من يراها من
اول نظرة لكنه يعلم انها لم تسلب ليه
فحسب بل خطفت قلبه ايضا فهمس وهو
تحت تأثير سحرها عليه :

_هو انا لو قلتك بلاش خروج النهاردة

هتزعلي

فاختفت ابتسامتها فورا وهتفت بضيق :

_تاني ..تصدق كنت حاسة انك بتضحك عليا

زي المرة اللي فاتت

ادهم وهو يقترب منها :

_ما انا مش قادر بصراحة اخرجك واخلي أي

حد يشوف الجمال ده انا ممكن كدة ارتكب

جناية

فضحكت سلمى برقة عندما فهمت

مايقصده من كلامة فهتف راجيا :

_لا لا بلاش الضحكة دي ابوس ايدك احسن

بعدين اكيد هنتمسك ادا بياحبييتي لاني

اكيد هتهور

فضحكت اكثر هاتفة :

_ تصدق اول مرة اعرف ان ليك في الهزار كدة

ادهم غامزا :

_ انا ليا في كل حاجة بس الجميل يؤمر

سلمى بخجل :

_ وبعدين مش يالا بقى ولا لسة

ادهم :

_ لا لسة ايه فلتتفضل سمو الاميرة امامي

ورفع يده لها لتتابط ذراعه وهي تشعر ان

الدنيا لا تستطيع ان تستوعب مدى فرحتها

وحبها لذلك الشخص الامير النبيل بحق كما

كانت تدعوة في نفسها ...

بمجرد ان وصلت لها للمستشفى وهي
تذرف الدموع قلبها يهدر بعنف خوفا على
من امتك قلبها بل وكل سنوات عمرها هو
الغالي مالك حياتها دخلت تركض وجسدها
ينتفض من الفزع لفكرة عدم رؤيتها له مرة
اخرى وهناك في ممر غرفة العناية المركزة
وجدت امامها عمها ابراهيم الذي انتفض
واقفا بمجرد ان راها شعرت ان اقل ما
سيفعله الان انه حتما سيصفعها على
وجهها لانها السبب في تدهور حالة ابنه الكبير
بهذا الشكل ..

تقدمت اليه بعد ان اعطت ابنها لفاطمة
وهي تعرف انها ستتحمل منه أي شيء الا
ان يبعدها عن احمد مرة اخرى او يحرمها
من رؤيته هنا خطا ابراهيم نحوها بملامح
جامدة ومد يده اليها فانكمشت على نفسها

واغمضت عينيها في انتظار صفعته لكن
وللعجب وجدت نفسها بين يديه وداخل
حضنه يضمها لصدره هاتفا بدموع :

_ليه عملتي فيا كدة يا ريحة الغالي ليه ؟

مها ببكاء وهي تتشبث به :

_عمي ...

ابراهيم :

_قلب عمك يا مها ..اوعي تبعدني عني تاني
..اوعي توجعي قلبي عليكي كدة تاني

مها هامسة :

_احمد فين يا عمي ؟

ابراهيم وهو ينظر اليها بجدية :

_مش هتشوفيه يامها

هنا سقط قلبها اسفل قدميها وانتفض
جسدها بين يديه حتى اردف :

_الا لما تسمعي مني كل اللي حصل من
الليلة المشؤمة ليلة الخطوبة لحد دلوقتي
لم تفهم مها ما يقصد لكنه جذبها لتجلس
بجواره وبدأ يسرد عليها كل ما فاتها بدئا من
عقد القران وكيف تم وحتى فترة فقدها
لذاكرتها حتى سبب رفض رقية لها كل ما لم
تعلمه سرده لها ابراهيم ليضعها في الصورة
حتى انتهى فرفعت اليه نظرها بلامح فكر
مشوش وهمست بضياح :

_كل ده احمد اتحمله عشاني

ابراهيم :

_ قلتك قبل كدة احمد بيحبك ومستعد
يضحي باي حاجة عشانك لكنه مكنش يقدر
يضحي بامه وهي في الحالة دي

مها دامعة :

_ عاوزه اشوفه ياعمي

ابراهيم هاتفا بمروان الذي كان على وشك

دخول العناية :

_ دكتور مروان

التفت اليه مروان :

_ ايوة ياعمي

ابراهيم :

_ مها زوجة احمد عاوزه تشوفه ممكن

مروان :

_ممكن بس دقائق بس

فاوماً ابراهيم براسه واتجهت مها خلف
مروان وقلبها يقرع كالطبول بي جوانب
صدرها شاعرة بالندم يأكل روحها ليتهها لم
تبتعد ..ليتهها استمعت اليه ...ليتهها ظلت
بجانبه تساعده على تحمل همومه ..ليتهها
...ليتهها

*

سار ادهم بسلمى في مناطق عديدة وزارت
عدة مجمعات تجارية وتناولوا طعامهم في
احد المطاعم الشهيرة ولكن طعام سلمى
كان محدد بل لقد وقف ادهم على يد
الطباخ حتى يتأكد بنفسه من كل شيء فهو
لا يحتاج لاي شيء يدهور حالتها من جديد ...

كانت السعادة البادية على ملامحهما معا
وهو يحتضن كفها في كفه كفيلة باذابة أي
خلاف بينهما بل تعتبر القوة التي كانت
تساعده وتساعدنا على اجتياز تلك المرحلة
الصعبة ولكن كان ما يقلقه هو العلاج
الجديد وكيف ستتقبله لذلك قرر منحها اكبر
قدر من السعادة لتساعدنا على تحمل الاتي
وليكن الله في عونهما معا

ترى كيف سيستقبل احمدها وهل
سيسامحها ؟

مصير الفجوة التي تزيد بين يوسف
وياسمين ؟

الاهم هو مصير سلمى في اخر مرحلة ؟

انتظروني في الحلقات القادمة باذن الله

الحلقة السابعة والاربعون

جلست مها على ركبتيها جانب سرير احمد
وهي تنظر لصدره العاري الذي يحمل عدد
من الاسلاك الموصلة باكثر من جهاز
..شعرت بفزع كاد يوقف قلبها عن النبض
فاسرعت لتستمد القوة من حبيبها ..عشقها
الاوحد فامسكت بيده بين كفيها وهي تبكي
بانهيأر هاتفة :

_سامحني يا احمد ..انا السبب في اللي انت
فيه انا عرفت كل حاجة من عمي ..عرفت اد
ايه كنت زوجة انانية موقفتش جنبك
وساعدتك ...احمد اوعى تسيبنا احنا
محتاجينك حياتنا هتقف من غيرك ارجوك
يا احمد متسبناش وقاوم عشان خاطرني
...قاوم يا حب عمري وحياتي كلها ..احمد ...

هنا تعالت شهقات بكائها فما استطاعت ان
تواصل حديثها فانكبت على يده تقبلها وهي

تشم رائحته التي فقدتها بغبائها ثم ضممتها
لصدرها بجانب قلبها ولكن سرعان ما
توقفت وهي تشعر بحركة طفيفة في اصابعه
فنظرت اليه وجدته يحاول ان يفتح عينه
بضعف شديد فهمست :

_احمد حبيبي انت سامعني ..احمد رد عليا

احمد :

_مها !!.. انت هنا ولا انا بحلم ؟

مها وهي تحتضن راسه بدموع :

_لا يا حبيبي انا هنا ..ومش هسيبك تاني ...انا

اسفة سامحني يا احمد

احمد وهو يحاوط خصرها بيديه ليدفعها

لحضنه :

_كنت هموت وانت بعيدة عني يا مها

مها :

_ بلاش السيرة دي بالله عليك .. خلاص مش
هنسيب بعض تاني وهنربي ابننا سوى

احمد بحنين :

_ ادهم ...

ثم تذكر فهتف :

_ ادهم انا كنت بكلم ادهم ساعة ما تعبت
...لازم اطمنه عليا

وحاول القيام لكنها منعته وارجعته للفراش
هاتفه :

_ متقلقش حبيبي هو متابعتك مع الدكتور
مروان وهو اللي كلمني وخالني اجي على ملا
وشي كدة

احمد بحنين :

_ حتى وهو بعيد هو اللي بيحل لنا مشاكلنا

مها :

_ ربنا يرجعه بالسلامة هو وسلمى يارب

احمد :

_ يارب .. طب مش تقربي شوية دا انت

وحشاني قوي يا مها

مها بخجل :

_ عيب يا احمد احنا مش في بيتنا

احمد وهو يهم بالقيام :

_ خلاص خلينا نمشي انا بقيت كويس

مها بحزم :

_ لا بقولك ايه مفيش خروج من هنا الا لما
الدكتور يحدد واهدى بقى واعقل لحد ما
تخف وبعدين اعمل اللي انت عاوزه

احمد :

_ كده يا مها

مها :

_ اه كدة صحتك اهم من أي حاجة

احمد :

_ طب هاتي تصبيرة

مها :

_ لا واسمع انا

وابتلع احمد باقي عبارتها بين شفتيه التي
سارعت بالتهام شفتيها بقوة وعشق جارف
تحدى الجميع وتحدى كل ظروفهما حتى

كاد يودي بحياته ايام بعدها عنه ثم اضطر

لتركها طلبا للهواء فهمست بخجل :

_تعرف انا معنتش هاجي هنا تاني

احمد :

_لا لا خلاص اوعدك هبقى مؤذب بس

متبعديش عني تاني عشان خاطري

مها :

_اوعدك يا حبيبي مش هبعد مهما حصل

احمد :

_طب قوليلي بقى انت كنت فين في الفترة

اللي فاتت

مها :

_كنت في المنيا في شقة ادهم هناك

احمد :

_ ايه !! في المنيا لوحدك وادهم كان عارف ؟

مها:

_ لا والله هو كان سايب مفتاح شقته لماما
فاطمة وهي قعدت معايا هناك وقالتلي ان
حتى لو ادهم عرف عمره ما هيمنع ان امه
واخته تستخدمها

احمد :

_ماما فاطمة ..كان لازم اعرف

مها :

_احمد خلاص بقى اللي حصل حصل خلينا
ننسى اللي فات وخلينا في اللي جاي

احمد :

_عندك حق بس تعرفي ان عملتيها تاني يا

مها انا ...

مها مقاطعة :

_عمري ما اعمل كدة تاني ...حقك عليا

يااغلى حاجة في عمري

احمد :

_انا بقول تنادي على الدكتور احسن بدل ما

افقد اعصابي وترجعي تزعلي مني يا مها

مها ضاحكة :

_حاضر يا قلب مها

احمد :

_قومي يامها انا مش ناقص قومي الله

يباركلك

فضحكت مها واسرعت لمروان الذي كتب
له على خروج وعادوا معا الى الفيلا من
جديد ولكن مع الزائر الاصغر ادهم احمد
الرفاعي وهنا همس ابراهيم في نفسه
(الحمد لله يارب ادي اول مشكلة اتحلت
يارب قويني وساعدني على الباقي)...

في صباح اليوم التالي دخل ادهم لسلمى
وعلى وجهه ابتسامة باهتة مصطنعة لكن
سعادة سلمى وفرحتها جعلتها لا ترى امامها

ادهم :

_صباح الخير ياسلمى

سلمى بفرحة :

_صباح الخير يا حبيبي ..تعرف يا ادهم انا
حاسة اني سعيدة قوي ...مشوار امبارح كان

حلو قوي بجد ربنا يباركلي فيك

وميحرمنيش منك ابدًا

ادهم :

_يارب دايمًا تبقي سعيدة ومبسوطة كدة

سلمى بتوجس :

_مالك يا ادهم

ادهم :

_مفيش يا حبيبتى انا كويس

هنا دخلت الممرضة ومعها العربة المعتادة

فنظرت لها سلمى بملل ولكن سرعان ما

تحول الملل لصدمة فهتفت :

_ايه ده ؟

الممرضة :

_ ادويتك يا مدام سلمى

سلمى :

_ كل ده ليا ؟

ادهم :

_ حبيبتي احنا قولنا دي اخر مرحلة صدقيني

واصبري شوية

سلمى :

_ لا لا مقدرش حرام

ادهم :

_ حبيبتي معلش اسبوع واحد وينتهي كل

شيء صدقيني

سلمى والتي انتفضت فجأة لتسرع لباب

الغرفة هاتفه برفض :

_ لا مش هقدر

ولكن ادهم كان اسرع في استجابته لحركتها
فسارع بمحاوطةها وضمها بين يديه يحاول
السيطرة على حركتها العصبية ووضعها
على السرير وساعدته الممرضة في السيطرة
الكاملة عليها هاتفا :

_ سلمى انا اديتك حقن كثير كنت بتحسي
بألم؟! دوول زيهم
سلمى ببيكاء :

_ انا .. انا خايفة يا ادهم

ادهم :

_ متخافيش يا حبيبتى انا معاكى

فهدأت سلمى في حضنه قليلا وشرع في
اعطائها الحقن الواحدة تلو الاخرى

((ملحوظة سلمى مرضها النفسي كان
بيخليها ترفض ان تركب الكانيولا وده اللي
سبب المها اكثر)) واخيرا انتهى ادهم من
ثلاث حقن كانت خلالهم سلمى تتوجع
وتصرخ بالم حتى انتهى شعرت حينها
بانهاك وتعب وكأنها استنزفت كل طاقتها
مرة واحدة فنظرت لادهم بتعب وقلق
فقابلها بابتسامة باهتة متوترة فشعرت ان
هناك المزيد فحاولت الاعتدال لتنظر لتلك
العربة ولكنه منعها بل كان يحاول ان
يجعلها تستلقي على ظهرها

ادهم :

_ نامي حبييتي وارتاحي

سلمى :

_ الدوا ده مؤلم قوي بحس انه بيحرق عروقي

ادهم وهو مازال يحاول جعلها تستلقي :

_معلش حبيبتى هانت

: سلمى :

_ادهم انت بتنيمنى كدة ليه ؟

ادهم مغمض العينين حتى لا يرى ردة

فعلها على ما سيقوله :

_سلمى ...ل ..لسة ..حقنتين

هنا اختفى التعب وظهر التمرد والعناد لتهب

واقفة هاتفة :

_لا لا مش هستحمل اكثر من كدة حرام

عليك

ادهم هو يمسكها من كتفيها :

_حبيبتى اهدي لازم تستحملى دي اخر

مرحلة واخر اسبوع عشان خاطري

سلمى بدموع :

_حس بيا يا ادهم الدوا بيحرقني اكر من
الم المرض

ادهم وهو يحاول جعلها تستلقي :

_خلاص بقى هانت استحملي شوية كمان

فهدأت قليلا وحاولت كشف ذراعها مرة
اخرى لتأخذ الحقنتين

ادهم بوجه شاحب :

_لا ..سلمى ..مش هنا

فرفعت نظرها اليه بدهشة وقلق :

_اومال فين ؟

التفت ادهم للمرضة هاتفا :

_هاتي ممرضتين معاكي

سلمى بفرع :

_انت هتعمل ايه ؟

ادهم :

_سلمى الحقنتين ..دوول في ...في ...في بطنك

هنا ماعاد للتعقل من سبيل فقدت سلمى

اخر حصون عقلها هاتفة بصراخ وهي

تتمسك بيده :

_لا ادهم بطني لا ارجوك ابوس ايدك

...الوجع هيموتني ...طب اديهوملي في ايدي

زي الباقيين ارجوك ...ادهم حس بيا عشان

خاطري

وهنا استغلت تأثره بدموعها وترجيها له

واستطاعت الهروب من بين يديه لتصل الى

الباب اراد اللحاق بها ولكنها كانت الاسرع

وعندما فتحت الباب فوجئت بالدكتور طارق

ومعه عدد من الممرضات

طارق بهدوء :

_اهدي يا مدام سلمى من فضلك

سلمى بانفعال جعلها تبدو خارج حدود

العقل :

_لا لا انتم لو عاوزين تموتوني مش هتعملوا

كل ده

ادهم وهو يحاول السيطرة عليها :

_سلمى انت بتقولي ايه ؟

سلمى :

_فيه طرق اسهل للموت يا ادهم ..فيه طرق

اسهل للموت

طارق :

_ ادهم ثبتها في السرير

ووجه كلامه للمرضات :

_ ساعدوه

وبالفعل استطاع الجميع تثبيتها بقوة في
السرير وكشف ادهم بطنها وهو يكاد يفقد
اعصابه من رؤيتها بتلك الحالة

طارق بعنف :

_ مش عاوزها تتحرك سم واحد فاهمين ؟

ادهم :

_ سلمى ارجوكي اثبتي أي حركة غلط
هتقعدا هنا شهور تانية احنا في غنا عنها
ارجوكي

وشرع طارق في اعطائها الحقتين الواحدة
تلو الاخرى كانت خلالهما سلمى فقدت

حتى قدرتها على الصراخ فمجرد التنفس
يسبب لها الما رهيبا فكانت تئن بالسرير
بصورة ارعبت ادهم حتى انتهى طارق واتجه
لادهم رابتا على كتفه هامسا له :

_ احقنها بمسكن (...).الدوا ده حارق مش
هتقدر تستحمل

ادهم :

_ انا خايف عليها قوي

طارق :

_ متخافش بس خليك جنبها

وخرج طارق والممرضات من غرفتها بينما
اتجه ادهم اليها فوجدها مغمضة لعينيها
ودموعها تجري انها را على وجنتيها وتئن من
الالم وتتمسك بطرف السرير بيديها بقوة

ادهم :

_سلمى ...حبيبتى ردى عليا

سلمى بصوت هامس سمعه بصعوبة :

_ساعدنى ...بطنى بتتحرق

ادهم دامعا :

_ياريت كنت اقدر اخذ الدوا ده مكانك

..ياريت

وسارع بحقنها بالمسكن لتدخل في سبات عميق ولكن ظلت اثار الالم مرتسمة بقوة على وجهها ما جعل ادهم يفقد السيطرة على نفسه اخيرا وهو يبكي كطفل صغير ولكن منعه من مواصلة بكائه رنين هاتفه فسارع بمسح دموعه واخذ نفسا عميقا مستجمعا به شجاعته ثم فتح الاتصال

ادهم :

_السلام عليكم

عبد العزيز :

_وعليكم السلام ازيك يا ادهم وازي سلمى
..عاملة ايه دلوقتي ؟

ادهم :

_بخير يا عمي الحمد لله بتتقدم كل يوم

عبد العزيز :

_الحمد لله يابني ...خد كلم هدى احسن
عمالة تبكي ومش فاهم منها حاجة

هدى ببيكاء :

_بابا ..

ادهم :

_حبيبہ بابا...مالك ياهدى ؟

هدى :

_ماما...ماما مش كويسة ...

ادهم :

_لا يا حبيبتي ماما كويسة متخافيش عليها

هدى :

_ماما كانت بتعيط وفيه وحش كبير كان

عاوز ياكلها وانت كنت بتضربه بس ...بس

هي ...

ادهم مقاطعا :

_اهدي بس واسمعي...انت كنت نايمة ؟

هدى :

_اه بس الحلم الوحش ده صحاني ..انا عاوزه

اكلم ماما

ادهم وهو ينظر لسلمى الراقدة امامه بحسرة

وقهر :

_مش هينفع دلوقتي ياهدى ...ماما نايمه

لما تصحا هخليها تكلمك ماشي ...بس

توعديني تبطلي بكا ومتفكريش في الحلم ده

تاني اتفقنا ؟

هدى :

_حاضر بس انتوا هتيجوا امتى ؟

ادهم :

_قريب يا حبيبيتي قريب ان شاء الله

عبد العزيز :

_طيب يا بني ابقى طمني عليكم

ادهم :

_حاضر ياعمي مع السلامة

بعدهما اطمأن ابراهيم على احمد ومها سارع
بحل مشكلة ياسمين فاتصل بيوسف طالبا
منه الحضور اليه في الفيلا على جناح السرعة
وبالفعل لم يمر الا نصف ساعة وكان يوسف
يمر لداخل الفيلا هاتفا :

_السلام عليكم

ابراهيم :

_وعليكم السلام تعالى يا يوسف

يوسف وهو يجلس بجانبه :

_ازيك ياعمي ؟طمني صحتك عاملة ايه

دلوقتي ؟

ابراهيم :

_الحمد لله يا بني فضل ونعمة

هنا هتفت ياسمين التي جاءت فجأة :

_لو سمحت يا بابا ياريت ندخل في الموضوع

على طول

ابراهيم :

_ياسمين

يوسف :

_في ايه يا ياسمين ؟

ياسمين :

_فيه ان انا عاوزه اطلق

فوقف يوسف ذاهلا :

_نعم !!

ابراهيم بغضب :

_ انت مش ليكي اب ولا خلاص كبرتي على
ابوكي يا ياسمين

ياسمين ببكاء :

_ العفو يا بابا لا عشت ولا كنت يوم ما افكر
كدة انت كبيرتي وكلمتك سيف على رقبتتي

ابراهيم :

_ يبقى تسكتي وانا اللي اتكلم

ياسمين :

_ حاضر يا بابا

يوسف :

_ فيه ايه ياعمي انا مش فاهم حاجة

ابراهيم :

_ انت بتروح فين كل مدة يا يوسف ؟

يوسف بتوتر لاحظته الجميع :

_ ها ..انا بروح لجماعة معرفة لبابا

ابراهيم :

_ اسمهم ايه الجماعة دول يا يوسف ؟

يوسف :

_ في ايه ياعمي انا مش فاهم ليه الاسئلة دي

؟

احمد :

_ فيه ناس قالولنا انك متجوز على اختي

يا يوسف صحيح الكلام ده ؟؟

يوسف بارتباك :

_ محصلش

ابراهيم :

_ يبقى تقول مين الناس دول وايه علاقتك

بيهم ؟

يوسف :

_ مش هقدر ياعمي سامحني

ياسمين :

_ يبقى تطلقني يا يوسف عشان مش هقدر

اعيش مع واحد خاين زيك

يوسف :

_ انا يياسمين؟ انا خاين !!

احمد :

_ يابني انطق وريحنا مين الناس دوول اللي

بتصرف عليهم ..لو اتجوزت يا يوسف خليك

شجاع وواجه

يوسف :

_محصلش

ياسمين :

_انا قتلتكوا من الاول انه هينكر

يوسف :

_صدقيني يا ياسمين انا محبتش حد في

حياتي غيرك

ابراهيم بنفاذ صبر :

_هي كلمة واحدة يا تنطق وتقول مين

الناس دوول ياما تطلق ياسمين

صوت من الخلف قوي هز أرجاء الفيلا هاتفا

:

_كان بيجيلي انا...انا مراته

التفت الجميع للصوت وتجمدت الدماء في
عروقهم من الصدمة ...

ترى بمن تزوج يوسف ؟

ما مصير سلمى في علاجها الجديد ؟

انتظروني في الحلقات القادمة باذن الله

الحلقة الثامنة والاربعون

التفت الجميع للصوت وتجمدت الدماء في
عروقهم من الصدمة ...حتى تحركت صاحبة
الصوت هاتفة :

_كان بيجيلي انا ..وكان بيراعيني انا ويصرف
عليا ...وفهم كل الجيران اني مراته بناء على
رغبتى عشان لو عرفتوا متعرفوش انا مين

ياسمين بصدمة :

_ماما!!

واندفعت اليها لتضمها رقية وهي تربت على
ظهرها بحنان امومي افتقدته ياسمين من
سنوات حتى هتفت رقية دامعة :

_ قلب ماما يا ياسمين وحشتيني يابنتي

احمد وهو يضمها هو الاخر :

_ ماما !! وحشتيني قوي حمد الله على

سلامتك

رقية :

_ الله يسلمك يا احمد سامحني يابني انا

ظلمتك وجيت عليك كثير و...

احمد وهو يقبل راسها :

_ انا كلي فداكي يا ماما .. بس فهميني ازاي

كنت مع يوسف

رقية :

_ هفهمكم كل حاجة بس سبني اطمن على

بنتي الاول

ياسمين :

_ انا بخير يا ماما المهم انت طمنينا عنك

رقية :

_ عارفة حبيبتني انك كويسة يوسف كان

بيطمني عليكم كلكم .. انا عاوزه اطمن على

مها بنتي الثانية

واتجهت الى مها لتضمها وهي تبكي :

_ سامحيني يا بنتي ظلمتك كتير قوي

واخذتك بذنب مش ذنبك ... سامحيني يا مها

مها :

_ طنط انت بتبكي

رقية :

_من النهاردة مفيش طنط فيه ماما وبس
من النهاردة هصلح كل غلطاتي اللي عملتها
قبل كدة ..ويوسف سامحني هتسامحيني
يامها وتسمحيلي اكون امك

مها بيبكاء وهي تلقي بنفسها في حضنها :

_ياريت ياماما ياريت

فربتت رقية على ظهرها بخفة ثم هتفت

بمرح :

_اوعي يابت كدة وخليني اشوف حفيدي

اللي الواد يوسف مرضيش يقولي على

اسمه

فحمل احمد ادهم واتجه لوالدته ووضعها

بين يديها هاتفا :

_ماما ..اقدامك اول حفيد لعيلة الرفاعي

..ادهم احمد الرفاعي

رقية وهي تضمه لصدرها باكية :

_ ادهم !! يا حبيبي يا بني ... ربنا يبارك فيكو
ويبعد عنكو الشيطان يا حبايبي

هنا ما استطاع ان ينتظر اكثر فاقترب ضاماً
لها الى صدره هي وحفيدها هاتفا :

_ نورتي بيتك يا ام احمد

فرفعت نظرها اليه هامسة :

_ البيت منور بيك يا كبير عيلة الرفاعي
وظهرها وسندها

فضمها ابراهيم وقبلها على راسها شاعرا بان
روحه قد عادت اليه وقلبه ينبض لاول مرة
من شهور ... ضمها وهو يحاول تمالك
اعصابه فحين راها امامه نبض قلبه خوفا ان
ترفضه بعد انفعاله عليها اخر مرة ولكنها
تقبلته اخيرا بل لم ترفضه عندما حاول

ضمها احساسه ينبؤه انها كانت راغبة بشدة
في ضمه وفي شعورها بالامان في حضنه
..احساسه يخبره انها مشتاقة اليه كشوقه لها
...وكما كان يشعر كانت رقية تجوبها تلك
المشاعر ولكن نبهما من شرودهما صياح
يوسف الذي كان ينظر لياسمين بخيبة امل :

_ طب استأذن انا يا عمي

رقية :

_ لا يا يوسف استنى انت هتتغدى معانا

الاول

فرقع نظره لها هاتفا بابتسامة :

_ وقت تاني يا ماما

فرفعت يدها تربت بها على وجهه هاتفة :

_مش هتاكل غير من ايدي يا يوسف لحد

ما تتجوز وتاكل من ايد مراتك

فوجدته ينظر لياسمين بعتاب وهو هتف :

_لسة بدري يا ماما

فبكت ياسمين بندم ولم تجرؤ على النطق

فهتفت رقية :

_اعذرها حبيبي حبها ليك اللي خلاها تعمل

كدة انا لو مكانها وشكيت في عمك ابراهيم

انه متجوز عليا كنت قتلته

فضحك ابراهيم بصوته كله هاتفا :

_ياساتر يارب ...

هنا هتف يوسف فزعا :

_ياسمين

وفي الثانية التالية كانت ياسمين بين يديه
يجذبها لصدره ساندا لها عندما شعر بها
تترنح هنا انتفض الجميع خوفا ولكنها
همست بضعف :

_انا..كويسة

فاجلسها يوسف لاقرب مقعد وعندما هم
بالابتعاد تمسكت بيده هاتفة :

_انا..انا اسفة

فنظر لها مليا دون كلام قبل راسها هاتفها :
_ياريت اقدر ازعل او اغضب منك لكن انت
حياتي يا ياسمين ومحدثش بيزعل او ييفارق
حياته الا لو مات

ياسمين :

_بعد الشر عليك..سامحني

احمد :

_سامحنا يا يوسف احنا كلنا غلطنا في حقك

يوسف بمكر :

_ليا طلب

ابراهيم :

_اللي تطلبه يا بني مجاب

يوسف :

_عاوز احدد ميعاد الفرحة اظن كفاية كدة

رقية :

_لا

ابراهيم بتوجس :

_لا ليه يارقية ؟

رقية :

_مفيش افراح غير لما يرجع ادهم من سفره

احمد :

_عندك حق يا ماما وانا بفكر في حاجة كدة
عاوز انفذها ومش عارف هتوفقوني ولا لاء

ياسمين :

_بتفكر في ايه يا احمد ؟

هنا نظر لهم احمد بمكر ثم شرح فكرته التي
صدمت الجميع ثم تعالت ضحكاتهم ووافق
الجميع على الفكرة المجنونة التي ولاول
مرة يكتشفوا بها شخصية احمد المجنونة
الحقيقية التي كان يخفيها خلف بروده ولا
مبالاته

ظل ينظر لهم جميعا يضحكون حوله ورقية
على مائدة الطعام وهتف لنفسه ((الحمد
لله وادي ثاني وتالت مشكلة اتحلت لسة
انت يا ادهم ياارب قويه واقف معاه وحنن
قلبه على اخواته))

عندما انفرد ابراهيم اخيرا برقية طالبها
بمعرفة كل ماحدث فجلست بجانبه في
ركنهما المفضل وبدأت تحكي له انهم اثناء
انشغالهم بتعب ادهم في منزل نجلاء والذي
لم يخبرها يوسف به الا عندما تم شفائه
وعاد لعمله في المنيا حتى لا تقلق عليه كان
يوسف في طريقه لها مجرد ان دخلت منزل
والدها حتى كان هناك وتحدث اليها برفق
طالبا منها ان ترافقه للقاهرة مع وعد منه ان
احدا منهم لن يعرف طريقها الا اذا ارادت هي

ذلك في مقابل ان تسمح له برعايته كما
اخبرها بحنينه الجارف لوالدته طالبا منها
السماح له ان يكون في منزلة احد ابنائها
ولانها في تلك الفترة كانت مشوشة التفكير
منذ هاجمتها ذكرياتها القاسية الاليمة
انصاعت له وبالفعل اخذها في تلك المنطقة
وهي من طلبت منه ان يخبر الجيران انها
زوجته حتى اذا علم احمد او ابراهيم كثرة
تردده هنا لا يصلوا اليها هذا ولم يمتنع
يوسف في تلك الفترة عنها كان يصرف عليها
ويعتني بها والاهم انه كان يتحدث اليها برفق
محاولا قدر الامكان جعلها تنفض ذكرياتها
القاسية تلك عن كاهلها وهذا ماحدث
تحدثت اليه بكل شيء حتى مالم يعرفه احد
عنها اخرجت كل ما في داخلها من الم
وحسرة وقهر وكانت تظن انه سيهرب من
مرافقتها لكنه وللعجب تقبل بصدر رحب

مزاها المتقلب وتحدث اليها مفندا كل تلك
الاحداث بما جعلها في النهاية هي المنتصرة
عليهم جميع فيكفي انها اخيرا امتلكت قلب
زوجها وكل وقته ومشاعره حتى انه لم
يتصدى لها عند اخطائها خوفا عليها الم يكن
ذلك نصرا... كما امتلكت ثلاثة ابناء
يعشقونها ولديهم التضحية بحياتهم في
سبيلها اهون قرار اليس هذا انتصارا؟... كما
انها امتلكت المستوى المادي والاجتماعي
المرموق بين الناس وهذا ان دل على شيء
فيدل على قوتها ودمائة اخلاقها بما جعلها
اهلا لتلك المكان اليس هذا انتصار؟... كما
طالبها ان تعيد التفكير في حياتها ومحاولة
تصحيح اوضاعها قبل فوات الاوان... ثم تركها
لتفكر وتتخذ قرارها ومن يومها لم يتطرق
للموضوع واكتفى بنقل كافة اخبارهم اليها
ولكنه امتنع عن تعريفها باسم ابن احمد

ليثير لديها الفضول لتعود من جديد واليوم
تحديدا اتصل بها يوسف يخبرها انه لن
يزورها لان ابراهيم يريد له امر هام ولانها
اعتبرته كابن لها شعرت بخوفه من هذا
الطلب وقد صدق حدسها عندما عادت
ووجدت ابراهيم يطالبه بطلاق ياسمين
هنا توقفت رقية عن الحديث ناظرة الى
ابراهيم هاتفة :

_كان لازم ابعده الفترة دي عشان اعرف انني
من غيركم ولا حاجة...عشان اعرف ان اللي
الحب اللي جمعنا في يوم هو اللي جمع
احمد ومها ويوسف وياسمين ومش من
حقي اني الغيه واقف في طريقهم
فهبط ابراهيم على ركبته هاتفا وهو ينحني
ليقبل يدها :

_حمد الله على السلامة يارقية...النهاردة
بس رجعت رقية حبيبتى اللي اتجوزتها من
40 سنة...رجعت بعد ما تاهت منى سنين
وانا مش عارف القيها...النهاردة بس يوم ما
اعترفتى بقوة حبهم وربطيهما بحبنا ردتيلي
روحي اللي كانت غايبة عني

رقية وهي تنحني لتقبل يده :

_تسلملي يا حبيبي ويسلملي قلبك الكبير
اللي عمره ما قدر يزعلني برغم اني كنت
على غلط...تسلملي يا كبيرى وتاج راسي
فضمها ابراهيم لصدرة مقبلا راسها هامسا :

_من النهاردة معدش دموع وحزن...من
النهاردة هنعيش حياتنا بسعادة مع احفادنا
ادهم ...

فقاطعته هاتفة :

_وهدى...نفسى اشوفها قوي ياابراهيم

ابراهيم :

_هنروحلها يارقية...ونضم ابوها وامها ان

شاء الله وهترجع حياتنا زي ما كانت

رقية :

_يارب ياحببي...يارب

في صباح اليوم التالي دخل ادهم لسلمى

غرفتها هاتفا :

_صباح الخير ياحببتي

سلمى بسخرية :

_اهلا يا دكتور ادهم

ادهم بتعجب :

_دكتور ادهم !!

سلمى :

_اه طبعا مش المهم اني انفذ اوامر الدكتور

ادهم :

_في ايه ياسلمى ؟

سلمى بصراخ :

_مفيش حاجة...مفيش حاجة ممكن تذلمي

وتموتني بقهرتي الا وعملتها عاوز ايه تاني

...لسة ايه تاني ؟

ادهم :

_انا ياسلمى !!

سلمة بانفعال :

_ايوة انت يادكتور...مش انت اللي بتحدد
العلاج مش انت اللي بتعمل فيا كل ده

ادهم :

_ده علاجك ياسلمى للمرض اللي عندك
يعني حاجة مش بمزاجي

سلمى :

_فيه بدايل اكيد...بس ازاي لازم تذلمي

ادهم :

_كفاية ياسلمى انت كدة بتظلميني

سلمى :

_عندك حق فعلا كفاية..لو سمحت اطلع برا

ادهم بغضب :

_سلمى

سلمى :

_ لو مخرجتش يا ادهم انا هرمي نفسي من
الشباك عشان ارتاح واخلص

ادهم :

_ خلاص اهدي حاضر هخرج

وبالفعل خرج ادهم من غرفتها وهو يكاد
يتمزق قلبه بل انشطاره لنصفين كيف تظن
به ذلك؟ كيف تتخيل انه يرغب بذلها وقهرها
كيف ؟

دخل لغرفة طارق اخبره بما حدث وطريقة
تفكير سلمى وطلب منه ممرضة تقييم معها
خوفا ان تتهور وتنفذ تهديدها فبر غم كل
شيء هو يحبها ويخشى عليها ...

وعند موعد الجرعة حدث ما حدث المرة
السابقة ولكن الشيء المختلف اليوم ان

محاولات سلمى للفرار من بين ايديهم كانت
باتجاه النافذة بدلا من الباب ولكن ادهم كان
امامها كالجبل الشامخ لم تستطع ان تحركه
سم واحد من مكانه فهتف هو بغضب :

_ هتموتي كافرة ياسلمى ؟

سلمى بوهن ودموع :

_ ارحمني ابوس ايدك الدوا بيحرق اكثر من
المرض ذاته

ادهم :

_ استعيني بالله يا حبيبتى

سلمى :

_ ادهم لو بتحبني بجد ارحمني وسبني
اموت ...الموت ارحم ..ربنا ارحم

حاولت الابتعاد عن السرير قدر الامكان
ولكنها كانت اضعف من مجرد التحرك من
مكانها تحت قبضة ادهم التي كانت تثبتها في
السرير جيدا حتى ساعده عدد من
الممرضات ليشرع طارق في اعطائها جرعة
العلاج المركزة وهي تئن من الالم حتى
انتهى وانهت قواها معه

سلمى :

_ اااه ادهم...بط..ني....ااه

فحقنها ادهم بالمسكن وعندما هدأت
ونامت تركها وخرج من غرفتها بل لقد خرج
من المركز كله ذاهبا لاقرب مسجد اخذ
يصلي ويصلي ويبكي ويناجي الله ان
يشفيها ويزيل الماها ويبدد الخلاف بينهما

في الصباح وكالعادة اتجه يوسف لمكتبه اولا
ليرى جدول مواعيده ثم يذهب بعدها
لياسمين في مكتبها ولكنه عندما دخل
مكتب السكرتارية الخاص به وجد رجل
يجلس على المكتب يعمل بانهاك فخلع
يوسف نظارته ونظر له بغضب وهو يقسم
داخله ان كان هذا خطأ اخر للمصيبة تغريد
فانه سيقتلها لا محالة ثم هتف بانفعال :

_ انت مين وبتعمل ايه هنا ؟

انتفض الرجل واقفا باحترام وهتف :

_ صباح الخير يا يوسف بيه انا عبد المجيد

المحلاوي السكرتير الجديد لحضرتك

يوسف بدهشة :

_سكرتير جديد!!وفين تغريد ؟

عبد المجيد :

_لو حضرتك عاوزها انا ممكن ...

قاطعہ يوسف هاتف بسرعة :

_لا عاوز مين بس ياراجل ..اهدى كدة دا انا
ماصدقت ...المهم تعالى ورايا عشان توريني
جدول مواعيدي النهاردة

وبالفعل اتبعه عبد المجيد للغرفة ولم تمر
سوى عشر دقائق كانت كل امور العمل
منظمة بشكل جيد ومواعيد يوسف كذلك
ففرح وكاد يرقص فرحا لتخلصه اخيرا من
الابتلاء المسمى تغريد وخرج سريعا متوجها
لغرفة ياسمين والتي بمجرد ان راته حتى
اشرق وجهها وقامت لتستقبله وجلست
معه تضحك وتمرح حتى سالها عن تغريد

فاخبرته بتوجس انها كانت احدى موظفات
الارشيف ولكنها اصرت على وجودها
كسكرتيرة حتى تنقل لها كل اخباره وعن
طريقها عرفت بجوازه فنظر اليها يوسف
مليا بدون تعبير ثم هتف حانقا :

_ انت عارفة انا نفسي في ايه دلوقتي ؟

ياسمين بخوف :

_ في ايه ؟

يوسف :

_ نفسي اشيلك على كتفي كدة زي رجل
الكهف واخذك على بيتنا وهناك هعاقبك
العقاب اللي تستحقه

لم تفهم مغزى كلامه وعندما رفعت نظرها
له وجدته يغمز لها بعث فانتفضت من

مكانها ووجنتها محمرتان كحبتي فراولة

وهي تهتف بتلعثم :

_ انا... انا عندي... اجتماع.. وانت

ولكنها لم تستطع ان تكمل لقد قاطعها
يوسف بقبلة اطارت عقلها من موضعه
وقذفت به في جنة من الاحلام لدقائق لم
يستطع يوسف الابتعاد وهو يشعر بنيران
حبه وعشقه لها تكاد تحرقه عن بكرة ابيه
حتى تركها اخيرا واسندجبينه لجبينها هاتفا
بصوت اجش من العاطفة :

_ بحبك يا مجنونة... وبعشق جنانك ده

ياسمين :

_ بحبك يا يوسف... ويوم ما تسيبني تبقى

نهايتي

يوسف :

_ياارب قرب البعيد...امتى بس ادهم يرجع
ونعمل الفرخ ويضمنا بيت واحد

ياسمين :

_هانت يا حبيبي ..هانت

يوسف :

_ياارب الصبر من عندك

بعد عدة ساعات كانت خلالهم سلمى قد
استيقظت من غفوتها وجدت من يطرق
الباب فسمحت له فوجدته طارق حاولت
التحكم بكل قوتها في مشاعر رعبها منه الا
تظهر على وجهها وخصوصا في وجوده في غير
وجود ادهم وقابله بشراستها وعنفها
المعتادين

طارق :

_ السلام عليكم ازيك دلوقتي يا مدام سلمى

سلمى :

_وعليكم السلام الحمد لله على كل حال

طارق :

_ انا كنت عاوز اتكلم معاكي شوية بعد اذنك

سلمى :

_خير في ايه تاني هتجربوه عليا دوا جديد غير

اللي بيموتني بالبطء ده

طارق :

_اولا احنا مش بنجرب حاجة ده دوا مثبت

علميا ومجرب ومش انت لوحدك في المركز

اللي بتاخديه تقريبا كل اللي عندهم مرضك

بياخدوا وثنيا بقى انت ظالمة ادهم جدا

سلمى بانفعال :

_انا!!!..انا اللي ظالمه

طارق مقاطعا :

_لو سمحتي يا مدام سلمى اسمعيني الاول
وبعدين فكري ادهم من يوم ما اجا هنا
مخرجش من المركز غير معاكي هو حتى
بيبات هنا في الاوضة دي بس مكنش
بيعرفك عشان متخرجيش منه كان
بيستنى اما تنامي ويدخل ويخرج قبل ما
تصحي...ادهم فقد شهيته للاكل وبالتالي
فقد كثير من وزنه...هو بيحاول يبان قدامك
انه قوي ومسيطر في حين انه اضعف منك
انت شخصيا...اقدر اقولك بكل ثقة هو
بيحس بالم الدوا اكثر منك...ادهم لو فضل
على الحالة دي كلنا هنخسره مش انت بس
...انا عاوزك بس تبصي عليه وقت الجرعة

بتاعتك هتشوفي اد ايه هو بيتالم ...يا مدام
سلمى ارجوكي بلاش تظلميه وحاولي
تستمدي منه القوة اللي تخليكي تحميه
وتحمي نفسك كمان من خطر انهياره
وتركها طارق دون انتظار ردها على كلماته
تركها وهي غارقة في التفكير فهي ابدأ لم
تنظر للموضوع من تلك الناحية ...
تري ما تاثير كلمات طارق على سلمى ؟
ما الفكرة المجنونة التي اقترحها احمد ؟
انتظروني في الحلقات القادمة باذن الله ولمن
يريد ان يعرف خلاص اقتربت النهاية

الحلقة التاسعة والاربعون

مرت احداث اليوم سريعا ولم يحاول ادهم
الذهاب اليها لعلمه برفضها التام لرؤيته وفي
الليل وبالتحديد بعد منتصف الليل

استيقظت سلمى من نومها تشعر بالظماً
الشديد وجفاف حلقها فقامت وشربت بضع
اكواب من المياة وعندما همت بالنوم من
جديد عادت لها كلمات طارق ليهرب النوم
بعيدا وتدور الافكار حول عقلها حتى انتبهت
لذلك الباب الذي اخبرها عنه طارق فقامت
متجه اليه وفتحت جزء صغير من الباب
لتفاجئ بادهم ساجدا لله يناجيه بهمس
شبه مسموع داعيا الله ان يتم نعمته عليه
بأن يشفيها وتعود اليه كما لاحظت مالم
يخطر لها على بال لقد رات دموعه حقا انه
يبكي في مناجاته ..

هنا شعرت بتناقض غريب في مشاعرها لم
تعده من قبل...فقد شعرت بفرحة غامرة
تغمر روحها لتأكدها من مدى عشقه لها وفي
نفس الوقت حزن عميق لانها سببت له هذا

الالم....لم تستطع الاستمرار فرجعت سريعا
لسريها وحاولت النوم كثيرا ولكن دون
فائدة هنا فتح باب الغرفة فادعت النوم
وجدته يسير بهدؤ حذر حتى اقترب منها
وفوجئت به يمسح بيده عرقها الذي غطي
جبينها ثم اعاد خصلات شعرها للخلف حتى
لا تزعجها في نومها ومال عليها مقبلا راسها
وهو يدعو لها بالشفاء العاجل بصوت هامس
ولكنها سمعته بقلبها قبل اذنها وعلى هذا
الهمس غلب النوم عيونها فراحت في سبات
عميق ...

في الصباح وجدت سلمى الممرضة تدخل لها
بجرعتها المعتادة ولكن من دون وجود ادهم

الممرضة :

_ صباح الخير يا مدام سلمى

سلمى :

_ صباح النور ..ميعاد الجرعة مش كدة ؟

الممرضة :

_ايوة

سلمى :

_ ممكن تنادي للدكتور ادهم الرفاعي من

فضلك انا عاوزه ضروري قبل الجرعة

فاومأت الممرضة براسها وخرجت من الغرفة

ولم تمر سوى لحظات حتى وجدته يفتح

باب الغرفة وهو يلهث وصدرة يعلو ويهبط

من ركضه فاشفقت عليه ولعنت نفسها

لغبائها ولكنها ابتسمت له ومدت يدها له

طالبة اياه دون كلام فاسرع اليها وهو قلق
مما اصابها ..

جلس بجانبها على الفراش هاتفا :

_مالك ياسلمى ؟

لم ترد بل زادت من حيرته عندما القت
بنفسها في حضنه ودفنت رأسها في صدره
وذراعاها يطوقان خصره فلم تهتم للمرضة
ولا نظرتها لها في وضع كهذا ولم تدري ان
ادهم اشار للمرضة لتخرج ثم احاطها هو
الاخر بيديه هو يسال بقلق :

_حببتي اهدي وقوليلي مالك ؟

سلمى بعاطفة جياشة ماعادت تستطيع
التحكم بها :

_انا...انا بحبك قوي يا ادهم...متسبنيش
عشان خاطري...خليك جنبي عشان اقدر
اتحمل

ادهم مقبلا راسها :

_انا معاكي ياقلبي...مش هسيبك ابدا
هنا دخلت الممرضة و جهزتها لجرعتها هنا
اعترضت سلمى هاتفة :

_ادهم عندي طلب قبل الحقن

ادهم :

_ايه يا حبيبتى عاوزه ايه ؟

سلمى :

_سيب الحقن دي للمرضة وخليني في

حضنك

هنا ظهر التردد على وجهه هاتفًا :

_بس ... بس ياسلمى ...

طارق من خلفه :

_يالاي ادهم ..ومتخافش انا اللي هحقنها

فانصاع ادهم لرغبتها ضمها في حضنه وهي
سلمت يدها للمرضة مساعدة طارق ودفنت
رأسها في صدره وبدأطارق حقنها الحقنة تلو
الاخرى حتى انتهت الثلاث حقن لم تصرخ
بل لم تتحرك من مكانها كانت تحاول الا
تخرج منها اه الم واحدة ولكنه مع ذلك كان
يشعر بوجعها داخل قلبه وليس صدره حاول
بقدر امكانه التماسك امامها ولكنها شعرت
بارتجافه جسده كلما خرجت منها اه من الالم
ضد ارادتها ..

وجاء وقت الحقنتين الاخريتين فنظرت له
بعينيها الدامعتين فلاحظت ما قاله لها

طارق يا الهي انه يبكي لالمي...هل انا عمياء
لتلك الدرجة؟...

طارق :

_مدام سلمى جاهزة للجرعة الثانية ؟
فتمسكت بيد ادهم بقوة هي تنظر له هاتفة
:

_جاهز استمد منك قوة التحمل
سارع ادهم بمسح دمعة خائنة سقطت دون
ارادته وهتف :

_جاهز يا عمري

وبالفعل تم تثبيتها بقوة ولكن تلك المرة
كانت عيناها في اتصال مباشر مع عينيه لم
تئن ولم تضعف وبقدر الالم بقدر قوة

التحمل التي استمدتها من عينيه العاشقة

لها ...

انتهى العلاج وخرج الجميع وسارع ادهم
بضمها وتفاجئ انها نامت سريعا دون
مسكن كالعادة في بادئ الامر ارتعب من
فكرة دخولها في غيبوبة ولكنه وجد مؤشرات
الحياة سليمة وتنفسها منتظم على وقع
ضربات قلبه حاول الابتعاد عنها لترتاح اكثر
لكنها دون وعي كانت تتشبث به اكثر فظل
بجانبا ضامها وكأنها كنزه الثمين والذي
يخشى عليه من كل الناس وعلى هذا
الوضع غفى معها ادهم وهو شديد الفرح
بمدى تأثيرها اخيرا بمقدرا حبه لها

في الصباح وكالعادة نزلت رقية مبكرة لتجهز
الفرار لاسرتها مع خادمتها ولكنها عندما
كانت في منتصف الدرج فوجئت بمن يركض
خلفها وعبر بجوارها هاتفا :

_ماما ...حوشي احمد عني هيقتلني

ثم اندفعت لغرفة مكتب عمها واغلقت
الباب عليها بالمفتاح وقبل ان يتسنى لرقية
الرد وجدت من يركض هو الاخر من خلفها
ولكن نظرا لضخامة جسده ارتطم برقية التي
كادت تسقط على الدرج لولا انه لحقها ومنع
سقوطها مثبتا لها فالتفت له لتوبخه على
حركات الاطفال تلك ولكنها لم تنطق من
صدمتها من منظره فقد كان يرتدي بنطال
بذلته الرياضية وجزعه العلوي عاري تماما
فرفعت حاجبها وهي تنظر له دون كلام
فهتف بغيط :

_ شوفتي عمايل المجنونة اللي انا متجوزها
...الهانم مصره ابي مخرجش النهاردة واسيب
شغلي واقعد اقضي اليوم معاكم ولما
رفضت خلتني ادخل اخذ دش ولما خرجت
لقيتها خبت كل هدومي عشان معرفش
اخرج

لحظات حتى استوعبت رقية كلماته ثم
انفجرت ضاحكة وهذا ما اثار غضبه اكثر
فهتف :

_ انت بتضحكي يا ماما بدل ما تعقلها

رقية بدموع اثر ضحكها المتواصل :

_ وانا اعقلها ليه ما تعقلها انت مش انت

جوزها

وتركته ونزلت باقي الدرجات فركض خلف

تلك المختبئة هناك وطرق الباب هاتفا :

_اخرجي يا مها والا هكسر الباب فوق

دماغك

مها من خلف الباب :

_بردو مش هتخرج يا احمد

احمد محاولا التحكم باعصابه :

_حاضر يا قلبي مش هخرج ارتحتي كدة

افتحي واخرجي عشان نتفاهم

مها :

_كداب يا حبيبي...انا مش هخرج من هنا الا

لما ميعاد شغلك يعدي ...

فطرق احمد بعنف اكثر ولا فائدة التفت وهو

يزفر بضيق فوجد والده ووالدته يقفان

يتأملانه وهم يضحكان بقوة فنظر لهما بقهر

وعندما هم ان يبتعد وجد والده يغمز له

هاتفًا :

_هايدي ...اهلا يابنتي اتفضلي دخلها يا احمد

للسفرة عشان تفطر معانا

لم يفهم احمد في بادئ الامر ولكن اتضحت
له الامور عندما دار المفتاح في الباب وخرجت

مها من غرفة المكتب تغلو وجهها ملامح

اجراميه وهي تهتف :

_تدخل فين ياعمي ؟دي لو مستغنية عن

عمرها تخطي خطوة واحدة هنا ..هي فين ؟

هنا كان احمد محاصرا لها من الخلف محكما

سيطرته على كلا يديها ولاصقا ظهرها بصدرة

هامسا لها :

_وقعتي ياقطتي

وقبل ان يتسنى لها الفهم كان ادارها وجعل
وجهها له وهبط فجأة وارتفع وهي على كتفه
تصرخ به ان ينزلها وهو كالصخرة لا يرد ولا
يتزحزح فهتفت رقية :

_هتعمل ايه يا احمد ؟

احمد :

_هعيد تربية مراتي عن اذنكم

وصعد بها الدرج وهي تستغيث برقية وعمها
وكلاهما لم يفعلا شيئا حتى اختفيا تماما
فهتفت رقية لتثير غضب زوجها :

_ههههه كنت دائما بقول ان احمد طالعك
في هدوءه وتحكمه في غضبه ...بس مها اجت
كسرت شخصيته الوهمية دي وورتنا انه
على العكس منك تماما

ابتسم ابراهيم ثم هتف وهو يضمها من

كتفيها :

_ومين قالك مش يمكن دلوقتي بقى

يشبهني اكثر

فضحكت رقية هاتفة :

_لا مظنش يا ابراهيم انت هادي عنه ده طلع

مجنون شبه مراته بالظبط

فنظر لها ابراهيم بمكر هاتفا :

_تحبي تشوفي انا زيه ولا لاء

فابتعدت رقية للجانب الاخر من الغرفة وهي

تهتف به :

_اعقل يا ابراهيم احنا كبيرنا على الكلام

ابراهيم :

_والله لو روحتي لآخر الدنيا هجيبك يعني

هجيبك

وعندما هم بالانقضاء عليها فلتت من
قبضة يده واندفعت لغرفتها بالاعلى فهمس
وهو يلحقها :

_يا معين ياارب

في الغرفة كانت مها تلکم بقبضها ظهر احمد
الذي من الواضح انه لم يتأثر قيد انملة من
لكماتها ثم انزلها وهو يقيد يديها جاذبا اياها
اليه هاتفا :

_بقى انت تنزليني اجري وراكي كدة عريان

...بقى ده الدكتور المحترم

مها بعد ان هدأت :

_ من يوم ما رجعت وانت بعيد كل وقتك
شغل وابحث ودراسات حتى ابنك بدأ
ينساک من قلة الوقت اللي بتقضيه معاه
...مش من حقي تقضي معانا يوم...يوم
واحد بس يا احمد

نظر لها احمد قليلا ثم هتف بمكر :

_ طيب خلاص مش هخرج...بس ياترى
هنعمل ايه ؟

مها ببراءة :

_ هتقضي اليوم معانا انا وادهم وماما رقية
وعمي

احمد ضاحكا :

_ لا يا حبيبتي طالما هقضي اليوم هنا يبقى
اقضيه على مزاجي بقى

فنظرت له بعدم فهم فغمز لها عابثا فهتفت

سريعا :

_احمد بلاش جنان...احمد الولد هيبكي

...اح....

وضاعت مها كما ضاعت رقية في مشاعر

غائبة منذ زمن وأن وقت انطلاقها

في نفس الصباح ولكن في مكان اخر طرق

ادهم الباب ثم فتحه وهتف :

_صباح الخير ياسلمى

سلمى بابتسامة :

_صباح الخير يا حبيبي

ادهم متعجبا :

_حبيبي !!

سلمى :

_اه طبعا حبيبي وحب عمري اللي جاي كله

ادهم :

_لا لا كدة مينفعش انا مش هقدر

استحمل

سلمى :

_بحبك يا دومي

ادهم :

_انت ناوية تجبيلي انهيار عصبي صح ؟

سلمى :

_بعد الشر عليك ان شاء الله اللي يكرهك

يا عمري انت

ادهم :

_ سلمى سبيني بعقلي الله يباركك لحد ما

نرجع مصر على خير .. بدل ما نرجع وانا

مجنون رسمي

سلمى ضاحكة :

_ خلاص خلاص ... طالما فيها جنان يبقى

نأجل الكلام شوية

ادهم :

_ الحمد لله ممكن بقى تجهزي عشان

الفحوصات الدورية

سلمى :

_ امتى بقى هخلص من الكابوس ده ؟

ادهم :

_ هانت خلاص يومين بس اصبري

سلمى :

_ انت اللي مصبرني ..ربنا يباركلي فيك
ياحبيبي

ادهم :

_ ماشي يا ستي يعني انا بقيت تصبيرة

سلمى :

_ واحلى تصبيرة في الدنيا كلها

ادهم :

_ يا مثبت العقل والدين ياارب ...يابنتي حرام
عليكي كفاية انا خلاص جبت اخري ..اقولك
قومي قدامي يالا على الفحوصات

سلمى ضاحكة :

_ اوامرك يا كبير

ادهم متعجبا :

_يا نهار ابيض كمان كبير... لا لا لا ده يبقى

اكيد الدكتور طارق بدل علاجك واداكي

امبارح علاج ثاني

سلمى :

_ليه بس ؟

ادهم :

_اول مرة تضحكي كدة من قلبك من شهور

سلمى :

_اقولك الصراحة

ادهم :

_ياريت

سلمى :

_اول مرة احس بكل المشاعر دي مجرد ما
كنت قربية من قلبك حسيته فتح عنيا على
حاجات كتير قوي معرفش ازاي كنت عامية
عنها كدة طول المدة اللي فانت

ادهم :

_اممم يعني قلبي الفتان هو اللي حالك
على اللي جواه...لا كدة انا لازم اعاقبه

سلمى :

_ولا تقدر تقرب منه ده في حمايتي

ادهم هاتفا بمكر :

_في الحالة دي تبقي تتعاقبي عنه

سلمى :

_طب ...

وابتلع ادهم باقي عبارتها بين شفتيه اللتان
التهما شفتيها بقوة في قبلة طويلة بث فيها
ادهم حبه وعشقه لها وكان يعرف انها
ستقاومه مثل كل مرة ولكنه فوجئ بها
تحيط عنقه بذراعيها وهي تقربه منها
وتبادله القبلة باقوى دليل قوة الحب الذي
يغمرها له وكرابط اقوى من أي تحدي

لم يشعرا بالوقت ولم يعرفا كم مر عليهما
ولا كم ممرضة دخلت عليهما واحرجت
وخرجت دون ادنى كلمة حتى شعر طارق
بتأخره وخاف ان يكون حدث شيء فاسرع
بالمجئ ودق الباب ودخل وشاهد ما يحدث
فالتفت فورا ناظرا للباب الذي دخل منه
وطرقه بقوة وعنف حتى استيقظ ادهم من
عالم احلامه وابتعد عنها وكذلك هي التي

خجلت كثيرا من وجود طارق معهما في تلك

اللحظة

طارق :

_ايه يا ادهم مش هنعمل الفحوصات ولا ايه

؟

ادهم بحرج :

_احم...اه...حالا يا طارق اديني10دقايق

وهتكون سلمى جاهزة باذن الله

طارق :

_10 دقايق يا ادهم مش اكر

فأوما ادهم براسه فخرج طارق ولكنه ارسل

لهما ممرضة حتى لا ينسيا نفسيهما ثانيتا

ادهم :

_عجبك كدة قلتلك هفقد اعصابي

مصدقتنيش

سلمى :

_اسفة

ادهم :

_لا يا حبيبتي انا بهزر معاكي ...ده غلطي انا

مش ذنبك

سلمى :

_طب يالا لحسن بقى شكلنا وحش قوي

وبالفعل خرجت سلمى معه وهي تستند

على ذراعه وتجاهلت تماما همسات

الممرضات ونظراتهم التي تحمل لها الكثير

من الغيرة على هذا الفارس المقيم بها بل

زادت من تعلقها به وكأنها تعلنها للجميع

هذا هو فارسي ومالك حياتي وقلبي غصب
عن الجميع

انهت سلمى الفحوصات وعادت لغرفتها
ليأتيها ادهم بعد عدة ساعات ووجهه تعلوه
تعايير لا تفسر فهتفت :

_مالك يا حبيبي في ايه ؟

ادهم وهو يتحاشى عينيها :

_نتيجة الفحوصات طلعت

سلمى :

_وبعدين متقولش ان فيه اكثر من الاسبوع

ارجوك

ادهم :

_سلمى اسمعيني لو سمحتي

سلمى :

_ لا يا ادهم مش هقدر انا تعبت كفاية بقى

بالله عليك

ادهم :

_ حبيبتي اهدي واسمعيني ...الفحوصات

بتقول ان ...ان ...

سلمى :

_ كام شهر يا ادهم لسة ارجوك المرة دي

قولي الحقيقة وحياتي عندك

ادهم :

_ طالما حلفتيني باغلى حاجة عندي فا انا

مضطر اقولك الحقيقة ...الفحوصات بتقول

ان

ترى ما نتيجة فحوصات سلمى ؟

وما المفاجأة التي يجهزها لها ادهم وهل

ستقبلها ام لا ؟

انتظروني في الحلقات القادمة باذن الله

الحلقة الخمسون

التمعت عيناه ببريق اثار الريبة في نفسها

وجعل القلق والخوف يزحف على طول

عمودها الفقري وهي تتنفس بعنف حتى

هتف اخيرا :

_ الفحوصات بتقول ان احنا الحمد لله

قضيينا على المرض اللعين ده نهائي ياسلمى

سلمى بعدم استيعاب :

_ انا مش ... انا مش فاهمة يعني ايه ؟

ادهم وهو يحتضنها :

_يعني خلاص ياعمري خلصنا...معدش

علاج ولا حقن ولا أي شيء...خلصنا

سلمى دامعة وهي تشبث به :

_ادهم !!..ادهم انت بتتكلم بجد هخرج من

هنا ..وارجع مصر لبنتي

ادهم بتوجس :

_من ناحية هنخرج من هنا فا احنا هنخرج

باذن الله بكرة الصبح اما رجوعنا مصر فا

مش دلوقتي خالص

سلمى :

_ليه بقى ...متقولش لسة علاج تاني

ادهم :

_ لا يا قلبي بس انا كنت وعدتك بعمرة قبل

ما نرجع بس احنا...هنحج الاول ياسلمى

عشان نشكر ربنا على فضله علينا

سلمى ببيكاء وهي تضم يديها لصدرها :

_ حج...هحج يا ادهم !!

ادهم وقد التمعت عيناه بالدموع :

_ ايوه حبيبتى هنجح وبعدين نرجع لازم

نشكر ربنا على كرمه انه شفاكي وحمائي

ليا ولبنتنا

سلمى :

_ ربنا يباركلي فيك ويحفظك ليا

ادهم :

_ ويحفظك ليا يا قمري ..يالا قومي جهزي

حاجتك عشان هنخرج من هنا الصبح بدري

على الفندق على طول وبعدين نبدأ مراسم
الحج يا حاجة سلمى

سلمى ضاحكة :

_ اوامرك يا حاج ادهم

مرت الايام سريعا ومرت مراسم الحج
وشعرت سلمى وكأنها تغسل ألم الفترة
الماضية أمام الكعبة الشريفة شعرت بصفاء
ونقاء يغزوها فيطهر روحها وقلبها من كل
كره او حقد حتى زوجها السابق ما عادت
تكن له سوى الشفقة على حاله وكذلك
ادهم فلقد تخلص هو الاخر من كل ضيق
كان داخل قلبه تجاه أي فرد من عائلته ..امه
..اخته ..اخيه ...كل الناس ...ورجعا معا وكأنهم

غسلوا ارواحهم واجسادهم من كل شيء

وعادوا كالملائكة على الارض

وعندما جلسوا على مقاعدهم في الطائرة

هتفت سلمى :

_ها مش هتقوم تجييلي عصير فيه منوم

زي المرة اللي فاتت

ادهم :

_لا خلاص بصراحة كنت خايف من رد فعلك

فقلت في المركز هعرف اتصرف عن المطار

سلمى :

_وضحكت عليا مش كدة

ادهم ضاحكا :

_طب بذمتك كنت كملت وعدي بعمرة ولا

الحج افضل ؟

سلمى وهي تتعلق بيده :

_ لا طبعا الحج افضل ربنا يباركلي فيك
يا قلبي

ادهم :

_ ويحفظك ليا يا حبيبتي ... اد ايه مشتاق
لهدى واخواتي وبابا وعمي و....

سلمى مقاطعة :

_ ووالدتك يا ادهم لازم تصالحها

ادهم :

_ عارف ياسلمى ان شاء الله اول ما اوصل
هروح اصالحها

وهبطت الطائرة في مطار القاهرة الدولي
وبحثوا هناك عن من ينتظرهم فلم يجدوا
سوى مدحت ونجلاء وفاطمة وعبد العزيز

وبالطبع هدى التي كانت اول من راهم
واندفعت لهم وهي تصرخ :

_بابا...ماما...انا اهو

فتلقفها ادهم وحضنها بقوة وهي تعلقت به
فترة ثم تركها لامها تحتضنها هي الاخرى في
حين توجه هو ليسلم عليهم جميعا برغم
حزنه لعدم وجود احد من اسرته لمقابلته
لكنه اسرها في نفسه حتى لا يعكر صفو
فرحة سلمى برجوعها بينهم من جديد ...

عبد العزيز وهو يحتضن سلمى :

_حمد الله على سلامتك يابنتي الحمد لله
اني عشت وشوفتك سليمة وبصحتك كدة
قدامي دا انا كنت قربت افقد الامل

مدحت :

_متقلقش يا عمي انت سلمت سلمى
لراجل اهله مسمينه رجل المهام الصعبة
ادهم بحزن :

_اهلى !!...هما فين اهلي دول يا مدحت ؟
صوت من جانبه :

_موجودين يا كبير حواليك اهم
فالتفت ادهم ليرى عائلته كلها فانتفض من
مكانه يركض نحوهم فيلقي بنفسه في
حضن والده ثم انحنى ليقبل يديه ورأسه
وعاد مرة اخرى لحضنه فتلقاه ابراهيم هاتفا
:

_حمد الله على سلامتک يا قلب وعقل
عيلة الرفاعي

ادهم :

_الله يسلمك يا بابا وحشتني قوي

احمد :

_هو بس ياكبير؟

فترك ادهم والده واندفع لاخته يحضنه بقوة

:

_انت اللي كبير يا احمد

احمد بصدق :

_انت احق باللقب ده بقلبك اللي شاملنا

كلنا يا ادهم

مها :

_اوعى بقى يا احمد فيه شخص هنا عاوز

يتعرف

ادهم :

_ ازيك يا مها حمد الله على سلامتک ولو

انها جاية متاخرة شوية

مها :

_ سماح يا سيدي بس مش هتسلم على

العضو الجديد في عيلة الرفاعي

ادهم وهو يحمل الطفل :

_ ما شاء الله ايه القمر ده ؟ بقى العسل ده

يبقى ابن الواد احمد ده ؟

مها :

_ اه شوفت له في ذلك حكم

فنظر لها احمد بغیظ فضحكت حتى دمعت

عينها وهنا هتف ادهم :

_ اسمك ايه يا قمر ؟

احمد :

_ ادهم

ادهم :

_ نعم

احمد وهو يربت على كتفه :

_ ابني اسمه ادهم

ادهم دامعا :

_ ادهم !!!...سميته على اسمي !!

واندفع لحضن اخيه الذي ضمه بقوة ودمع
هو الاخر وهنا تناولت مها طفلها وتركتهما
معا فكم كان ادهم يحتاج لذلك الحضن
ويشتاقه وكذلك احمد قاطعهم الصوت
الخافت الذي وصل لادهم واضحا :

_ ادهم...سامحني...انا..انا اسفة على غبائي
..وقلة عقلي

فتترك احمد ادهم وهنا همت ياسمين
بتقبيل يده فجذبها لحضنه وهو يعنفها :

_ انت مجنونة !!... انت بنتي يا ياسمين مش
اختي طول عمري حاسس انك مسؤلة مني
...بنتي مش اختي

يوسف :

_ يعني انت دلوقتي حمايا ..طيب حمد الله
على السلامة يا عمي

فضحك ادهم عاليا وهو يضمه هاتفا :

_ والله زمان يا جو ...وحشتني يا عم

يوسف بصدق :

_ و انت كمان والله انا حاسس ان الدنيا
بتاعتنا دي كانت ناقصة كتير من غيرك بس
الحمد لله رجعت نورت حياتنا تاني يا كبير

وقف ادهم ينظر لعائلته وهم يسلمون على سلمى ويرحبون بها بينهم وهو سعيد ولكنه شرد بفكره للحظة واحدة حتى تنبه لهمسه من خلفه :

_ادهم

التفت اليها ليراها امامه فقد الشعور للحظة ومر بخاطره الكثير من المواقف ولكن غلبه اشتياقه وحبها فلم يجد نفسه الا ساجدا على الارض تحت قدميها يقبلهم بدموعه التي تفجرت ولاول مرة في وجودها هي فلم تتحمل هي الاخرى فجلست على ركبتيها امامه جاذبة له لحضنها الذي انحرم منه شهورا طويلة اخذت منها الكثير .

ادهم :

_سامحيني يا ماما...ارجوكي سامحيني

رقية :

_ لا يابني انت اللي المفروض تسامحني ...انا
غلطت في حقك كتير وقسيت عليك كتير يا

ضي عيووني

ادهم :

_ ربي لا يحرمني منك يا امي

رقية :

_ ويحفظك ليا يانبض قلبي

ثم رفعت راسها من حضنه هاتفة :

_ سلمى تعالى يا حبيتي

رفع ادهم نظره وجد هدى تجذب سلمى من

يدها هاتفة :

_ تعالى يا ماما دي تيتة رقية كان نفسها

تشوفك

فنظر لوالدته التي مازالت في حضنه ورفع
يدها ليلثمها مرارا حتى وصلت سلمى
وساعدتها على الوقوف ثم لثمت هي
الاخري يدها هاتفة :

_ربنا يديمك تاج فوق روسنا يا ماما...انا
بس عاوزه اشكرك على هديتك ليا واللي
هي اغلى حاجة في حياتي

رقية بعدم فهم :

_هدية !!

سلمى وهي تمسك بيد ادهم لتقبلها امام
الجميع هاتفة :

_ده ابنك اعظم حاجة في حياتي

رقية وهي تحتضنها :

_ربنا يباركلك يا بنتي في حياتك معاه ويبعد
عنكم يارب كل شر

احمد مازحا :

_انا بقول نأجر جزء من المطار ما انا بصراحة
تعبت وانتم كدة شكلكم ناويين تباتوا هنا ولا
ايه يا يوسف

وغمز له بمكر فاندفع يوسف :

_لا نبات ايه يالا يا جماعة احنا وانا شغل
كتير ومحدث فاضي يالا بينا

ادهم :

_شغل ايه النهاردة خليك معانا يا يوسف
بلاش شغل عشان خاطري

يوسف :

_كان على عيني يابرنس بس انت معايا بردو
في الشغل ده

ادهم :

_انا !!وانا مالي لا ياعم انا راجع تعبنا وعاوز
ارتاح

يوسف :

_وبعدين بقى انت هتيجي معايا بالذوق ولا
اخذك بالعافية

سلمى بمرح :

_تاخذ مين بالعافية لا دا انا محامية يعني
اقدر احميه كويس قوي يا حضرت

ياسمين بملامح اجرامية :

_لا يا حلوة ما انت كمان جاية معايا وبردو لو
مش بالذوق هيبقى بالعافية

فاحتضن ادهم سلمى وهتف :

_ في ايه بالظبط اتم عاوزين تخطفونا ولا ايه

انا مش هسيب مراتي

سلمى وهي تتعلق به :

_ ولا انا هسيب جوزي

يوسف بنفاذ صبر :

_ احمد يالا بينا

فاندفع احمد ويوسف لادهم وجذباه بقوة
واركبه في السيارة واندفع بها يوسف في
حين جذبت ياسمين ومها سلمى ومعهم
نجلاء لسيارة مدحت التي اندفع بها هو الاخر
وهذا وسط ضحكات الكبار الذين ركبوا معا
في سيارة ابراهيم ومعهم هدى وادهم
الصغير واتجهت الثلاث سيارات الى الفندق

....

ادهم :

_ انا عاوز افهم انا رايح فين دلوقتي ؟

احمد :

_ اهدى بس احنا رايحين على فندق (...)

ادهم :

_ ليه يعني هنعمل ايه هناك ؟

احمد :

_ يا عم بطل عصبية بقى بصراحة كدة

النهاردة فرح الراجل الغلبان ده واحنا هنجهزه

وكدة

ادهم بفرحة :

_بجد !! الف الف مبروك يا يوسف ربنا يتمم

لك بخير

يوسف :

_الله يبارك فيك يا ادهم عقبالك

ادهم :

_قريب ان شاء الله ...بس انا معيش لبس

احمد :

_متقلقش عملنا حسابك

في السيارة الاخرى فوجئت سلمى بفرح
ياسمين ففرحت لها كثيرا وتمنت لها الخير
والتوفيق في حياتها المستقبلية وتجمعوا
جميعا هناك في الفندق الذي كانت فيه
الاستعدادات على اوجها استعدادا لحفل
زفاف رجل الاعمال يوسف الجندي على

سيدة الاعمال الاولى في مصر ياسمين
الرفاعي ابنة رجل الاعمال الاشهر ابراهيم
الرفاعي وهذا الحدث لا يفوت بما يتضمنه
الحفل من مفاجات عديدة

لن اطرح اسئلة بل هي دعوة لحضور حفل
الزفاف الغريب من نوعه بفقراته وما يليه

انتظروني غدا باذن الله

ان شاء الله لو التفاعل على الحلقة الاخيرة
هتنزل انهاردا يارب تعجبكم

الحلقة الواحدة والخمسون

في الجناح الخاص بالشباب ارتدى ثلاثتهم
الحلات السوداء الداكنة والاسكارف بناء على
رغبة يوسف ليظهروا الثلاثة بنفس المظهر
وهذا ما حدث فظهروا الثلاثة بوسامة
وجاذبية تخطف الانفاس وبالاخص ادهم

الذي ظهرت وسامته مجرد ان شذب لحيته
التي كان اطلقها طوال فترة مرض سلمى
ولم يحلقها الا مرات قليلة بعد الحاح واصرار
من طارق ..

هنا صاح احمد وهو يتطلع لهيئته في المرآه :

_والله شكلنا هنغطي عليك يا يوسف
النهاردة

يوسف ضاحكا :

_مش مهم المهم اني اخيرا هتجوز وهيتقفل
عليا انا وياسمنتي باب واحد

ادهم بجدية زائفة :

_احم احم ..خلي بالك ان اللي بتتكلم عليها
دي اختنا

احمد :

_ اوعى تزعلها في يوم والا هتكون نهايتك

على ايدي

يوسف :

_ ههههههه هو انتوا مفكرين ياسمين

محتاجة حد يدافع عنها...يا حبيبي انت وهو

اختكم دي حاجة كدة زي زينا وهرقل

فاكرينهم

فانطلقت ضحكات الثلاثة واحمد يهتف

غامزا :

_ هقولها عشان تخلي ليلتك النهاردة كحلي

يوسف مدعيا الخوف :

_ لا ابوس ايديك انا مش عايز اقضي الليلة في

القصر العيني

فضحك الثلاثة مرة اخرى على دخول ابراهيم

وعبد العزيز للغرفة فهتف ابراهيم :

_ربنا يسعدكم يا ولاد ويديم فرحتكم دي

:الجميع

_امين يارب

:عبد العزيز:

_ها جاهزين

:يوسف :

_جاهزين ياعمي المهم العروسة جهزت

:فربت ابراهيم على كتفه هاتفا :

_متقلقش امك والحاجة فاطمة عندها

:يوسف :

_طب يالا بينا

اسفل الدرج الكبير وقف يوسف ومعه
احمد وادهم في انتظارالعروس وهم
يضحكون حتى تعالت انغام الموسيقى
بالمكان واعلى الدرج نزلت نجلاء ومعهما
هدي التي كانت ترتدي فستان كفساتين
الزفاف ما جعل ادهم قلبه يخفق بشدة بين
اضلعه وعندما حاول ان يضمها لصدره
منعته نجلاء بحزم فاراد ان يفهم منها لم
منعته ولكن يد احمد على كتفه منعه حينما
همس: _انسى انك تعترض... احب اقولك
بثقة ان دي اللي اعادت تربيتي الشهور اللي
فاتت

فتعالت ضحكات الثلاثة حتى هتف يوسف :

_ادهم يالا دورك

فرقع ادهم نظره لاعلى الدرج وتفاجئ
بحوريته امامه نعم انها سلمى في فستان
زفافها الانيق الذي جعلها اشبه بالملائكة...
لحظة ان قلبه يهدر بعنف كمن على وشك
التوقف... تجمد ادهم في مكانه دون اي حركة
وهو يراها تتهادى اليه معلقة بيد والدها
والذي قبل جبينها ثم اتجه اليه وبارك له
واوصاه بها خيرا... ظل ادهم على وضعه
وعيناه عليها حتى ظن الجميع انه لن
يتحرك من مكانه ولكنه تحرك اخيرا ويدين
باردتين كالثلج مرتعشتين رفع الطرحة من
على وجهها لينظر لها مليا ثم قبل جبينها
وضمها لحضنه هامسا لها:

_ انا في حلم ولا علم؟

همست سلمى:

_ مش عارفة يا ادهم معقول النهاردة فرحنا؟

هنا انتفض الاثنان على هتاف احمد::

_مش يالا بقى عشان اللي عليه الدور بعدك

فرجع ادهم نظره لاعلى الدرج وتفاجئ بمها

هي الاخرى في فستان زفافها فتعال

ضحكاته بما اغضب احمد وكاد يخنقه ولكن

ادهم اسرع بسلمى في طريقهم لمقاعدهم....

تهادت مها في فستان زفافها وقلبها يكاد

يخلق خارج ضلوعها من فرحتها بفكرة احمد

المجنونة ان يشاركا ادهم وياسمين حفل

زفافهم كتعويض لها عما مرت به نزلت

الدرج وهي معلقة بيد عمها حتى وصل

لاحمد الذي رفع طرحتها وقبل جبينها وسار

معها لمكانهما وهنا تعالت في الاجواء

موسيقى اخرى على انغام اغنية طلي

بالابيض طلي يازهرة نيسان نزلت ياسمين

الدرج معلقة بيد والدها ويوسف ينتظرها

بالسفل ولكن حينما راها كاد يفقد عقله
ويخطفها لخارج القاعة حتى منعه ابراهيم
ضاحكا :

_القاعة من الناحية الثانية ...ربنا يكملك
بعقلك

فضحك يوسف بتوتر هامسا له :

_بنتك قضت على الجزء الباقي منه اعمل
ايه ؟

فتعالت ضحكات ابراهيم وهو يراها في
طريقهما للقاعة وعلى يمينه وجد رقية
وفاطمة دموعهما كشلال انهار سده فتعالت
ضحكاته هو وعبد العزيز بما اثار حنق
الاثنتين فابتعدا عنهما فورا

**

لم يطاوعه قلبه لبكائها فاتجه نحوها وهتف :

_مش ده حلمنا يا رقية من وهما صغيرين

واحنا بنحلم باليوم ده ؟

رقية :

_ايوة بس كدة البيت هيفضى علينا

ابراهيم هامسا وهو يغمز لها :

_قصدك هيفضى لنا ..نعيش حياتنا بقى

فضحكت رقية بينما همس عبد العزيز

للاخرى :

_وبعدين يا فاطمة العيال اتجوزوا وهنبقى

لوجدنا

فاطمة :

_اه والله عندك حق يا حاج

عبد العزيز :

_ طب ما تيجي نخط وحدتك على وحدتي
ونونس بعض

فاطمة :

_ انت بتقول ايه يا حاج ؟

نجلاء :

_ بيقول الصبح يا ماما فعلا انت محتاجة حد
معاكي وعمي بردوا بعد جواز سلمى

فاطمة :

_ يعني انت موافقة يا نجلاء ؟

نجلاء :

_ اكيد يا ماما الف مبروك يا حبيبتي
...مبروك يا عمي

عبد العزيز :

_ لا معدتش عمي يا نجلاء بقت بابا

نجلاء :

_ ربنا يديمك فوق روسنا يا بابا يارب

مدحت :

_ انا جبت المأذون

فاطمة :

_ دا انتو متفقين عليا بقى

مدحت :

_ هو انا اطول اجوز حماتي حبييتي وافرح بيها

عبد العزيز :

_ ولد .. انت بتعاكس مراتي قدامي

مدحت غامزا :

_اسف يا عمي بس هي لسة مبقتش مراتك
يعني اتكلم براحتي

ابراهيم :

_ياللا يا عبد العزيز خلينا نكتب الكتاب

مدحت :

_شكلي مش هلحق اتكلم

عبد العزيز :

_هكتب الكتاب وارجعلك يا مدحت

مدحت :

_الحقيني يا ماما انا لعبت في عداد عمري

باين

فتعالى ضحكات الجميع وفرح ادهم بذلك
الارتباط لانه كان دوما قلق عليها من وحدتها
وكذلك سلمى التي شعرت ان ابيها يعيش
حياته التي اوقفها من اجلها لسنوات عديدة

....

وبدأت فقرات الحفل بالرقصة الهادئة (السلو
(لكل عروسين وبالطبع شاركهم الرقص
مدحت ونجلاء وكذلك حازم وزوجته اماني
(والتي سنعرفها بعد قليل)

ادهم :

_انا حاسس اني بحلم حلم جميل مش عاوز
افوق منه

سلمى :

_وانا كمان مش مصدقة اخيرا يا حبيبي ربنا

انعم علينا بفرحتنا دي الحمد لله

ادهم :

_بقولك ايه ما تيجي نخلع من الفرح ده

سلمى :

_لا بالله عليك اعقل ...ده فرحة عمرنا سيينا

نكملها للاخر ..نفسى افرح بعد اللي شوفته

ادهم :

_افرحي ياعمري ..انا عمري ما هعمل حاجة

في حياتي غير اني افركك

سلمى :

_ادهم ...نفسى تغنيلي

ادهم وهو يقبل يدها :

_امنيات اميرتي اوامر واجبة التنفيذ

وتركها ادهم بين دهشة الجميع واتجه للذي
جي واخذ المايك وتحدث معهم قليلا ثم عاد
اليها لتبدا الاغنية ويغني لها ادهم وهو
يمسك بالمايك في يد والاخرى تحاوط
خصرها ليتمايل معها على انغام اغنيته التي
اخترها لها وهي

(تكة لناصيف زيتون)

<https://www.youtube.com/watch?v=7>

BmNDCCDuYTM

وهنا انفجر المسرح راقصا على صوت ادهم
الرقيق وانغامه التي يغنيها بقلبه لحبيبه
ونمرته الخاصة وتعالق ضحكات سلمى
على رقصاته لها حتى انتهت الاغنية وحملها
ليدور بها ثم ينزلها وسط تصفيق وتصفير
الجميع وفرحتهم وهنا اخذ احمد منه المايك

غامزا لمنسق الذي جي لتبدأ اغنية احمد
والتي غناها هو الاخر لحبيبتة ورقص الجميع
معهم عليها وهي

(مبروك علينا لرامي صبري)

<https://www.youtube.com/watch?v=X>

5rcprlaYh8

وتعالق فرحتهم للسماء وكأن كل منهم
يغنيها لزوجته ولكن بصوت احمد وهو
يراقص مها عليها وعندما انتهت حملها كما
فعل ادهم وتعالق الصافرات الفرحة من
الاهل والاصدقاء والاقارب الجميع كانت
تغمهم السعادة حتى انتهى سعد عدد من
عاملين الفندق اخلوا المسرح تماما وتم
تركيب المايك الصغير لياسمين وكذلك
ليوسف وبين اندهاش الجميع بدأت
الموسيقى لاغنية (ديلبار النسخة العربية

(ليتعالى التصفيق والتصفير لرقصات
يوسف وياسمين الاستعراضية التي اثارت
انبهار الجميع كما في الفيديو التالي
https://www.youtube.com/watch?v=_108FB3SLuk

وقف الجميع في انبهار وصدمة من
الاستعراض ولم يلاحظ احد ذلك الحانق في
الخلف والذي اراد ان يوسع يوسف ضربا
لسماحه لياسمين بالاشتراك في هذا
الاستعراض ولكن مروان ومدحت منعاه من
التهور وعندما عجزا عن تهدئته اتجه مدحت
لادهم سريعا هاتفا :

_ادهم الحق اخوك هيضلم الفرح

: فانتبه له ادهم :

_ليه ايه اللي حصل ؟

مدحت :

_معترض على رقص اختك وعاوز يقوم

يمنعها تكمله الحقه بسرعة

ولكن سرعة ادهم لم تكن كافية للتحرك

فبمجرد ان انتهى الاستعراض وصفق

الجميع وترك مروان احمد لثواني كان اسرع

اليهما موبخا ياسمين لرقصتها تلك ولكنها

لم ترد او تنطق بحرف بل تجمعت الدموع

بعينيها وهنا هتف يوسف :

_في ايه يا احمد ما انت غنيت ورقصت مع

مراتك كان حد اعترض ؟

احمد بضيق :

_بس مش بالطريقة دي

هنا تدخل ادهم :

_ خلاص حصل خير اهدى يا احمد واتفصل
لمراتك خلاص وانت يا يوسف خد ياسمين
وارجع لمكانك

فرجع كلاهما ولكن قلب ادهم لدموع
ياسمين لم يتركه يهنأ بفرحته فقفز من
مكانه مرة واحدة متجها ل احمد متحدثا اليه
قليلا ثم اتجه لمنسق الاغاني مرة اخرى واخذ
المايك وبدأ بالغناء في الوقت الذي اتجه
احمد لياسمين هاتفيا :

_ ممكن تسامحيني وتسمحيلي بالرقصة
دي ؟

نظرت له مليا دون حركة فوجد يد يوسف
تسرع ليدها ليطبق عليها ثم يضعها في يد
اخيها بابتسامة جعلتها توافق وتقوم معه في
حين نظر له احمد نظرة امتنان وقابلها

يوسف بابتسامة راضية وتعالى صوت ادهم
في الغناء باغنية (اختي حبيبتى)

<https://www.youtube.com/watch?v=x>

ZGBATIHmLU

رقص احمد معها وهو يضمها اليه حتى
انهارت باكية وهي تدفن راسها في صدره كما
ادمع هو الاخر لاعنا نفسه لتسرعه واغضابها
في مثل هذا اليوم هنا انضم اليهما من يغني
ليضمها من الناحية الاخرى ويرقصوا الثلاثة
معا بما اثلج قلب ابراهيم ورقية وانمشكت
ياسمين بينهما وهي تشعر انها الاوفر حظا
في هذا العالم بوجود هذين الجبلين في حياتها
هنا انضم اليهما يوسف وسلمى ومها ونجلاء
ومدحت وتغيرت الاغنية بناء على رغبة
يوسف الذي اشار لمنسق الاغاني ان يتحول
لاغنية اخرى حتى يتوقف دموع الثلاثة معا

وتوالت الاغنيات والرقصات وعادت الفرحة
من جديد لتعم جوانب عائلة الرفاعي
واستمر الحفل الصاخب حتى الساعات
الاولى من صباح اليوم التالي حتى انتهت
الحفلة هنا وقف ابراهيم في مواجهة الثلاث
كابلز

ابراهيم :

_على فين ؟

احمد :

_على البيت يابابا

ابراهيم :

_لا مفيش بيت فيه سفر

ادهم :

_ سفر !!بابا انا لسة جاي من السفر النهاردة
وعاوز ارتاح

ابراهيم :

_ اسمعوا انتم الستة ومش عاوز اعتراض
انتم هتطلعوا على فوق انا حاجز لكل واحد
فيكم جناح هو وعروسته وبكرة الصبح
الساعة 9 الصبح بالظبط هتكونوا في المطار
عشان هتسافروا لشرم الشيخ عشان تقضوا
معلش مش شهر اسبوعين عسل هدية
مني ليكم

احمد :

_ ربنا يباركلنا فيك ياابا

يوسف بحرج :

_ ده كتير ياعمي

ابراهيم :

_ عيب يا يوسف انتم كلکم اولادي يالا من
هنا کلکم ومتقلقش على ادهم يا احمد هو
في عنيا انا وامکم وانت يا سلمى هدى بردو
هتبقى عندنا شوية انت فاهمة

فضحكت سلمى بخجل هاتفة :

_ هدى حفيدتك يا عمي وانا مطمنة عليها
معاکم

ابراهيم :

_ بابا ياسلمى انت ومها وياسمين زي بعض
وانت ياسي يوسف اذا قلت عمي تاني انت

حر

يوسف :

_ امرك يا بابا

وودعهم ابراهيم ليذهب كل كابل لجناحه

الخاص

دخل احمد غرفته وهو يحمل مها بين يديه

ثم وضعها ارضا ضاما لها هاتفا :

_الحمد لله اني قدرت احقق لك امنيتك

واعملك فرح كبير

مها :

_انت لسة فاكر

احمد :

_عمري مانسيت كلمة من كلامك واحنا

صغيرين هنسى احلامك

مها :

_ربنا يباركلي فيك يا حبيبي

احمد :

_ويباركلي فيكي يا قلب حبيبك ...بقولك ايه

صحيح

مها :

_قول يا حبيبي

احمد :

_تعالى نتكلم جوة اصل الموضوع كبير

فضحكت مها بخجل واصاعت له وذهبا

سويا في عالمهما الخاص

هتف يوسف بعد طول صبر :

_ياسمين انت هتفضلي بالفستان كدة كتير

انا غيرت وخلصت وانت لسة زي ما انت

ياسمين بتوتر :

_ ما هو .. احم .. اصل .. يعني مش هينفع

يوسف بقلق :

_ نعم !! هو ايه اللي مش هينفع بالضبط ؟

ياسمين :

_ اصل بصراحة .. الفستان مش هعرف اغيره

لوحدي محتاجة مساعدة

يوسف بارتياح :

_ يا شيخة حرام عليكى انا قلبي وقف

ماشى انا هساعدك

فانتفضت ياسمين :

_ لا لا مينفعش يا يوسف اتكسف

يوسف :

_يابنتي انا جوزك عادي يعني ده حتة

فستان

ياسمين :

_لا ماليش دعوة اندهلي حد يساعدي

يوسف :

_حاضر يا ياسمين من عنيا

وقام يوسف ليخرج من باب غرفة النوم

ليحضر لها من يساعدها ولكنها فوجئت به

يغلق الباب بالمفتاح ويضعه في جيب بنطاله

ويعود اليها فاسرعت في اخر الغرفة

ياسمين :

_انت هتعمل ايه ؟ اعقل يا يوسف

يوسف :

_ انت خليتي فيا عقل ..بصي بقى ماهو يا
تيجي بالراحة كدة اساعدك في ام الفستان
ده ونصلي ونتعشى بهدوء يا اما همشيها
عنف ايه رايك ؟

ياسمين برعب :

_عنف !!انت هتضربني يا يوسف ؟

يوسف :

_واكسر راسك الناشفة دي ..انت عاوزاني
اخرج يوم فرحي في ليلة دخلتي ادور على
حد يساعدك في الفستان ده انا مبقاش
راجل

يا سمين :

_ليه بس ماهو

ولم تكذ تكمل عبارتها حتى هجم عليها
يوسف كالاسد الذي ينقض على غزالة
صغيرة ليحاصرها بين يديه وبدأ بتقبيلها
بهدوء على كل وجهها حتى استقر على
شفتيها في قبلة حميمية عاصفة طويلة
ضاعت فيها ياسمين وعندما افاقت من
ضياعها وجدت نفسها بين يديه وفستانها
يرقد بجانب قدميها ارضا فدفعته وانطلقت
للحمام واغلقتة عليها

يوسف ضاحكا :

_شوفتي زي شكة الدبوس ..ياللا خلصي يا
سمسة قلبي عشان نصلي ونتعشى سوا

ياسمين من خلف الباب المغلق :

_مش هخرج يا يوسف انت ملكش امان

يوسف :

_ياسمين انت عارفة جناني هكسر الباب
وهذخلك برو اطلعي مش هعمل حاجة غير
بس هناكل ونصلي عشان ربنا يبركلنا في
حياتنا مع بعض

ياسمين :

_طب افتح باب الاوضة واطلع برا

يوسف :

_بس كدة حاضر يا ستي انا هستناكي برا
وفعلا خرج يوسف واطمأنت ياسمين
فسارعت باخذ شاور يبدد ارهاقها وتوترها
وارتدت قميص ابيض قصير نسبيا ثم
ارتدت فوقه اسدال الصلاة وخرجت لتجده
جالسا اما الطعام في انتظارها فجلست معه
واكلوا معا في جو مرح اثاره يوسف ليزيل
توترها وبعدها قاموا لصلاتهم وبمجرد ان

انتهوا وضع يوسف يده على راسها ليردد
دعاء الزواج وبمجرد ان انتهى حتى اسرعت
ياسمين للغرفة واغلقته خلفها بالمفتاح
الذي تركه يوسف في الباب

يوسف :

_ افتحي يا ياسمين انا عاوز انام

ياسمين :

_ لا ياعم انت قليل الادب ومش مضمون

يوسف :

_ طب مش هعمل حاجة هنام بس

ياسمين :

_ نام عندك تصبح على خير

يوسف :

_ ماشي يا ياسمين انت اللي بدأتِ

وتركها يوسف واختفى اقتربت من الباب
لتحاول تسمع أي صوت تعرف من خلاله
اين ذهب ولكنها فوجئت بمن يحاوط
خصرها من الخلف ويحملها في الهواء

ياسمين بفرع :

_ مين .. انت مين ... الحقوني

فكمم فمها هاتفًا :

_ انا يوسف يا مجنونة اسكتي هتفضحننا

ياسمين :

_ انت دخلت ازاي

يوسف :

_ الاوضة يا حبيبتى بباين مش واحد زي ما

انت شايفة

ياسمين بخوف :

_ طب ابعء عني

يوسف وهو يخلع القميص البيتي الذي

يرتديه :

_ اللهم جنبنا الشيطان وجنب الشيطان ما

رزقتنا...استعنا على الشقا بالله

وركض ورائها في ارجاء الجناح حتى استطاع

اخيرا امساكها مغيبا لها في دوامته الوردية

فاصبحت زوجته قولا وفعلا ..

دخل ادهم الغرفة وهو يحمل سلمى بين

يديه ثم وضعها ارضا هاتفا :

_ حبيبي يلا عشان ناكل

سلمى بحرج :

_انا مش جعانة

ادهم :

_طب خلىنا نصلي سوا

سلمى :

_تصدق دي اكثر حاجة كان نفسي اعملها

من زمان ..اني اصلي وراك

ادهم :

_طب يالا غيري هنا وانا هغير برا ونصلي

سوا

فاومات براسها موافقة وغيرت وصلوا سويا

ووضع يده على راسها وردد دعاء الزواج ثم

جذبها من يدها مقبلا راسها ثم اتجه بها

ليتناولوا طعامهم معا حتى هتف ادهم :

_مش يالا يا سلمى

سلمى بخجل وتوتر بالغين :

_اد...ادهم...انا..انا خايفة قوي...اخر ذكرى

..ليا ليوم زي ده كان مؤلم جدا

ادهم وهو يحتضنها :

_حبيبتي مش عاوزك تفتكري أي حاجة

قديمة..انسي يا سلمى اعتبرينا ولاد النهاردة

..ملناش أي ذكريات غير مع بعض وبس

سلمى هامسة :

_ربنا يحفظك ليا يا حبيبي

ادهم :

_يالا حبيبتي ومتخافيش انا معاكي وعمري

ما هكون سبب في ألمك..اوعدك

فرضت له سلمى ودخلت معه حيث غرفة
نومهم فخلع ادهم قميصه البيتي الذي
يرتديه مرددا دعائه (اللهم جنبنا الشيطان
وجنب الشيطان ما رزقتنا) وعندما هم بها
وجدوا انكسرت برعب راه واضحا في عينيها
فتراجع عنها وضمها لحضنه وهو نائما
بجانبيها دون كلام فهمست بدموع وهي تريح
راسها على صدره :

_انا اسفة

ادهم وهو يقبل جبينها :

_حبيبتى الايام جاية كتير وان شاء الله ايامنا

الجاية احلى

: سلمى

_يعني انت مش زعلان

: ادهم

_ لا ياعمري انت اهم حاجة عندي

سلمى بفرحة :

_ اخر اختبار ليك ونجحت فيه بامتياز

ادهم متعجبا :

_ اختبار !!

سلمى :

_ اسفة بس كنت خايفة قوي تكون ...تكون

ادهم :

_ فهمت قصدك اكون همجي وحيوان

سلمى :

_ اه ..قصدي لا ..والله مش قصدي كدة

ادهم :

_ اسمعي يا سلمى انا عمري ما اغصب
واحدة على حاجة هي مش عاوزاها عارفة
ليه لاني ساعتها مش هبقى راجل ...الراجل
هو اللي يحتوي مراته ويراعي انها عندها
مشاعر واحاسيس زيه بالظبط وعشان كدة
وصانا بيكم رسولنا الكريم لما قال ((رفقا
بالقوارير)) فاهمة

سلمى :

_ فاهمة يا عمري ...طب خلاص اسفة

ادهم :

_ خلاص ياسلمى

سلمى :

_ طب انا اعتذرت لك مبيقاش دمك ثقيل

بقى

ادهم بغضب :

_دمي ثقيل !!

سلمى :

_انا ...

ادهم مقاطعا :

_انت بتشتميني يا بنت عبد العزيز ده انت

ليلتك مش معدية النهاردة

سلمى :

_انت قلبت ليه كدة انا كنت بهزر معاك

ادهم :

_تهزري دا انت لازم تتعاقبي

سلمى :

_يعني ايه ؟هتعمل ايه يا ادهم ؟

ادهم :

_هعمل كده

واخذ يدغدغها بقوة وهي تضحك بشدة
حتى انقطعت انفاسها فركضت بعيدا هاربة
منه وهو يركض خلفها حتى امسكها وحملها
بين ذراعيه وغيبها عن العالم في قبلة اودع
فيها مشاعره وحبه وبدأ معا حياتهما
الزوجية ...

وفي صباح اليوم التالي سافر الثلاث ازواج الى
شرم الشيخ لقضاء اسبوعين العسل والذي
بحق كان احلى من العسل فاستمتع احمد
مع مها اخيرا بعيدا عن مشاكل الماضي
الاليم وكذلك ياسمين ويوسف واما

العاشقان ادهم وسلمى فكانا كأنهما في عالم

اخر

بعد عدة شهور كان ادهم يجهز طاولة الطعام

لحين تحضر سلمى طعامهم ولكنه سمعها

تصرخ :

_ ااه الحقني يا ادهم

ادهم :

_ مالك ياسلمى ؟

سلمى بالم :

_ انا بولد يا ادهم الحقني .. بموت ااه

ادهم :

_ طب اهدي انا هتصل بنجلاء

ادهم :

_السلام عليكم..نجلاء سلمى بتولد..ايه
...حاضر..حاضر

سلمى :

_اتصل بماما رقية وماما فاطمة

ادهم :

_مش وقته دلوقتي المهم انت لازم اوديكي
المستشفى

وحملها ادهم حتى السيارة وانطلق بها
سريعا الى المستشفى حيث نجلاء

وهناك اصرا ادهم على ان يدخل معها غرفة
العمليات ولكن نجلاء رفضت لانه كان
مرتبك ومتوتر واشارت لاحمد الذي وقف

امامه ومنعه من الدخول معها وحاول

تهديته على قدر امكانه

ادهم :

_مش هتقدر يا احمد من غيري هي

بتستمد قوتها مني

احمد :

_يا بني اهدى وان شاء الله خير

هنا خرجت نجلاء :

_ادهم الولادة متعسرة وهي عاوزاك

ادهم :

_قلتلك من الاول لازم اكون معاها

ودخل ادهم الغرفة وجدها تصرخ بقوة

فشعر بالفزع من منظرها فاسرع اليها

ليحتضن كف يدها هاتفا :

_ سلمى اهدي حبيتي ...كله هيمر وان شاء

الله كله هيبقى تمام

سلمى بصوت متقطع :

_ ادهم ...وصيتك ..هدى ...انت ابوها ...ملهاش

غيرك بعدي

ادهم دامعا :

_ اسكتي انت بتقولي ايه ان شاء الله

هتقومي بالسلامة وهنري بناتنا سوا

سلمى :

_ ااه

وسكتت سلمى وانهار ادهم صارخا :

_ لا لا لا سلمى متسبنيش ...سلمى

انتظروني في اواخر الحلقات مع مفاجات غير

متوقعة لسلمى وهدى معا ...

ملحوظة صور فساتين الزفاف في جزء
لوحتها

الحلقة الثانية والخمسون والاخيرة

بعد مضي عدد كثير من الاعوام جلس ادهم
الى طاولة الطعام حتى وجد من انحنت
لتقبل راسه هامسة :

_ صباح الخير يا بابا يا حبيبي

ادهم باسم :

_ صباح الخير يا شقية انت كنت فين امبارح
طول النهار انت والواد خالد ابن حازم

هدى :

_ كنا بنشتري شوية حاجات عشان الشقة
انت عارف معدش حاجة على الفرح

ادهم :

_ ربنا يهنىكى يا حبىبتى لو عوزتى فلوس

قولىلى يا هدى

هدى :

_ تسلملى يا حبىبى معايا والله

سلمى الاتية اليهم :

_ يا سلام كل الدلع ده لهدى طب وانا يا سى

بابا

ادهم :

_ انت حبيبة بابا يا لوما

سلوى الاخت التوأم لسلمى :

_ وانا يا بابا

ادهم :

_ انت روح بابا يا سولى

هدى بمكر :

_ جرى ايه يا بابا الدلع ده كله لينا والحاجة
اللي وراك دي ايه ؟

فالتفت ادهم هاتفا :

_ دي بقى عمري كله اللي جاي واللي راح

سلمى :

_ ادهم .. البنات عيب

ادهم بجدية زائفة :

_ بنات يالا كله على برا

هدى :

_ يالا يا بنات من هنا خلو بابا يهدى كدة

ويروق

سلمى :

_ بنت ..عيب

هدى :

_ ايه يا حبيبة قلبي عادي يعني الحاج عاوز
يقعد شوية مع المزة بتاعته عادي ولا عاوزاه
يبص برا

تعالتي ضحكات ادهم هاتفا :

_ قوليلها يا هدى

سلمى بغضب :

_ والله بقى ساعدتك عاوز تبص برا ؟

سلوى :

_ بس يابت يا هدى ما يقدرش يا ماما دا انت

الحتة اللي في الشمال

سلمى :

_والله عال البنات بقوا معلمين يا دكتور

ادهم ضاحكا :

_دكتور ايه بقى ..لما بناتي يبقوا معلمين

ابقى انا اكيد رئيس عصابة طبعا

سلمى (الصغيرة):

_عيب يا جماعة كدة وبعدين سيبوا الحاج

شوية حرام انتم مزنقين عليه ليل نهار

يابنات

سلمى بغضب :

_كدة انت كمان يا سلمى طب والله لاعيد

تربيتكم تاني يا جزم

وهمت ان تقوم فصرخ الثلاثة وهن يتجهن

للاختباء خلف ادهم وهتفت سلمى

(الصغيرة):

_الحقنا يابابا

: سلوى

_دا احنا بناتك بردو

: هدى

_اتصرف يا حاج هناخد علقه هنتبعتر فيها

يا حاج عيب

فاسرع ادهم لسلمى التي قامت فعلا لبناتها

وامسكها من خصرها حاكما ذراعيه حولها

: هاتفا

_اخرجوا يا بنات بسرعة قبل ما اسيبها

: سلمى

_سيبني يا ادهم البنات دول محتاجين اعادة

تربية

: هدى

_يا ماما بنهزر والله

سلمى :

_بتهزروا ..طب وانا بهزر معاكم كمان بس

بطريقتي ...بقولك سييني يا ادهم

سلوى :

_طب خلاص حقك علينا بقى

سلمى (الصغيرة):

_قلبك ابيض بقى يا ماما

ادهم :

_خلاص بقى يا سلمى حقك عليا

سلمى بعند :

_لا يمكن بقولك سييني عليهم

ادهم :

_ بقول ايه انتم تخرجوا احسن يالا لحسن

خلاص هسيبها

فخرج الثلاث فتيات ضاحكات الكبرى متجه

لعملها والاخریات لجامعتهما والتفت ادهم

لسلمى هاتفا بعث :

_ ما تيجي على الاوضة عاوزك في موضوع

سلمى :

_ عيب يا ادهم مش كفاية دلحك في البنات

ادهم بحنق :

_ هو ايه اللي عيب ؟

سلمى :

_ احنا كبرنا على الكلام ده يا دكتور

ادهم بغیظ :

_اه كبرنا لا عندك حق تصدقي

ثم انحنى لاسفل حاملها على كتفه في حركة
خاطفة وهو يهتف :

_انا هوريكي يابنت عبد العزيز مين ده اللي
كبر...ياقوي

ثم اتجه بها لغرفتهما متجاهلا تماما هتافها
من خلفه ان ينزلها فورا وفي غرفتهما
استطاع ان يخبرها بحق بمدى كبرهما فعلا

في مكان اخر وعلى طاولة الافطار ايضا هتف
ادهم :

_بابا لو سمحت انا عاوز اخطب سلمى بنت
عمو ادهم

احمد بسعادة :

_يا سلام ده يوم المنى يا ادهم خلاص
النهاردة هكلمهولك

ادهم :

_بجد يا بابا

مها :

_بجد يا حبيبي سلمى متريية ومؤدبة
وكفاية انها بنت ادهم وسلمى

احمد ضاحكا :

_حلوة دي

مها :

_مالك في ايه ؟

احمد :

_الواد ابنك هيعيد قصة حب ادهم وسلمى

سها :

_انا عاوزه اعرفها يا بابا

مها :

_عيب يا سها لما تكبري

سها :

_يا ماما انا في اولى جامعة يعني مش

صغيرة

احمد :

_هي فعلا مش صغيرة يا مها ..سها بقت

عروسة وبيجيلها العرسان

مها :

_عرسان ايه ؟

احمد :

_ يوسف كلمني امبارح عاوزها لعبد الرحمن

ابنه

مها :

_ وانت رايك ايه ؟

احمد :

_ انا عن نفسي موافق جدا ...الولد محترم

وراجل زي ابوه بالظبط بس المهم راي سها

سها بخجل :

_ اللي تشوفه يا بابا

احمد :

_ خلاص على بركة الله ...انا هكلم ادهم ولو

وافق هنعمل الخطوبتين سوا

مها ضاحكة :

_قصداك الالالال سوا

: اءمء

_ليه مين الالال ؟

: مها :

_انل ناسي ان اسر ابن مءءل ونلاء طلب
ايل سلوى بنل اءهم ءوام سلمى

: اءمء

_بابا وماما هيلفرءوا ءءا لما يرءءوا من
الء ويلءرفوا الاءبار الءلوة ءي

: مها :

_ربنا يرءءهم بالسلامة ياارب

بعد عدة اسابيع عاد ابراهيم ورقية وفاطمة
وعبد العزيز من الاراضي المقدسة وتمت
حفلة الخطوبة الثلاثية (ادهم احمد + سلمى
ادهم) (عبد الرحمن يوسف + سها احمد)
(اسر مدحت + سلوى ادهم) وفيها اجتمع
الاخوة والاصدقاء لتذكر ذكرياتهم الجميلة
فهتف احمد :

_مش بيفكرك اليوم ده بحاجة يا ادهم ؟

ادهم :

_وهو ده يوم يتنسى

يوسف :

_اه والله اجمل يوم في حياتنا كلنا

مدحت :

_ربنا يحلي ايام ولادنا يارب ويهنيهم

حازم :

_ بقول ايه الواد خالد عاوز يتجوز بقى يا
سي ادهم ما تحن عليه يا جدع

ادهم ضاحكا :

_ ماشي ياعم وماله دا انا بحلم باليوم اللي
هفرح بيه بهدى بنتي الكبيرة

حازم :

_ الايام جرت بسرعة قوي يا جماعة الولاد
كبرونا ولاد الايه انا فاكر هدى دي وهو
بتخبطني في رجلي عشان تدافع عنك يا
ادهم فاكر

ادهم ضاحكا :

_ اه قصدك يوم ما سلمى ...

حازم مقاطعا :

_ خلاص ياعم انت هتسيح ولا ايه

سلمى :

_ اه طبعا عشان تعرف بس ان بنات ادهم

الرفاعي مش أي بنات

حازم :

_ ليه يعني هما طالعين ليكي ولا لادهم ؟

سلمى :

_ لينا احنا الاتنين بس خلي بالك لما بيقلبوا

ادهم :

_ ياساتر يارب عارف النمور يا حازم تبقى

قطط وديعة جنبهم

حازم :

_ سلام قولاً من رب رحيم يا خالد...تعالى يا
خالد انا هشوفلك عروسة تانية انا مش
مستغني عنك يا بني

هدى بثقة :

_ ميقدرش ياعمي اللي يقع في حب بنات
الرفاعي ميقدرش يبعد تاني ولا ايه ياخالد

خالد :

_ حصل يا حبيبتى وعلى يدي

فتعالت ضحكات الجميع ...

بعد عدة اشهر خاطفة دخلت سلمى لمنزلها

مرهقة هي وادهم فجلست لاقرب مقعد

هاتفه :

_ اخيرا يا ادهم البنات اتجوزوا

ادهم :

_ الحمد لله يا حبيبتي ادينا رسالتنا واطمنا

على بناتنا

سلمى :

_ نفسي اطمن على هدى خايفة عليها قوي

ادهم :

_ ليه بس ما هي الحمد لله كويسة مع خالد

سلمى :

_ حملها تعبها قوي

ادهم :

_ يا ستي ان شاء الله خير وبعدين ما خالد

معاها ومنتسبش انه دكتور بردو

سلمى :

_ لا بس بحسه كدة ضعيف مش مسيطر

كدة زيك

ادهم ضاحكا :

_ ههههه حلوة مسيطر دي

سلمى :

_ انا بتكلم بجد انا فاكرة اد ايه كنت بتتالم
على المي واحنا في السعودية ومع ذلككنت
بتظهر قدامي انك مسيطر بقوة على كل
شيء حتى ضعفي وانهياري

ادهم :

_ انا كنت بموت في اللحظة الواحدة ميت مرة
وانا شايف انهيارك وضعفك ده

سلمى :

_ الحمد لله ان ربنا رزقني بيك يا حبيبي

ادهم مقبلا يدها :

_ربنا يحفظك ليا يا حبيبتي انا وهدى
والتوأم سلمى وسلوى ..كلنا من غيرك ولا
حاجة ياعمري

سلمى بخجل :

_بحبك و...

قاطعها رنين هاتف ادهم فنظر له ثم هتف
ضاحكا :

_شوفتي جينا في سيرة القط جه ينط

ادهم :

_السلام عليكم ايه يا خالد لحقت اوحشك

خالد :

_عمي هدى تعبانة قوي وانا مش عارف
اتصرف

ادهم :

_ايه ؟مالها هدى طب خدها على
المستشفى وانا هحصلكم على هناك

خالد :

_احنا في المستشفى بس الولادة متعسرة
وهي منهارة وعاوزاك

ادهم :

_اهدى يا خالد احنا في الطريق مسافة
السكة

سلمى :

_في ايه هدى مالها ؟

ادهم :

_ياللا ياسلمى باين هتبقي تيتة الليلة

سلمى :

هدى بتولد !!

ادهم :

_ايوة يالا بينا

وانطلق ادهم وسلمى الى المستشفى
وهناك وجدوا خالد يقف يبكي خارج غرفة
العمليات فتهتفت سلمى :

_بنتي فين؟ هدى فين يا خالد

خالد :

_في العمليات يا طنط

سلمى بغضب :

_وانت مش معاها ليه انت مش دكتور

خالد بانهييار :

_ مش قادر اشوفها بتتعذب كدة مش قادر

ادهم وهو يجذبه بقوة :

_ استرجل يا خالد واجمد هي دلوقتي

محتاجاك قوي تقدر تعتمد عليك عشان

متنهرش هي كمان...اتفضل قدامي

خالد :

_ على فين ياعمي ؟

ادهم :

_ على العمليات يا دكتور

خالد :

_ لا لا مش هقدر هفقد اعصابي

سلمى بياس :

_ سيبه يا ادهم وادخلها انت ابوس ايدك هي

بتحبك وهتستمد منك قوتها

نظر ادهم لخالد باشمئزاز ثم تركه واندفع

لغرفة العمليات وفي الداخل هتف :

_ ايه الوضع يا نجلاء ؟

نجلاء :

_ الولادة متعسرة لازم تولد قيصري

ادهم :

_ بس هدى بتتعب من البنج

نجلاء :

_ هديها بنج نصفي

ادهم :

_ بس ده مؤلم مش هتتحمل

نجلء :

_ ده بقى دورك مش هتسمع الا ليك انت

اتجه ادهم نحو هدى التي كانت مسطحة
على سرير العمليات تئن من الالم بعد ان
فقدت صوتها من كثرة صراخها فهتف ادهم :

_ هدى حبيبتى اجمدي هانت كلها شوية

وهتبقى ماما

هدى بالم :

_ مش قادرة يا بابا انا بموت ااااه

ادهم :

_ استحملي شوية عشان خاطري بصي

ياهدى شكل الولادة كدة محتاجة جراحة

ولازم بنج

هدى :

_هتألم مش كدة

ادهم :

_حببتي انا معاكي مش هسيبك بس

ساعديني

ولحقت بهم نجلاء واكرم واثنين من

الممرضات ليساعدوها لتجلس فهذا الوضع

يحتاج لبنجنصفي (أي حقنة المخدر تؤخذ

في الظهر)

هدى :

_بابا هما هيعملوا فيا ايه

ادهم :

_هدى خليكي معايا بوصيلي يا هدى كلها

شوية صغيرة وان شاء الله البيبي هيجي

للدنيا استحملي

كشفت احدى الممرضات ظهرها وتم
تعقيمه ففوجئ بها الجميع تصرخ :

_استنوا بابا خدني في حضنك يا بابا عشان لو
مت اموت زي ما عشت طول عمري في
حضنك

ضمها ادهم والدموع تلمع في مقلتيه هاتفا :
_لا يا هدى ..ان شاء الله كل شيء هيعدي
على خير استحملي يا عمري هانت

وتم حقنها بالمخدر لتطلق صرخات متتالية
من الالم وهي تتعلق به اكثر وتدفن وجهها
فيصدره لتعمق تلك الصرخات داخل قلبه
وما ان انتهى اكرم حتى اعادوها لوضعها
وظل ادهم بجانبها يتحدث اليها حتى انتهت
نجلاء من الجراحة واخرجت طفل جميل
للدنيا وسرعان ما غابت هدى عن الوعي

فجن جنون ادهم داخل غرفة العمليات لقد
نذفت كثيرا وحاولوا اسعافها بشتى الطرق
ولكنهم لم يستطيعوا ففقدوا الامل ولكنه
لم يفقده.. انها ابنته... اول فرحته حاول معها
كثير بل لقد عمد الى نقل دماء لها من دمائه
هو.. ظل يحاول ويحاول ومعه نجلاء حتى
عادت للحياة مجرد ان سار دمه في عروقها
فتنهذ بارتياح وهو يقبلها على راسها هاتفيا :
_ مش هتروحي مني .. انت بنتي انا وحته
مني انا ومش هسيبك تضيعي مني

ونقلت هدى لغرفة عادية مع وليدها وخرج
ادهم من غرفة العمليات وهو متعب يكاد
يسقط ارضا من شدة ارهاقه فجلس لاقرب
مقعد واندفعت اليه سلمى تبكي بحرقة
وهي تحتضن وجهه بين يديها لتقبل راسه ثم
ضمته لحضنها هاتفيا :

_كنت عارفة ان بنتي بخير طول ما انت

معاها يا ابو هدى

ادهم بدهشة :

_ابو هدى !!اول مرة يا سلمى تقوليلي كدة

سلمى :

_في الاول كنت ابوها اللي مربيتها لكن

دلوقتي هدى حته منك يا ادهم ودمك

بيجري فيعرووقها

ادهم :

_طب سيبك من كل ده ويالا عشان نطمن

عليها يا تيتة

سلمى ضاحكة من بين دموعها :

_حاضر يا جدو

ودخلوا غرفة هدى التي كانت مازالت نائمة
وبجانبها خالد وحازم واماني زوجته
وبجانبالسرير كان يقبع الصغير في سريرته
الخاص به

سلمى :

_هي لسة ما فاقتش

خالد :

_لا لسة انا متشكر قوي لحضرتك يا عمو
على اللي عملته مع هدى

فنظر له ادهم بغضب ولم يرد فتدارك حازم
الموقف هاتفا :

_ايه يا خالد عيب كدة انت بتشكر ادهم انه
انقذ بنته ..انت عبيط يابني

اماني بعجرفة :

_ليه يا حازم عادي يعني ماهو مش باباها

الحقيقي يعني

سلمى بحدّة :

_لا باباها يا اماني وهدى ملهاش اب غير

ادهم

حازم :

_يا جماعة صلوا على النبي احنا جايين

نظمن على البننت ونشوف العسل ده اللي

خلانا جدود ولا ايه يا ادهم

ادهم :

_عندك حق يا حازم فعلا بقينا جدود وكبرنا

اماني :

_لا معلش يا دكتور ادهم المولود يبقى

حفيد حازم من صلبه لكن اسفة يعني ...

هدى مقاطعة بتعب :

_وحفيد بابا ادهم يا طنط

فالتفت الجميع لها واتجه اهم لها ليقبل

جبهتها هاتفا :

_حمد الله على سلامتک يا هدهد والله

وعشت وشوفت اليوم اللي بقيتي فيه ام يا

شقية

هدى بضحك :

_وانت جد يا سي بابا

سلمى وهي تقبلها :

_حمد الله على سلامتک يا عمري

هدى :

_الله يسلمک يا ماما

حازم :

_ حمد الله على السلامة يا هدى

هدى :

_ الله يسلمك يا عمي

اماني :

_ قولي يا خالد هتسمي المولود ايه انا بقول

نسميه ...

هدى مقاطعة :

_ ادهم

فنزرت لها اماني بغضب وسط دهشة
الجميع حتى خالد الذي لم يعلم بذلك من
قبل فهتفتاماني بغیظ :

_ ياسلام واشمعنى ادهم يعني وليه

ميكونش حازم

هدى :

_معلش يا طنط واعذرنى يا خالد بس انا
كنتحالفه بينى وبين نفسى اول مولود ليا
ولد هيكون ادهم على اسم بابا

اماني :

_مش للدرجة دي يعنى ياهدى ما هو خالد
بردو ابوه ومن حقه يسميه

سلمى :

_وماله اسم ادهم يعنى يا اماني وحش ولا
مش عجبك

خالد :

_ايه يا جماعة اهدوا شوية خلاص حصل
خير احنا نشوف اسم تاني

هدى بحزم :

_ انا ابني ادهم ومش هيتغير يا خالد

حازم :

_ خلاص يا حبيبتني خلاص يا خالد اسم ادهم

حلو بردو

ادهم :

_ مفيش داعي لكدة يا هدى سميه اسم تاني

يابنتني

هدى بدموع :

_ لا والله ابني ما هيكون غير ادهم يمكن

ربنا يكرمه وياخد جزء من اخلاقك يا بابا..انا

عشت عمري كله بتعلم منك ونفسي ابني

يبقى زيك في اخلاقك النادرة دي

ادهم وهو يحتضنها بقوة :

_ ربنا يباركلك فيه يابنتي ويسعده ويجعله
ذرية سالحة ليكي ولابوه

وحمله ادهم بين يديه دامع العينين هامسا :

_ تعالى يا سي ادهم انت بقى اللي كبرتني
وخلتني جدو اوام كدة... ماشي ياعم وانا
بقى مش هسيبك ابدا ماشي ياهدي

هدى وهي تمسح دموعها :

_ وانا وابني ملكك يابابا

فخرجت امانى من الغرفة غاضبة متوعدة في
حين اطلق حازم عدد من المشاحنات المرحة
مع ادهم ليفك جو التوتر السائد في الغرفة في
حين كان خالد ذات الشخصية السلبية
صامتا كالعادة

ولذلك فلقد تربى ادهم تحت يد ادهم
الرفاعي وتعلم منه وجاء ادهم اخر في عالم

جديدواشخاص جديدة وزمان جديد باحداث
جديدة ولكنه نفس الشخصية المسؤلة ذات
الاخلاقالنادرة بكل المقاييس وليكن شخص
نادر الوجود كجده ادهم ابراهيم الرفاعي
والذي كانبحق قلب وعقل عائلة الرفاعي
(قلب الرفاعي)

انتظروني في الجزء الثاني قريبا باذن الله